

11/23/23
90889

ՎԱՀԱՆ ԲԱՅԲՈՒՐԴԵԱՆ

ՀԱՄԱՇԽԱՐՀԱՅԻՆ ԱՌԵԻՏՈՒՐԸ

ԵՒ

ԻՐԱՆԱՀԱՅՈՒԹԻՒՆԸ 17 - ՐԴ ԴԱՐՈՒՄ

ԾՄԵԼԵՄ

ՎԱՀԱՆ ԲԱՅԲՈՒՐԴԵԱՆ

ՀԱՄԱՇԽԱՐՀԱՅԻՆ ԱՌԵԻՏՈՒՐԸ
ԵՒ

ԻՐԱՆԱՀԱՅՈՒԹԻՒՆԸ 17 - ՐԴ ԴԱՐՈՒՄ

A II
86405



* نام کتاب: نقش ارامنه ایرانی در تجارت بین الملل (تا پایان سده ۱۷ میلادی)

* مؤلف: پروفیسور واهان بایبوردیان

* ناشر: مؤلف

* گرافیسٹ: چاپ جدید

* لیتوگرافی: لیتوگرافی جدید

* چاپ: چاپ جدید

* تیراژ: ۵۰۰۰ جلد

* کلبه حقوق برای مؤلف محفوظ است.

قیمت فروش ۷۵۰۰ ریال

ԲՈՎԱՆԴԱԿՈՒԹԻՒՆ

ԳԼՈՒԽ ԱՌԱՋԻՆ

ՈՒՇ ՄԻՋՆԱԴԱՐԵԱՆ ՀԱՅ ՎԱՃԱՌԱԿԱՆՈՒԹԵԱՆ ԴԵՐԻ
ՄԵԾԱՑՈՒՄԸ ՄԻՋԱԶԳԱՅԻՆ ԱՌԵՒՏՐՈՒՄ.....5

ԳԼՈՒԽ ԵՐԿՐՈՐԴ

ՀԱՅԵՐԸ ԵՒ ԼԵՒԱՆՏԵԱՆ ԱՌԵՒՏՈՒՐԸ 17-ՐԴ ԴԱՐՈՒՄ.....62

ԳԼՈՒԽ ԵՐՐՈՐԴ

ՄԻՋԵՐԿՐԱԾՈՎԵԱՆ ԱՌԵՒՏՐԱԿԱՆ ՃԱՆԱՊԱՐՀԸ ԵՒ ՀԱՅ
ՎԱՃԱՌԱԿԱՆՆԵՐԻ ԱՌԵՒՏՈՒՐԸ ԱՐԵՒՄՏԵԱՆ ԵՐՐՈՊԱՑԻ
ԵՐԿՐՆԵՐԻ ՀԵՏ.....96

ԳԼՈՒԽ ՉՈՐՐՈՐԴ

ԻՐԱՆԱՀԱՅ ԽՈՋԱՆԵՐԻ ԱՌԵՒՏՈՒՐԸ ՌՈՒՍԱՍՏԱՆԻ ԵՒ
ԱՐԵՒԵԼԵԱՆ ԵՐՐՈՊԱՑԻ ԵՐԿՐՆԵՐԻ ՀԵՏ XVІІ ԴԱՐՈՒՄ.....139

ԳԼՈՒԽ ՀԻՆԳԵՐՈՐԴ

ՀԱՅԵՐԻ ԱՌԵՒՏՈՒՐԸ ՀՆԴԿԱՍՏԱՆԻ, ՀԵՌԱՒՈՐ ԱՐԵՒԵԼԸ
ԵՒ ՀԱՐԱԻ-ԱՐԵՒԵԼԵԱՆ ԱՍԻԱՑԻ ԵՐԿՐՆԵՐԻ ՀԵՏ.....194

ԳՐԱԿԱՆՈՒԹԻՒՆ.....233

ԳԼՈՒԽ ԱՌԱՋԻՆ

ՈՒՇ ՄԻՋՆԱԴԱՐԵԱՆ ՀԱՅ ՎԱՃԱՌԱԿԱՆՈՒԹԵԱՆ ԴԵՐԻ
ՄԵԾԱՑՈՒՄԸ ՄԻՋԱԶԳԱՅԻՆ ԱՌԵԻՏՐՈՒՄ

Մարդկութեան պատմութեան ամենավաղ ժամանակներից սկսած Հայաստանի տարածքի վրայով իրագործուում էր աշխոյժ առեւտրափոխանակութիւն Արեւելքի եւ Արեւմուտքի միջեւ: Հայկական բարձրավանդակը խաղում էր Արեւմուտքի համեմատաբար ցածր զարգացած շրջանները հին արեւելեան քաղաքակրթութեան կենտրոնների հետ կապող օղակի դեր: Միջցեղային փոխանակութեանն ու առեւտրին զարկ տւող գործօններից մէկն էր հանդիսանում Հայաստանի աշխարհագրական վերին աստիճանի յարմար դիրքը, ինչպէս նաեւ այն, որ նա շրջապատւած էր մշակութային-տնտեսական բարձր մակարդակ ունեցող երկրներով:

Արդէն երկրորդ հազարամեակի սկզբին Հայաստանը եւ յատկապէս նրա հարաւային եւ հարաւ-արեւմտեան մասը ընդգրկւած էր միջազգային առեւտրի մէջ:

Իրանական Աքեմենեանների դարաշրջանում «Արքայական ճանապարհի» միջոցով արմէնները մերձակայ եւ սերտ շփումների մէջ էին գտնուում իրանական բարձր մշակոյթ ունեցող աշխարհի եւ Փոքր Ասիայի ու Միջագետքի խոշոր առեւտրական կենտրոնների հետ: [1]

Մեծ Հայքը անկախ պետութիւն հռչակելուց յետոյ Արտաշատ մայրաքաղաքը շուտով դառնում է Արեւելքի եւ Արեւմուտքի միջեւ համաշխարհային առեւտրական կապերի կարեւոր յենակէտերից մէկը: Իր հիմնադրումից մօտ մէկ դար յետոյ, Լուկուլիոսի Հայաստան կատարած արշաւանքի ժամանակ (մ.թ.ա. 69-68 թ.թ.) Արտաշատն արդէն ունէր խոշոր եւ հարուստ քաղաքի համբաւ: Իզուր չէ, որ Պլուտարքոսը այն անւանում է «Հայաստանի կարթագէն»:

Տիգրան երկրորդի կառավարման տարիներին (մ.թ.ա. 95-50 թ.թ.) Մեծ Հայքը վերածւեց հելլենիստական աշխարհի առաւել հզօր պետութեան: Նրա հսկողութեան տակ անցան համաշխարհային

առեւտրի գլխաւոր ցամաքային ճանապարհները: Արեւելքի եւ Արեւմուտքի միջեւ առեւտրափոխանակութեան մէջ Հայաստանը սկսեց խաղալ առաջատար դեր:

ՅՅ թւականին Տրդատ առաջինը Հռոմում հանդիսաւոր պայմաններում թագադրոււմ է որպէս հայոց արքայ: Դրանով Հայաստանում հիմք է դրոււմ Արշակունիների հարստութեանը: Մօտ կէս դար խաղաղութիւնը երկու հզօր ախոյեանների՝ Հռոմի եւ Պարթեւստանի միջեւ համարեա չէր խախտոււմ, որը խիստ բարերար ազդեցութիւն էր ունենալու համաշխարհային առեւտրի համար: Տրդատ առաջինի նախաձեռնութեամբ վերսկսոււմ է Հռոմեական արշաւանքների ժամանակ կործանուած Արտաշատի վերակառուցումը: Դա քաղաքական եւ առեւտրատնտեսական մեծ նշանակութիւն ունեցող մի գործ էր, որովհետեւ Հեռաւոր Արեւելքից եկող առեւտրական կարուանները շարունակոււմ էին կանգ առնել Արտաշատում եւ այնտեղից իրենց ճանապարհը ընթանում էր դէպի Սեւ Մոլի ափերը կամ Միջագետքի վրայով Միջերկրականի նաւահանգիստները:

Արեւելքի եւ Արեւմուտքի միջեւ միջազգային առեւտրում Հայաստանը իր Արտաշատ մայրաքաղաքով կրկին դառնում էր տարանցիկ առեւտրի խոշորագոյն կենտրոն, քանի որ Միջին Ասիայից եւ Մերձկասպեան ծովափից եկող մայրուղին բացի Հայաստանից չուներ այլ ճանապարհ: Այդ մայրուղին հատում անցնում էր ողջ Հայաստանի տարածքը՝ արեւելքից մինչեւ արեւմուտք:

Մեծ Հայքի թագաւորութիւնը, որը սեպի պէս խրաւծ էր երկու աշխարհակալ պետութիւնների՝ Հռոմեական կայսրութեան եւ Պարթեւստանի միջեւ, անշուշտ մեծապէս շահելու էր միջազգային առեւտրի այն աննախընթաց աշխուժացումից, որ նկատոււմ էր մեր թւարկութեան առաջին երկու դարերում: Դրանով է բացատրոււմ տնտեսական եւ մշակութային այն բուռն վերելքը, որ նկատոււմ էր Մեծ Հայքում, Փոքր Հայքում եւ Պոնտոսում: Դրա ակնառու ցուցանիշ է հանդիսանում այն, որ մէկը միւսի յետեւից բարձրանում էին նոր քաղաքներ՝ Նիկոպոլիսը, Նեոկեսարիան, Սեբաստիան, Վաղարշապատը, Մծուրքը եւ այլն: Աւելի ու աւելի էին բարգաւաճում Հայաստանի հին քաղաքները՝ Արտաշատը, Երւանդաշատը, Զարեհաւանը (Մաղկոտն գաւառում), Նախճաւանը, Զարիշատը (Աղիովիտ գաւառում), Տիգրանակերտը, Արշամաշատը, Վանը եւ Արզնը:

Նոյնիսկ այն բանից յետոյ, երբ 163 թ. հռոմեացի զօրավար Ստատիոս Պրիսկուսը կրկին կործանեց Արտաշատը, Հայաստանը նախկինի պէս շարունակում էր պահպանել իր առաջնակարգ դերը Արեւելքի ու Արեւմուտքի միջեւ առեւտրում:

Հռոմէական կայսրութեան անկումից եւ Բիւզանդական պետութեան ստեղծումից յետոյ համաշխարհային առեւտրական յարաբերութիւնները ոչ միայն անկում չապրեցին, այլ էլ աւելի զարգացան: Նորաստեղծ կայսրութեան առեւտրատնտեսական կեանքում բացառիկ կարեւոր դեր սկսեց խաղալ Բոսֆորի ափերին հիմնադրւած նրա մայրաքաղաքը՝ Կ.Պոլիսը, որին այսուհետեւ վիճակւած էր Արեւելքի ու Արեւմուտքի միջեւ խաղալու ոսկէ կամրջի դեր:

Հայաստանը, որը նոյնպէս ընկած էր համաշխարհային կարաւանային առեւտրի մեծ ճանապարհների վրայ, ծառայում էր որպէս տարանցիկ առեւտրի հանգոյց Արեւելքից՝ Զինաստանից, Միջին Ասիայից, Հնդկաստանից արեւմուտք արտահանւող ապրանքների համար:

Հայաստանի խաղացած այդ դերը առանց հական ընդմիջումների, շարունակեց աւելի քան եօթ դար, ընդհուպ մինչեւ վեցերորդ դարի վերջը:

Վեցերորդ-եօթերորդ դարերում, շնորհիւ այն բանի, որ նախարարական Հայաստանը յամառ պայքարի շնորհիւ կարողացաւ պահպանել իր ներքին ինքնուրոյնութիւնը, երկրում սկսեց նոր տնտեսական ծաղկման շարժում, որի դրսեւորումներից մէկն էր հանդիսանում նաեւ նրա աւելի սերտ ընդգրկումը միջազգային առեւտրի մէջ: Հայաստանում ծնունդ առան նոր քաղաքային կենտրոններ, որոնցում առեւտուրը աւելի ու աւելի էր կենտրոնանում հայ վաճառականների ձեռքերում:

VI-VII դարերում Հայաստանում նկատուող տնտեսական եւ մշակութային վերելքին, արարական արչաւանքների ժամանակ փոխարինելու եկաւ համընդհանուր անկումը: Հայաստանը արարական տիրապետութեան առաջին ժամանակաշրջանում կորցրեց միջազգային առեւտրում իր ունեցած նախկին տեղը: Դրա հիմնական պատճառը կայանում էր նրանում, որ Արարական խալիֆայի եւ Բիւզանդիայի միջեւ գոյութիւն ունեցող անհաշտ թշնամանքը եւ անընդմէջ պատերազմները բացառում էին Հայաստանի վրայով իրականացւող առեւտուրը:

Սակայն IX դարից սկսած Հայաստանում վերստին նկատուում

է մշակութային-տնտեսական վերելք, որի հիմքը հանդիսացել է միջազգային առևտրի զարգացումը: Պէտք է սակայն նշել, որ Բագրատունեաց Հայաստանի վրայով կատարոււմ էր ոչ միայն միջազգային ապրանքափոխանակութիւն, այլև զուտ հայկական ապրանքների արտահանում ու վաճառք: Սա անշուշտ վկայում է այն մասին, որ նշած ժամանակաշրջանում Հայաստանի աւատական երկրագործական տնտեսութիւնը արդէն մտել էր միջազգային առևտրական շրջանառութեան մէջ:

XI դարում սկսեց կենտրոնական Ասիայի վաչկատուն ցեղերի գաղթը դէպի Առաջաւոր Ասիա, որի հետեւանքով Հայաստանը ենթարկեց անասելի աւերածութեան ու քայքայման: Բնական է, որ այս պայմաններում միջազգային առևտրում Հայաստանը այլևս չէր կարող խաղալ այն առաջնակարգ դերը, որ ունէր Բագրատունիների շրջանում: [1, էջ 18] Այլևս իր հայրենիքում չգտնելով գործունէութեան ասպարէզ, հայ վաճառականութեան զգալի մասը ապաստան է գտնում այլ երկրներում: Առևտրի շահաւէտ իր դիրքով հայերին առանձնապէս ձգում էր Ղրիմը: [2]

Սելջուկեան արշաւանքների ժամանակ եւ նրանից յետոյ լեւանտեան առևտրի խոշոր կենտրոններում ծնունդ առան հայ գաղութներ, որոնք մեծապէս նպաստեցին նրան, որ հայ վաճառականների համաշխարհային կապերը չընդհատուեն: XI-XIII դարերում եւ աւելի ուշ հայերի առևտրական գաղութներ ստեղծեցին նաեւ հեռու ու մօտիկ բազմաթիւ երկրներում՝ Վրաստանում, Միջին Ասիայում, Չինական Թուրքեստանում, բուն Չինաստանում, Վոլգայի վրայ Բուլղար քաղաքում, Ախսարայում, որտեղից նրանք ազատ առևտուր էին կատարում Ռսկէ Հորդային ենթակայ հսկայածաւալ տարածքներում, Սելժուկեան քաղաքներում եւ այլն:

Բուն Հայաստանի քաղաքային կենտրոնների առևտրական դասը անմիջական կապերի մէջ էր գտնուում տարբեր երկրներում նոր ծնւող կամ զօրեղացող հայկական գաղութների հետ:

Ինչպէս յայտնի է 1080 թ. Միջերկրական ծովի հիւսիս-արեւելեան ափերին, Տաւրոս եւ Ամանոս լեռնաշղթաների միջև ծնունդ առաւ նոր հայկական պետութիւն՝ Կիլիկիայի թագաւորութիւնը կամ Մոպային Հայաստանը, որը գոյատևեց զրեթէ երեք հարիւրամեակ (1080-1375): Այն դարձաւ արեւելքի երկրների «գուռը»: Կիլիկեան թագաւորութեան ձեռքերում սկսեց կենտրոնանալ ոչ միայն Մերձաւոր Արեւելքի ցամաքային առևտրի

նշանակալից մասը, այլև ծովային առեւտուրը: Այսպիսով, եթէ մինչ այդ Հայաստանը մասնակցում էր միայն միջազգային ցամաքային կարաւանային առեւտրին, ապա այժմ նա ընդգրկեց նաեւ ծովային առեւտրի մէջ: Ի դէպ, Կիլիկիայի հայկական պետութիւնը ունեցել է որոշակի մասնակցութիւն նաեւ միջազգային ծովային իրաւունքի պարզացման գործում: Նա մասնակցել է առաջին միջազգային ծովային օրէնսգրքերի ձեւաւորմանը եւ ազգային օրէնսդրութեան ու միջազգային պայմանագրերի առաջադիմական նորմերի մշակմանը, որով նշանակալիօրէն նպաստել է ազատ ծովա-դրնացութեան սկզբունքի հաստատմանը:

Կիլիկիայի հայկական պետութեան անկումից յետոյ Հայ վաճառականները գլխաւորապէս հաստատուեցին Ղրիմում: XIII-XV դարերում Ղրիմում հայերն այնքան բազմաքանակ էին ու տնտեսապէս զօրեղ, որ օտարները թերակղզու հարաւ-արեւելեան մասը կոչել են «Ծովային Հայաստան» (*Armenia Maritima*): Հռոմի պապ Եւգենիոս IV-ի կոնդակում այն անւանւած է նաեւ Մեծ Հայաստան:

Մինչև 1475 թ., այսինքն թուրք-օսմանների կողմից Ղրիմի գրաւումը, Ղրիմահայ վաճառականները մրցակիցներ չունէին Լեւանտի ու Արեւելքի միջև կատարւող ցամաքային կարաւանային առեւտրում: Դա պայմանաւորւած էր առաջին Հերթին նրանով, որ XIII դարի երկրորդ կէսին համարեա ողջ Ասիան գտնւում էր մոնղոլական տիրապետութեան տակ եւ Եւրոպայի վաճառականները ասիական ապրանքներ ձեռք բերելու համար ստիպւած էին դիմել կարաւանային առեւտրով զբաղւող զրիմահայ վաճառականների օգնութեանը: [3]

Վրիլիամ Ռուբրուքը, որը XIII դարի կէսերին դէպի արեւելք կատարած ճանապարհորդութեան ընթացքում այցելել էր նաեւ Մոնղոլիա, վկայում է, որ Հայ վաճառականները յաճախակի լինում էին այդ երկրում: Որ մոնղոլների մարտաքաղաք Ղարադրումում եւ Մանկու խանի օրդույում միշտ էլ գտնւում էին բազմաթիւ Հայ վաճառականներ, որոնք օգտւում էին մոնղոլական խանի հովանաւորութիւնից: [4, էջ 7, 182]:

Ղրիմում Հայ վաճառականները իրազործում էին նաեւ Ռուսաստանի հարաւային շրջանների արտադրանքը դէպի ծովեզերք փոխադրելու գործը, որը այնուհետեւ յանձնւում էր խտալական, մանաւանդ Ջենովական, Վենետիկեան եւ Պիզայի նաւերին: Այնուհետեւ իտալացիներից ձեռք բերելով նաւերով բերւած

արեւմտեան ապրանքները, դրանք իրենց կարաւաններով դրիմահայ վաճառականները տեղափոխոււմ էին Ասիայի խորքերը:

Նրանք գործօն կապերի մէջ են գտնելի նաեւ Լեհաստանի, Հունգարիայի, Թուրքիայի, Կովկասի, Իրանի, Մերձ Բայթեան երկրների, Անգլիայի, Ֆրանսիայի, Պորտուգալիայի եւ բազմաթիւ այլ եւրոպական ու ասիական երկրների հետ: Յոշոր վաճառաշահ կենտրոններում դրիմահայ վաճառականները ունեցել են նաեւ առեւտրական գործակալներ:

Կաֆայի անկումից յետոյ (1475 թ.) սեւծովեան առեւտրի մէջ ջննովացիները կորցրին իրենց նախկին կշիւը: Այսուհետեւ Ղրիմի հայ վաճառականները դառնում էին կապող օղակ արեւելեան Եւրոպայի եւ Արեւելքի միջեւ: Նրանք կարաւաններով արեւելեան ապրանքները հասցնում էին Լոմ, որտեղ դրանք գտնում էին գնորդներ յանձինս տեղի, ինչպէս նաեւ Կրակովի, Գդանսկի, Նիւրնբերգի եւ այլ վաճառականների:

XIII-XIV դարերում միջագային առեւտրի մէջ մեծանում է նաեւ իրանական քաղաքների դերը: Մասնաւորապէս առեւտրական խոշոր կենտրոն է դառնում Թաւրիզը: Նրա, որպէս միջագային կշիւ ունեցող առեւտրական կենտրոնի, դերը մեծացաւ յատկապէս այն բանից յետոյ, երբ Հուլաղու խանը աւերեց Բաղդադը (1258 թ.), որն հանդիսանում էր Թաւրիզի առեւտրական լուրջ մրցակիցը:^[6] Թաւրիզը վերակառուցեց եւ առեւտրական ու քաղաքական խոշոր կենտրոն դարձաւ Ղազան խանի օրօք (1205-1304 թ.): Ի դէպ, այդ ժամանակահատից սկսած Հնդկաստանի առեւտրի ճանապարհը Միջերկրական ծովից ուղղուեց դէպի Սեւ ծով: Թաւրիզում (հայկական գրականութեան մէջ Դաւրէժ, Գանձակ Շահաստան եւ այլն) գոյութիւն ունէր սոււար հայկական բնակչութիւն, այդ թիւում նաեւ առեւտրական դաս («գոյվաթաւորներ» կամ «խոջաներ»): Իտալացի ճանապարհորդ Մարկո Պօլօն վկայում է, որ հայերը Թաւրիզում կազմում էին մի խոշոր զանգւած: Այդ վաճառաշահ քաղաքի հայ առեւտրական դասը ուղղակի կամ անուղղակի կերպով ներգրաւած էր համաշխարհային ապրանքափոխանակութեան մէջ: Կոստանդնուպոլսի, Տրապիզոնի եւ Կաֆայի վրայով եւրոպական ապրանքները կարաւաններով հասցնում էին Թաւրիզ, իսկ այնտեղից ուղարկոււմ Իրանի խորքերը եւ Մերձաւոր ու Միջին Արեւելքի այլ երկրներ: Բացի այդ գլխաւոր առեւտրական ուղուց, գոյութիւն ունէր նաեւ մէկ այլ ճանապարհ, որը սկսւում էր կամ Կիլիկիայում եւ կամ Միւրիայում եւ ձգւում էր մինչեւ Թաւրիզ

գլխաւորապէս երկու ուղղութիւններով. առաջին, Կիլիկիայից Ուրֆայի, Մերդինի, Բիթլիսի, Սոյի ճանապարհով դէպի Թաւրիզ եւ երկրորդ Բէյրութից Հալեպի վրայով դարձեալ դէպի Թաւրիզ: 14, էջ 807.

XIII դարի վերջին եւ XIV դարի սկզբին միջազգային առեւտրի համար յատկապէս կարեւորագոյն նշանակութիւն էր ձեռք բերել Այաս-Թաւրիզ առեւտրական ճանապարհը, որը «Արեւմտեան մեծ ճանապարհին» հետ համատեղ հանդիսանում էր համաշխարհային առեւտրի գլխաւոր ուղիներից մէկը: Ֆլորենտացի վաճառական Բալդուչի Պեզոլոտտիի մօտ (XIV դարի սկիզբ) բերւած է առեւտրական այդ ուղու նկարագրութիւնը: Կարելի է ենթադրել, որ այդ ճանապարհով առեւտուր անող վաճառականների զգալի մասը հայեր էին:

Թաւրիզից բացի Հիւսիս-արեւմտեան Իրանում ծնունդ առաւ մէկ այլ առեւտրական կենտրոն եւս՝ Սուլթանիէ քաղաքը, որը կառուցեց XIII դարի վերջին եւ XIV դարի սկզբին իշխան Արդունի (1284-1291) եւ նրա հետնորդների օրօք: Իտալական աղբիւրներից յայտնի է դառնում, որ Հուլաղուիդների տիրապետութեան շրջանում ջննդակական եւ վենետիկեան վաճառականները Հայաստանի վրայով կարաւանային առեւտուր էին անում ինչպէս Թաւրիզի, այնպէս էլ Սուլթանիէի հետ, այդ քաղաքներում ունենալով նաեւ իրենց առեւտրական գրասենեակներն ու նոյնիսկ հիւպատոսութիւնները:

XIV դարի առաջին կէսին աշխուժանում է միջազգային ապրանքափոխանակութիւնը Հայաստանի հարաւային շրջանների, մասնաւորապէս Այաշկերտի հովտի, Մանազկերտի եւ Արճեշի վրայով: Սակայն հուլաղուիդների դինաստիայի թուլացման ու անկման հետեւանքով Հայաստանի հարաւային շրջանները զրկւեցին միջազգային առեւտրական իրենց նշանակութիւնից: Այդ շրջանների տնտեսական վերելքին կործանիչ հարւած հասցրեցին Լենկ-Քէմուրի աւերիչ արշաւանքները:

Անին ու Կարսը, որոնք նախկինում յայտնի էին իրենց միջազգային կապերով, XIV դարում այլեւս նշանակալից որեւէ դեր չէին խաղում: Այդ ժամանակ Արեւելքի ու Արեւմուտքի միջեւ կատարուող առեւտրի ամենաբանուկ ուղին անցնում էր Ատրպատականով եւ Կասպից ծովի վրայով: Արեւելեան մետաքսն ու համեմունքները տարւում էին Աստրախան, ապա Ազով ու Ղրիմի ծովափնեայ քաղաքները, իսկ այնտեղից՝ նաւերով տեղափոխում

էին վենետիկ, Ջենովա եւ իտալական այլ քաղաքներ:

Միջազգային տարանցիկ առեւտրի այդ հիմնական ուղեգծի բոլոր կարեւոր հանգրւաններում ստեղծւել էին հայկական դաղթավայրեր, իսկ հայ վաճառականները կարեւոր դեր էին կատարում այդ առեւտրի մէջ [8, էջ CV-CVII]:

Սակայն XIV դարի կէսերից Ոսկէ Հորդայի եւ իլիսանութեան մէջ մղուող արիւնհեղ պատերազմների հետեւանքով առեւտրական այդ ուղեգիծը դարձաւ անապահով: 1395 թ., երբ Լենկ-թէմուրը գրաւեց ու կործանեց Աստրախանը, դրանով իսկ վճռական հարած հասցւեց նաեւ այդ առեւտրական խոշոր կենտրոնի վրայով կատարուող առեւտրին:

Այս իրադարձութիւնները իրենց բացասական անդրադարձներն ունեցան նաեւ Հայաստանի վրայով կատարուող առեւտրի վրայ: Ըստ էութեան քաղաքական հեղհեղուկ վիճակը, իլիսանների թագաւորութեան տրոհումից յետոյ բազմաթիւ մանր տիրապետութիւնների ու աւատական խմբաւորումների միջեւ բռնկած փոխադարձ արիւնոտ պայքարը, ամենուրեք ծայր առած կամայականութիւններն ու բռնութիւնները, առեւտրական ճանապարհների անապահովութիւնը եւ այլն համարեա իսպառ դաղարեցրին կարաւանային շարժումը Հայաստանի վրայով:

Անշուշտ XIV դարում եւ աւելի ուշ արեւելքի երկրների կողմից բազմիցս փորձեր էին կատարուում կրկին վերականգնելու նախկին ժամանակների համեմատութեամբ ընդհատուած առեւտրական կապերը արեւմուտքի հետ: Սակայն այդ փորձերը յաջողութեամբ էին պսակուում միայն ժամանակաւորապէս, որովհետեւ համարեա չդադարող պատերազմների, տարբեր դինաստիաների (Չորանեաններ, Ջելաիրեաններ, Թիմուրեաններ, Ղարա-Կոիւնլու եւ Աղ-Կոիւնլու թուրքմեններ) անընդհատ փոփոխութեան եւ առհասարակ քաղաքական անկայունութեան պատճառով Հայաստանի կարաւանային ճանապարհների վրայ չէր յաջողուում վերականգնել միջազգային առեւտրի ծաղկման համար այնքան անհրաժեշտ տեղաշարժելու անվտանգութիւնը:

XV դարում Փոքր Ասիայում, Բալկաններում եւ Հիւսիսային Աֆրիկայում թուրքական նւաճումները եւ յատկապէս 1453 թ. Կ.Պոլսի գրաւումն ու բիզանդական կայսրութեան վերջնական անկումը Եւրոպայի արեւելեան առեւտրի համար իսկական աղէտ եղան: Սուլթանի տիրապետութեան տակ անցաւ Ադրիատիկ ծովի ու Հունգարիայի սահմաններից մինչեւ Պարսից Մոց հասնող

առեւտրական ուղին: Իսկ Տրապիզոնի կայսրութեան (1461 թ.) եւ սուլթան Բայազեդ II-ի կողմից Ղրիմի նւաճումից յետոյ (1475 թ.) Սեւ ծովը ուղղակի վերածեց թուրքական «ներքին լճի»: Այս բոլորը արեւմտեան աշխարհը գրկում էր Արեւելքի հետ շփումներ ունենալու հնարաւորութիւնից [9, էջ 100: 10 էջ. 348-349]: Սափանւեց նաեւ Եւրոպան Արեւելքի հետ կապող միջազգային առեւտրական ուղին: Արեւմուտքի վաճառականները գրկեցին փոքր Ասիայի, Սիրիայի ու Հայաստանի վրայով Միջին Արեւելքի, Հնդկաստանի ու Ջինաստանի հետ առեւտրա-տնտեսական կաշուն կապեր ունենալու հնարաւորութիւնից: Մինչդեռ այդ նոյն ժամանակ եւրոպական երկրներում սկսւած տեւական տնտեսական վերելքը հրամայական պահանջ էր առաջադրում ապահովել հումքի հարուստ աղբիւրներ եւ վաճառահանման կաշուն շուկաներ:

Օսմանեան սուլթանների տնտեսական քաղաքականութիւնը աչքի էր ընկնում ծայրայեղ կամայականութեամբ: «Եմանիբերինները վատ էին կողմնորոշուում առեւտրական հարցերում եւ անպարկեշտ կողոպուտների թուրքական մեթոդները իտալական վաճառականներին հասցնում էին յուսահատութեան»: [11, էջ 380] Վենետիկցիները ստիպւած էին կամ հսկայական մաքսատուրքեր վճարել եւ կամ ընդմիջտ հեռանալ Մերձաւոր Արեւելքի ու Էդէսեան ծովի իրենց առեւտրական յենակէտերից, իսկ ջենովացիները ուղղակի վռնդեցին օսմանեան տիրոջներէի սահմաններից: Այսպիսով Եւրոպան կտրւեց արեւելեան շուկաներից: Փակւեց նաեւ այսպէս կոչւած «մետաքսի ճանապարհը», առեւտրական այն մեծ ուղին, որը Միջին Ասիայից եւ Իրանից, Հայաստանի վրայով տանում էր դէպի Սեւ ծով: Դա այն ուղին էր, որի վրայով Եւրոպան ստանում էր մետաքս եւ մետաքսի հումք: Միւս ճանապարհը, որը կոչուում էր «համեմների ճանապարհ» եւ գալիս էր ծովով Հնդկաստանից մինչեւ Եգիպտոս, վտանգւեց դարձեալ նոյն թուրքերի տիրապետութեամբ, որ հաստատուեց Եգիպտոսում: [12, էջ 83] Հետեւելով իր նախորդի՝ սուլթան Բայազեդ II-ի օրինակին, սուլթան Սելիմ Եաւուզը (ահեղ) շարունակեց արարական երկրների նւաճումը եւ գրաւեց Սիրիան, Պաղեստինը եւ Արարիան: Այսպիսով մերձաւոր արեւելեան ողջ առեւտուրն ընկաւ թուրք-օսմանների հսկողութեան տակ:

Անշուշտ եւրոպական առեւտրական պետութիւնները եռանդուն փորձեր էին կատարում Արեւելքի հետ խափանւած ճանապարհը բացելու ուղղութեամբ: 1571 թ. երբ Վենետիկի, Իսպանիայի եւ Ջենովայի միացեալ նաւատորմները Լեպանտոյի ծովածոցում

ոչնչացրին թուրքական ռազմական նաւատորմիդը, մի պահ Արեւմուտքում յոյսեր արթնացան Կոստանդնուպոլսի մօտակայ ազատագրման, հետեւաբար նաեւ դէպի Արեւելք տանող առեւտրական ճանապարհների բացւելու վերարերեալ: Սակայն այդ յոյսերին վիճակած չէր իրականանալ: Թուրքիան կրկին ուշքի եկաւ եւ նախկինի պէս եւրոպացիների առջեւ փակում էր ճանապարհը դէպի Հնդկաստան, հեռաւոր Արեւելք ու Ջինաստան:

Սակայն Արեւելքի ու Արեւմուտքի միջեւ այդ հակարնական խզումը չէր կարող տեւական բնույթ կրել: Վերընթաց զարգացման ուղի բռնած Արեւմուտքը կենսականօրէն զգում էր Արեւելքի հետ առեւտրատնտեսական կապեր ունենալու պահանջը: Արեւմուտքի երկրներում սկսած տեւական տնտեսական վերելքը, որ հետեւանք էր դրամատիրական կարգերի բուռն զարգացման, հրամայական պահանջ էր առաջադրում ապահովել հումքի հարուստ աղբիւրներ եւ վաճառահանման կայուն շուկաներ:

Այս պարագաներում Արեւելքի եւ Արեւմուտքի միջեւ միջնորդ վաճառականների հանդէս գալը դառնում էր կենսական անհրաժեշտութիւն: Այդ դերը նշանակալից չափով իր վրայ վերցրեց վերընթաց զարգացում ապրող հայ առեւտրական խոջայական դասը, որը շուտով ձեռք բերեց այնպիսի կշիռ, որ XVI դարի վերջին եւ ողջ XVII դարի ընթացքում մրցակիցներ չունէր Լեւանտի եւ Միջին ու Հեռաւոր Արեւելքի տարբեր երկրների միջեւ իրագործող միջմայրցամաքային առեւտրի բնագաւառում: [13]

Անտարակոյս դրան նպաստող կարեւորագոյն հանգամանքներից մէկն այն էր, որ ինչպէս իրանում իշխող Սէֆեան պետութիւնը, այնպէս էլ Օսմանեան Թուրքիան կենսականօրէն շահագրգռած էին արեւելք-արեւմուտք առեւտրական կապերի զարգացմամբ: Հետամուտ լինելով իրենց համար ռազմական փառքի ստեղծմանը եւ նոր տարածքներ նւաճելուն՝ այդ պետութիւնները չէին խորշում նաեւ առեւտրից, որը նրանց բերում էր հսկայական եկամտունք: Թուրք պատմաբան Խայր Ինալիքը այդ առթիւ գրում է, որ օսմանեան սուլթանները ձգտում էին իրենց բաժինը ստանալ ոչ միայն իրանական հում մետաքսի առեւտրից, այլեւ Կենտրոնական ու Միջին Ասիայի, Հնդկաստանի ու Ջինաստանի հետ կատարող առեւտրափոխանակութիւնից: [14, էջ 210-211]

Ստեղծած իրադրութեան պայմաններում Եւրոպայի համար այլ երկրներանք չկար, բացի ծագումով արեւելքցի միջնորդ վաճառականների օգնութեանը դիմելը: Դրա հնարաւորութիւնը

պայմանաւորւած էր նրանով, որ այդ վաճառականները գտնուում էին օսմանեան տիրապետութեան ներքոյ եւ նրանց առեւտուրը եկամտարեւր էր սուլթանական գանձարանի համար: Այսպիսով հայ վաճառականների համար վերստին առեւտրական լայն գործունէութիւն ծաւալելու հնարաւորութիւն էր ստեղծուում: Ընդ որում, եթէ սեւծովեան ուղու երթեկութեան ժամանակ հայերը հանդէս էին գալիս առաւելապէս վենետիկի եւ Ջենովայի առեւտրականների դորձակցի դերում, ապա այժմ նրանք սկսում են գործել որպէս ինքնուրոյն միւտուր: Նոր պայմաններում նրանց անսպասելի մուտքը համաշխարհային շուկա զարմացրել է ժամանակակիցներին: Արտայայտելով այդ տրամադրութիւնները, գերմանացի փիլիսոփա Կանտը գրել է. «Մէկ այլ քրիստոնեայ ժողովրդի՝ հայերի մօտ տիրապետում է ինչ-որ առանձնայատուկ բնոյթի առեւտրական ոգի: Նրանք զբաղւում են փոխանակութեամբ, հետիօտն ճանապարհորդելով Ջինաստանի սահմաններից մինչեւ Գլինեական ափի Կորսօ հրուանդանը: Դա վկայում է այդ խելամիտ ու աշխատասէր ժողովրդի առանձնայատուկ ծագման մասին, որը հիւսիս-արեւելքից հարաւ-արեւմուտքի ուղղութեամբ կտրում անցնում է համարեա ողջ հին աշխարհը եւ կարողանում է սիրալիք ընդունելութիւն գտնել այն բոլոր ժողովուրդների կողմից, որոնց մօտ լինում է այցելութեամբ: [16, էջ 572-573]

Հայ վաճառականական դասի անսպասելի ուժեղացման պատճառները բազմապիսի ու բազմազան էին: Նախ, նշւած շրջանում Հայաստանի գոյգ հատւածներում շարունակւում էր հայկական աւատականութեան վերջին շառաւիղների նկատմամբ հալածանքների ու ֆիզիկական բնաջնջման վաղեմի քաղաքականութիւնը: Նրանց հողերը անցել էին թուրքական քոչւորական ու կիսաքոչւորական ցեղերի վերնախաւի ձեռքը: Հայ աշխարհիկ աւատատէրերը, որպէս քաղաքական ուժ դուրս էին մղւած պատմական ասպարէզից եւ ստիպւած էին զբաղւել առեւտրով: Հայ աւատատէրերի որոշ ներկայացուցիչներ իրենց հողերի ու արտօնութիւնների պահպանման նպատակով ընդունում էին մահմեդականութիւնը:

Այսպիսով շարժուն կապիտալը դառնում էր հայ աւատական դասի կենսագործունէութեան ամենատարածուն բնագաւառը: Հիրաւի, արեւելքի բռնատիրութեան պայմաններում առեւտուրը ըմբռնւում էր, որ բաց էր մնում նրա (հայի վ.բ.) առջեւ այս աշխարհի մէջ փառքի, վայելքի, տիրապետութեան հնարաւորութիւն էր տալիս

որոշ չափով»։ [12, էջ 160] «Զրկելով իրենց քաղաքներից ու գիւղերից, հողերից ու երկրամասերից, ճորտերից ու հարկատուներից՝ հայ աւատատէրերից շատերը գաղթեցին երկրից, ձուլեցին եկեղոր նւաճողների մէջ կամ ոչնչացան իսպառ։ Նրանց մի մասը առեւտրական զբաղմունքների մէջ որոնեց անձնական ապահովութեան ու բարեկեցութեան երաշխիքը։ Կային, վերջապէս, այնպիսիները, որոնց ասպետական զբահն ու սուրբ փոխւեցին եկեղեցական փիլոնի ու բուրվառի հետ։ [17, էջ 456]

Նոր Զուղայեցի մատենագիր Ստեփանոս Դաշտեցին այդ նոյն հարցի մասին տալիս է հետեւեալ բացատրութիւնը, «Ազգն մեր սակա ոչ ունելոյ գհանգիստ կամ գտեղի ո՞ւր դիցեն զգլուխ իւրեանց, եւ այս ի կողմանէ գերչաց եւ ընդ իշխանութեամբ գրաւօղացն մերոց, որոց աղագաւ ոչ կարելոյ ի գործ արկանել զգինուորութիւն, զնօտարութիւն կամ յայլ իմն ծառայութիւն ի դրունս արքունեաց, նաեւ ոչ տալով նոցա զգագար առ ի նեղելոյ եւ յափշտակելոյ, կամելով եւս խանգարել զարուեստ ամենայն խորհելով ի մէնջ յայլոց աղագաւ անճարակս եղեալք յոչ ուստեքէ գտանել զհնարս կեցութեան՝ հետեւեցան արհեստի վաճառականութեան, եւ այսպէս ցիր ու ցան եղեալ շրջիմք երեսօք բօթօրակի գնդի աշխարհիս»։ [18]

Մոնղոլական արշաւանքների ժամանակ եւ նրանից յետոյ ողջ Մերձաւոր Արեւելքում տեղի ունեցող քաղաքական վայրիվերումների հետեւանքով հայ միջնադարեան քաղաքները կործանւեցին կամ քաղաքական արհաւիրքների հետեւանքով քայքայեցին ու հասան ծայր չքաւորութեան։ «Հայաստանի հողը ասիական բարբարոսութեան շնչից իսպառ խոպանացած էր, անհնարին դարձնելով քաղաքական ու քաղաքային կեանքի փոքրիշատէ ազատ ու խաղաղ առաջընթացութիւնը...» [12, էջ 12-13]

Այս պարագաներում, երբ մայր հայրենիքում առեւտրատնտեսական գործունէութեան եւ մշակութային առաջադիմութեան պայմանները ծայր աստիճանի սահմանափակեցին եւ կամ դարձան համարեա անհնարին, կարեւոր նշանակութիւն ձեռք բերեցին Հայաստանից դուրս գտնուող հայ գաղութներն ու գաղթօջախները, մանաւանդ այնպիսիները, որոնք հիմնոււմ եւ առանձնապէս զարգանում են XVI դարից յետոյ իբրեւ հայ վաճառականների առեւտրական գրասենեակների տեղեր»։ [12]

Այսպիսով XVI դարում պատմութեան թատերարեմ է բարձրանում միջազգային առեւտրով զբաղուող հայ «Խոջայական» դասը, որի գործունէութիւնը միառժամանակ խամրել էր Առաջաւոր

Ասխարում տեղի ունեցած քաղաքական վայրիվերումների, առեւտրական ճանապարհների անապահովութեան եւ մի շարք այլ պատճառներով: Այսուհետեւ հայ վաճառականները դառնում են Արեւելքի եւ Արեւմուտքի միջեւ միջազգային առեւտրի միջնորդներ, այլեւս մրցակիցներ չունենալով ցամաքային ճանապարհների վրայ:


Սոփան պարսկերէն բառ է, նշանակում է «տէր», «իշխան», «տանուտէր» կամ պարզապէս «հարուստ»: Սոփա ասածդ նշանակում է հարստութիւն եւ առատութիւն, ոչ միայն դրամի եւ գանձի, այլեւ մատուցած ծառայութեան, առաքինութեան եւ մտածելակերպի: Այս պատճառով պարսիկները բոլոր իրենց գրողներին եւ առաքինութեամբ աչքի ընկած մարդկանց սովորութիւն ունեն կոչել Սոփա տիտղոսով, - գրում էր XVII դարի հեղինակներից մէկը: [10] Ժամանակակիցները մեծարում էին խոջաներին «երեւելիք», «փառաւորք», «մեծաշուք», «մեծահանդեսք», «արքայամարիս», «մուսահիպք» (գրուցակից), «համափիայլք» (բաժակակից) եւ այլ մակդիրներով: [2] Արեւելեան Հայաստանից այս նոյն իմաստներով խոջա բառը անցել ու տարածւել է նաեւ Թուրքիայում, որտեղ նոյնպէս տեղացի հայ վաճառականներին կոչել են խոջա:

Արեւելեան Հայաստանում, յատկապէս Նախիջեւանի եւ Ղափանի շրջաններում, առաջ են գալիս բազմաթիւ վաճառականական գիւղեր ու ավաններ, որոնցից յատկապէս նշանաւոր էին Արաքսի ձախ ափին տեղաւորւած հայ քաղաքներ Զուղան, Աստապատը, Վանանդը, Բիստը, Ագուլիսը, Շոռոթը, Նախիջեւանը, Շահկերտը, Օրդուբադը, Ագարակը, Յղնան, Դաշտը, Մեղրին, Երնջակը, Դաստակը, Կալերը, Զահուկը, Սոչկաչէնը եւ այլն [21, էջ 27], ինչպէս նաեւ Սիւնիքը (Ղափան), Արցախը, Արարատեան դաշտի քաղաքները (յատկապէս Երեւանը) եւ այլն: Առհասարակ առեւտրով հրապուրւելը ընդգրկել էր Զուղա^(*)-Դաշտ (Ագուլիս)-Մեղրի-Սիսեան գծի բոլոր շրջանները: [12, էջ 234-235]

Վերոյիշեալ վայրերը արագօրէն վերածւում են միջազգային տարանցիկ կարաւանային առեւտրի կարեւորագոյն հանգուցակէտերի: Յատկապէս աչքի էր ընկնում Զուղան, որը դարձել էր Արեւելքի շուկաները Արեւմուտքի հետ կապող կարեւոր հանգուցակէտ: «Չգիտենք, թէ ինչ էր նրա անցեալը խոր հնութեան մէջ, - գրում է Լէօն, - բայց XV-XVI դարերից նա սկսում է փայլել հայ երկնակամարի վրայ իրրեւ հայրենիք զարմանալի վաճառականների որոնք ոչ միայն հետաքրքրական էջեր են մտցնում միջազգային

(*) Սիրիի քեթեցոյց
Արաքս գետի սփին գտնուող «ԶՈՒՆՁԱ»-ի պատմական անունը եղել է «ԶՈՒՂԱ»: Գրականութեան մէջ այն յիշատակում է ՀԷՆ ԶՈՒՂԱ անունով: Այն յղեցող է չիօթի Սպահանի Զուղաի հետ, որը ընդունւած է անունը «ԵՈՐ ԶՈՒՂԱ»: (Վ.Բ.)

A II 26405



առեւտրի պատմութեան մէջ, այլև Հանդիսանում են մի շատ խոշոր, նմանը չունեցող հասարակական-կուլտուրական տարր, որի կատարած դերը հայ կենանքի զարգացման մէջ անհունապէս մեծ է»:
[12, էջ 234-235]

Ջուղան գտնւում էր չոր, ապառաժոտ, համարեա անմատչելի մի լանջի վրայ: Նա չունէր տեղական գիւղատնտեսական ուսուրաններ: XVII դարի մի անդլիացի ճանապարհորդ հաղորդում է, որ Ջուղայեցիները ստիպւած էին բացի դինուց բոլոր սննդամթերքները բերել դրսից: [22, էջ 406-407]: Նրա բնակչութիւնը երբեք չի գերազանցել 10-12 հազարից: Ունէր մօտ 2000 տուն եւ 7 եկեղեցի: Նկատի ունենալով Ջուղայի հարստութիւնը եւ նրա նշանակութիւնը, հայկական աղբիւրներում այն յաճախ անւանում են Հալաթանք Հայոց ազգիս»: Առաքել Դաւրիթեցին Հիացմունքով է նկարագրում նրա շլացնող հարստութիւնը: Ջուղան «... էր մեծ եւ երեւելի շէնն այն ի ժամանակին յայնմիկ ի մէջ արեւելեայ աշխարհիս...» [23, էջ 12]: որի հետքերը կարելի է տեսնել նոյնիսկ մինչեւ այսօր:

Ղարա-Կոխնլու թուրքմէն իշխողները Ագուլիսին, Ջուղային եւ հայաբնակ մի շարք այլ վայրերի շնորհել էին «խասութեան» իրաւունք, որով դրանք ազատւում էին տեղական աւատատէրերից ունեցած կախումից եւ անմիջապէս ենթարկւում էին փաղիշահին: Այս քաղաքականութեան միջոցով թուրքմէն նւաճողները ձգտում էին իրենց պատւար դարձնել հայ իշխող տարրերին, մելիքներին, առեւտրականներին, եկեղեցականներին: [17, էջ 420] 1453 թ. Ղարա-Կոխնլու Ջհանշահի կողմից տրւած հրովարտակում, որտեղ խօսւում է Ջուղայից ստացւող հարկերի ու տուրքերի մասին, ակնարկ անգամ գոյութիւն չունի նրանց առեւտրական գործարքների դիմաց դանձուղ հարկերի մասին: [24, էջ 237]

«Ջուղան, - գրում է Լէոն, - մի փոքրիկ առանձնացած, իր զուգակիցը չունեցող վաճառականական ինքնավար համայնք էր խոջաների վարչութեան տակ: Ջուղային առանձին կարեւոր առեւտրական նշանակութիւն տալիս էր նրա աշխարհագրական դիրքն այն մեծ ճանապարհի վրայ, որ կապում էր Միջին Ասիան, Իրանը Սեւ Մովի արեւելեան աւազանի եւ Կովկասի մեծ ճանապարհների հետ: Ջուղայի առջեւ է, որ Արաքսի աջ ափը ներկայացնում է յարմարութիւն, որ հիւսիսից եկող միջազգային ճանապարհը շարունակէ իր ուղղութիւնը դէպի Թաւրիզ՝ մեծ առեւտրական շահաստանը եւ դէպի այլ կողմեր: Ջուղան այսպիսով

դառնում է մի մեծ կայան այդ ճանապարհի վրայ, ապրանքների մի մեծ պահեստանոց»: [20, էջ 87]

Սակայն Հաղորդակցութեան այս յարմարութիւնը, անշուշտ միակ պայմանը չէր, որ Զուղան դարձնում էր նշանաւոր առեւտրական կենտրոն: Զուղայեցիների մօտ նկատոււմ էր մի զարմանալի առեւտրական ջիղ, որը իրաւամբ, հանդիսանում էր մի արտակարգ ու բացառիկ երեւոյթ հայ իրականութեան մէջ, որը ստացել է «Զուղայեցիութիւն» անւանումը: «... Զուղայեցին ոչ միայն առեւտուր անելու տաղանդ ունէր, այլեւ այդ առեւտրի համար նպաստաւոր պայմաններ ստեղծելու շնորհք ունէր: Ասիական սանձարձակ բարբարոսութիւնների կրկէսում խաղաղ կուլտուրական աշխատանքի իրաւունքներ ձեռք բերել, - այս աւելի խոշոր մեծագործութիւն էր, քան կարաւաններով Հիմալայներից մինչեւ Եւրոպա չափելը: Այս մեծ նւաճումը Զուղայեցին անում էր ոչ թէ, իհարկէ, զէնքի զօրութեամբ, այլ խելքով, ճարպկութեամբ, յենւած իր ամենամեծ ուժի՝ դրամի վրայ»: [12, էջ 238]

«Զուղայեցիութիւնը» այնպիսի համապարփակ հասկացողութիւն էր, որ յաճախ Զուղայեցիներ անւան տակ հանդէս էին գալիս նաեւ հարեւան գաւառների ու քաղաքների՝ Ագուլիսի, Սիսեանի, Նախիջեւանի եւ այլն հայ վաճառականները:

Զուղան հանդիսանում էր միջազգային առեւտրի կարեւորագոյն կենտրոն: Նա դարձել էր Արեւելքի շուկաները Արեւմուտքի հետ կապող անփոխարինելի հանգուցակէտ: Այդ դերում նա յատկապէս սկսում է աչքի ընկնել Կոստանդնուպոլիսը թուրքերի կողմից գրաւելուց եւ Արեւելքի ու Արեւմուտքի միջեւ առեւտրատնտեսական կապերի խզումից յետոյ:

Իրանի Ղարա-Կոխնյու եւ Աղ-Կոխնյու տիրակալները մեծագոյն շահագրգռւածութիւն էին դրսեւորում իրենց տիրապետութիւնների վրայով Եւրոպա-ասիական առեւտրի զարգացման ուղղութեամբ, որը նրանց գանձարանին բերում էր խոշոր եկամուտներ: [20, էջ 43] Այդ պատճառով նրանք եռանդուն կերպով խրախուսում էին Իրանի, Անդրկովկասի եւ Նոյնիսկ Թուրքիայի հայ վաճառականների միջնորդ առեւտուրը Արեւելքի եւ Արեւմուտքի երկրների միջեւ: Թուրքմէն տիրակալների այդ հովանաւորողական քաղաքականութեան շնորհիւ կարճ ժամանակամիջոցի ընթացքում արեւելահայ վաճառականները, Զուղայեցիների գլխաւորութեամբ, վճռական դիրքեր ձեռք բերեցին Իրանի եւ Անդրկովկասի արտաքին

առեւտրում: Սակայն Օսմանեան Թուրքիան, որը մշտապէս թշնամական քաղաքականութիւն էր իրագործում իր արեւելեան հարեւանի նկատմամբ, պատրասուելով կործանիչ հարած հասցնել նրան եւ տէր դառնալ Իրանի լայնատարած հողերին եւ նրանց վրայով անցնող խիստ եկամտաբեր առեւտրական ճանապարհներին, ամէն կերպ կասեցնում էր Իրանի արտաքին առեւտուրը եւրոպացիներին հետ: Դրանից մեծապէս տուժում էին նաեւ վերջիններս: Ի վիճակի չլինելով մեն-մենակ դիմագրաւելու օսմանցիների առաջխաղացմանը դէպի Եւրոպա, եւրոպական տէրութիւնները եռանդուն կերպով սկսում են փնտրել դաշնակիցներ՝ հակաթուրքական գինակցութիւն կռելու համար: Նրանց ենթադրութեամբ Օսմանեան կայսրութեան դէմ մղուող պայքարում Իրանը կարող էր լինել իրենց բնական դաշնակիցը:

Վենետիկի հանրապետութիւնը, որի առեւտրական շահերը առաւել շատ էին տուժել թուրքերի վարած քաղաքականութեան հետեւանքով, իրար հետեւից Ադ-Կոնստանտինուպոլիս-Հասանի (1453-1477) մայրաքաղաք Թաւրիզ էր ուղարկում դեսպանութիւններ: Այսպէս, որպէս Վենետիկի հանրապետութեան դեսպաններ Իրանում բանակցութիւններ էին վարում Կատերինօ Չենոն (1471-1474), Ջոզէֆօ Բարբարոն (1471-1478) եւ Ամբրոսիոս Կոնտարինին (1473-1477):

Արեւելքի եւ Արեւմուտքի միջեւ միջազգային առեւտրով զբաղուող իրանահայ վաճառականները, որոնց շահերը նոյնպէս տուժել էին փոքր Ասիայի վրայով անցնող առեւտրական ճանապարհների վրայ օսմանցիների սահմանած հսկողութեան հետեւանքով, կամովին ընդգրկւում են Իրանում իշխող Ադ-Կոնստանտինուպոլիսի եւ Վենետիկի հանրապետութեան միջեւ սկզբնաւորուող քաղաքական բանակցութիւնների ոլորտը: [27] Անտարակոյս, դրա զրդապատճառներից էր նաեւ այն, որ Հայաստանի վրայ ծանրորէն իշխում էր օսմանեան լուծը, եւ հայ առեւտրական կապիտալի ներկայացուցիչները, բնականաբար, չէին կարող այդ փաստի նկատմամբ դիտողի դերում մնալ: Հայ եկեղեցական գործիչների մէջ կային մարդիկ, չորոնք գինակցում էին թուրքմեն ցեղապետներին՝ հայ եկեղեցական իշխանութիւնը բարձրացնելու յոյսով: Սրանց շարքում կային նոյնիսկ մարդիկ, որոնք օգտագործում էին այդ գինակցութիւնը հայերի քաղաքական ինքնորոշման հեռանկարների իրագործման ակնկալութեամբ: [17, էջ 434-435]

Յայտնի է, որ 1400 թ. Ուզուն-Հասանը Իտալիա է ուղարկում

լայն լիազորութիւններով օժտւած մի դեսպանութիւն, որի կազմում առաջին դէմքերից էր իրանահայ մեծազարուստ վաճառական խոջա Միրաքը: [28, էջ 187] Ուզուն Հասանը նրան յանձնել էր Վենետիկի դոժին Հասցէագրւած մի նամակ, որտեղ թւարկելով իր տարած յաղթանակները, յոյս էր յայտնում, որ իր ցամաքային զօրքերի ու վենետիկեան ծովային ուժերի օգնութեամբ կարելի կլինի թուրքերին քշել կամ Եւրոպա, կամ Ասիա:

Յոջա Միրաքի դեսպանութիւնը Վենետիկ է ժամանում 1470 թ. Փետրւարին: Այստեղ ներկայանալով Հանրապետութեան կառավարութեանը, դեսպանութեան անդամներն առաջարկում են զինակցութիւն եւ պատւաւոր դաշնակցութիւն կնքել թուրքիայի եւ Եգիպտոսի սուլթանի դէմ, պայմանով, որ վենետիկցիները չթերանան իրենց նաւատորմով յարձակւելու նրանց վրայ: [4, էջ 168].

Պատասխան նամակում Վենետիկի դոժը շնորհակալութիւն էր յայտնում Ուզուն Հասանին իր որդու գլխաւորութեամբ դէպի Ղարաման (Իկոնիայի եւ Կիլիկիայի շրջանում) 40 հազարանոց բանակ ուղարկելու կապակցութեամբ, միեւնոյն ժամանակ վերապահում անելով, որ այդ զօրքերը քիչ են յաջողութեան գրաւական ունենալու համար:

Յոջա Միրաքը եւ դեսպանութեան անդամներն այնուհետեւ մեկնում են Հոռոմի պապի եւ Նեապոլի թագաւորի մօտ, նրանց եւս առաջարկելով նոյնպիսի դաշինք: Այդ բանակցութիւններից յետոյ թէեւ յայտարարւեց, որ Վենետիկի Հանրապետութեան, Նեապոլի թագաւորութեան, Հոռոմի պապի, Հունգարիայի, Ադ-Կոնստնուների պետութեան, Ղարամանիայի (եւրոպական աղբիւրներում յիշատակւում է Կարամանիա ձեւով) եւ Կիպրոսի (Ղուսինեանների պետութեան) մասնակցութեամբ ստեղծւել է հակա օսմանեան լիգա [20, 28], սակայն այն Հանդիսացաւ մեռելածին մի մանուկ եւ մնաց միայն թղթի վրայ:

Թէեւ առանձին էտապներում Վենետիկի եւ Ադ-Կոնստնու պետութեան ռազմական համագործակցութիւնը թուրքերի դէմ նշանաւորւեց մի շարք յաղթանակներով (Կիլիկիայում, Փոքր Ասիայում եւ այլն) սակայն ընդհանուր առմամբ այն ի վիճակի չեղաւ հանգեցնելու կայուն ռազմական դաշինքի կնքմանը:

1473 թ. Օգոստոսին Դերջանի ճակատամարտում Ուզուն Հասանը դաժան պարտութիւն կրեց թուրքերից: Այդ պարտութիւնը խիստ բացասական ազդեցութիւն ունեցաւ նրա պետութեան համար, որը սկսեց արագօրէն ենթարկւել կազմալուծման:

Անգուսպ տարրերը սանձից արձակեցին:

Բնականաբար նման իրավիճակի առաջին զոհերն էին Հանդիսանալու այլադաւան ունեւոր տարրերը: Եւ 1486 թ. Մարտի 24-ին խոջա Միրաքը Թաւրիզում զոհ է դառնում ընչաքաղց տեղական տիրակալների անգուսպ ազահուլթեանը, որոնք սպանում են 80-ամեայ ծերունուն:

Միանգամայն հասկանալի է, որ այս կարգի դաժանութիւնները ի վիճակի չէին այդ քայքայւող պետութեան մէջ վաճառականական դասի, առաւել եւս քրիստոնեայ Հայ վաճառականութեան համար, ստեղծել արդիւնաւէտ գործունէութեան կայուն երաշխիքներ:

Դեռեւս XV դարի սկզբին Ատրպատականի հիւսիս-արեւելեան շրջաններում աննախընթաց կերպով մեծացաւ Սէֆեան աւատատէրերի ազդեցութիւնը: Արդէն դարի երկրորդ կէսին զգլրաշները Սէֆեանների գլխաւորութեամբ Ատրպատականում պայքար ծաւալեցին Աղ-Կոիւնլու եւ Ղարա-Կոիւնլու թուրքմէնական դինաստիաների դէմ, ձգտելով Իրանում հաստատել իրենց տիրապետութիւնը: Այդ պայքարը եռանդուն աջակցութիւն էր գտնում թուրքմէնական քոչոր ազնւականութեան իշխանութիւնից դժգոհ մանր ու միջին աւատատէրերի, ինչպէս նաեւ վաճառականութեան, այդ թւում նաեւ Հայ առեւտրական դասի եւ նրա Հետ կապւած հոգեւորականութեան կողմից, որոնք շահագրգռւած էին միջաւատական երկպառակտութիւնների վերացման, կենտրոնական իշխանութեան ամրապնդման եւ կարաւանային ճանապարհների անվտանգութիւնն ապահովելու հարցերում:

Օգտագործելով իր հակառակորդների միջեւ գոյութիւն ունեցող երկպառակտութիւնները, Սէֆեան շէյխերից մէկի՝ Հայդարի որդի Իսմայիլը սկզբում ջախջախեց Սէֆեանների ռիսերիմ թշնամիներից մէկին՝ Ֆարուխեսասարին, իսկ այնուհետեւ 1501-1502 թ. Աղ-Կոիւնլու սուլթան Ալւենդի գորքերին: 1502 թ. Իսմայիլը իրեն յայտարարեց Իրանի շահ, հիմք դնելով կառավարող մի նոր հարստութեան, որը կոչւեց Սէֆեան կամ Սեֆեւեան: 1503 թ. նա ջախջախեց սուլթան Մուրադ Աղ-Կոիւնլուին եւ գրաւեց կենտրոնական ու արեւմտեան Իրանը: Այնուհետեւ շարժւելով դէպի արեւելք, շահ Իսմայիլը 1510 թ. ջախջախեց ուլգրեկական ցեղերի առաջնորդ, Մուհամմեդ Շէյրանի խանի գորքերին եւ գրաւեց ողջ խորասանը, ինչպէս նաեւ ընդհուպ մինչեւ Ամու-Դարեա ընկած հողերը:

Իրանի նոր տիրակալը՝ շահ Իսմայիլը (1502-1524) իր գահակալութեան առաջին իսկ օրերից հայ վաճառականական դասի նկատմամբ դրսեւորում էր բարեացակամ վերաբերմունք: Հայկական աղբիւրներում նրա այդ հակումը բացատրւում է նրանով, որ դեռեւս մինչեւ իր գահակալութիւնը Ադ-Կոնստնու փաղիշահները եւ Շիրւանշահերի կառավարիչները ցանկանում էին որսալ ու ոչնչացնել գահի այդ վտանգաւոր հակառակորդին: Նրա կեանքի այդ ամենավտանգաւոր պահին հայ վաճառականները հասնում են օգնութեան եւ թաքցնում Ախթամարի հայ հոգեւորականութեան մօտ: Հետագայում դաժանօրէն հետապնդելով իր քաղաքական հակառակորդներին եւ նրանց դաւանած սուննի աղանդը, երախտապարտ շահը իրր թէ ամէն կերպ հովանաւորում ու արտօնութիւններ էր շնորհում հայ առեւտրական ու հոգեւոր դասին:

Այս պատմութիւնը, որն իրօք ունի իրական պատմական հիմք, անշուշտ բանալի չի հանդիսանում հաւաստի բացատրութիւն տալու համար հայ վաճառականական դասի նկատմամբ երիտասարդ շահի շեշտած բարեացակամ վերաբերմունքին: Պարզապէս լինելով շրջահայեաց ու հեռատես քաղաքական գործիչ, շահ Իսմայիլը յաւուր պատշաճի գնահատում էր հայ վաճառականական եւ հոգեւոր դասի դերը իր նորաստեղծ պետութեան տնտեսական ու քաղաքական հեռահար ծրագրերի տեսակէտից:

Սէֆեան պետութիւնը արագօրէն դառնում էր Մերձաւոր Արեւելքում եւ Անդրկովկասում տնտեսական եւ քաղաքական առաջնութիւն ձեռք բերելու պայքարում Թուրքիայի հիմնական ախոյեանը: Նախ յաջողութեամբ շարունակւում էր նրա նւաճողականութիւնը: 1507 թ. Սէֆեանները գրաւեցին Հայաստանը, իսկ 1508 թ. Բաղդադը եւ Արարական Իրաքը: Այնուհետեւ հետամուտ լինելով իր համար ռազմական փառքի ստեղծմանը, շահը միաժամանակ ձգտում էր առեւտրի բնագաւառում եւս նեղել իր ախոյեանին: Եահը անձամբ բնաւ չէր խորշում առեւտրից: Նա ոչ միայն ինքն էր հանդէս գալիս որպէս ձեռներէց առեւտրական, այլեւ աշխատում էր խրախուսել առեւտուրը իր պետութեան մէջ: Եահ Իսմայիլ Իր իր առջեւ նպատակ էր դրել հսկողութիւն սահմանել Առաջաւոր Ասիայի ստրատեգիական հանգոյցների, ինչպէս եւ Հնդկաստանից ու Միջին Ասիայից դէպի լեւանտեան նաւահանգիստները տանող առեւտրական ուղիների նկատմամբ:

Ժամանակակից Թուրք պատմաբան Խալիլ Ինալլիքը նշում է,

որ Հայն բոլոր ուղիները, որոնցով իրանական մետաքսը արտահանուում էր Եւրոպա, անցել էր թուրքերի ձեռքը: Չբաւարարւելով սոսկ առեւտրական ճանապարհների վրայ ունեցած հսկողութեամբ, թուրքերը XVI դարում փորձեր էին կատարում գրաւել եւ իրենց տիրոջթներին միացնել հիւսիսային Իրանի մետաքս արտադրող այնպիսի կենտրոններ, ինչպիսիք էին Շիրւանը եւ Գիլեանը: [30, էջ 4]

Նոյն հեղինակը զարգացնում է նաեւ այն միտքը, որ թուրքիան ձգտում էր իր բաժինը ստանալ ոչ միայն իրանական հում մետաքսի առեւտրից, այլեւ կենտրոնական Ասիայի, Հնդկաստանի ու Չինաստանի հետ կատարւող առեւտրափոխանակութիւնից: [14, էջ 210-211]

Սակայն Օսմանեան կայսրութեան այս նկրտումները Հանդիպում էին Սէֆեանների կատաղի դիմադրութեանը: Նրանք Իրանի մետաքսառատ շրջանները իրենց հսկողութեան տակ պահելու հարցը համարում էին կեանքի ու մահու խնդիր: Սէֆեան շէյխերի ձեռքում էր գտնւում Գիլեանի մետաքսի մենաշնորհը: Տիրանալով այդ մետաքսառատ շրջանին, նրանք այնուհետեւ ձեռք կարկառեցին Շիրւանի մետաքսին՝ բազմիցս պատերազմելով Շամախիում նստող շիրւանշահերի հետ: Այսպէս, դեռեւս 1488 թ. Արդաբիլում իշխող զոլլաշների ցեղապետը՝ Շէյխ Սէֆին յարձակում գործեց Շամախու վրայ, սրի քաշելով այդ քաղաքի մարդկանց [31, էջ 1160]: 1510 թ. Սէֆեանները գրաւեցին մետաքսառատ շրջաններից մէկը՝ Վրաստանը, որից յետոյ Հնագանդեցրին նաեւ Շիրւանի խանութիւնը:

Այսպէս 1538-1539 թ.թ. Շիրւանը կրկին ապստամբեց շահ Թահմազի դէմ: Այս անգամ շարժումը ղեկավարում էր արդէն իր մահկանացուն կնքած շիրւանշահի Ֆարուխ Եասար որդին՝ Շահրոխը: Ապստամբութիւնը արեան մէջ խեղդեց շահ Թահմազի եղբայրը՝ Ալիազ Միրզան: Շիրւանի ազնւականական դասի ընտրանին, մօտ 800 մարդ, անխնայ սրի քաշւեցին: Ի տրիտուր իր կատարած կարեւոր գործի, Ալիազ Միրզան ստացաւ Շիրւանը որպէս անձնական տիրոջթ: [32, էջ 872] Իր հակառակորդների դէմ մղած պատերազմներում շահ Թահմազը այնուհետեւ իրեն ենթարկեց նաեւ մետաքսաբեր միւս շրջանները՝ Շաքին, Գանձակը եւ Արցախը: Գիտակեցելով առեւտրի նշանակութիւնը պետութեան տնտեսական, քաղաքական ու ռազմական հզօրացման գործում, շահ Թահմազն աշխատում էր դիւրութիւններ ստեղծել ներքին առեւտրի ծաւալման համար: Նրա հրամանով կարաւանային առեւտրի

կայաններում փորում էին ջրհորներ, կառուցում քարալանսարաններ, անողոք պայքար էր մղում աւազակախմբերի, ինքնապատան ու սանձարձակ ցեղապետերի դէմ եւ այլն:

Այդ առթիւ ուշագրաւ տեղեկութիւններ է յայտնում Զաքարիա Սարկաւազը «Եւ ուղղեաց զամենայն կարգս քաղաքական, զմոթս, զկապիճս, զչափ ու կշիռս եւ զամենայն արուեստաւորս, զկրպակս, զպանդոկս եւ որ յայլ ինչ քաղաքի լինի առեւտուր ի գնել եւ ի վաճառել եւ զանուղիղսն կորուսանէր մահուամբ: Եւ ոչ կարէր թիւրել, զի շարամահ առնէին» [33, էջ 10-16]

Շահի հրամանով 1564 թ. վերացւեցին նաեւ ուղեհարկերը (դամդա):

Եթէ մետաքսի խնդիրը լուծելու հարցը երկրի ներսում համեմատաբար հեշտ յարդարւող խնդիր էր, ապա արտաքին առումով այն պահանջում էր խոշոր ջանքեր: Այդ դժւարութիւնը յաղթահարելու համար իր սկզբնաւորման առաջին իսկ օրերից Սէֆեան պետութիւնը ստիպւած էր մարտնչել օսմանցիների կենտրոնացւած ու հզօր պետականութեան դէմ, որը երկաթեայ ձեռքով եւ արթուն հսկում էր դէպի Արեւմուտք տանող կարաւանային առեւտրական ճանապարհների վրայ, միաժամանակ անզուսպ ձգտում դրսեւորելով շարժելու դէպի Արեւելք եւ տէր դառնալու մետաքսին, իր ժամանակի այդ փափուկ ոսկուն:

Գերազանցապէս ահա այս հողի վրայ 1514 թ. Լականից ծայր են առնում թուրք-իրանական պատերազմները, որոնք առանձին ընդամիջումներով շարունակւում են մօտ մէկ ու կէս դար:

Պատերազմող կողմերը ձգտում էին տիրանալ Արարական իրաքին, Հայաստանին, Ատրպատականին, Անդրկովկասին ու Դաղստանին, Հաստատել իրենց տիրապետութիւնը Հայաստանի եւ Իրանի վրայով անցնող առեւտրական ճանապարհների վրայ, իրենց ձեռքը վերցնել մետաքսի արտադրութեան հիմնական կենտրոնները հիւսիսային Իրանում ու Անդրկովկասում եւ այլն:

Այդ պատերազմների ժամանակ, բնականաբար, կասեցւում էր Հայ վաճառականութեան առեւտուրը եւ վաճառականական դասի համար ստեղծւում էր կեանքի եւ գոյքի ծայրահեղ անապահովութեան վիճակ: Այսպէս, օրինակ, հայկական յիշատակարաններից մէկում կարդում ենք, որ շահ Խուդարանդէի (1578-1587) տիրապետութեան օրօք, երբ թուրք-օսմանները արշաւեցին դէպի Անդրկովկաս, այդ խառնակ շրջանում առաւել շատ տուժեցին ջուղայեցիները, որոնք ստիպւած էին լքել իրենց քաղաքն ու փախչել

Ազուլիս: «Արդ նորոգեցաւ սուրբ աւետարանս ի թւին Հայոց ուլզ (1584): Գերի էր ի ձեռն ալլազգեաց. ես ջուղայեցի խոջա գրումս առ ի վերստին... ի թագաւորութեան շահի Խուղարանդային, ի հայրապետութեան էջմիածնեայ Տէր Գրիգոր կաթողիկոսին, ի տանուտէրութեան Ջուղայի Մալա Պետրոսին: Խիստ դառն ժամանակ էր: Ջուղայ փախել էր Ազուլիս, եւ ես խոջա Գրումս առ ի սուրբ աւետարանս եւ ետու Սուրբ Ածածնին վախմ:» [21, էջ 31]

Այսպիսով իր ձեւաւորման ու զարգացման հէնց սկզբնական շրջանից «խոջաների» դասը ստիպւած էր գործել ծայրահեղ դժւարին պայմաններում: XVI դարի սկզբից Հայաստանի զոյգ հատւածներում էլ տիրում էր աղէտայի վիճակ: Հայ ժողովրդի բնօրրանը դարձել էր ռազմական գործողութիւնների թատերարեմ Մերձաւոր արեւելքի հզօրագոյն տէրութեան՝ Օսմանեան Թուրքիայի եւ Առաջաւոր Ասիայում քաղաքական առաջնութեան ձգտող Աէֆեան Իրանի միջեւ:

Հայաստանի տարածքում վաչկատուն ցեղերի էթնիկական նւաճողականութիւնը ուղեկցւում էր նստակեաց բնակչութեան զանգւածային ջարդերով: Գերեվարութիւնների, տարագրութիւնների եւ ամէն տեսակի բռնութիւնների հետեւանքով հայ բնակչութիւնը դուրս էր մղւում հայրենի բնօրրանից:

Հայ վաճառականները եւս ժամանակի շփոթ վիճակից եւ տեւական հալածանքներից ու ծանր հարկապահանջութիւնից ազատւելու ցանկութեամբ, լքելով իրենց հայրենիքը, երեք թեւերով հեռացել են: Հիւսիս-արեւմտեան ուղղութեամբ անցել են Իտալիա, գլխաւորապէս Վենետիկ եւ Լիւռոնո, ինչպէս նաեւ Հոլանդիա: Ուղղելով դէպի Արեւելք, նրանք անցել են Իրան, Հնդկաստան եւ մինչեւ Հեռւոր Արեւելք: Դէպի հարաւ ընտրել են Հայկազը, մասամբ հաստատւելով նաեւ Զմիւռնիայում: [34, էջ 286]

Այսպիսով առեւտրով զբաղւելը հայ ժողովրդի համար մի կողմից դառնում էր գոյութիւնը պահպանելու եւ հարստութիւն կուտակելու միջոց, իսկ միւս կողմից նպաստում էր Հայաստանի հայաթափ լինելուն:

Հայաստանի տնտեսական ու քաղաքական մասնատւածութեան պայմաններում երկրի զոյգ հատւածներում էլ գոյութիւն չունէին քիչ թէ շատ ուժեղ իշխանութիւններ, որոնք ի վիճակի լինէին համախմբելու ժողովրդին եւ դառնալու ազգային անկախութեան յենարաններ: Իսկ ազգային եկեղեցին, որը պետականութիւնից զուրկ ժողովրդի համար սովորաբար դառնում

է ազգի բնական առաջնորդ, 16-րդ դարում նոյնպէս ի վիճակի չէր ազգային հաւաքականութեան անունից հակադրելու օտար նւաճողներին, մանաւանդ որ այդ շրջանում խաթարել էր հայ ազգային-եկեղեցական կազմակերպութեան միասնութիւնը: Հայ առեւտրական դասը, որի շահերը տուժել էին Հայաստանում տեղի ունեցող գործողութիւններից, սկսեց դժգոհութիւն դրսեւորել իր գործունէութեան ազատութիւնը կաշկանդող օտար լծի նկատմամբ: Որքան նա հարստանում էր ու ձեռք բերում նիւթական ուժ, այնքան աւելի ցայտուն էին դրսեւորւում նրա այդ տրամադրութիւնները: Հայ խոջայութիւնն աստիճանաբար սկսում է հետաքրքրութիւն դրսեւորել նաեւ սեփական ժողովրդի քաղաքական կեանքի նկատմամբ, յատկապէս մտահոգելով նրա իրաւագուրկ վիճակով: [36, էջ 98]

Թուրք-իրանական պատերազմները ոգեւորիչ ներգործութիւն ունեցան եւրոպական տէրութիւնների վրայ, որոնք նոր յոյսեր սկսեցին փայփայել, թէ վերջապէս հասել է Արեւելքից եւ Արեւմուտքից օսմանցիներին կրակէ օղակով սեղմելու ժամը: Նորից իրանա-եւրոպական հակաթուրքական դաշինք կնքելու հարցը դարձաւ օրակարգի հրատապ խնդիր: Յայտնի է, օրինակ, որ վենետիկի հանրապետութիւնը Եւրոպա ժամանած հայ վաճառականների միջոցով տեղեկութիւններ էր հաւաքում իրանում հիմնադրւած նոր պետութեան մասին: Այսպէս, երբ 1503 թ. Մուրատ Անկիւրացին Թուրքից ժամանում է վենետիկ, հանրապետութեան սենատը նրանից աշխատում է տեղեկութիւններ քաղել Սէֆեան պետութեան եւ նրա մղած պատերազմների վերաբերեալ: [28, էջ 204-205]

Դա վենետիկի համար կենսական անհրաժեշտութիւն ունեցող խնդիր էր, որովհետեւ կոստանդնուպոլսի անկումից յետոյ վենետիկեան հանրապետութիւնը պարբերաբար պատերազմներ էր մղում Օսմանեան Թուրքիայի դէմ: Հիտալական միւս խոշոր կենտրոնների պէս XV դարի կէսերից ի վեր հետզհետէ կորցնելով միջազգային առեւտրի մէջ ունեցած իր իշխող դիրքը՝ այդ պատերազմների միջոցով վենետիկն ապարդիւն ջանք էր թափում վերականգնելու Մերձաւոր Արեւելքում կորցրած իր կշիռը եւ կասեցնելու Միջերկրականի վրայով տեղի ունեցող առեւտրի ճակատագրական վայրէջքը: [17, էջ 66-67]

Իր հերթին Սէֆեան պետութիւնը հիանալի զիտակցում էր, որ դժւար է միայնակ պայքարել մի այնպիսի ահարկու թշնամու դէմ,

ինչպիսին Օսմանեան կայսրութիւնն էր: Այդ պատճառով այն եւս յանձինս եւրոպական պետութիւնների փնտրում էր դաշնակիցներ: Դեռեւս շահ Իսմայիլը բանակցութիւններ սկսեց Վենետիկի հետ, փորձելով նրա հետ կնքել հակաթուրքական դաշինք: [30, էջ 276]

Հայ վաճառականները կամովին ընդգրկուած էին այդ բանավարութիւնների մէջ, հետապնդելով առաւելապէս ազգային շահեր: Բանը նրանումն էր, որ 10-րդ դարում վերստին արծարծուած էր Արեւմուտքի քրիստոնեայ պետութիւնների օգնութեամբ Հայաստանն ազատագրելու գաղափարը: 1647 թ. Ստեփանոս Սալմաստեցի կաթողիկոսը գումարեց յատուկ խորհրդաժողով, որը որոշում է պատւիրակութիւն ուղարկել Արեւմուտք՝ Հայաստանի վիճակի բարւոքման շուրջը բանակցութիւններ վարելու: Հայկական կղերը փորձել է խորհրդաժողովի գումարման նախաձեռնութիւնը վերագրել իրեն: Մինչդեռ իրականում այն պատկանում էր հայ առեւտրական կապիտալի ներկայացուցիչներին: «Այսպիսով մի դիւանագիտական առաքելութիւն հնարաւոր դարձնողն ընդհանրապէս հայ առեւտրական կապիտալն էր եւ մասնաւորապէս նրա արեւելեան խոշոր ճիւղը, խոջայական կապիտալը...» գրում է Լէոն: [26, էջ 110]

1662 թ. Միքայէլ Սերաստացի կաթողիկոսը որոշում է Արեւմուտք ուղարկել մի նոր պատւիրակութիւն՝ Արգար Թոխաթեցու գլխաւորութեամբ: Ակներեւ է որ Արգարը եւ իր գործակիցները մերձաւոր կապեր ունէին ոչ միայն հայ եկեղեցական խաւերի, այլեւ հայ խոջայական վերնաշերտի հետ: [17, էջ 69]

Հարկ է նշել, որ հայ վաճառականների քաղաքական ակնկալութիւններն Արեւմուտքի տէրութիւններից պատահական չէին նաեւ այն պատճառով, որ հայ առեւտրավաշխառուական կապիտալը սերտ համագործակցութեան մէջ էր եւրոպական կապիտալի հետ:

Այսպիսով, կարելի է եզրակացնել, որ հայ ազատագրական միտքը ամենից վաղ ծնունդ է առել առեւտրական բուրժուազիայի՝ խոջայութեան շրջանում: Հէնց այս դասն է, որ աստիճանաբար համակւելով հայ բնաշխարհն ազատագրելու տրամադրութիւններով, սկսում է տոն տալ նաեւ այդ նպատակով ձեռնարկեող բանակցութիւններին: [36, էջ 99]

Եւրոպական պետութիւնների հետ բանակցութիւններ վարելու համար Սէֆեաններն աւելի յաճախ դիմում էին իրանահայ վաճառականներին: «Թուրքիայի դէմ պայքարելու համար կարիք

զգալով մի շարք եւրոպական տէրութիւնների աջակցութեանը Սէֆեաններն այդ նպատակով հաճոյքով օգտուում էին քրիստոնեայ դիւանագիտական գործակալներին՝ հայ վաճառականների ու հոգեւորականների ծառայութիւններին»։ [38, էջ 182]

Յայտնի է, օրինակ, որ արդէն 1506 թ. Կոստանդնուպոլսում դատում եւ գլխատում են Էջմիածնի նւիրակներին՝ Սէֆեանների օգտին լրտեսութեան մեղադրանքով։ Ղ. Ալիշանը բերում է բազմաթիւ փաստեր, որոնք վկայում են, որ, օրինակ, Հին Ջուղայի վաճառականները կատարում էին շահի դիւանագիտական յանձնարարութիւնները։ [28, էջ 372]

Իր հեթին Վենետիկի հանրապետութիւնը Սէֆեանների հետ դիւանագիտական յարաբերութիւններում յաճախակի դիմում էր հայ վաճառականների ծառայութիւններին։ Այսպէս, Վենետիկի հանրապետութեան արխիւային փաստաթղթերից տեղեկանում ենք, որ 1571-1572 թ.թ. շահ Թահմասպ Իի մօտ ուղարկած Վենետիկեան դեսպան Վինչենցո դ'Ալեսսանդրին իր բանակցութիւնների ժամանակ օգտուում էր Ջուղայեցի վաճառականների աջակցութիւնին»։ [29, էջ 31, 33-34] Այդ վաճառականների գլխաւորներից Միրիջանը եւ Մարութան Վենետիկի դեսպաններին յայտնում են, որ վաճառականի անւան տակ Վենետիկ են մեկնել իրենց երկու ներկայացուցիչները, որոնք ունեն գաղտնի առաքելութիւն։ Մասնաւորապէս նրանց յանձնարարւած էր Վենետիկի հանրապետութեանը հաղորդել, որ պարսից շահը պատրաստուում է օսմանցիների դէմ պատերազմի եւ որ Թուրքիայի մզկիթներում աղօթում են, որպէսզի Թուրքերի եւ պարսիկների միջեւ եղած հաշտութիւնը չխախտւի, որպէսզի իրենց նաւատորմը նոր փորձանքի չենթարկւի քրիստոնեաների կողմից։ [37, էջ 388]

Սակայն հայ վաճառականների բանավարութիւնները աւարտեցին ապարդիւն, որովհետեւ այդ շրջանում իրանա-եւրոպական քաղաքական դաշինքի կնքումը վիճակւած չէր կեանքում կենսագործւելու։ Կարեւորը այն էր, որ այդ բանավարութիւնների ժամանակ հայ վաճառականները աւելի մօտիկից էին ծանօթանում Եւրոպայի շուկայական պայմաններին, նրանցում արեւելեան ապրանքների պահանջարկին, ծանօթանում էին Եւրոպայում ընդունւած առեւտրի ձեւերի հետ, համագործակցութեան մէջ էին մտնում եւրոպական առեւտրական ընկերութիւնների ու վարկաւորող հաստատութիւնների հետ եւ վերջապէս կապեր էին հաստատում եւրոպական պետութիւնների

կառավարող շրջանների հետ, որն այնքան անհրաժեշտ էր նրանց առևտրական գործառնութիւնների ծաւալման համար: Արդէն XVI դարի կէսերից Ջուղայի վաճառականների առևտրական գործունէութեան սահմանները տարածոււմ էին Հնդկաստանից, Չինաստանից, Հեռաւոր Արեւելքից, Հարաւ-Արեւելեան Ասիայից, Կենտրոնական ու Միջին Ասիայից մինչեւ Լեւանտ եւ Արեւմտեան Եւրոպայի երկրներ: Նրանց էր պատկանում նաեւ Իրանի հում մետաքսի արտահանման առաջնութիւնը դէպի Լեւանտի առևտրական կենտրոնները:

Անգլիական այսպէս կոչւած «Մոսկովեան» ընկերութեան ծառայող Արթուր Էդլարդը վկայում է, որ XVI դարում միայն Ջուղան Հալեպ էր արտահանում տարեկան 400-500 ջորու բեռ մետաքս եւ այնտեղից բերում էր 800-1000 ջորու բեռ անգլիական եւ վննետիկեան մահուդ: [39, էջ 45] Այդ նոյն ընկերութեան մէկ այլ ծառայող՝ Լօրենս Չեպմէնը, վկայելով որ Սէֆեան պետութիւնից մետաքսը սիրիական Հալեպ եւ Տրիպոլի քաղաքներն էր բերում հայերի կողմից, նշում է, որ ջուղայեցիները երբեմն այդ քաղաքներն էին բերում մինչեւ 1000 ջորու բեռ մետաքս: [39, էջ 45] Նման վկայութիւններ մենք գտնում ենք նաեւ XVII դարի անգլիացի ուղեգիր Ջոն Քարտրայտի մօտ: Մասնաւորապէս նրանից տեղեկանում ենք, որ ջուղայեցիները միայն Շիրւանից տարեկան 500, իսկ երբեմն նոյնիսկ 1000 ուղտաբեռ հում մետաքս էին հանում Հալեպ: [40, էջ 501] Բուրսայում Մեդիչիների եւ Ֆլորենտինեան միւս տների ներկայացուցիչը 1501 թ. նշում էր, որ Իրանից ամէն տարի Բուրսա են ժամանում մեծ քանակութեամբ մետաքսով բեռնւած կարաւաններ: Նրա հաշուետւութիւններից երեւում է, թէ ինչպիսի անհամբերութեամբ էին վաճառականները սպասում այդ կարաւանների ժամանելուն եւ ինչպիսի արագութեամբ էին գնում բերւած ապրանքները: Վաճառականները ստանում էին առատ վարձատրութիւն, քանի որ Իտալիայում մետաքսի իւրաքանչիւր ֆարդելլոն (մօտ 150 կիլոգրամ) բերում էր 70-80 դուկատ մաքուր եկամուտ:

Ջուղայեցի վաճառականները հանդէս էին գալիս այն աստիճանի կազմակերպւած ձեւով, որ անգլիացիները ստիպւած էին խոստովանել, որ «վննետիկցիների եւ հայերի ընկերութեան միջեւ առևտուրը ամբողջութեամբ խափանելը անհնարին է:» Ղազինից Լոնդոն՝ անգլիական առևտրական կենտրոնի հասցէով գրւած նամակում Լօրենս Չեպմէնը նշում էր, որ այդ բանը թերեւս

Հնարաւոր կլինի իրականացնել, եթէ ճշուշ միջոցներ գտնէք հայերից տարեկան ընդունելու 100 հակ եւ փոխարէնը նրանց վճարելու դրանց արժէքի մէկ երրորդը դրամով, իսկ մնացածը կտորեղէնով՝ քրտէյով կամ մետաքսեայ կտորներով»^[4, էջ 411]

XVI դարի վերջին Մերձաւոր ու Միջին Արեւելքի երկու հզօրագոյն պետութիւնները՝ Օսմանեան Թուրքիան եւ Սէֆեան իրանը շարունակում էին պատերազմները, փորձելով գէնքի օգնութեամբ լուծել իրենց համար կենսական նշանակութիւն ունեցող ռազմական, քաղաքական, տնտեսական, տարածքային եւ գաղափարական մի շարք հարցեր: 1532-1534, 1548, 1553 թ.թ. ընթացքում թուրքական զօրքերը բազմիցս ներխուժեցին Սէֆեանների տիրոյթները: 1576 թ. շահ Թահմասպ Ի-ի (1524-1576) մահից յետոյ, օգտւելով Սէֆեան պետութեան ներսում ծայր առած ներքին խռովութիւններից եւ 1577 թ. յունւարին աւարտելով պատերազմը Հարարուրգների գերմանական կայսրութեան հետ, Թուրքիան 1578 թ. հերթական յարձակում ծաւալեց իրանի դէմ: Պատերազմը էլ աւելի խթանեց ղզլրաշական ազնւականութեան տարրեր իմբատումների միջեւ վաղուց ի վեր ծայր առած երկպառակտութիւնները: 1576 թ. գահ բարձրացաւ շահ Իսմայիլ II-ը, որին նրա հայրը, շահ Թահմասպը քսան տարի շարունակ բանտարկւած էր պահում Կահկահէ կոչւած ամրոցում: Կարճ եղաւ նրա գահակալութիւնը: 1578 թ. նրան թունաւորեցին: Իսմայիլին փոխարինեց նրա եղբայրը՝ անկամ ու հիւանդոտ Մուհամմեդը, որին տւել էին «Խուղարանդէ» (Աստծոյ ծառայ) մականունը: Վերջինս Սէֆեան գահի վրայ նստեց մինչեւ 1587 թ.:

Մայրահեղ ծանր վիճակ էր ստեղծւել նաեւ իրանի ներքին կեանքում: Այդ երկրի աւատական տնտեսութիւնը, հողի հարկային քաղաքականութեան հետեւանքով ապրում էր լուրջ ճգնաժամ: Համարեա անընդմէջ տեղի էին ունենում միջաւատական երկպառակտութիւններ, բռնկում էին գիւղացիների եւ արհեստաւորների ապստամբութիւններ, ծայրամասային աւատատէրերի խռովութիւններ, քոչւորական ցեղերի գինւած ելոյթներ եւ այլն: Տնտեսական ճգնաժամը յատկապէս բացասաբար ազդեց երկրի ներքին եւ արտաքին առեւտրի վրայ: Կարեւորագոյն առեւտրական ճանապարհները դէպի արեւմուտք՝ Հալեպ եւ դէպի հարաւ՝ Պարսից ծոցի Հորմոզ նաւահանգիստը միանգամայն լքւած էին: Փանձարանը լրիւ դատարկ էր: Պետութիւնը կանգնած էր ոչ միայն տնտեսական կրախի, այլեւ պետական փլուզման եզրին:

1578 թ. Ռուսլու եւ Ուսթաշլու թուրքալեզու հզօր ցեղերի առաջնորդների ճնշման հետեւանքով շահ Մուլթան Մուհամմեդ Քուդարանդէն գահը զիջեց իր 17-ամեայ կրտսեր որդուն՝ շահ Աբրաս Էին (1587-1629), որը իրանի պատմութեան մէջ մտել է «Շահ Աբրաս I մեծ» անունով:

1590 թ. Մարտի 21-ին Կոստանդնուպոլսում Սէֆեան պետութիւնը ստիպւած էր Օսմանեան Թուրքիայի հետ ստորագրել հաշտութեան ծանր պայմանագիր, ըստ որի Արեւելեան Վրաստանը, Արեւելեան Հայաստանը, ողջ Ատրպատականը, բացառութեամբ Արդեբիլի եւ Թալիշի, ինչպէս նաեւ Լօրեսթանի մի մասը անցնում էին Թուրքիային: [41, էջ 231] Երիտասարդ շահը խաղաղ դադարն օգտագործեց երկրի ռազմական եւ վարչական համակարգը վերակառուցելու եւ արեւելեան շրջանները գրաւած ուզբեկներին վճռելու համար, որոնք լուրջ ստնձգութիւններ էին կատարում Սէֆեան պետութեան սահմանների նկատմամբ: 1594 եւ 1597 թ.թ. նա երկու խոշոր արշաւանք կազմակերպեց դէպի Պորասան: Հերաթի մօտ տեղի ունեցած ճակատամարտում կրելով դաժան պարտութիւն, ուզբեկները ստիպւած էին հեռանալ Պորասանից: Այնուհետեւ երեք տարի անց ղզլբաշական բանակը գրաւեց Մերվը, իսկ 1602 թ. նաեւ Բախար:

Միաժամանակ շահը ձեռնամուխ եղաւ ներքին ապստամբութիւններն ու տեղական աւատատէրերի միջնավատական երկպառակութիւնները ճնշելուն, ինչպէս նաեւ երկրի կենտրոնացմանն ու տնտեսութեան ամրապնդմանը: Նա երկաթեայ կամքով ու անողոք դաժանութեամբ հնազանդեցրեց պետութեան ծայրամասերի անհնազանդ աւատատէրերին, որոնք մշտական կապերի մէջ էին իր թշնամիների՝ Օսմանեան Թուրքիայի, ուզբեկական խանութիւնների, Պորտուգալիայի, մասամբ նաեւ Ռուսաստանի հետ:

Տեղական աւատատէրերի կենտրոնախոյս ձգտումների դէմ պայքարելու նպատակով նրանց տիրոջթիւների հաշւին մեծացնեցին պետական (դիւանի) եւ շահական (խասսէ) հողերի չափերը: Շահը ձգտում էր սահմանափակել ղզլբաշական եւ այլ թուրքական ցեղերի ռազմական ազնւականութեան ազդեցութիւնը եւ ուժեղացնել քաղաքացիական բիրտկրատիայի եւ շիիթական հոգեւորականութեան կշիռը պարսկական տարրերին շահին ենթակայ պետական ապարատի մէջ ներգրաւելու ճանապարհով: [42, էջ 81] Բացի այդ, Աբրաս Էր առաջ էր քաշում եւ երբեմն բարձր պաշտօններ էր շնորհում օտարազգի ծագում ունեցող եւ մասնաւորապէս հայ եւ

վրացի ծնողներից սերւած ղոլամներին, որոնք պարտադիր կերպով հանդիսանում էին մանկուց մահմեդականութիւնն ընդունած դաւանափոխներ:

Շահը կազմակերպեց նաեւ 15 հազարանոց մի հեծելազօր, որը դարձեալ հաւաքագրուում էր մահմեդականացած քրիստոնեաներից: Նրա մէջ մեծ թիւ էին կազմում վրացիներն ու հայերը, որոնց մանկահաւաքի միջոցով վաղ մանկութիւնից ընդգրկում էին յատուկ դպրոցներ: Այդ զինւորներին կոչում էին «ղուլ», ասել է ծառայ, ստրուկ, իսկ նրանց հրամանատարին անւանում էին «ղուլլար-աղասի»: Շահ Աբրասի ժամանակ «ղուլլար-աղասիներին» շրջանում ամենաբարձր դիրք էր գրաւում անւանի զօրահրամանատար, ծագումով հայ Ալլահվերդի խանը: Հայ ղոլամներից էին նաեւ Ղարչխա խանը, Շիրւանի բեկլարբէգ Իսուֆ խանը եւ ուրիշներ: [43, էջ 17]

Շահը ստեղծեց նաեւ 12 հազարանոց հրացանակիրների՝ («թուֆանգչի») մի հետեւակ զօրամաս, որը հաւաքագրուում էր թուրքական ենիերիների օրինակով: Բացի այդ, անգլիացի էնտոնի Շիրլիի օգնութեամբ ձուլւեցին թնդանօթներ, որով եւ հիմք դրեց պարսկական հրետանուն: Աբրաս Իի իրագործած ռազմական բարենորոգումը նւազեցրեց աւատական աշխարհագործերի նշանակութիւնը եւ թուլացրեց քոչւոր ղզլրաշական եւ այլ թուրքական ցեղերի ռազմական ազնւականութեան քաղաքական դերը: Այսպիսով ղզլրաշական ռազմա-քոչւորական ազնւականութիւնը, որին մինչ այդ պատկանում էր առաջատար դեր, մղւեց երկրորդ պլան:

Շահի ջանքերով պետութեան մէջ նման դեր այսուհետեւ սկսեց խաղալ պարսկական քաղաքացիական բիւրոկրատիան, որը սերտօրէն կապւած էր խոշոր վաճառականութեան վերնախաւի հետ:

Այսպիսով հենւելով պետութեան իրանական տարրի վրայ, շահ Աբրաս Իը հիմք դրեց այսպէս կոչւած «իրանականութեան» քաղաքականութեանը: [44, էջ 14]

Շահը աշխատում էր իր համար յենարան ստեղծել նաեւ պետութեան մէջ բնակւող ազգային փոքրամասնութիւններից, այդ թւում նաեւ հայերից: [44, էջ 16] Իզուր չէ, որ Յովհաննէս արեղա գրիչը (1600 թ.) շահ Աբրաս Իին անւանում է «բարեկամ հայոց ազգի»: [46]

1598 թ. շահը Սէֆեան պետութեան մայրաքաղաքը Ղազւինից

տեղափոխեց Իրանի խորքը՝ պարսկական էթնոսով շրջապատւած Սպահան քաղաքը: Դրանով նա ոչ միայն ցանկանում էր ամրապնդել կենտրոնական նահանգների տնտեսական ու քաղաքական նշանակութիւնը, այլև հետապնդում էր ռազմատրատեգիական եւ առեւտրատնտեսական հեռուն գնացող նպատակներ: Նա Սպահանը վերածեց երկերի քաղաքական ու առեւտրական ակտիւութեան կենտրոնի: Այսուհետեւ բոլոր կարուանները, որոնք շարժոււմ էին հիւսիսից հարաւ եւ արեւելքից արեւմուտք, պէտք է հատէին կենտրոնական դիրք ունեցող այս քաղաքը:

Սպահանը նաեւ իրանական հին քաղաքակրթութեան աչքի ընկնող կենտրոններից էր եւ չափազանց մօտ էր գտնուում առաւելապէս պարսկական էթնիկական տարր ունեցող այնպիսի քաղաքներին, ինչպիսիք էին Եագղը, Քաշանը եւ Շիրազը: Սէֆեանների նոր մայրաքաղաքում իրանական տարրը պէտք է խաղար ղեկավար դեր:

Անտարակոյս շահ Աբբասի վերոյիշեալ բարեփոխումները յարաբերականօրէն բարենպաստ պայմաններ էին ստեղծում երկրի տնտեսութեան, մասնաւորապէս առեւտրի ու արհեստների վերընթաց զարգացման համար: Գիտակցելով, որ պետութեան ուժը խարսխւած է երկրի հարստութեան վրայ, այդ «վաճառական թագաւորը» [26, էջ 81] մեծ ուշադրութիւն սկսեց դարձնել առեւտրի զարգացման վրայ: Նա զրադոււմ էր ճանապարհների եւ քարաւանատների շինարարութեամբ, աշխատում էր պայմաններ ստեղծել կարաւանների անվտանգ երթեւեկութեան համար եւ այլն: Այդ բոլորը հանգեցրեց սպրանքա-դրամական յարաբերութիւնների աճին, ներքին շուկայի որոշ ընդլայնմանը եւ ներքին ու արտաքին առեւտրի զարգացմանը:

Ամրապնդելով իր պետութիւնը, շահը միաժամանակ նախապատրաստուում էր նոր պատերազմի Օսմանեան Թուրքիայի դէմ: Նա ուշի-ուշով հետեւում էր իր ախոյեանի ներքին ու արտաքին կեանքում ծաւալող իրադարձութիւններին: Այդ ժամանակ Թուրքիան ապրում էր ծանր ներքին քաղաքական ճգնաժամ, XVI դարի վերջերից թեւակոխելով իր վայրէջքի ու անկման շրջանը: [48] Օսմանեան կայսրութեան հզօրութիւնը սասանել էր նաեւ Եւրոպայում ռազմական անյաջողութիւնների, միջաւատական երկպառակտութիւնների եւ ջեւպիների ապստամբութիւնների հետեւանքով, որոնք XVI դարի վերջին եւ XVII դարի

սկզբին ընդգրկել էին համարեա ողջ Անատոլիան, սպառնալով տարածել նաև միւս շրջաններում: Բուն երկրում անիշխանութեան հետեւանքով միայն երկու փաշայութիւններ էին ճանաչում Բ. Դուան իշխանութիւնը: [47, թ. 34]

Թուրքիայի հետ առաջիկայ պատերազմի հաւանականութիւնը շահ Արբաս Էին ստիպում էր փնտրել դաշնակիրներ: XVI դարի 90-ական թւականներից նա սկսում է դեսպանութիւններ ուղարկել Եւրոպա եւ առաջին հերթին այն երկրները, որոնց անմիջականօրէն սպառնում էր թուրքերի եւ նրանց վասալ Ղրիմի խանի ներխուժման վտանգը, կամ որոնց շահերը մեծապէս տուժել էին Արեւելքի եւ Արեւմուտքի միջեւ առեւտրական ճանապարհների վրայ թուրքերի տիրապետութեան հետեւանքով: [48] Աւելի յաճախակի, քան Սէֆեան նախկին շահերը, Արբաս Էր սկսում է իրանա-եւրոպական բանակցութիւնների ժամանակ օգտագործել հայ բանագնացներին: Բանն այն է, որ Օսմանեան տիրապետութիւնն Անդրկովկասում յատկապէս ծանր հետեւանքներ ունեցաւ միջազգային առեւտրի հետ կապւած հայ վաճառականութեան համար՝ կասեցնելով նրանց ազատ երթելակութիւնը թուրքիայի առեւտրական ճանապարհների վրայով: Հայ խոջաների դժգոհութիւնը կրկնապատկուում էր նաև այն պատճառով, որ շահի իշխանութեան օրօք, «խաս» ճանաչւած հայ վաճառականական քաղաքներ ու աւաններ Ջուղան, Ագուլիսը, Մեղրին, Շոռոթը, Աստապատը եւ այլն, որոնք ունէին մի շարք արտօնութիւններ ու իրաւունքներ, թուրքիայի կողմից զրկւեցին դրանցից: Բնականաբար, այս պայմաններում հայ վաճառականութիւնը որոշակի յոյսեր էր կապելու հակաթուրքական դաշինք կնքելու փորձերի հետ՝ աշխատելով իր լուծման ներդնել այդ գործում: Այսպէս, 1597 թ. որպէս էջմիածնի նւիրակ, իրականում որպէս շահի դիւանագիտական յանձնակատար, Եւրոպա է ուղեւորւում Յակոբ Մարգարեան Ամդեցին: Թէ ինչպիսի լիազօրութիւններով էր նա օժտւած, յայտնի չէ, սակայն աղբիւրներից երեւում է, որ նրա առաքելութիւնը խիստ զաղտնի էր: 1597 թ. Յունիսի 22 եւ 23-ին Վենետիկի հանրապետութեան իշխանութիւնների կողմից հարցաքննութեան ժամանակ նա յայտնում է, որ իրեն Եւրոպա է ուղարկել շահ Արբասը եւ որ իրանից մեկնելուց յետոյ եղել է վրաց Ալէքսանդր եւ Սիմոն իշխանների մօտ, որոնք իրեն նամակներ են տւել ուղղւած Հոռոմի պապին ու «առ դեսպան կայսերը ի Հոռովմ», եւ որ ինքը «թղթեր» ունի նաև վրաց պատրիարքից: Չխօսելով այդ «թղթերի» բովանդակութեան մասին, Յակոբ Ամդեցին միայն ասում

է, թէ իր խնդիրն է դրանք յանձնել հասցէատէրերին եւ սպասել պատասխանի: Ընդ որում, նա չի թաքցնում, որ «ուրիշ անգամ այլ ասոնցմէ եւ Սանդա Սեւերինայի կարգինայէն թուղթեր տարած եմ առ Շահն եւ առ իշխանս եւ պատրիարքն վրաց»: [28, էջ 353-354] Յակոբ Ամդեցին նաեւ յայտնում է, որ իրեն նամակ յանձնած վերոյիշեալ անձիք աղաչեցին, որ պապը «աղօթք ընէ՝ որ կարենան թըշնամույն դէմ երթալ, միանգամայն եւ կու սպասեն՝ որ արեւմտեայք նախ յաղթութիւն մի ընեն, որ իրենք ալ վստահանան»: [28, էջ 354]

1599 թ. Յուլիսի Թին շահ Աբբասը Եւրոպա ուղարկեց Հուսէյն Այլի-Բէկ Բայաթի դեսպանութիւնը, որին ուղեկցում էր անգլիացի էնտոնի Շիրլին: Դեսպանութիւնն աւարտեց կատարեալ ձախողմամբ: [49, էջ 68] Դա ճնշող տպաւորութիւն գործեց շահի վրայ եւ նրան ստիպեց այնուհետեւ եւրոպական երկրների հետ բանավարութիւններում աւելի յաճախակի օգտել հայ վաճառականների եւ հոգեւորականութեան ծառայութիւններից: 1593-1606 թ.թ. թուրք-աւստրիական պատերազմի շրջանում Իրանի եւ եւրոպական տէրութիւնների միջեւ աշխոյժ բանակցութիւններ էին տեղի ունենում: Շահ Աբբասը 1600-1604 թ. Եւրոպա ուղարկեց մի քանի դեսպանութիւն: [50, էջ 10-11] 1603 թ. Վենետիկ ուղարկած դեսպանութեան կազմում կային երեք ջուղայեցի վաճառականներ: [20, էջ 44, 47, 192]

Համոզելով, որ Եւրոպա ուղարկւած դեսպանութիւնները առաջմտ չեն կարող արդիւնաւէտ լինել, շահը տենդօրէն սկսեց նոր պատերազմի նախապատրաստութիւններ տեսնել Օսմանեան կայսրութեան դէմ: Ընդ որում, այդ նպատակով նա աշխատում էր իր կողմը գրաւել պատերազմի հաւանական թատերաբեմում գտնուող աւատական դասի ներկայացուցիչներին: Այդ առթիւ Առաքել Դավրիթեցին գրում է. «...Բազումք ոմանք յաշխարհէս Ատրպատականի իշխանք եւ կողմնակալք մահմետականք եւ քրիստոնեայք, գնացեալ էին առ թագաւորն Պարսից, վասնզի յոյժ չարաչար նեղութեամբ նեղէին զնոսա ազգն օսմանցւոց ծանր հարկապահանջութեամբ, եւ կեղեքմամբ զրկէին եւ կողոպտէին, եւ հաւատոյ կուռեծուութիւն (խստութիւն) առնէին, եւ այլ բազում տառապանօք չարչարէին, ոչ միայն զազգս Հայոց, այլեւ զազգն վրաց եւ զմահմետականաց, եւ վասն այնր նեղութեան գնացին առ թագաւորն Պարսից, զի թերեւս նովաւ դիւրութիւն գտցեն զեղծեալք ի ծառայութեանէն Օսմանցւոց»: [23, էջ 16]

Շահ Աբբաս Էր, որը նախապատրաստում էր մեծ պատերազմի թուրքիայի դէմ, սիրով ընդունում էր նրանց,

արժանացնելով մեծամեծ պատիւների եւ շնորհելով բազմապիսի իրաւունքներ ու արտօնութիւններ:

«Եւ պատճառ զնալոյ սոցա առ շահն այս էր. - գրում է Առաքել Դավրիթեցին, - զի հաւաստեալ եւ ստոյգ գիտէին, թէ շահն պատրաստեալ է գալ յաշխարհս Հայոց... Եւ է պատճառ Դիզակեցւոց եւ դաշտեցւոց զնայն՝ ծանր հարկապահանջութիւնն, կեղեքելն եւ կողոպտելն եւ կուռեծուծիւն առնելն եւ անխնայ սպանանելն զքրիստոնեայան»: [23, էջ 16 եւ հտ.]

Իրան դաղթածների մէջ մեծ թիւ էին կազմում նաեւ մեծահարուստ հայ վաճառականները, որոնք նոյնպէս զրսեւորում էին շեշուած դժգոհութիւն թուրքական իշխանութիւնների նկատմամբ:

Շահը յատուկ կարեկցական շնորհների արժանացրեց նաեւ փախստականների մէջ գտնւող էջմիածնի Դաւիթ եւ Մելիքսէթ կաթողիկոսներին, Հաւուց թառի Մանուէլ եպիսկոպոսին, Գեղարդի Ասուածատուր եպիսկոպոսին եւ հայկական եկեղեցու այլ բարձրաստիճան սպասաւորների, որոնք ճարահատեալ չի հանապարհորդեան անհանգստութեանց իւրեանց՝ 1603 թ. փախուստի դիմեցին իրենց պաշտօնավայրերից եւ ապաստան գտան շահի մօտ: Վերջինս փախստականներից տեղեկութիւններ էր հաւաքում «զեղանակ կառավարութեանն Օսմանցւոց, զվիճակ բնակչացն Հայաստանի եւ զամենայն հանգամանս այնր սահմանի»: Շահը «զայնպիսի աղմկեալ վիճակ Հայաստանի եւ գտադոկութիւն սրտից բնակչացն այնր՝ բարեղէպ ժամանակ. համարէր ինքեան արշաւելոյ ի վերայ Օսմանցւոց»: [51, էջ 10-11]

Օգտւելով Թուրքիայի ներքին քաղաքական ծանր վիճակից շահ Արբաս Էր խախտեց 1590 թ. Թուրք-իրանական հաշտութեան պայմանագիրը եւ 1603 թ. սեպտեմբերի 14-ին ռազմական գործողութիւններ սկսեց Օսմանեան Թուրքիայի դէմ:

Պարսկական զօրքերը մուտք գործեցին Ատրպատական եւ Սեպտեմբերի 28-ին գրաւեցին Թաւրիզը: Այնուհետեւ վերցնելով Նախիջեւանը, նրանք շրջապատեցին Երեւանը, որտեղ ամրացել էր թուրքական զօրամասը: Միաժամանակ շահը զօրքեր ուղարկեց Թուրքերի իշխանութեան տակ գտնւող այլ բնակավայրերն ու քաղաքները գրաւելու համար: Առաքել Դավրիթեցին հաղորդում է, որ ասպատակութեան ենթարկւեցին Գանձակը, Արծկէն, Արճէշը, Վանը, Մանազկետը, Այաշկետը, Կարինը, Կաղզվանը, Բասէնը, Խնուսը եւ նրանց շրջակայ գաւառները: [23, էջ 29-30]

Պարսիկները կողմից Երեւանը վերցնելուց յետոյ (1604 թ. յունիսին) Թուրքիան, որն այդ ժամանակ կարողացել էր վերջ տալ ներքին երկպառակտութիւններին, շահ Արբասի զօրքերի դէմ ուղարկեց մի մեծ բանակ Ջղայ-Օղլի Սինան փաշայի գլխաւորութեամբ: 1604 թ. աշնանը թուրքական զօրքերը մուտք գործեցին Մշօ դաշտը եւ սկսեցին շարժել դէպի Երեւան: Կշռելով ուժերի յարաբերակցութիւնը, շահ Արբասը որոշեց նահանջել դէպի Թաւրիզ: Հէնց այդ ժամանակ նրա մօտ հասունացաւ իր զբաւած հողերը «մեռեալ գօտու» կամ «այրւած հողի» վերածելու եւ հայ բնակչութեանը դէպի Պարսկաստանի խորքերը տարագրելու ծրագիրը, որի առաջին օրինակները տւել էին ղեռեւս Աղ-Կոխնու Ուզուն Հասանը եւ Սէֆեան շահ Թահմասպ Էր:

Նախապէս զօրամասեր ուղարկւեցին Կարս եւ մօտակայ շրջանները, որպէսզի «նուժերի (թուրքական) զօրքերի ճանապարհին քանդեն ու ոչնչացնեն բոլոր բնակավայրերը, դաշտերում չթողնեն հացի ու անասնակերի հետքեր, այդ շրջանների ռայաթ-այլազաւաններին (հայերին) տեղափոխեն այս կողմը (Իրան) եւ ոչ մի բանի առջեւ կանգ չառնեն կողոպտելու ու ոչնչացնելու համար այն մարդկանց, որոնք բարեացակամ վերաբերւելով ռումերի նկատմամբ, չեն ցանկանայ արտագաղթել»։ [41, էջ 463]

Սէֆեան զօրքերին հրամայւած էր տեղահանել ինչպէս մահմեդական, այնպէս էլ քրիստոնեայ բնակչութեանը, սակայն տեղահանւածների հիմնական զանգւածը կազմեցին հայերը: Առաքել Դավթիժեցին վկայում է, որ «ոչ թէ զմի կամ զերկու գաւառս վարեաց ի պարսկաստուն, այլ զբազումս: Եւ սկսեալ ի սահմանացն Նախուանու եւ անցեալ ընդ Եղեգաձոր, առ եզերը Գեղամայ, եւ Լօուոյ, եւ զՀամզաչիման գաւառն, զԱպարան, զՇարաբխանէն, զՇիրակուան, զԶարիշատ, եւ մասն ինչ ի գեղօրէիցն Կարսայ եւ զձորն Կաղզվանու բնաւին, եւ բովանդակ զերկիրն Ալաշկերտու, եւ զգեղօրայսն Մակուայ, եւ զերկիրն Աղբակու եւ զՄալմաստու, եւ զՍոյայ եւ զՈրմի եւ որ ինչ պանդուխտք եւ դարիպականք մնացեալք էին ի քաղաքն եւ ի գեղօրայսն թարվիզու, զդաշտն Արարատու բովանդակ, եւ զԵրեւան քաղաք, զերկիրն Ղրխրուլաղայ, զՄաղկունուց ձոր, զԳառնու ձորն, զՍերժաձորն: Եւ յառաջ քան զայս՝ զգաւառն Կարնոյ, եւ զԲասենու, եւ զՍնուսայ, եւ զՄանազկերտու, եւ զԱրծկէոյ, եւ զԱրճչոյ, եւ զԲերկրու, եւ զՎանայ, աւարով եւ զերութեամբ բերեալ էին յԵրեւան, եւ ընդ սոսա քչեցին եւ տարան»։ [23, էջ 62-63]

Հայաստանից քշւած բնակչութեան քանակը պատկերացնելու համար բաւական է ասել, որ միայն Արծկէից գերւած հայերի թիւը 23 հազար էր, չհաշւած սպանւածները: Ըստ Ա. Դավրիժեցու, Արեւմտեան եւ Արեւելեան Հայաստանից տեղահանւած հայ բնակչութեան թիւը հասնում էր 300 հազարի: [23, էջ 52-53] Նրանց մեծ մասը խեղդւեց Արաքսի ջրերում կամ ճանապարհներին ոչնչացաւ զրկանքներից:

Դավրիժեցին չի նշում, թէ Իրանում այդ գաղթականութիւնը որ քաղաքներում տեղաբաշխւեց: Նա միայն յիշատակում է, որ չզամենեսեան վարեալ քչեցին յաշխարհն Պարսից»:

Հ. Տէր Յովհաննէանցը, առաջնորդւելով իր ձեռքի տակ եղած աղբիւրներով, ենթադրում է, որ նրանց մի մասը բնակեցւել է Քաշանում, Ղազւինում, Գիլանում, Էնզելիում եւ այլուր: Որպէս ապացոյց նա վկայակոչում է Մովսէս Եպիսկոպոսի 1702 թ. յունւարի 12-ի կոնդակը, ուղղւած յիշեալ վայրերի հայ բնակչութեանը:

«Շնորհք առաքելական եւ նամակ պահպանողական ի վերայ Մերագուն եւ հայկատոհմ համայնից ժողովրդականաց որք էք ի Քաշան՝ ի Ղազւին՝ ի Գիլան՝ ի Անզալի, ի Դարբանդ, եւ որք շուրջ գդոքօք մեծամեծ եւ մանրամասնեայ գեղորայք իցեն», - ասում է այդ կոնդակում: [51, էջ 30]

Իրանում հայ գաղթականութեան սփռման աշխարհագրական սահմանները չէին սահմանափակւում դրանով:

Սակայն տարագրւածների հիմնական զանգւածը այնուամենայնիւ տեղաբաշխւեց Իրանի կենտրոնական շրջաններում եւ հէնց դրանում էր կայանում շահի այդ վիթխարի մտայղացման բուն հուժիւնը: Բանը նրանում է, որ կազմակերպելով հայերի զանգւածային բռնագաղթը կամ այսպէս կոչւած «Մեծ սուբդունը», շահ Աբրաս էր հետապնդում էր ինչպէս ռազմա-ստրատեգիական ու քաղաքական, այնպէս էլ տնտեսական նպատակներ:

Ռազմա-ստրատեգիական նպատակը միանգամայն պարզ էր՝ անապատի վերածել այն տարածքները, որոնցով անցնելու էր թուրքական բանակը: Նրա ենթադրութեամբ դա ոչ միայն թուրքական հակառակորդի զօրքերի առաջխաղացումը, այլեւ կղժւարացնէր հակառակորդի զօրքերի առաջխաղացումը, այլեւ կապագայում նշանակալիւորէն կապահովէր Իրանի սահմանային անվտանգութիւնը: Քաղաքական նպատակը նոյնքան շրջանների անվտանգութիւնը: Քաղաքական նպատակը նոյնքան յստակ էր. թուլացնել պետութեան ոչ իրանական էթնոս ունեցող շրջանները: Աւելի համապարփակ ու ընդգրկուն էին հետապնդող

տնտեսական նպատակները. նախ շահը ձգտում էր մարդկային նոր գանգաձանների հաշվին զարգացնել Իրանի նոսր բնակչութիւն ունեցող կենտրոնական շրջանները եւ ապա զարկ տալ երկրի առեւտրա-տնտեսական կեանքին:

Ձեռնարկելով իր մասշտաբներով այդ վիթխարի գաղթը, Արրաս Էր հիանալի հասկանում էր, որ Իրանում նշանակալից թւով առեւտրական ու արհեստաւորական բնակչութեան բնակեցումը դրական ներգործութիւն կունենայ ուրիշ երկրների հետ ապրանքափոխանակութեան աճի վրայ եւ կնպաստի Իրանի, մասնաւորապէս նրա կենտրոնական նահանգների, տնտեսական զարգացմանը: [42, էջ 82]

Վերջապէս հայ վաճառականական դասի օգնութեամբ Իրանի տիրակալը ձգտում էր զարկ տալ երկրի ճգնաժամի մէջ գտնւող տնտեսութեանը եւ մասնաւորապէս ծաղկեցնել լճացում ապրող երկրի արտաքին առեւտուրը ասիական եւ եւրոպական երկրների հետ: Նրա նւիրական երազանքն էր միջազգային առեւտրի կենտրոնը Ջուղայից տեղափոխել Իրան, իսկ մետաքսի կարաւանային ուղիները անց կացնել իր մայրաքաղաք Սպահանի վրայով դէպի Պարսից ծոց: Այդ ծրագրի իրագործումով շահ Արրասը մտադիր էր նաեւ տնտեսական հարած հասցնել իր ախոյեան Օսմանեան Թուրքիային, նրան զրկելով իրանական հում մետաքսի արտահանումից գանձւող հսկայական մաքսատուրքերից: Հէնց այդ նպատակին հասնելու ձգտումն էր, որ շահին մղեց անապատ դարձնել այն բոլոր երկրամասերը, որոնք ընկած էին էրզրում-Թաւրիզ առեւտրական ճանապարհի վրայ, որի վրայ կատարւող աշխոյժ առեւտրի հասոյթների մեծ մասը մտնում էին Օսմանեան գանձարան:

Իրանը մետաքսի միջազգային առեւտրի կենտրոն դարձնելու համար շահը դիմում էր ամենածայրահեղ միջոցների: Այսպէս, նա բռնագաղթի ժամանակ Անդրկովկասից 40 հազար հայ գիւղացիներ, 12 հազար վրացիներ եւ 7 հազար հրեաների գաղթեցրեց Իրանի մետաքսարեւ շրջաններից մէկը՝ «Դրախտանման Մագանդարան», որը հանդիսանում էր իր անձնական տիրոջթը՝ այնտեղ մետաքսի արտադրութեամբ զբաղւելու համար: [52, I, էջ 99-108] Սակայն նրանց համար այդ երկրամասը հանդիսացաւ գերեզման գաղջ օդի եւ հիւանդոտ կլիմայի պատճառով: Բացի այդ, շահի հրամանով, հետեւելով թուրքերի օրինակին, կախեթում ոչնչացւեցին թթի բոլոր ծառերը, որպէսզի վերջ տրւի վրաց շերամապա-

հուլիսանը: Դրանով շահը նպատակ ունէր ոչ միայն տնտեսական հարւած հասցնել Թուրքիային, այլեւ ձեռք բերել քաղաքական օգուտներ, որովհետեւ մետաքսի առեւտուրը, որը կազմում էր Վրաստանի արտաքին առեւտրի հիմքը, ամրացնում էր վրացիների՝ Մոսկովեան պետութեան հետ ունեցած կապերը:

Շահ Աբբասի վերոյիշեալ քաղաքականութիւնը առանձնակից ցայտունութեամբ դրսեւորուեց Հին Ջուղան քանդելու եւ նրա բնակիչներին Սպահան տեղափոխելու գործում:

Հարկ է նշել, որ իր գահակալութեան առաջին իսկ տարիներից շահ Աբբաս Էր ջուղայեցի վաճառականներին վերցրել էր իր հովանաւորութեան տակ: Այդ մասին է վկայում Սոլա Նազարի անունով 1592 թ. տրւած հրամանագիրը, որտեղ շահը հրամայում էր «իր պետութեան բոլոր ծառաներին» արգելք չհանդիսանալ նրա առեւտրին եւ առհասարակ շխտունել նրա առեւտրական գործերին»: [51, էջ 168-169]

Ենթադրում է, որ ինչպէս Ազուլխսը, Երնջակի շրջանի հայկական գիւղերը (Քրնա, Ապարաններ եւ այլն) այնպէս էլ Ջուղան համարւում էին անձեռնմխելի եւ «խաս» բնակավայրեր, այսինքն գտնւում էին շահի անձնական խնամակալութեան ու հովանաւորութեան ներքոյ եւ անմիջականօրէն նրան էլ մոծծում էին հարկեր ու տուրքեր: Հարկահաւաքները իրաւունք չունէին մուտք գործել նրանց բնակավայրերը, նրանք ազատւած էին շահական արքունիքի համար պարբերաբար կազմակերպւող տղայահաւաքներից եւ այլն: Ընդ որում վերոյիշեալ բնակավայրերը իրենց այդ իրաւունքներին տիրացել էին շահ Աբբաս Էի մօտ պապական դեսպանների միջնորդութեան շնորհիւ: [21, էջ 30]

Երբ 1590 թ. Թուրք-իրանական պայմանագրով Ջուղան անցաւ Օսմանեան Թուրքիային, շահը զրկուեց Ջուղայի առեւտրական կապիտալը ի շահ իր երկրի արտաքին առեւտրի օգտագործումից: Դա շօշափելի հարւած հասցրեց նաեւ իր գանձարանին: Մինչդեռ միջազգային առեւտրով զբաղւող ջուղայեցի խոջաների առեւտուրը Թուրքիայի տարածքի վրայով սուլթանական գանձարանին բերում էր խոշոր եկամուտներ:

Այս բոլորը յուշում էր շահին, որ Անդրկովկասից Իրան նահանջելիս անթոյլատրելի է Ջուղան թողնել իր հակառակորդի ձեռքերում: Աւելին, պետական շահը պահանջում էր քանդել ու ամայացնել այն, իսկ հայ խոջաներին գաղթեցնել Իրան: Այսպէս կանխորոշուեց Ջուղայի ճակատագիրը: Շահ Աբբասը 1605 թ.

հրամայեց իր զօրահրամանատար Թահմաս-կուլի բէգին Ջուղա քաղաքի բնակչութեանը գաղթեցնել Սպահան եւ մինչեւ հիմք այրել ու աւերել Ջուղան»։ [23, էջ 57 եւ հտ]։

Շահը Սէֆեան պետութեան կենտրոնական շրջաններ տեղափոխեց մօտ 10 հազար հայ ընտանիքներ։ Նրանց մէջ ջուղայեցիներէից բացի կային երեւանցիներ, ազուլիսցիներ, դաշտեցիներ, նախիջեւանցիներ, թաւրիդեցիներ եւ այլն։ [63] Գաղթեցուած բնակչութեանը իրանական հողի հետ կապելու համար շահը նրանց յատկացրեց արտօնութիւններ ու իրաւունքներ։

Վկայելով այդ մասին, Քաչատուր Քիզանցի գրիչը, օրինակ, գրում էր. «Բայց գոհութիւն Տեառն որ հանց համարձակ կու պաշտեն զՔրիստոս Աստուած այս գերի անկեալ ազգս Հայոց, որ ամենայն տեղիս եկեղեցիս շինեցին, եւ պայծառապէս զարդարեցին, եւ ժամկոչն զժամն հանց բարձր գոչէ ձայնիւ, որպէս զՏաճկաց մօլայն այլ առաւել, եւ զմեռեալքն թաղեն խաչալամաւ եւ շուռջառով, բարձր ձայնիւ շարականաւ եւ հանց համարձակութեամբ աւհրենն զՂուրն յաւուր յայտնութեան Փրկչին, որպէս ի ժամանակս Լուսաւորչին եւ Տրդատայ թագաւորին»։ [46, No 321]

Սակայն շահը առանձնակի բարեացակամ քաղաքականութիւն էր վարում ջուղայեցիների նկատմամբ։ 1605 թ. յատուկ հրովարտակով նա Սպահանի հարաւային մասում, Չանդերուդ գետի աջ ափին, շահապատկան «խասսէ» հողերից նրանց յատկացրեց մի ընդարձակ տարածութիւն բնակավայր կառուցելու համար, որը ի յիշատակ աւերած Ջուղայի ստացաւ Նոր Ջուղա անւանումը։ Իրաւամբ, այս քաղաքը շուտով վերածւեց գաղութային հայ կապիտալի ամենամեծ ու ամենաուժեղ կենտրոնի՝ գրեթէ մի ամբողջ դարի ընթացքում։ [25, էջ 66]

Եթէ Նոր Ջուղան հիմնադրելու ժամանակ նրա բնակչութիւնը, առանձին բացառութիւններով, միայն հին ջուղայեցիներ էին, ապա հետագայում այն դարձաւ իրան գաղթեցուած եւ առեւտրով զբաղւող բնակչութեան բնակավայր, մի տեսակ զուտ առեւտրական քաղաք։ Նոր Ջուղայի հիմնադրումից յիսունմէկ տարի անց, շահ Աբրաս II-ի ժամանակ այնտեղ կառուցեցին «Երեւան» եւ «Թաւրիզ» կոչւած նոր թաղամասեր, որտեղ բնակչութիւն հաստատեցին այդ քաղաքներից գաղթեցուած անւանի վաճառականները։ [51, էջ 277, 281]

Նոր Ջուղան իր հիմնադրման առաջին իսկ օրերից շահ Աբրասից ստացաւ մի շարք իրաւունքներ ու արտօնութիւններ։

Մասնաւորապէս հայ խոջայական դասը, որը կազմում էր իրանի վաճառականական դասի ընտրանին, ձեռք բերեց տնտեսական, քաղաքական եւ իրաւական բնոյթի մի շարք լայն առանձնաշնորհումներ, ընդհուպ մինչեւ իր ազգային ու կրօնական առանձնայատկութիւնները պահպանելու ու զարգացնելու իրաւունքը, մի հանգամանք, որն ըստ էութեան անօրինակ երեւոյթ էր մահմեդական մի երկրի համար: [54, էջ 40]

Շահը ջուղայեցիներին իրաւունք տւեց պահպանելու այն բոլոր արտօնութիւնները, որոնք կապւած էին «խաս» իրաւունքի հետ: Նրանք ճանաչեցին նաեւ որպէս շահապատկան ապրանքներ վաճառող «թաջիբէ-է խասս-է շերիֆ» վաճառականներ, այսինքն օգտուում էին շահի առանձնաշնորհեալ վաճառականների իրաւունքներից: [55, էջ XV-XVI]

Ընդօրինակելով թուրքերին, շահ Աբրասը Նոր Զուղայի հայ խոջաներին տւեց նոյն դիրքը, որպիսին թուրքիայում ունէին նրանց ժամանակակից հայ «չելեպիները»:

Զուղայեցիները ստացան նաեւ ազատ քաղաքացիութեան արտօնութիւն: «Ի տապանքարինս ոմանց ականաւոր տոհմականաց Զուղայու գրեալ կայ բառս «ազատ», թերեւս վասն յայտնելոյ ապագայից թէ ազատ քաղաքացի էին յԱսպահան եւ ոչ իրրեւ գերի: Այլ այդ արտօնութիւն՝ Զուղայեցւոց տեսանի գլխաւորապէս տուեալ»: [51, էջ 46-48]

Աբրաս Էի Հիջրեթի 1014 թ. (1605 թ.) ջամադի ալ-ուլեա ամսի հրամանագիրը վկայում է, որ Սէֆեան պետութեան մէջ ջուղայեցիները ճանաչոււմ էին ոչ միայն որպէս ազատ քաղաքացի, այլեւ իրրեւ հիւր, որը նրանց տալիս էր լրացուցիչ արտօնութիւններ: Դա նշանակում էր, որ նոր ջուղայեցիների վրայ չպիտի նայել որպէս օտարականների:

Շահը հրապարակեց նաեւ մի շարք յատուկ հրամանագրեր (Ֆիրմաններ), որոնք ջուղայեցիներին պաշտպանում էին տեղական իշխանութիւնների հալածանքներից: Այդ հրամանագրերում պահանջոււմ էր Նոր Զուղայի բնակչութեան նկատմամբ վերաբերել այնպէս, ինչպէս վերաբերոււմ է ինքը՝ շահը, այսինքն բարեացակամօրէն: [51, էջ 46-47]

Նոր Զուղային տրամադրոււմ էր նաեւ ինքնավարութեան իրաւունք, այդ թւում նաեւ առանց իրանական իշխանութիւնների միջամտութեան քալանթար, այսինքն քաղաքապետ ընտրելու իրաւասութիւն: Փրանսիացի դէ-Շինոնը, որը XVII դարի կէսերին

այցելել էր Նոր Զուղա վկայում է. «Շահը այդ փոքրիկ հանրապետութեան կառավարումը տրամադրել էր հայ խոջա Սաֆարին, իսկ յետոյ էլ նրա եղբորը, այսինքն այժմեան կառավարչի հօրը՝ խոջա Նազարին»: [50, էջ 78]

Նոր Զուղայում հայերին իրաւունք էր վերապահւած դատական վէճերը լուծել տեղում, այսպէս կոչւած գլխաւոր դատաւորի կողմից, որը սովորաբար ընտրուում էր համայնքի ազդեցիկ վաճառականներից: [57, էջ 121]

Հայերի եւ պարսիկների միջեւ դատական վէճերի ժամանակ յաճախ շահ Արբասի հրամանով դատական իշխանութիւնները դատավճիռ էին կայացնում յօգուտ հայերի: [51, էջ 46-47] Շահը յաճախ Սպահանի շրջանից քշում էր տեղի մահմեդականներին եւ նրանց շարժական ու անշարժ գոյքը յանձնում հայ բնակչութեան ունեւոր, առաւելապէս խոջայական վերնախաւին:

Ամբոխից հայ վաճառականների անձի եւ գոյքի պաշտպանութեան համար շահ Արբասը հրապարակեց մի հրամանագիր, ըստ որի հային սպանողը դատապարտուում էր մահուան: Այլ կերպ ասած հայերը վերցւում էին պետական հովանաւորութեան տակ: [58, էջ 121]

Յայտնի է, որ շահ Արբաս I-ի տնտեսական քաղաքականութեան բնորոշ կողմերից մէկը բնակչութեան հարկային լծի թեթեւացումն էր: Դեռեւս 1598 թ. ուզբեկների դէմ յաղթական պատերազմից յետոյ շահը նշանակալիորէն թեթեւացրեց Իրանի կենտրոնական նահանգի՝ Պարսկական Իրաքի բնակչութիւնից գանձուող հարկերը: Նման կարգի արտօնութիւնները տարածւեցին նաեւ ջուղայեցիների վրայ: Մասնաւորապէս թեթեւացեց նրանցից գանձուող գլխահարկը՝ խարաջը: Ֆրանսիացի ժան Բապտիստ Տաւերնիէի վկայութեամբ, շահը հարուստ եւ անւանի ջուղայեցիներին տրամադրեց այնպիսի իրաւունքներ, որոնցից օգտուում էին միայն մեծատոհմիկ ու ազնւագարմ անձինք կամ բարձրաստիճան իրանական պաշտօնեաները: [50, էջ 810, 827] Հայկական աղբիւրներում, օրինակ, յիշատակուում է, որ Նոր Զուղայի քալանթարներ (քաղաքագլուխներ) խոջա Նազարը եւ խոջա Սարֆրազը հանդիսանում էին «համախոհ եւ խորհրդակից թագաւորի»: [51, էջ 48] Պատահական չէ, որ խոջա Սարֆրազին նոյնիսկ մեծարել են «հայոց թագաւոր» անւանումով: Նրա գերեզմանաքարի վրայ քանդակւած են եղել հետեւեալ խօսքերը.

Ա՛ իմ աննման խոջա, որ էիր հայոց թագաւոր.

**Անուամ Սարֆրազ կոչի՝ սրընթաց զօրեղ դատաւոր,
Խելօք, քո ճարտար լեզուէտ դարմանար ամէն թագաւոր,
Շատ իշխան քո տեսուտ փափագ, ահեղատես իշխան
փառաւոր:**

Մէկ այլ աղբիւրի համաձայն, խոջա Մարջան անուամով ազգեցիկ վաճառականներից մէկը գրաւում էր Սէֆեան կառավարութեան ֆինանսական գերատեսչութեան գլխաւոր կառավարչի պաշտօնը: [60, էջ 23]

Ժամանակակիցների վկայութիւններում գտնում ենք բազմաթիւ փաստեր այն մասին, որ Նոր Զուղայի անւանի ու ազգեցիկ խոջաները շափազանց մօտ էին կանգնած շահին եւ արքունիքին, ընդորում դա բնորոշ էր ոչ միայն շահ Արբաս I ժամանակաշրջանին, այլեւ նրա հետնորդ մի քանի շահերի օրօք: Այսպէս, քարմելիթեան միաբանութեան անդամ Ֆրա Թիմասը Սպահանից Հոռոմ գրած 1629 թ. սեպտեմբերի 18-ի նամակում յայտնում էր, որ Սէֆեան գահի վրայ նստած նոր շահը՝ Սէֆի Էը (1629-1642) «իրեն ցոյց է տալիս որպէս բոլոր քրիստոնեաների նկատմամբ բարեացակամօրէն տրամադրած թագաւոր: Նա բազմիցս գնացել է խոջա Նազարի եւ Զուղայի ուրիշ երեւելիների տները նրանց հետ ճաշելու: Ճշմարիտ է, որ նրանք դրամական նւէրներ են արել եւ շարունակում են անել, ինչպէս նաեւ այլ նւէրներ մատուցել շահին»: [62, I, էջ 308]

Անգլիացի Թովմաս Հերբերտը վկայում է, որ երբ ինքը 1628 թ. ապրիլի 10-ին անգլիական դեսպանութեան հետ հասաւ Սպահանի մօտակայքը, դիմաւորողների մէջ էին ի թիւս վեզիրի եւ Սպահանի սուլթան Մելիոմ Բէգի նաեւ «հայ իշխան» խոջա Նազարը չորս հազար ձիաւորների եւ անհաշիւ հետեակների շքախմբով: Մի քանի օր անց, ապրիլի 15-ին խոջա Նազարը իր տանը ընդունում է անգլիական դեսպանին: Վերջինս գունեղ կերպով նկարագրում է այդ շքեղ ընդունելութիւնը, ի միջի այլոց նշելով, որ խոջա Նազարի տան բաժակներն ու գաւաթները բոլորը մաքուր ոսկուց էին: [67, էջ 121-123]

Մէկ այլ եւրոպացի՝ Ադամ Օլեարիուսը, որը գերմանական դեսպանութեան կազմում 1637 թ. սեպտեմբերին այցելել էր Սպահան, իր օրագրութեան մէջ յիշատակում է, որ իրենց ընդունող շահական շքախմբի մէջ էին նաեւ «Սարֆրազ բէգը, հայոց կառավարիչը, ընկերացած իր երկու եղբայրների՝ իլիազ բէգի եւ վաթանի հետ»: Այնուհետեւ նա հաղորդում է, որ գերմանական

դեսպանութեան եւ անձամբ դեսպան Բրուկմանի պատւին Սարֆրազ բէգը իր տանը կազմակերպում է մեծաշուկից եւ բազմածախս արքայավայել մի խնջոյք: Իր հերթին 1037 թ. հոկտեմբերի 1-ին գերմանական դեսպանը կազմակերոււմ է ընդունելութիւն, որին մասնակցում էին նաեւ Մոսկուայի դեսպանը, «Հայերի կառավարիչը» Սարֆրազ բէգը եւ իր երկու եղբայրները, անգլիացի եւ Ֆրանսիացի վաճառականների գլխաւորները, օգոստինեան եւ քարմելիթեան միաբանութիւնների միախօնները եւ այլն: [81, էջ 275-278, 281-282]

Անձամբ ինքը՝ շահ Արբասը, չէր խորշում լինել Նոր Ջուղայեցիների տներում, մասնակցել նրանց տօնախմբութիւններին եւ նոյնիսկ նրանց մասնակից դարձնել իր արքայական ճաշասեղաններին: [23, էջ 85]

Նոր Ջուղայի Ամենափրկչեան վանքի թանգարանում պահւում է մի հրովարտակ, տրւած հիջրեթի 1052 թ. (1842) շահ Արբաս II-ի (փոքր կոչւածի) կողմից, որտեղ ասւում է, որ քանի որ խոջա Սարֆրազը արժանացել է արքայական բարձր շնորհների, իր թագադրութեան առթիւ շահը նրան է նւիրում մի գառ կապան եւ մի վերարկու, միաժամանակ հրամայելով, որ արքունի նէջը տանող պաշտօնեային խոջա Սարֆրազը պէտք է տայ 12 թուաման որպէս աջքալոյսի վճար: [80, էջ 32]

Այդ ժամանակների համար դա խոշոր գումար էր: Ծահի կողմից իր հպատակներին «նւէրներ» մատուցելու այդ ձեւը մի միջոց էր երկրի մեծատուններից դրամ կորզելու համար:

Այնուամենայնիւ ինչո՞ւ էր Արբաս Էը այդպիսի լայն արտօնութիւններ ու իրաւունքներ շնորհում Ջուղայեցի վաճառականներին, որոնք ոչ միայն ճնշւած, իրաւագուրկ ազգի ներկայացուցիչներ էին, ռայաներ, այլեւ այլազաւան քրիստոնեաներ: Անտարակոյս առաջին հերթին նրան այդ քայլին էր մղում Իրանի պետական շահը: Նոյնիսկ ահարկու բռնակալներն էլ չէին մոռանում, որ մի երկրի բարօրութիւնը յաղթական պատերազմների մէջ չէ, այլ ծաղկած արդիւնաբերութեան եւ առեւտրի մէջ: Առեւտուրն իր զարգացման համար պահանջում է խաղաղ կեանք, ապահով հազորակցութիւն եւ այլ այսպիսի հեշտացնող եւ շահաւէտ դարձնող պայմաններ: [12, էջ 75-76] Ծարդենի վկայութեամբ շահ Արբաս Էը գտնում էր, որ առեւտուրը երկրի հարստացման ու բարեկեցութեան միակ ճանապարհն է:

XVII դարի սկզբներին Իրանը դեռեւս թոյլ էր ընդգրկւած

եւրոպական պետութիւնների առեւտրական շահերի շրջանակների մէջ, իսկ եւրոպացի վաճառականները համամատարար թոյլ մասնակցութիւն ունէին Սէֆեան Իրանի արտաքին առեւտրի մէջ: Մինչդեռ Իրանը կենսականորէն շահագրգռւած էր այդ երկրների հետ առեւտրական յարաբերութիւններ հաստատելու մէջ: Ուստի Իրանի տիրակալները մեծ յոյսեր էին կապում միջազգային առեւտրով զբաղւող հայ վաճառականների հետ: Հէնց դա էր պատճառը, որ հայ խոջաները ոչ միայն վայելում էին Սէֆեան շահերի հովանաւորութիւնը, այլեւ ինչ որ չափով ճանաչում էին որպէս տիրող դասակարգի ներկայացուցիչներ: Իրանի առեւտրատնտեսական շահերը ստիպում էին շահին, որպէսզի նա կրօնական հարցերում եւս հանդուրժողականութիւն դրսեւորի հայերի նկատմամբ: Ֆրանսիացի ճանապարհորդ Տուրնֆորը վկայում է, որ շահը հայերին չէր ստիպում ընդունել մահմեդականութիւնը, քանի որ նրանց քրիստոնէայ լինելը հեշտացնում էր առեւտրական յարաբերութիւնները եւրոպական երկրների հետ: [82, էջ 158]

ժամանակակից հայ գործիչները հիանալի գիտակցել են շահ Արբասի «քրիստոնէասիրութեան» բուն պատճառները: Այսպէս, Առաքել Դավրիժեցին շահ Արբաս Բին անւանելով «վիշապ անդնդային», հայերի նկատմամբ նրա հանդուրժողական վերաբերմունքի իսկական պատճառները բացատրում է իր անձնական օգուտների համար նրանց օգտագործելու շահագրգռութեամբ: [23, էջ 20, 139]

Կարճ ժամանակ պահանջեց հայ վաճառականական դասի հետ կապւած Սէֆեան շահերի քաղաքական նկատառումների գործնական իրականացման համար: Դեռեւս շահ Արբաս Բի տիրապետութեան շրջանում շնորհիւ Նոր Զուղայի, պետութեան մայրաքաղաքը՝ Սպահանը դարձաւ միջազգային առեւտրի խոշորագոյն կենտրոն: Զինաստանից, Հնդկաստանից, Կենտրոնական Ասիայից, Արաբիայից, Թուրքիայից եւ Եւրոպայից այստեղ էին հոսում զանազան ապրանքներ [83, էջ 100]:

Այսպիսով, 17-րդ դարի սկզբներից հայ առեւտրական բուրժուազիայի մի սոււար հատւածը, պատմական աննպաստ պայմանների հետեւանքով, ստիպւած էր գործել հայրենի բնաշխարհից դուրս:

Երախտապարտ խոջաները շուրջէն պատասխանում էին շահերի տրամադրած արտօնութիւնների դիմաց, գանձարանին բերելով հսկայական եկամուտներ: Պատահական չէ, որ շահ Արբաս

Իր սիրում էր ասել «մէկ հայր ինձ վճարում է աւելի շատ հարկեր, քան տասը մահմեդականը»:

Իրանի տնտեսական կեանքը աշխուժացնելու եւ պետական գանձարանի հասոյթները աւելացնելու նպատակով շահը դիմում էր բազմապիսի միջոցառումների. նա, օրինակ, կազմակերպեց մանւածագործարաններ, որտեղ ձրի հարկադրական աշխատանք էին կատարում մեծ քանակութեամբ արհեստաւորներ, [64, էջ 74] բացի հում-մետաքսից պետական մենաշնորհ յայտարարեց ակնահանքերն ու մետաղահանքերը, դրամահատութիւնն ու դրամափոխութեան գործը եւ այլն: Սակայն առանձնակի եռանդով նա աշխատում էր զարկ տալ արտաքին առեւտրին եւ յատկապէս հում մետաքսի արտահանութեանը, որը հնարաւորութիւն էր տալու ոչ միայն հարստացնել գանձարանը, արտասահմանում Իրանի համար ձեռք բերել անհրաժեշտ ապրանքներ, այլեւ տնտեսական հարւած հասցնել իր քաղաքական ախոյեանին՝ Օսմանեան կայսրութեանը, նրան զրկելով մետաքսի առեւտրից ստացւող հսկայական հասոյթներից: Շահը ենթադրում էր, որ իրանական լաւորակ եւ առաւել էժան մետաքսը կարճ ժամանակամիջոցի ընթացքում ի վիճակի կլինի մրցակցել թուրքական մետաքսի հետ եւ դրանով իսկ հնարաւոր կլինի հարւած հասցնել արեւմուտքի երկրների հետ թուրքական մետաքսի առեւտրին:

Այս նպատակներին հասնելու ճանապարհին միակ դրժւարութիւնը, սակայն, դէպի Լեւանտեան շուկաներն ու եւրոպական երկրներ մետաքսի արտահանման գործի կազմակերպումն էր, որովհետեւ XVII դարի սկզբին օտարերկրեայ վաճառականների այցելութիւններն Իրան կրում էին թուլցիկ բնոյթ: Իսկ բուն իրանական վաճառականները (պարսիկներ, հրեաներ եւ այլն) առաւելապէս զբաղւում էին ներքին առեւտրով [65, էջ 283] եւ հազւադէպ էին մեկնում եւրոպական երկրներ: Շահի բազմաթիւ փորձերը, նրանց ներգրաւելու նաեւ արտաքին առեւտրի մէջ, չուեցին ցանկալի արդիւնքներ: Աւելին, նրանք չարդարացրին շահի յոյսերը: [69, էջ 623] Նոյնիսկ շահի հպատակ բազմաթիւ վաճառականներ Եւրոպայում շահապատկան մետաքսի վաճառքից յետոյ այլեւս չէին վերադառնում Իրան, դրամը վատնելով կանանց վրայ եւ վարելով ցօփ ու շւայտ կեանք: [66, էջ 84] Ըստ երեւոյթին նման դէպքերը այն աստիճանի յաճախակի բնոյթ էին կրում, որ վենետիկի սենատը ստիպւած էր հրաւիրել շահի ուշադրութիւնը: [21,

Առաւել եւս Եւրոպայում մահմեդականների նկատմամբ վերարեւում էին անպատահութեամբ, իսկ երբեմն նաեւ թշնամանքով, որը ծայրահեղորէն դժարացնում էր նրանց տեղաշարժերը տւեալ երկրի ներսում եւ մէկ երկրից միւսը:

Այս դժարին վիճակից դուրս գալու համար շահ Արբասը յանձնարարեց իր մօտ ծառայութեան անցած անգլիացի հնտոնի Շիրլիին, որին նա անւանում էր «միրզա Անտոնիօ» մեկնել Եւրոպա, գերմանական կայսր Ռուդոլֆի, Հռոմի պապի, Վենետիկի դոժի եւ իսպանական թագաւորի մօտ եւ նրանց յայտարարել եւրոպական վաճառականների համար իրանի սահմանների բաց լինելու մասին, փորձել կնքել առեւտրական պայմանագրեր եւ այլն: [67] Ընդորում շահը կարգադրել էր անգլիացուն կանգ չառնել շուրջ խոստումների առջեւ եւ անպայման հասնել նրան, որպէսզի եւրոպական տարրեր ազգերի վաճառականները ներգրաւեն իրանական առեւտրի մէջ: [68, էջ 177] Հնտոնի Շիրլիի կարեւորագոյն առաքելութիւններից մէկն էր նաեւ իրանի եւ եւրոպական պետութիւնների միջեւ հակաթուրքական ռազմական դաշինքի կնքումը կամ նրա հնարաւորութեան շօշափումը: Դեսպանութիւնը, որի կազմի մէջ ընդգրկւած էր նաեւ արքունիքին մօտ կանգնած Հոսէյն Ալի բէգ Բայաթը, (վերջինս ձեւականօրէն նշանակւած էր դեսպանութեան ղեկավարի պաշտօնում) 1500 թ. ուղեւորեց Եւրոպա: Սակայն դեսպանութեան կազմի մէջ ընդգրկւած տասնութ պարսիկներից համարեա ոչ ոք չվերադարձաւ իրան: [69] Դեսպանութեան երեք քարտուղարները՝ Ալի կուլի խանը, Բոնայէգ բէգը եւ Օրուշ բէգը դաւանափոխ լինելով մնացին Իսպանիայում, ընդունելով Դոն Ֆիլիպ, Դոն Դիեգօ եւ Դոն Ժուան (կամ Ռուան) անուններ, իսկ դեսպանութեան մի քանի ծառայողներ մնացին Հռոմում, որոնք ճիզվիթների կողմից նոյնպէս դաւանափոխ եղան եւ ընդունեցին կաթոլիկութիւնը: [70, էջ 96-97, 135-136]

Չնայած եւրոպական տարրեր երկրներում դեսպանութեան վարած եռանդուն բանակցութիւններին, նրա գործունէութիւնը աւարտեց ապարդիւն: Դա ճնշող սպաւորութիւն գործեց շահի վրայ: Շօշափելի արդիւնքներ չուեցին նաեւ շահի փորձերը բուն իրանում օտարերկրեայ վաճառականներին ու առեւտրական ընկերութիւններին իրանական առեւտրի մէջ ներգրաւելու ուղղութեամբ: Դրա գլխաւոր պատճառը կայանում էր նրանում, որ XVII դարի սկզբին իրանը դեռեւս լիարժէք կերպով ընդգրկւած չէր Եւրոպայի առեւտրա-տնտեսական շահերի շրջանակների մէջ եւ

եւրոպական վաճառականները դիպւածից-դիպւած էին այցելում իրան: Նման պարագաներում շահ Արբաս Էր ընտրութիւն կատարելու հնարաւորութիւն չունէր:

Իր լայնահուն առեւտրա-տնտեսական ծրագրերը եւ մասնաւորապէս իրանական հում մետաքսը միջազգային շուկաներ հանելու գործը իրականացնելու համար նա ստիպւած էր դիմել իրան գաղթեցւած հայ վաճառականութեան ծառայութիւններին: Ընդորում այդ գործի համար նկատի էր առնւում ոչ միայն միջազգային առեւտրի բնագաւառում նրանց ունեցած հսկայական փորձը, այլեւ այն, որ Օսմանեան կայսրութեան տարածքով տեղաշարժելիս նրանք հանդիպում էին համեմատաբար հանդուրժողական վերաբերմունքի, քան շիա պարսիկները, իսկ Եւրոպայում նրանց ընդունում էին որպէս քրիստոնեայ-դաւանակիցներին: Իզուր չէ, որ Ֆրանսիացի ճանապարհորդ Շարդէնը յատուկ շեշտում էր, որ Հայդ հայերին շահը բերեց իր մայրաքաղաքը որպէս հպատակներ, որոնք բոլորից լաւ էին յարմարւած առեւտուր անելու ինչպէս թուրքերի, այնպէս էլ քրիստոնեաների հետ, քանի որ առաջինները նրանց ատում էին ոչ այնքան, որքան պարսիկներին, իսկ երկրորդները նրանց դաւանակիցներն են»:

Իսկ Ժան Բապտիստ Տավերնիէն գրում էր. «Շահ Արբասն իր հայեացքն ուղղեց հայերին, որոնք իր մտադրութիւնը իրականացնելու համար իրեն աւելի յարմար էին թւում: Ըմբռնեց, որ առոյգ ու հոգնութեան դիմացող մարդիկ են, երկար ճամբորդութիւններ անելու ընդունակ, թէ շատ ժուժկալ էին կերուխումի մէջ եւ խնայասէր, եւ թէ քանի որ քրիստոնեայ էին՝ աւելի դիւրութեամբ կարող էին առեւտուր անել ամբողջ քրիստոնեայ աշխարհի հետ: [69, էջ 72-73] Անգլիացի Թովմաս Հերբերդը եւս վկայում է, որ պետութիւնը ամէն կերպ հովանաւորում էր հայերի մասնաւոր նախաձեռնութիւնը եւ օգտագործում նրանց առեւտրական ունակութիւնները՝ արքունիքին պատկանող մետաքսի վաճառահանումը իրականացնելու համար: [71, էջ 263-265, 388-389]

Գաղթեցւած եւ ունեզրկւած հայ վաճառականութիւնը ոտքի կանգնեցնելու եւ նրանց առեւտրական գործունէութիւնը սատարելու նպատակով սկզբնական շրջանում շահը ջուղայեցի վաճառականներին յատկացնում էր անտոկոս դրամական վարկեր եւ ապրանքներ, որը նրանց հնարաւորութիւն էր տալիս արագօրէն

վերականգնել իրենց նախկին առեւտրական կապերը:

Պիետրո դելլա Վալլէի վկայութեամբ, հէնց որ շահական աստիճանաւորները նահանգներից հում մետաքսը տեղափոխում էին մայրաքաղաք, շահը իր մօտ էր կանչում առաւել փորձած ջուղայեցի վաճառականներին եւ նրանց յանձնելով մի քանի տասնեակ հակ հում մետաքս, ուղարկում էր եւրոպական երկրներ, այն վաճառահանելու համար: Ընդ որում Եւրոպայում հում-մետաքսի միջազգային գներին քաջածանօթ իրանաբնակ եւրոպացի փորձագէտները նախապէս գնահատում էին իւրաքանչիւր հակ հում մետաքսի արժէքը: [72, էջ 417]

Շահի կողմից փոխատուութեան ձեւով ջուղայեցիներին յատկացած մետաքսի արժէքը նրանք վճարում էին ոչ թէ կանխիկ ձեւով, այլ ճանապարհորդութիւնից վերադառնալուց յետոյ: [60, էջ 64]

2. Ալիշանի կողմից հրապարակած փաստաթղթերում հանդիպում ենք շահի կողմից նման յանձնարարութիւններով Եւրոպա ուղարկած ջուղայեցի վաճառականների անուններին: Այդ փաստաթղթերից մէկում ասում է. «1608 թ. օգոստոսի 14-ին ոմն Յովհաննէս Մարտիրոսի որդի, ջուղայեցի, շահի կողմից ապրանքներով ուղարկած էր Կ. Պոլիս, որտեղ նա այնուհետեւ իր ապրանքները տարաւ Վենետիկ: 1609 թ. Սեպտեմբերին ջուղայեցի վաճառականների մէկ այլ խումբ՝ Անդրեասի որդի Տէր Գարրիէլը, Տէր Սահակի որդի Գալարէզը եւ Ալի բէգի որդի խոջա Ուլուղը նաւերով մեկնեցին Վենետիկ 13 հակ հում մետաքսը վաճառելու համար: [37, էջ 419]

Մետաքսի եւ իրանական այլ ապրանքների արտահանումն ու վաճառքն ապահովելու համար շահը ամէն կերպ խրախուսում էր հայ վաճառականների ջանքերը՝ յայտնարներելու նոր, ազատ շուկաներ: [73, էջ 377]

Շահական կառավարութեան եւ հայ առեւտրական դասի միջեւ ստեղծում էր շահերի միասնութիւն, մի տեսակ դաշինք, որը ձեռնտու էր երկու կողմերին էլ: Կառավարութիւնը խոջաների համար ստեղծում էր առեւտրի բարենպաստ պայմաններ, իսկ վերջիններս էլ իրենց առեւտրով մեծ եկամուտներ էին բերում շահական գանձարանին:

Պիետրո Դելլա Վալլէն դիպուկ նշում է, թէ ջուղայեցիք պարսից թագաւորի համար այն են, ինչ որ ջննովացիները իսպանական թագաւորի համար, առանց թագաւորի նրանք չեն կարող ապրել, ինչպէս եւ թագաւորն առանց նրանց: [72, էջ 263]

Հայ վաճառականական դասին տրամադրված շահական լալն առանձնաշնորհումները, ինչպէս նաեւ առեւտրի համար ստեղծված բարենպաստ պայմանները Նոր Զուղայի խոջայութեանը հնարաւորութիւն տւեցին աննախընթաց չափերով ծաւալել իրենց առեւտրա-տնտեսական գործունէութիւնը եւ մասնաւորապէս Իրանի արտաքին առեւտուրը: Այդ բոլորի հետեւանքով մետաքսի առեւտրի միջազգային կենտրոնը տեղափոխւեց Նոր Զուղա հայաքաղաքը, որի խոջաները դարձան պետական մենաշնորհ հռչակած «չահլուղ» (արքունի) մետաքսի վաճառահանման խոջորագոյն կոնտրագենտներ:

Այսպիսով Արեւելեան Հայաստանի բնակչութեան բռնի զանգւածային արտագաղթը Իրան, պատերազմների հետեւանքով Հայ ժողովրդի այդ բնօրրանի ամայացումը ունեցաւ այն հետեւանքը, որ այդ երկրամասի առեւտրա-տնտեսական կեանքը կտրուկ խամրեց: Ուստի Հայ առեւտրական բուրժուազիան, ամէն տեսակի գործարար տարրերը, ինչպէս նաեւ գործունէութեան հսկայական եռանդ կուտակած Հայ մտաւորականութիւնը այսուհետեւ իրենց գործունէութեան ասպարէզ կարող էին դարձնել զաղթաշխարհը, որոնց մէջ Հայութեան կեանքում բացառիկ կարեւոր դեր էր խաղալու իրանահայ գաղութը եւ մասնաւորապէս Նոր Զուղայի գաղթօջախը:

1620 թ. շահ Արբաս Ի-ի մահը հական փոփոխութիւններ չմտցրեց Հայ առեւտրական դասի նկատմամբ Սէֆեան կառավարութեան քաղաքականութեան մէջ: Իր նախորդի օրինակով նոր շահը՝ Սէֆի Ի-ը (1620-1642) նրանց նկատմամբ շարունակում էր վարել աւանդական հովանաւորողական քաղաքականութիւն, որի դրդապատճառների մասին Փրանսիացի Գարրիէլ Շինոնը արտայայտուում էր հետեւեալ կերպ. «Կառավարութիւնը հովանաւորում էր խոջոր Հայ վաճառականութեանը եւ խրախուսում նրա առեւտուրը, նպատակ ունենալով օգտագործել նրա փորձն ու առեւտրական լալն կապերը երկրից հում մետաքսը արտահանելու եւ վաճառելու համար»: (74, էջ 226)

Նոր շահը ոչ միայն պահպանեց Հայ վաճառականութեան նախկին արտօնութիւններն ու իրաւունքները, այլեւ յատկացրեց նոր առանձնաշնորհումներ: Այսպէս, 1633 թ. նա հրապարակեց մի նոր հրամանագիր, որտեղ հրամայում էր պետութեան բոլոր մաքսային աստիճանաւորներին, նահանգների կառաւարիչներին, ճանապարհային պահակներին եւ այլն ջնեղել Հայ վաճա-

ուսկաններին, նրանց ցուցարբերել ամէն տեսակի աջակցութիւն, արդելք չհանդիսանալ երկրի ներսում նրանց տեղաշարժերին եւ ոչ մի դէպքում նրանցից չգանձել մաքսատուրքեր: [76, էջ 22] Բացի այդ, շահը պահպանեց Նոր Զուղայի նկատմամբ շահ Աբրաս Իի կողմից սահմանուած ցածր տուրքեր գանձելու շնորհը: Այսուհետեւ եւս այդ քաղաքը օգտուելու էր սահմանափակ հարկային խմուկիտետից: Ադամ Օլեարուսի վկայութեամբ, որպէս հարկ ջուղայեցիները շահին վճարելու էին տարեկան ընդամենը 200 թուման: Սահմանուած կարգի համաձայն այն պետութեան գանձարանն էին մուծելու Նոր Զուղայի դարուզա Խոսրով Սուլթանը եւ քալանթար Սէֆերաս (Սարֆրագ) բէգը: [76, էջ 73 1] Նոյն Ադամ Օլեարիուսը տեղեկութիւններ է հաղորդում այն մասին, որ Սէֆի Իի կառավարման տարիներին շահական շքախմբի կազմում Նոր Զուղայի անւանի վաճառականները յաճախ մասնակցում էին գանազան հանդիսութիւններին: Նրա վկայութեամբ, օրինակ, երբ գերմանական դեսպանորդները Սպահանում տւեցին «իշխանական խնջոյք», ի թիւս ուսական դեսպանորդի, անգլիական Օստ-Հնդկական ընկերութեան մի քանի կարեւոր գէմքերի, Փրանսիացի դիւանագէտների, իսպանական աւգուստինեան միաբանութեան միսիոներների եւ իտալական քարմելիթեան միաբանների այդ խնջոյքին շահի հրաւերով ներկայ էին նաեւ Նոր Զուղայի կառավարիչը եւ նրա երկու եղբայրները: [76, էջ 718]

Շահ Աբրաս Իի կողմից սահմանուած մետաքսի պետական մենաշնորհը շահի կեանքի վերջին տարիներին այլեւս չէր արդարացնում իրեն: Շահի պալատական պատմիչ Իսկանդար Մունշիի վկայութեամբ այն հանդիսանում էր ընչաքաղց ու անյազ շահական աստիճանաւորների չարաշահումների ու շորթումների աղբիւր, որը առաջ էր բերում մետաքս արտադրող գիւղացիութեան դժգոհութիւնը: [77, էջ 130] Պատահական չէ, որ ղեռեւս շահ Աբրասի կենդանութեան օրօք Գիլանի նահանգում անընդհատ բռնկում էին ապստամբութիւններ [78, էջ 226-228]: Ուստի Սէֆի Իը, գահը ժառանգելուց յետոյ անմիջապէս շտապեց Ֆիրման հրապարակել հում մետաքսի պետական մենաշնորհը վերացնելու մասին:

Մետաքսի ազատ առ ու վաճառքի սահմանումը խիստ ձեռնուտ էր հայ վաճառականներին, նախ այն պատճառով, որ այսուհետեւ նրանք առանց միջնորդների, անմիջական եւ ուղղակի կապ կարող էին պահպանել մետաքս արտադրողների հետ: Զուկարող էին պահպանել մետաքս արտադրողների հետ: Զուկայեցիները դադարեցին լինել «շահական» հում մետաքսի

արտահանութեան գծով շահի պաշտօնական գործակալներ եւ սկսեցին զբաղել հում մետաքսի արտահանութեամբ սեփական նախաձեռնութեամբ, այն գնելով անմիջական արտադրողներից եւ արտահանելով որպէս սեփական ապրանք: Բացի այդ, քանի որ հում մետաքսի մի զգալի մասը գիւղացիները յանձնում էին շահական կամ տեղական աւատական վարչութեանը հարկերի ու տուրքերի ձեւով, ուստի հայ վաճառականները, որոնք մեծաքանակ ձեւով գնում էին այդ մետաքսն ու արտահանում երկրից, ըստ էութեան հանդէս էին գալիս որպէս աւատական ռենտա իրացնող գործակալներ:

Հասկանալի է նաեւ, որ մետաքսի պետական մենաշնորհի վերացումը հարւածում էր հայ խոջաների հիմնական մրցակիցներին՝ անգլիական վաճառականներին: Վերջիններիս համար չափազանց դժւար էր կանոնաւոր կապեր պահպանել Իրանի հիւսիսում գտնւող մետաքսի արտադրութեան կենտրոնների հետ եւ բացի այդ, շահական կառավարութեան հետ կնքած պայմանագրերի համաձայն անգլիացիները պարտաւոր էին մետաքսի գնումներ կատարել միայն արքունիքից եւ ոչ թէ ազատ շուկայից: Պատահական չէ, որ շահ Սէֆի Բի կողմից մետաքսի պետական մենաշնորհի վերացումից յետոյ անգլիացիները կտրուկ կրճատեցին մետաքսի արտահանումները Իրանից, իսկ 1641 թւականից սկսած համարեա իսպառ դադարեցրին այն, սպասելով իրենց համար աւելի բարենպաստ ժամանակների:

Ինչ վերաբերում է հոլանդացիներին, թէեւ վերջիններս աւելի ճկուն գտնւեցին եւ կարողանում էին իրենց առեւտրական քաղաքականութեան բնագաւառում վարպետօրէն խուսանաւել, մետաքսը ձեռք բերելով միաժամանակ եւ արքունիքից եւ ազատ շուկայից, սակայն դա նոյնպէս չտւեց ցանկալի արդիւնքներ, որովհետեւ նրանց համար եւս մեծ դժւարութիւններ կային մետաքսի արտադրութեան շրջանների հետ կանոնաւոր կապեր պահպանելու եւ մետաքսը անմիջական արտադրողներից ձեռք բերելու հարցում: Այդ պատճառով հոլանդացիները ստիպւած էին դիմել հայ վաճառականների ծառայութիւններին, որոնք այսուհետեւ դառնում էին միջնորդներ մետաքս արտադրողների եւ հոլանդացիների միջեւ: [73, 42 392] Այսպիսով ստեղծւեց մի իրավիճակ, երբ հոլանդական վաճառականները այլեւս չէին կարող հաւակնել հում մետաքսի արտահանման մենաշնորհը իրենց ձեռքը վերցնելու վաղուց ի վեր փայփայած ծրագրերին եւ հարկադրւած էին գիջել

իրենց դիրքերը հայ վաճառականներին:

Միջազգային առևտրով զբաղող հայ վաճառականները իրենց առևտրական գործառույթիւնների ժամանակ շփուում էին ամենատարբեր երկրների ու ժողովուրդների հետ: Գրիգոր Դարանդցին գրում է, որ ջուղայեցիները, օրինակ, լինում էին «ընդ ամենայն երեսս երկրի», «ի Հնդկս ներքինս եւ Յեթովպիա, եւ յեգիպտոս, եւ յամենայն աշխարհս Յռանգաց, եւ ի Կոստանդինուպօլիսս, եւ յամենայն աշխարհն Թրակացոց եւ Մոսկոֆայ եւ Վրկանաց, եւ ընդ ամենայն աշխարհն Թուրքաց եւ Քրդաց Քաղղէացոց եւ ամենայն Պարսկաստանաց, եւ արեւելայս՝ մինչեւ ի Չինն եւ Մատչինն, ի Թօնն եւ ի Թօնճան, եւ յԱնգալիան, եւ յամենայն աշխարհքն Տաթարաց եւ Ափխազաց, մինչեւ ի ծագս աշխարհաց անձանօթից»։ [70, էջ 457-468]

Իսկ Կոստանդ Ջուղայեցու «Աշխարհաժողովում» թւարկուում են այն քաղաքներն ու նահանգները, ուր առևտրական գործերով այցելում էին հայ, մասնաւորապէս ջուղայեցի վաճառականները. Իրանում եւ Անդրկովկասում Սպահան, Մաշադ, Թաւրիզ, Ռեշտ, Գիլան, Մազանդարան, Գասկառ, Քեսման, Լահիջան, Գանջա, Ղարաբաղ, Շիրւան, Շամախի: Միջին Ասիայում, Աֆղանստանում ու հիւսիսային Հնդկաստանում Բալխ, Բուխարա, Ղանդահար, Ղազնի, Փեշավար, Քարուլ, Քաշմիր եւ այլն:

Արարական երկրներում Արարստան (արարական թերակղզի) Բասրա, Բաղդադ, Մոսուլ, Հայէպ: Թուրքիայում Կոնստանդուպոլիս, Բուրսա, Ատրանա (Ադանա Վ.Բ.), Իզմիր, Թոքատ, Էրզրում: Աֆրիկայում Հարեջստան:

Եւրոպայում Մեսինա, Ալիկոունա (Լիվորնօ), Վենետիկ, Ջենովա, Մարսէլ, Ամստերդամ, Դանցիգ, Մոսկով, լեհ ու մաջար (Հունգարիա), Ալյաման (Գերմանիա), Յռանկստան (Յրանսիա), Ընկիթեռ (Անգլիա), Սպանիա, «ենկի դունիա» (Ամերիկա) եւ այլն:

«Որ յարեւելից գնամք ի յարեւմուտ, - գրում է Կոստանդ Ջուղայեցին, - կայցուք առաջ Մլթան, Լահուռ, Սարհնդն, Ջահանապատ, Աքալարապատ, Խուռջայ եւ Հնդուան, Բանկալայ, Ջահանապատ, Աքալարապատ, Խուռջայ եւ Հնդուան, Բանկալայ, Բիստ, Փաթանայ, Բնարիս, Մօլ, Ղազիփուռ, Ջալափուռ, Բիստ, Փաթանայ, Բնարիս, Մօլ, Ղազիփուռ, Դօլլաթարադ, Սրինջ, Շահգադփուռ, Խէրաբատ, Դարեարատ, Դօլլաթարադ, Սրինջ, Շահգադփուռ, Սուրաթ, Գուջրաթ, Ովրանկարադ, Շահառն, Հէլդարարադ, Մուշիրանդար, Ֆէգուռ, Հաւայ (որ է Փեկուայ թագաւորին փայլ թախտն), Բուլթանդ, Խաթայ եւ Խուլթայ, Զիրապատ, Քօչին, Սէլան, Մալազայ, Ջաքաթրայ, որ ոմանք

Բաթավիայ ասեն, Թռնատի, Ամբուռն, Մուքասար, Թիմուռն, Սլհուն, Մանիլայ, Շարինով: [80. 51, էջ 150-160]

Բնական է, որ աշխարհի տարբեր ծագերում առեւտուր անող հայ խոջաները կարիք ունէին ոչ միայն առեւտրական տեղեկատուների, ինչպիսին էր օրինակ Կոստանդ Ջուղայեցու «Աշխարհաժողովը», այլեւ աշխարհագրական քարտեզների: 1698 թ. յայտնի տպագրիչներ Թովմա եւ Ղուկաս Վանանդեցիները հրատարակում են մի «Համատարած աշխարհացոյց», որի մասին իրենք գրում են. «Բայց եւս քան զեւս առաւելապէս պիտանանայ վաճառականաց՝ մանաւանդ հայկազարմից, որք ի մէջ ասիական եւ արեւելեան ազգաց, այսու զոնեա անուամբ փառաւորք եւ հնարագետք երեւին, զի ամենայն ազգաց ընդունելիք եւ յոչ սակաւուց սիրելիք. ընդ ամենայն աշխարհ զանքոյթ երթեւեկութիւն ունելով՝ զամենայն երկիր առ ոտն հարկելով յաճախեն: [81, էջ 2-3]

Խոջաներն իրենց առեւտրով ոչ միայն հարստացնում էին շահական զանձարանը, այլեւ իրենք էին կուտակում հսկայական հարստութիւն: Շրջանառութեան մէջ գտնուող նրանց կապիտալները հասնում էին միլիոնների: Տավերնիէի վկայութեամբ Ջուղայեցի խոջաներից մէկը մահից յետոյ թողել էր մօտ 40 միլիոն թումանի հասնող հարստութիւն: [90, էջ 418-419]

Խթանո՞ւմ էր արդեօք Նոր Ջուղայի առեւտրական բուրժուազիայի տնտեսական հզօրութեան մեծացումը նրանց քաղաքական ակտիւացմանը, թէ ոչ: Այս հարցին սովորաբար տրել է բացասական պատասխան: Մասնաւորապէս յայտնել է այն տեսակէտը, որ հայ առեւտրական կապիտալի առաջամարտիկը հանդիսացող Նոր Ջուղայի խոջայութիւնը հայ ժողովրդի քաղաքական շահագրգռութիւններից հեռու կանգնած, ապաքաղաքական հակումներ ունեցող մի զանգւած էր, որն աւելի շուտ բռնում էր տիրողների նկատմամբ խոնարհ համակերպութեան ճանապարհը, քան ճակատ տալիս իր ժողովրդի ազատագրման համար: Աւելին, նշել է, որ առհասարակ դաջթավայրերի հայ առեւտրական բուրժուազիան XVII դարում բացասական վերաբերմունք է ունեցել սեփական ժողովրդի ազատագրական մտորումների նկատմամբ: (Տես 25) Միայն XVIII-XIX դարերի ընթացքում, թեւակոխելով զարգացման առեւտրաարդիւնաբերական ոլորտը, աստիճանաբար սկսում է հետաքրքրութիւն դրսեւորել դէպի հայ ժողովրդի ազգային-քաղաքական ինդիւրները:

Նոյնիսկ մեծավաստակ պատմաբան, ակադեմիկոս Ա. Գ.

Յովհաննէսեանը, իր տեսադաշտից դուրս թողնելով մի շարք իրողութիւններ, գրում է. «Քաղքենի արտօնւած մի դաս էր այդ, որի հասարակական մորալը որոշւում էր համրիչի ցուցանիչներով, մարդիկ, որոնք, գլուխ խոնարհելով տիրողների առաջ, ջանում էին ճանապարհ հարթել դէպի իրենց բարեկեցութիւնը, անտարբեր դէպի ազգակիցների չարքաշ ու նեղ օրը: Այս կարգի առեւտրականները լիակատար հիմք ունէին խուսափելու յատկապէս ազգային քաղաքականութեան ստորջրեայ ժայռերից եւ պահանջւած դէպքում փողի օգնութեամբ նւաճել անձնական հանգստութիւն: [17, էջ 458]

Նոր Զուղայի հայ խոջայութեան ազգային-քաղաքական անգործութիւնն ու կրաւորականութիւնը ցոյց տալու նպատակով սովորաբար վկայակոչել է XVII դարի հայագէտ ՅՈՒՆ. Շրեօդերի «Արամեան լեզուին գանձ» աշխատութեան մէջ բերւած եւրոպացի ոմն Ֆրանչեսկոյի եւ Նոր Զուղայից առեւտրական գործերով Ամստերդամ ժամանած խոջա Սաֆարի երկխօսութիւնը, որտեղ եւրոպացին շօշափում է նաեւ հայ ժողովրդի քաղաքական դրութեան հարցը: Սակայն խոջա Սաֆարը, ինչպէս երեւում է երկխօսութիւնից, խուսափել է այդ նիւթից, նոյնիսկ յայտարարելով, որ հայերը քաղաքական հարց չունեն եւ չեն ցանկանում ունենալ. «Ուղորդ այ, մեր ազգն էսօր էլ դինջ այ քանց մեր թագաւորաց վախտին. զարա կուի չի գնալ, ու ամէն ազգի հետ ազատ ելումուտ ունի»: [82, էջ 338-339] Ահոն առեւտրական խոջայի արտայայտած այդ միտքը մեկնաբանում է հետեւեալ կերպ. «Հային հարկաւոր էլ չէ սեփական թագաւոր, եթէ ունենայ այդպիսի բան, պիտի պատերազմի գնայ, մինչդեռ այժմ նա կուի չի գնում եւ ազատ առեւտուր է անում բոլոր ազգերի հետ»: [26, էջ 171]

Անկասկած, XVII դարում հայ տիրապետող դասակարգի շրջանում նման մտայնութիւնը բաւականին մեծ տարածում է ունեցել: Նոյնիսկ XVIII դարում հայ հոգեւորականներից մէկը՝ Գէորգ Մխլէյիմեանը, ճիշտ է ալլ դրդապատճառներով, սակայն կրկնելով խոջա Սաֆարին, գրում էր. «... Արեւելեան քրիստոնեայք թէպէտ առանց թագաւորութեան են, սակայն առաւել երջանկութիւն եւ անդորրութիւն ունեն, քան գնոսա, որք ընդ թագաւորութեամբ են»: [83, էջ 102]

Սակայն նման տեսակէտները չեն կարող ընդհանրական լինել Նոր Զուղայի առեւտրական կապիտալի բոլոր ներկայացուցիչների համար:

Բազմաթիւ փաստեր հերքում են Նոր Զուղայի խոջայութեան

քաղաքական կրաւորականութեան տեսակէտը: Աւելին, 17-րդ դարի սկզբներէից մեծանում էր նրա կշիւը համազգային գործերում, կամ աւելի ճիշտ, նա իր ձեռքն է վերցնում հայ ազգային կեանքի ղեկավարութիւնը: Համահայկական նշանակութիւն ունեցող բազմաթիւ հարցեր լուծուում են ջուղայեցիների գիտութեամբ եւ նրանց միջոցներով:

«Ջուղան մի մեծ հեղինակութիւն դարձաւ եւ առանց նրա համաձայնութեան չէր կարող վճռել ոչ մի նշանաւոր ազգային գործ: Էջմիածինը ենթարկւած էր նրան, կաթողիկոսի ընտրութեան գործում առաջին ձայնը պատկանում էր Ջուղային»: [84, էջ 194] 17-րդ դարի կէսերին Հայաստանում երկար տարիներ քարոզչական գործունէութիւն ծաւալած կաթողիկ միախոնք Փիրոմային շեշտել է այն մեծ ազդեցութիւնը, որ ունեցել են ջուղայեցիները հայ եկեղեցու կեանքում: Նրանք, ըստ Փիրոմայիի Հի վիճակի են ըստ իրենց ցանկութեան պաշտօնագրիկել որեւէ վարդապետի, եպիսկոպոսի կամ նոյնիսկ կաթողիկոսի»: [85, էջ 110]

Ինչպէս յայտնի է, 17-րդ դարի երկրորդ տասնամեակից սկսած էջմիածինը վերածուում էր ազգային-ազատագրական գաղափարների կենտրոնի: Պատահական չէ, որ հայ առեւտրական բուրժուազիան նեցուկ հանդիսացաւ նրա այդ ձգտումներին, միաժամանակ կանգնելով հայկական լուսաւորչական եկեղեցու ինքնուրոյնութեան, նրա դաւանանքի ու հնամենի աւանդութիւնների պաշտպանութեան դիրքերի վրայ:

Սէֆեան պետութեան կողմից խոջայական վերնաշերտի համար ստեղծւած բացառիկ դրութիւնը հասկանալի է դարձնում նաեւ «հայ այդ մեծատունների իրանասիրական դիրքաւորումը»: [17, էջ 104] Չպէտք է մոռանալ նաեւ, որ հայ խոջաները տնտեսական սերտ կապերի մէջ էին Սէֆեանների իշխող վերնախաւերի հետ եւ, վերջին հաշւով, նրանց բարեկեցութիւնը կախւած էր իրանի առեւտրական քաղաքականութիւնից, որ խոջաների առեւտուրը հէնց սպասարկում էր իրանական աւատատէրերին: «Հայ առեւտրականներն արտահանում էին եւ վաճառում արդիւնավճար ունտայի, հարկերի ու տուրքերի ձեւով Ֆեոդալների ամբարներում կուտակւած յաւելեալ արդիւնքը եւ մատակարարում նրանց արտասահմանեան շուկաներում գնւած (գլխաւորապէս շքեղութեան) ապրանքները»: [17, էջ 105] «Ինքեան հայ «խոջայական կապիտալը» նոր արտադրական յարաբերութիւնների արդիւնք չէր, նշում է Աշոտ Յովհաննիսեանը: Հայ խոջան իր հարստութիւնը

կուտակում էր Ֆեոդալիզմի հետ միազոդած առեւտրական եւ վաշխառուական կապիտալի շրջանառութեան ճանապարհով եւ հասկանալի է, որ նա հանդէս չէր գալիս Ֆեոդալական իշխող կարգերի անտագոնիստի դերում: Սրանով էլ պայմանաւորւած էր ոչ միայն նրա տնտեսական պրակտիկան, այլեւ նրա ազգային-քաղաքական ծայրայեղ չափաւորութիւնը»: [17, էջ 400]

Այս ամէնը իրողութիւն է: Սակայն իրողութիւն է նաեւ այն, որ իրանահայ վաճառականութիւնը գտնուում էր երկակի դրութեան մէջ: Որպէս առեւտրավաշխառուական կապիտալի ներկայացուցիչներ, նրանք կողոպտում էին ժողովրդին, սակայն իրենք էլ ենթակայ էին ազգային ու կրօնական ճնշման:

Ուստի հայ առեւտրական դասը ստիպւած էր միշտ զգոյշ ու աջալուրջ լինել եւ իրեն դրսեւորել որպէս քաղաքական չեզոք տարր: Ֆրանսիացի Շարդէնը, օրինակ, վկայում է, որ Նոր Զուղայի խոջաները, որոնք իրազեկ էին Յակոբ Զուղայեցի կաթողիկոսի բանակցութիւններին՝ Հոռմի հետ, քրիստոնեայ պետութիւնների օգնութեամբ Հայաստանի ազատագրման վերաբերեալ, երկիւղի մէջ էին, թէ իրանական պետութիւնը կարող է վրէժխնդիր լինել: [80, էջ 10-17] Նման երկիւղներն անհիմն չէին, մանաւանդ որ իրան բռնագաղթւած հայերի մէջ քիչ չէին նաեւ մարդիկ, ովքեր տրտնջում էին Սէֆեան պետութեան դաժանութիւններից եւս ու երազում էին «Ֆրանկները» օգնութեամբ ազատագրել ոչ միայն թուրքական, այլեւ իրանական լծից: [17, էջ 104]

Նոր Զուղայի խոջայութիւնը 17-րդ դարի սկզբներից սկսեց կարեւոր դեր խաղալ նաեւ հայ ժողովրդի ազգային-մշակութային առաջադիմութեան գործում: Դեռեւս 16-րդ դարի վերջերին հին Զուղայեցի վաճառականների նիւթական օժանդակութեամբ Մարսէլում Յովհաննէս Տերզնցին հրատարակում է մի շարք գրքեր: Աւելի ուշ Նոր Զուղայում եւ բողոքական Հոյանդիայում ստեղծուում է հայկական տպագրութիւն: Հայ իրականութեան մէջ գրատպութիւնը եւս ինքնանպատակ չէր: Այն ունէր ազգային-քաղաքական երանդ եւ գալիս էր նպաստելու հայ ազատագրական շարժմանը: Այդ տպարանների գործունէութիւնը Ֆինանսաւորող նոր Զուղայեցի խոջաների համար գիրքը միայն վաճառքի ապրանք չէր, այլ հզօր միջոց՝ հայ առեւտրական կապիտալի ներկայացուցիչների փայփայած քաղաքական իղձերը կենսագործելու համար: Պատահական չէ, որ Ամստերդամում լոյս են տեսնում հայ դասական պատմագրութեան գլուխգործոցը՝ Սորենացու «Հայոց

պատմութիւնը», ինչպէս նաեւ Առաքել Դավրիժեցու «Պատմութիւնը»: Այդ հրատարակութիւնների նպատակն էր հայրենասիրական ոգով կրթել ու դաստիարակել այն հայ երիտասարդներին, որոնք, ինչպէս գրում էր Թովմա Վանանդեցին, «գտնուում են խաւարի մէջ եւ ապրում են բռնակալական լծի տակ»:

Այսպիսով, ակներեւ է, որ 17-րդ դարում գրատպութիւնը եւս արտայայտում էր հայ ժողովրդի՝ վերելք ապրող ազատագրական ձգտումները եւ արտացոլում օտար լուծը թօթափելու նրա քաղաքական իղձը:

Միջազգային առեւտրով զբաղող հայ վաճառականութեան մշտական շփումները եւրոպական տարրեր ժողովուրդների հետ հասկանալի է, որ անհետեւանք չէին մնում: Առաջին հերթին դրանք չէին կարող չազդել հայ վաճառականութեան մտահորիզոնի վրայ: Յատկապէս Եւրոպայից նրանք իրան էին ներմուծում ու հայ բնակչութեան մէջ իրացնում ոչ միայն եւրոպական ապրանքներ, այլեւ Եւրոպայում տարածւած գաղափարներ:

Կարեւոր է նաեւ շեշտել, որ եթէ նշւած դարաշրջանում հայ եկեղեցականներն առաջւայ պէս հայ ժողովրդի ազատագրումը շարունակում էին ակնկալել Հռոմից, ապա Նոր Զուղայի խոջայութիւնը մերժում էր «Ֆրանկների» միջոցով ազատագրելու խարուսիկ ցնորը: Այդ մասին մենք բազմաթիւ փաստեր ենք գտնում երկու հատորանոց սոււարածաւալ «Քարմելիթների տարեգրութիւնում»: (Տես 52) Կան այդ հանգամանքը փաստող բազմաթիւ այլ տւեալներ եւս: Այսպէս, երբ 1613 թ. Մելիքսէթ կաթողիկոսը, առանց Նոր Զուղայի խոջաների համաձայնութեան, պաշտօնական նամակ է ուղարկում Հռոմ, որտեղ պատրաստակամութիւն էր յայտնում ընդունելու Հռոմի պապի գերագահութիւնը, խոջաներն անմիջապէս համոզում են շահին ձերբակալել կաթողիկոսին, որպէսզի չեղեալ յայտարարւի նրա որոշումը: [87, էջ 44] Այնուհետեւ, 1607 թ. կաթողիկ միսիօներների հրահրումով շահ Աբրաս Էր հրաման է արձակում էջմիածնի եկեղեցին քանդելու եւ նրա քարերն ու սրբազան մասուլքները Սպահան տեղափոխելու վերաբերեալ, որպէսզի այնտեղ կառուցւի մի տաճար: [23, էջ 212-213] Անշուշտ, այդ որոշման նպատակն էր հարւած հասցնել հայ ազգային եկեղեցու հիմքերին: Սակայն Նոր Զուղայի խոջաների եւ մասնաւորապէս քալանթար (քաղաքապետ Վ.Բ.) խոջա Նազարի վճռական բողոքի հետեւանքով, շահը որոշում է յետ կանգնել իր մտքից: [4] [51, 1, 52-53]

Արեւմտեան Եւրոպայի երկրներում, բախւելով իրենց ազգային ու կրօնական զգացումների ոտնահարման փաստերի հետ, (88, էջ 40-48) եւ ենթարկւելով անօրինական հալածանքների, ջուղայեցի վաճառականները թշնամարար էին տրամադրուում ոչ միայն միսիոներների ու կաթոլիկ եկեղեցու, այլեւ այդ հալածանքների կազմակերպիչ արեւմտաեւրոպական տէրութիւնների դէմ:

ԳԼՈՒԽ II

ՀԱՅԵՐԸ ԵՒ ԼԵՒԱՆՏԵԱՆ ԱՌԵՒՏՈՒՐԸ 17-ՐԴ ԴԱՐՈՒՄ

Միջին դարերում եւ նոր ժամանակներում Լեւանտ էին անւանում արեւելեան միջերկրածովեան երկրները՝ Փոքր Ասիան, Սիրիան, Լիբանանը, Պաղեստինը, Կիպրոսը, Յունաստանը, Եգիպտոսը եւ այլն: Հնագոյն ժամանակներից սկսած Լեւանտը հանդիսացել է միջազգային առեւտրափոխանակութեան կարեւորագոյն հանգույցներից մէկը: Միջին դարերում խաչակրաց արշաւանքների հետեւանքներից մէկը հանդիսացաւ Լեւանտի հետ Եւրոպայի անմիջական ու մշտական կապերի հաստատումը: Այդ ժամանակ Արեւելքի երկրներ տանող գլխաւոր առեւտրական ճանապարհը դարձաւ Միջերկրական ծովը: Աննախընթաց յաջողութիւններ ձեռք բերեց առեւտուրը Իրանի, Յունաստանի եւ Արարիայի հետ: Իտալական առեւտրական քաղաքները՝ Վենետիկը, Ջենովան, Պիզան, Ամալֆին հսկայական օգուտներ էին ստանում Արեւելքի եւ Եւրոպայի միջեւ կատարող առեւտրից:

Յայտնի է, որ միջերկրածովեան երկրների տնտեսական աշխուժացումը անմիջականօրէն իր արտացոլումը գտաւ Կիլիկեան Հայաստանում, որը հանդիսանում էր միջերկրածովեան առեւտրի խոշորագոյն կենտրոնը: Կիլիկիայի հայ խոշոր վաճառականութիւնը սերտօրէն ընդգրկեց համաշխարհային առեւտրի մէջ եւ իր այդ դիրքերը պահպանեց ընդհուպ մինչեւ Կիլիկիայի հայկական թագաւորութեան կործանումը: (1375 թ.)

Այս անաւանդատի անշքանայուց եւ առեւտրական կարեւորութիւնը կորցնելուց յետոյ եւս հայերը չդադարեցին ակնառու դեր խաղալ Լեւանտեան առեւտրում: Յարմարելով նոր ստեղծւած պայմաններին, նրանք շարունակում էին գործօն մասնակցութիւն ունենալ Արեւելքի եւ Արեւմուտքի միջեւ միջազգային ապրանքափոխանակութեանը: Այդ ժամանակ համաշխարհային առեւտրի գլխաւոր ուղիներից մէկն է դառնում Այաս-Թաւրիզ եւ Թաւրիզից Սիրիայի նաւահանգիստները տանող առեւտրական գարկերակը, որի միջոցով եւ իրականացւում էր Լեւանտի կապը

մահմեդական Արեւելքի, ինչպէս նաեւ Հնդկաստանի եւ Զինաստանի հետ: Անդրասիական այդ առեւտրի գլխաւոր լծակները գտնուում էին Իտալիայի վաճառականների ձեռքում, որոնք ոչ մի կերպ չէին հանդուրժում տեղական մրցակիցներին: Թերեւս այդ է պատճառը, որ Կիլիկիայի հայկական պետականութեան անկումից յետոյ հայ վաճառականները գլխաւորապէս հաստատուում են Ղրիմում:

Թուրքիայի վրայով անցնող աւանդական առեւտրական ճանապարհով, որը ձգւում էր դէպի Միջերկրական ծովի արեւելեան ափերը՝ Լեւանտեան առեւտրի խոշորագոյն կենտրոնները, 15-րդ դարի վերջերից առեւտուր էին անում գերազանցապէս հայ վաճառականները: Նրանք յատկապէս դարձան Իրանի վրայով անցնող տարանցիկ ցամաքային ճանապարհի բացարձակ տէրերը: Ընդ որում հայ վաճառականներ ասելով պէտք է նկատի ունենալ ոչ միայն Հայաստանի, այլեւ Իրանի, Սիրիայի, Եգիպտոսի եւ այլ հայկական գաղթավայրերի առեւտրականներին:

Թուրքական զաւթումները եւ Եւրոպան Արեւելքի հետ կապող ուղու լիովին խափանումը արագացրին Հնդկաստան տանող ծովային ճանապարհի որոնումները: 15-րդ դարի վերջի եւ 16-րդ դարի սկզբի աշխարհագրական մեծ յայտնագործութիւնները վերջ տւեցին Լեւանտի առեւտրական մենաշնորհին: Աւելին, այդ առեւտուրն ընկաւ փակուղու մէջ, որովհետեւ ցամաքային ճանապարհներից տեղափոխւեց դէպի Հնդկական եւ Ատլանտեան ովկիանոսները:

Իհարկէ չի կարելի խօսել Լեւանտեան առեւտրի լրիւ ընդհատման մասին: Նրա պահպանմանը առաջին հերթին նպաստում էր Օսմանեան կայսրութեան աճող շահագրգռածութիւնը: Առեւտրական մաքսերը գնալով աւելի մեծ դեր էին խաղում սուլթանական գանձարանի համար: Միւս կողմից, առեւտրի գոյատեւման կարեւոր կուան էր հանդիսանում Հնդկաստան տանող ծովային ճանապարհի վրայ պորտուգալացիների մենաշնորհը: Թելադրելով գները, նրանք հնդկական համեմունքները Եւրոպայում վաճառում էին 24 անգամ թանկ, քան դրանք արժէին Հնդկաստանում: [80, էջ 87] Վերջապէս չպէտք է մոռանալ, որ բուն Լեւանտի արտադրանքը Եւրոպա էր գնում միջերկրածովեան շուկաների միջոցով: Լեւանտը նաեւ այն հիմնական շուկան էր, որի վրայով պարսկական մետաքսը տեղափոխուում էր եւրոպական երկրներ, որոնք հանդիսանում էին մետաքսի հումքի եւ մետաքսեայ կտորեղէնի հիմնական սպառողները: Առհասարակ յայտնի է, որ

մետաքսը Արեւելքի եւ Արեւմուտքի միջեւ միջազգային առեւտրում առաջնակարգ նշանակութիւն է ունեցել: XVI դարի սկզբից Եւրոպայում մետաքսեայ կտորեղէնի արտադրութիւնը ստացաւ այնպիսի բուռն զարգացում, որ տեղում արտադրող հումքը այլեւս չէր բաւարարում եւ անհրաժեշտութիւն էր զգացւում այն ներմուծել Արեւելքից, առաւելապէս Իրանից, որը դարձել էր հում մետաքսի արտադրութեան խոշորագոյն կենտրոններից մէկը: Իրանական հում մետաքսը աչքի էր ընկնում իր գերազանց որակով: Նրա արտադրութեան հիմնական կենտրոններ էին Գիլանը, Մազանդարանը, Վրաստանը եւ Հայաստանը (Միւնիքը եւ Արցախը):

Սակայն յաճախակի բռնկող թուրք-իրանական պատերազմների, թուրքական կարաւանային ճանապարհների վտանգաւորութեան, եւրոպական վաճառականների համար ցամաքային կարաւանային առեւտրի անսովոր լինելու եւ այլ պատճառների հետեւանքով եւրոպացիները հնարաւորութիւն չունէին թուրքիայի վրայով անմիջական առեւտրական յարաբերութիւններ հաստատել Իրանի հետ եւ անձամբ կազմակերպել մետաքսի արտահանումը Եւրոպա: Ծիշտ է, անգլիական կապիտալը սկսել էր նոր ուղիներ որոնել դէպի Արեւելք, մասնաւորապէս փորձելով Ռուսաստանի վրայով հասնել մետաքսի արտադրութեան շրջանները: Շիրւան եւ Գիլեան, սակայն այդ փորձերը յաջողութիւն չունեցան: Զախողման մատնւեցին նաեւ 1600 թ. կազմակերպւած անգլիական Օստհոլկական ընկերութեան ջանքերը Իրանից մետաքսը ծովով արտահանելու ուղղութեամբ:

Այսպիսով, ստեղծոււմ էր մի վիճակ, երբ Եւրոպայի համար կենսական նշանակութիւն ունեցող հարցի լուծման միակ ճանապարհը դարձեալ մնում էր հայ վաճառականների միջնորդ ծառայութիւններից օգտւելը: Հիրաւի, XVI դարի սկզբներից ցամաքային ճանապարհների վրայ հում մետաքսի արտահանութեան ընդաւառում հայերը այլեւս մրցակիցներ չունէին:

Լեւանտեան քաղաքներում առեւտուր էին անում ինչպէս բուն Լեւանտում՝ Սիւս, Այաս, Ադանա, Գարաման, Հոռոմկլա, Հայեպ, Բէյրութ, Տրիպոլի, Կ. Պոլիս, Զմիւռնիս, Սալոնիկ, Ալէքսանդրիա, Ալէքսանդրեթ (Հայոց ծոց) եւ այլ քաղաքներում բնակւող հայ վաճառականները, այնպէս էլ Օսմանեան կայսրութեան եւ Սէֆեան Իրանում, այդ թւում նաեւ Հայաստանի զոյգ հատուածներում գործող հայ խոջաները:

Պատահական չէ, որ հայ առեւտրական կապիտալի ա-

րեւմտահայ ու արեւելահայ հատւածներէ միջեւ գոյութիւն ունէր խոր հակամարտութիւն, որի վերաբերեալ մենք վկայութիւններ ենք գտնում Գրիգոր Դարանաղցու մօտ: [79]

1536 թ. Ֆրանսիական Ֆրանցիսկ I թագաւորը սուլթան Սուլէյման Ղանուէիի (օրննադիր) հետ կնքեց կապիտուլիացիոն մի պայմանագիր, որը իրաւունք էր տալիս Ֆրանսիային մշտական դեսպանութիւն հաստատել Կ. Պոլսում, ինչպէս նաեւ հիւպատոսութիւններ կայսրութեան ցանկացած վայրում: Ֆրանսիական հպատակները ստանում էին Օսմանեան կայսրութեան տարածքում առեւտուր անելու արտօնութիւն, իսկ թուրքիայում ապրող Ֆրանսիացիները ձեռք էին բերում արտաերկրայնութեան իրաւունք, այսինքն ենթակայ չէին թուրքական դատարանի իրաւասութեանը:

Լեւանտում եւրոպական տէրութիւնները՝ Վենետիկի հանրապետութիւնը, Ֆրանսիան, Անգլիան, Հոլանդիան եւ այլն սուլթանների թոյլտուութեամբ հիմնել էին իրենց հիւպատոսութիւնները, որոնք միաժամանակ հանդիսանում էին առեւտրական ներկայացուցչութիւններ: Նրանց վրայ էր դրւած արեւելեան վաճառականների հետ առեւտրական գործարքներ կատարելու պարտականութիւնը:

Լեւանտի քաղաքներում հայերը գործում էին ոչ միայն որպէս եւրոպացիների առեւտրական գործակալներ, այլեւ որպէս թարգմանիչներ, քանի որ նրանցից շատերը տիրապետում էին մի քանի լեզուների: [80, էջ 18]

Եւրոպական պետութիւններից իւրաքանչիւրը, փորձելով տիրապետող դիրքեր ձեռք բերել Լեւանտեան աւանդական ուղիներում եւ դառնալ իրանական հում մետաքսի, հայկական բամբակի եւ արեւելեան միւս ապրանքների առաւել խոշոր ներմուծողը Եւրոպա, աշխատում էր Օսմանեան կառավարութիւնից ստանալ առեւտրական իրաւունքներ ու առանձնաշնորհումներ: Այսպէս, 1553 թ. անգլիացի նաւազնաց Էնտոնի Ջենկինսոնը սուլթան Սուլէյման Ղանուէիից ստացաւ առեւտրական արտօնագիր, որը անգլիացիներին դատում էր, «առաւել առանձնաշնորհեալ ազգերի թւին»: [81, էջ 5]

Լեւանտեան շուկաներում առեւտուր անելիս հայ վաճառականները, բնականարար հանգէս էին գալիս որպէս միջնորդ վաճառականներ, մի հանգամանք, որը մի շարք տեսակէտներից ձեռնտու չէր նրանց. նախ, եւրոպացիները իրենք

էին թելադրում գները, յաճախ արհեստականօրէն իջեցնելով դրանք, կամ հայ վաճառականներին աւելի գիջող դարձնելու համար, բոլկոտի ենթարկելով նրանց ապրանքները եւ այլն: Այդ պատճառով, ինչպէս կտեսնենք ստորեւ, մեծածախ առեւտրով գրաւող հայ խոջաները ձգտում էին անմիջականօրէն իրենց ապրանքներն արտահանել Եւրոպա, ազատել Լեւանտում եւրոպական հիւպատոսների քմահաճոյքից եւ իհարկէ ձեռք բերել նաեւ գերշահոյթ:

Լեւանտի առեւտրական կենտրոններում բազմամարդ հայկական գաղութների եւ գաղթօջախների առկայութիւնը նշանակալիօրէն հեշտացնում էր հայ վաճառականների գործունէութիւնը եւ բարձրացնում նրանց մրցողունակութիւնը: Օրինակ, Հալեպում, որը շնորհիւ իր աշխարհագրական դիրքի, ընդհուպ մինչեւ նոր ժամանակները հանդիսանում էր աշխարհի առեւտրական մեծագոյն կենտրոններից մէկը, արդէն XV դարում գոյութիւն ունէր բազմամարդ հայ գաղութ իր եկեղեցիներով, սրբատեղիներով, հիւրանոցներով եւ այլն: [93, էջ 48]

Հալեպի հայկական գաղթօջախը կազմակերպւել է XIV դարում, կիլիկեան Հայաստանի անկումից յետոյ: Այստեղ գաղթած հայերը հիմնականում եղել են առեւտրական եւ ազնւական գասերից: [92, էջ 420] 1478 թ. Հալեպում արդէն կար Ասուածածնի անւամբ հայկական մի եկեղեցի, որի հովանու ներքոյ պարոն Ֆարաճի պատւէրով մի աւետարան էր ընդօրինակել Մելիքսէթ գրիչը: [94, էջ 433] 1500 թ. Հալեպում կառուցւում է Քառասուն մանկանց անւամբ մի սրբատեղի եւ հիւրատուն: Այդ Սայրիէ եւ Ազիզէ կոչւած երկու հայկական գերեզմանատներում յայտնաբերւել են XVI դարից 14 արձանագիր տապանաքարեր, որոնցից 13-ը պատկանում են «Հալեպ քաղաքում դարիպ մնացած Հին ջուղայեցի խոջաներին»: [95, էջ 12-13, 26]

XVI դարում, երբ սկսւում է հայ վաճառականութեան գործունէութեան աննախընթաց վերելքը, Հալեպը դառնում է Լեւանտեան առեւտրի ամենակարեւոր հանգոյցներից մէկը: Այն սկսում է առաջատար դեր խաղալ Արեւելքի (Հնդկաստան, Իրան, Անդրկովկաս) եւ Արեւմտեան Եւրոպայի (Վենետիկ) միջեւ ապրանքափոխանակութեան բնագաւառում: Եւրոպացի ճանապարհորդների վկայութեամբ, XVI դարում այստեղ ի թիւս արար, մաւրիտանացի եւ այլ ազգութիւնների վաճառականները, գործում էին նաեւ մեծ թւով հայ վաճառականներ: [22, էջ 88-89] Անգլիացի էյլարդսի վկայութեամբ Հալեպի առեւտրում գլխաւոր դերը

պատկանում էր Հայերին: «Այստեղ, - գրում է նա, - նրանք արեւելեան ապրանքները (հում մետաքսը, արմտիք եւ այլն) փոխանակում են Վենետիկցիների բերած ապրանքների հետ»: [21, էջ 24] Յատկապէս ջուղայեցիները այս վաճառաչահ քաղաքում այն աստիճանի սոււար զանգւած էին կազմել, որ Եւրոպացի Վիլեամ Բիդդուլֆը, որը 1000 թ. այցելել էր Հալեպ, առանձնացնում է նրանց մնացած հայ բնակիչներից. «Հալէպը, - գրում է նա, - բնակեցւած է թուրքերով, արաբներով, հրեաներով, յոյներով, հայերով, ջուղայեցիներով, նեստորականներով եւ տարբեր այլ ազգերով»: [22, էջ 262] Ջուղայեցիներից յետոյ Հալեպում մեծ թիւ էին կազմում Ամիդցի (Իիարբեքիցի) եւ առհասարակ Արեւմտեան Հայաստանի տարբեր վայրերի վաճառականները: Նրանց մասին Սիմէոն Լեհացին հիացմունքով գրում է. «Իմաստուն, փարթամք, գեղեցկատեսիլ, նման Ջուղայեցւոց եւ Ամթեցոց՝ անւանիք եւ մեծ վաճառականք, որ մարդ ամաչէր երեսին նաել: Կայր խոջայ Ղանտիլն եւ այլ համբայք նորա քառսուն հազար, յիսուն հազար բեռան տէր: «Գնան Հնդկաստան, Պաղտատ եւ Ասպահան»: [96, էջ 319-320] Այստեղ 1500 թ. մինչեւ 1630 թ. Ֆրանսիացիները, հոլանդացիները եւ իսպանացիները մետաքսի առեւտուրը կատարել են բացառապէս հայերի հետ: [34, էջ 287]

Հայ վաճառականների կողմից Արեւելքի տարբեր երկրներից (Իրանից, Հնդկաստանից, Չինաստանից, Արաբիայից եւ այլն) Հալեպ բերած ապրանքները սովորաբար տեղափոխւում էին միջերկրական ծովի Ալէքսանդրեթ (այժմ Իսքենդերուն) եւ Տրիպոլի նաւահանգիստները, իսկ աւելի ուշ նաեւ Լաթաքիա, իսկ այնտեղից արտածւում էին Եւրոպա:

Հալեպում յատկապէս յայտնի են եղել խոջաներ Պետիկենց եւ Սանոսենց առեւտրական ընտանիքները, որոնք միջնորդի դեր էին խաղում Արեւելքի եւ Արեւմուտքի վաճառականների միջեւ: Հալեպում նրանք ունէին առեւտրական գրասենեակ, որը եւրոպական վաճառականների հետ իրագործում էր խոշոր գործարքներ: Յիշեալ գրասենեակի ձեռքում էր կենտրոնացած իրանական հում եւ մշակւած մետաքսի գնման եւ վաճառահանման մենաշնորհը: Այդ գրասենեակը կամ ֆակտորիան իրականացնում էր նաեւ եւրոպական արտադրութեան ապրանքների, մասնաւորապէս գործւածքեղէնի արտածումը դէպի Լեւանտի զանազան քաղաքները, իսկ այնտեղից էլ դէպի արեւելքի խորքերը:

Խոջա Պետիկը ոչ միայն Հալեպի, այլեւ ողջ Սիրիայի մաքսապետն էր (էմին): Նրանից կախում ունէին նաեւ Տրիպոլիի եւ

Ալէքսանդրեթի մաքսատները: Նա միաժամանակ հանդիսանում էր Հալեպում Հոլանդիայի առեւտրական ներկայացուցիչը: [34, էջ 287] Տեղական Օսմանեան իշխանութիւնների մօտ խոջա Պետիկի վարկը եւ ազդեցութիւնը էլ աւելի էր մեծանում այն պատճառով, որ նա Հալեպի քարւանսարաների, բաղնիքների եւ հասարակական այլ հաստատութիւնների վերակացուն էր: [93, էջ 48-49] Յանկանալով շեշտել խոջա Պետիկի հարստութիւնն ու ազդեցութիւնը Սիմէոն Լեհացին գրում էր. «Այլ եւ խոճայ Պետիկն եկաւ երկու եղբարք հեծեալ ի սպիտակ ձի արապի... ունէր բազում ճորտ եւ ծառայ, սիրահիք եւ ենիչերիք որպէս փաշայ մի»: [93, էջ 321]

Սակայն թուրքական իրականութեան պայմաններում, երբ իսպառ բացակայում էր վաճառականի անձի եւ գոյթի ապահովութիւնը, երբ բռնութիւններն ու կեղեքումները սովորական երեւոյթ էին, խոջա Պետիկը դառնում է բանսարկութեան ու ընչաքաղցութեան զոհ: XVII դարի 30-ական թ.թ. նա գլխատում է Հալեպի բանտում: [34, էջ 287] Այս դէպքը վերստին գայիս է վկայելու, որ Օսմանեան կայսրութիւնում գոյութիւն ունեցող բռնապետական վարչակարգը արգելք էր հանդիսանում հայ առեւտրական բուրժուազիայի զարգացմանը: Խոջա Պետիկը եւ նրա նմանները հանդիսանում էին ոչ միայն անկշտում ու գիշատիչ թուրքական իշխանութիւնների, այլեւ եւրոպական տէրութիւնների Անգլիայի, Ֆրանսիայի, Հոլանդիայի, Վենետիկի հանրապետութեան եւ այլն քաղաքական ու առեւտրական հակամարտութեան զոհը:

Այսպէս, նկատի ունենալով, որ Հալեպում մետաքսի վաճառքի մենաշնորհը գտնւում էր խոջա Պետիկի ձեռքերում եւ նա էր թելադրում նրա գները, այդ քաղաքում վենետիկեան հիւպատոսը, որի իրաւասութիւնների մէջ էր մտնում նաեւ հանրապետութեան առեւտրին նպաստելը, դիմում էր բազմապիսի դաւերի, որպէսզի թուրքական իշխանութիւնները հեռացնեն նրան իր զրաւած պաշտօնից: Սակայն նրա ջանքերը ժամանակաւորապէս աւարտում են անարդիւնք ու ապարդիւն: Դրա պատճառը այն էր, որ չափազանց մեծ էր Հալեպի թուրքական իշխանութիւնների ստացած օգուտները խոջա Պետիկի առեւտրից: [73, էջ 187]

Ուշադրութեան արժանի է նաեւ հետեւեալ փաստը: 1535 եւ 1581 թ.թ. երբ Ֆրանսիան թուրքիայից ձեռք բերեց կապիտուլիացիոն իրաւունք եւ Միջերկրականի Ալէքսանդրիա, Զմիւռնիա, Սայդա (Սիդոն) նաւահանգիստներում ու Հալեպում բաց արեց հիւպատոսութիւններ, անգլո-ֆրանսիական պայքարը ընդունեց ան-

նախադէպ շիկացած բնոյթ: Իր ախոյեանին մահացու հարած հասցնելու բրիտանական նենգամիտ ծրագրի կարեւորագոյն կէտերից մէկն էր լինելու նաեւ Հալեպում մետաքսի առեւտրի խափանումը, որից մեծամեծ եկամուտներ էր ստանում իր խոյեանը՝ Ֆրանսիան: Այդ նպատակով շահ Աբրաս Բի յաջորդ՝ շահ Սէֆիի մօտ է ուղարկում բրիտանական մի ղեկավանութիւն, որի խնդիրն էր լինելու շահից ձեռք բերել մետաքսը ծովային ճանապարհով արտահանելու մենաշնորհը, նրա առեւտուրը ցամաքային ճանապարհից շեղելու ակներեւ մտադրութեամբ: Դեսպանութեան ձախողումից յետոյ անգլիացիները ձեռնամուխ են լինում իրենց ծրագրի աւելի դիւրին մասի իրագործմանը, այն է՝ խոջա Պետիկի ոչնչացմանը, որը, ինչպէս նշեց, իր ներկայացուցիչների միջոցով Հալեպ էր բերել տալիս Իրանի եւ Հնդկաստանի ապրանքները՝ հում մետաքս, մետաքսէ հիւսւածեղէններ եւ այլն: [34, էջ 279-280]

Տեղին է նշել, որ հայ վաճառականների կարողութիւնը շատ յաճախ կողոպուտի ճարակ էր դառնում նաեւ տեղական կառավարիչների միջեւ մղուող անընդհատ միջաւատական պատերազմների ժամանակ: Հայ վաճառականները յատկապէս մեծ վնաս կրեցին, երբ 1604-1605 թ.թ. Դամասկոսի փաշան մի քանի անգամ պաշարեց ու կողոպտեց Հալեպը, անդամալուծելով Լեւանտեան առեւտրի այդ խոշոր կենտրոնի ողջ առեւտուրը: [97, էջ 117, 98, էջ 241] Փաշաների միջեւ արևնախանձ ու անդադար պատերազմներն, որպէս կանոն, ուղեկցում էին հետեւողական աւարառութիւններով, որոնց զոհերն էին դառնում նաեւ Իրանից ու Մեքքայից եկող կարաւանները:

Սովորաբար մետաքսով բեռնաւորած հայ վաճառականների կարաւանները Հալեպ էին ժամանում Եփրատի հովտով, հատելով կարինը, իսկ աւելի յաճախ՝ Թաւրիզ-Վան-Բաղեշ-Դիարբեքիր-Բիրջիք ճանապարհով:

Դեռեւս միջնադարում Թաւրիզը հանդիսանում էր Արեւելքի ու Արեւմուտքի միջեւ խոշոր մշակութային ու տնտեսական կենտրոն: Թաւրիզի մասին Ռաֆայէլ դյու Մանը գրում է. «Թաւրիզը առեւտրական մեծ քաղաք է, ինչպէս նաեւ խոշոր հանգուցային կենտրոն, որտեղից անցնում են եւ պարսկական հողեր մուտք գործում բազում ճանապարհներ կոստանդնուպոլսից, Զմիւռնիայից, Բուրսայից, Թոքատից, Էրզրումից, Երեւանից, Նախիջեւանից, Հալեպից, Դիարբեքիրից, Մերդինից, Ուրֆայից,

Բիթլիսից, Վանից, Չորսից, Ազուլիսից, էզլիսից, ամբողջ Գուր-
ջիստանից ու Քրդստանից, Գանջայից, Շամախուց, Գիլանից, Արդա-
բիլից, մի խօսքով բոլոր հեռու ու մօտիկ տեղերից՝ որպէս Սպահան
գնալու համար տարանցիկ վայր: Առեւտրականներն այստեղից
անցնում են գնալու համար նաեւ Շամախի, Գիլան, Գանջա: Սրանք
այն երեք քաղաքներն են, որտեղ վաճառում են պարսկական
մետաքսները»:

Նշելով, որ Թաւրիզում Ջուղայի հայ վաճառականներն ունեն
առեւտրական գրասենեակներ (Ֆակտորիաներ) եւ խանութներ,
Ռաֆայէլ դյու Մանը շարունակում է. «Նրանց կարուանները Ե-
միւռնիակից եւ Հայկակից Պարսկաստան են բերում լոնդոնեան, Փրան-
սիական եւ վենետիկեան կտորեղէն, մարջան, դեղին համպար, վենե-
տիկեան հայելիներ, երկաթ եւ այլն, մահուդից եւ այլ կտորներից
պատրաստած ապրանքներ, պերճանքի առարկաներ, որոնք ինչպէս
յայտնի է Պարսկաստանում լաւ սպառում են գտնում»: [99, էջ 332]

Թաւրիզը եւ առհասարակ Ատրպատականը սերտ կապերի մէջ
էր գտնուում նաեւ Արարատեան դաշտի հետ: Այստեղից ստացւում
էր մեծ քանակութեամբ բրինձ, բամբակ, իւղ, պանիր, ձէթ, ճրագու,
կաշի, մորթի եւ այլն: [100, II, էջ 61] Իր հերթին Թաւրիզից, Մակուից
եւ այլն Արարատեան դաշտ էին արտահանում բազմապիսի
ապրանքներ եւ յատկապէս հացարոյսեր:

Թաւրիզ-Չմիւռնիա միջազգային տարանցիկ առեւտրի
մայրուղին, որի Թաւրիզ-էրզրում (Կարին) հատուածն անցնում էր
Հայաստանի տարածքով, յատկապէս մեծ նշանակութիւն ունէր
Սէֆեան իրանի եւ Արեւմտեան Եւրոպայի երկրների միջեւ
կատարուող ապրանքափոխանակութեան համար: Այն մի կողմից
Թաւրիզի վրայով կապւած էր կենտրոնական իրանի, որտեղից նաեւ
Միջին Ասիայի, Հնդկաստանի, Չինաստանի հետ, իսկ միւս կողմից
ձգւում էր մինչեւ Միջերկրականի ափերը եւ Չմիւռնիայի նա-
ւահանգստի միջոցով Մերձաւոր արեւելքի երկրները, Միջին Ասիան,
Հնդկաստանն ու Չինաստանը կապում Արեւմտեան Եւրոպայի
գլխաւոր առեւտրական կենտրոններ Վենետիկի, Ջենովայի,
Ֆլորենցիայի, Լիվոռնոյի, Մարսէյի, Ամստերդամի, Լոնդոնի եւ այլ
վաճառաչահ քաղաքների հետ: [101, էջ 61] Վերոյիշեալ մայրուղին
մանրամասն նկարագրել է XVII դարի վաճառական Չաքարիա
Ազուլեցին՝ իր «Օրագրութեան» մէջ: Նա վկայում է, որ Թաւրիզ-
Չմիւռնիա գլխաւոր մայրուղուն զուգահեռ զործել են նաեւ մի
շարք երկրորդական ճանապարհներ, որոնք թէեւ հիմնականում

ծառայում էին ներքին առևտրին, սակայն կապած լինելով գլխաւոր մայրուղու հետ, Արեւելեան Հայաստանի եւ յատկապէս Արարատեան երկրի ներքին գաւառները եւս ընդգրկում էին միջազգային տարանցիկ առևտրի մէջ: [102, էջ 21]

Հայ վաճառականների համար Լեւանտեան առևտրի կարեւոր կենտրոն էր նաեւ Բուրսան: Դեռեւս XIV դարի վերջերից Բուրսան վերածւեց Անատոլիայի կարեւորագոյն առևտրական քաղաքի: Նա փաստօրէն դարձաւ Անատոլիայով անցնող բոլոր առևտրական ճանապարհների հատման կենտրոն: Արեւմտեան Անատոլիայի այնպիսի առևտրական կենտրոնները, ինչպիսիք էին Պալատիան, Էֆեսը (Եփեսոս) եւ Զմիւռնիան արդէն 1301 թ. ընկան օսմանցիների հսկողութեան տակ եւ դրանից յետոյ ամբողջապէս կապւած էին Բուրսայի հետ: Այսուհետեւ Իրանից եկող կարաւանները զնոււմ էին դէպի այդ առևտրական նաւահանգիստները Բուրսայի վրայով: Աւելին, ընդլայնելով իր տիրոջթներն արեւելքում, սուլթան Բայազեդ I իր հսկողութեան տակ վերցրեց առևտրական այդ ուղին: XV դարում Ամասիա եւ Թոքատ քաղաքները, որոնք տեղաւորւած էին այդ ճանապարհի վրայ, Բուրսայից յետոյ դարձան Անատոլիայի կարեւորագոյն քաղաքական, տնտեսական եւ մշակութային կենտրոններ:

Բուրսան առևտրական սերտ կապերով կապւած էր նաեւ հարաւային Անատոլիայի Անթալիա եւ Ալանիա նաւահանգիստների հետ, որտեղ առաւելապէս ներմուծւում էին հնդկական եւ արաբական ապրանքներ:

Բուրսան հանդիսանում էր մի կարեւորագոյն առևտրական կենտրոն, որտեղ եւրոպական, մասնաւորապէս վենետիկեան, ջենովական եւ Ֆլորենտինեան վաճառականները ձեռք էին բերում արեւելեան ապրանքներ եւ վաճառում էին առաւելապէս եւրոպական բրդէ գործւածքեղէն: Բուրսայի զարգացումը նախ եւ առաջ տեղի էր ունենում իրանական մետաքսի առևտրի հաշւին: Այդ քաղաքում Մեղիչիների եւ այլ Ֆլորենտինեան տների ներկայացուցիչ Ջ. Մարինին 1501 թ. նշում էր, որ իւրաքանչիւր տարի Իրանից Բուրսա էին ժամանում մետաքսով բռնաւորւած բազմաթիւ կարաւաններ:

Լեւանտեան առևտրի խոշորագոյն կենտրոններից մէկն էր նաեւ Կ. Պոլիսը, որը հանդիսանում էր Արեւելքը Արեւմուտքի հետ կապող կարեւորագոյն հանգույց: Նա յատկապէս առաջնակարգ դիրք էր զբաւում Իրանից Արեւմտեան Եւրոպա տանող դիրք էր զբաւում Իրանից Արեւմտեան Եւրոպա տանող միջազգային տարանցիկ կարաւանային ճանապարհի վրայ: Այստեղ

դեռեւս Երզ դարի կէսերից գոյութիւն ունէր Հայ գաղութ: [108, էջ 182] Մուհամմեդ Բ-ի կողմից Կ. Պոլիսը զբաւելուց յետոյ տեղի Հայ գաղութը, յատկապէս բունի գաղթեցումների ճանապարհով, նշանակալիօրէն սուլարացաւ: 1461 թ. Մուհամմեդ Բ-ն յատուկ Ֆիրմանով Հաստատեց Կ. Պոլսում Հայ գաղութի գոյութիւնը:

Դեռեւս շահ Արքաս Բի դարաշրջանից շատ առաջ Հին Ջուդայի եւ նրա Հարակից վայրերի (Ագուլիս, Նախիջեւան, Փարաքա, Ղափան եւ այլն) Հայ վաճառականները, որոնք առեւտուր էին անում Սեւ ծովի նաւահանգիստների հետ (Կաֆա), գալիս եւ Հաստատում են Կ. Պոլսում: [21, էջ 22] XVII դարում արդէն Կ. Պոլսի Հայ գաղթօջախի բնակչութեան թիւը հասնում էր 100 հազարի եւ այնտեղ կար վեց եկեղեցի:

Այս քաղաքի մասին Գրիգոր Դարանազցի պատմիչը նշում է, որ Համենայն վաճառականք Հայերք շատ կան անդ յամենայն աշխարհաց»: [79, էջ 168-169]

Կ. Պոլսում եւս միջազգային առեւտրի գործօն մասնակիցներն էին ինչպէս արեւմտահայ, այնպէս էլ արեւելահայ վաճառականները, որոնց մէջ գլխաւոր գանգւածը կազմում էին Նոր Ջուղայեցիները: Վերջիններս Կ. Պոլսում սերտօրէն միաձուլեցին թուրքական վաճառականների հետ: Ընդ որում նրանցից շատերն ընդունեցին մահմեդականութիւնը եւ նպաստեցին առեւտրական խաւի առաջացմանը նաեւ տեղի թուրքերի շրջանում: [104, էջ 208-215]

Կ. Պոլսում Հայերը Հանդիսանում էին եւրոպական առեւտրականների համար պարտադիր միջնորդներ: Այսինքն նրանք այս քաղաքում արեւելեան ապրանքներ կարող էին ձեռք բերել միայն Հայ վաճառականների միջոցով: Միջնորդ կամ կոմպրադորական առեւտուրը Հայ վաճառականների համար մի մենաշնորհ էր, որ նրանք պահպանեցին մինչեւ 19-րդ դարը: [105, էջ 134] Անգլիացի ուղեգիր Ջորջ Սանդիսը, որը 1610 թ. այցելել էր Կ. Պոլիս, վկայում է, որ անգլիացի վաճառականները այդ քաղաքում ձեռք են բերում պարսկական գորգեր, այծի բրդից պատրաստած գործւածքներ, մետաքսէ զիպակներ, հում մետաքս եւ այլն, որոնք «Պարսկաստանից այստեղ են բերուում ցամաքային ճանապարհով Հայ վաճառականների կողմից»: [108, էջ 80]

Այդ նոյն անգլիացին ստիպւած էր խոստովանել, որ այդ քաղաքում, որտեղ բրիտանական առեւտրական հիմքերը առաւել կայուն էին, քան Մերձաւոր Արեւելքի որեւէ այլ վայրում, հում մետաքսի առեւտուրը գտնուում է առաւելապէս Հայ վաճա-

ուսականների ձեռքում:

Օսմանեան կայսրութեան մէջ անձի անապահովութեան եւ գոյքի անվտանգութեան երաշխիքներ չլինելու պատճառով Կ. Պոլսում հաստատուած հայ վաճառականներից շատերը քաղաքական վայրիվերումների, մայրաքաղաքում յաճախակի բռնկող ապրտամբութիւնների եւ այլ պատճառների հետեւանքով ստիպուած էին երկարատեւ բնակութիւն չհաստատել սուլթանների մայրաքաղաքում եւ հեռանալ այլ ապահով վայրեր:

Յայտնի է օրինակ, որ երկարատեւ թուրք-իրանական պատերազմների ժամանակ Նոր Զուղայից, Ագուլիսից, Նախիջնեանից, Ղափանից, Ղրիմից (Կաֆա) եւ այլ վայրերից եկած եւ Կ. Պոլսում հաստատուած հայ վաճառականների համար ստեղծուած էր տնտեսական ու քաղաքական անապահով վիճակ, որի պատճառով նրանց մի մասը ստիպուած էր թողնել սուլթանների մայրաքաղաքը եւ հեռանալ այլ վայրեր: Սակայն նրանց տեղը անմիջապէս զբաղեցնում էին Անատոլիայից, Արեւմտեան Հայաստանից (գլխաւորապէս Ակնից, Բենդեանից, Ապուչեհից եւ այլն), Արեւելեան Հայաստանից ու Իրանի հայ գաղթօջախներից եկած հայ վաճառականները: [21, էջ 82-83]

Կ. Պոլիսը այսպիսով հայ վաճառականների համար ծառայում էր նաեւ որպէս միջանկեալ մի կայան Արեւմտեան Եւրոպա տեղափոխելու եւ այնտեղ խարխիս գցելու ճանապարհին:

Լեւանտեան առեւտրի աչքի ընկնող կենտրոններից մէկն էր նաեւ Զմիւռնիան: Միջմայրցամաքային առեւտրում ծովափնեայ եւ նաւահանգստային այս քաղաքի նշանակութիւնը մեծանում է 18-րդ դարի վերջերից սկսած: Սակայն դեռեւս XVI դարի կէսերից փոքրասիական ներքին առեւտրին քաջատեղեակ հայ վաճառականները Զմիւռնիան օգտագործում էին որպէս միջանկեալ առեւտրական կայան եւրոպական երկրների հետ առեւտուր անելու համար: [107, էջ 67] Ըստ Ֆրանսիացի պատմաբան Պ. Մասսոնի, իրանական մետաքսի մատակարարումները այդ քաղաքը առաջին անգամ արձանագրել է 1621 թ. [108, էջ 372]: Սակայն շուտով նա դառնում է մետաքսի առեւտրի խոշորագոյն կենտրոններից մէկը:

Զմիւռնիայի առեւտրական նշանակութեան մասին Սիմէոն Լեհացու մօտ գտնում ենք հետեւեալ վկայութիւնը. «Եւ սա էր ծովու եալու մեծ սկալայ, որ Ստամպոլայ, Մսրա, Վանատիկու, Մաքրզու եւ այլոց կէմիք կու խաղային եւ բազում Ֆուանկք եւ հոռոմ կային անդ»: [86, էջ 37-38]

Զմիւռնիայում գործում էին նաեւ բազմաթիւ մեծածախ առեւտրով զբաղող հայ վաճառականներ, որոնք միանալով գնում էին Եւրոպայից նաւերով, եւ Արեւելքից կարաւաններով բերած ապրանքները: Այդպիսի վաճառականներից մէկն էր, օրինակ, Անտոն Չելեպին, որի առեւտրական գործունէութեան մասին Առաքել Դավրիժեցին հաղորդում է հետաքրքիր տեղեկութիւններ: «... էր եւ անդ, (Բմա Զմիւռնիայում Վ.Բ.) Հայ ազգաւ այր ոմն քրիստոնեայ՝ որոյ անուն էր Անտոն չալապի, եւ էր սա ի քաղաքէն Բուրսայոյ՝ որոյ տուն եւ տեղիք եւ՝ բնակութիւնն անդ ի Բուրսայ էր: Այլ եւ յիզմիր քաղաքի եւս ունէր. տունս եւ ապարանս, նաեւ ի Կոստանդնուպոլիս ունէր գտունս եւ զապարանս հոյակապս, եւ ոսկեզօծ զարդարեալ երանդ երանդ գունով. եւ էր այրս այս Անտոն չալապի յոյժ երեւելի եւ հուշակեալ այնքան, մինչ զի յայտնի էր ի դուռն թագաւորին Օսմանցոց, նաեւ ի հեռաւոր աշխարհս ի Ֆրանկաց: Ի Պարսից, զի կարի ընչաւէտ եւ փարթամ էր ստացուածովք եւ էր իւր գործ վաճառականութիւն, որոյ պատճառ է երբեմն ժամանակաւ ի Կոստանդնուպոլիս լինէր, եւ երբեմն ի Զմիւռնին լինէր, որ է Իզմիր: Եւ յորժամ գային կարաւանք վաճառականաց՝ յաշխարհէն Պարսից ի քաղաքն յիզմիր, զամենայն բեռինս կարաւանին միանգամայն գնէր, զինչ եւ լինէր, թէ ապրիչում եւ թէ թաֆարիդ, եւ միանգամայն վճարէր զգինն: Սոյնպէս եւ աշխարհէն Ֆրանկաց՝ յորժամ գային ծովով նաւքն բարձեալ բեռամբ պատուական ստացուածովք. զնաւին բեռն միանգամայն ինքն միայն գնէր եւ վաղվաղակի զգինն վճարէր»: [23, էջ 338-339]

Լեւանտեան առեւտրի մէջ չափազանց մեծ դեր էին խաղում նաեւ Արեւմտեան Հայաստանի առեւտրական բազմաթիւ կենտրոնները՝ Կարինը (էրզրում), Ակնը, Ամիդը (Իրարեքիր), Երզնկան, Բաղեշը, Բաբերդը (Բայրուրդ), Վանը, Արճեշը, Արծկէն, Խլաթը, Խիզանը, Մուշը, Ոստանը, Ախթամարը, Խարբերդը, Սղերդը եւ այլ քաղաքներ, որոնք գտնւելով կամ զլիաւոր, կամ օժանադակ առեւտրական ուղեգծերի վրայ, մասնակցութիւն ունէին միջազգային տարանցիկ առեւտրին: [24, էջ CIX]

Արեւմտեան Հայաստանից արեւմուտք, ողջ Փոքր Ասիայի տարածքում հայ գաղթօջախների առկայութիւնը ստեղծում էր մի միասնական շղթայ, որոնք իրար հետ կապւած էին առեւտրատնտեսական բազմապիսի թելերով: Իգուր չէ, որ XVII դարի սկզբին Սիմէոն դպիր Լեհացին գրում էր, «Եւ թէ հաշուես ի

Պուղտանայ մինչեւ Ստամպօլ, պութուն Ուռուժէլին մինչեւ մեծն Վանատիկ, նա չկայ քաղաք, գեղ կամ չֆտլիկ, որ հայ չկենայ, որ վասն ծովացեայ մեղաց մերոց ցիրուցան եղեալ եմք ի վերայ երկրի որպէս գիտչի»: [80, էջ 469]

Լեւանտեան առեւտրի համար կարեւոր տարանցիկ կայան եւ հանգուցակէտ էր էրզրում (Կարին) քաղաքը: Այն Իրանի եւ Լեւանտի միջեւ ցամաքային կարաւանային ճանապարհների միջեւ հանդիսանում էր կապող օղակներից մէկը: Ֆրանսիացի ճանապարհորդ Պիտտոն դէ Տուրնեֆորը գրում է. «Այս քաղաքը (էրզրում Վ.Բ.) տարանցիկ առեւտրի կենտրոն է Հնդկաստանից եկած ապրանքների համար... որոնցից հիմնականն են Պարսկաստանի մետաքսը, բամբակը, թմրադեղերը, տարբեր գոյնի մահուղները, որ անցնում էին բացառապէս Հայաստանի վրայով»: [82, էջ 202]

17-րդ դարի մատենագիր Յակոբ Կարնեցին իր «Նկարագիր վերին Հայոց» ժամանակագրութեան մէջ էրզրումի մասին հաղորդում է հետեւեալ տեղեկութիւնը. «Եւ ի վաճառականացն ի Դ (4) կողմանց ազգէս հայոց անթիւ կան նստեալ տարին բոլոր բովանդակ ի գնել եւ ի ծախել՝ ի փառչայ եւ ապրչում, ցեղ ու ցեղ ղումաչ եւ ղանավուզ չուխայ, կտաւեղէն եւ քթան անթիւ. եւ բազում ջաւահիր քար, ալմաս եւ եաղութն, լալ եւ զմրութն, սամուր եւ վարչաղ եւ ամենայն մազեղէն ի բոլոր տարին յայտնի գնեն եւ վաճառեն, զի այժմ քաղաքս այս յոյժ բանտար է նման Ստամպօլայ, որ տարին ժ [10] կամ ԻՌ (20.000) բէռն մտանէ եւ կելանէ, որ ՃՌ (100.000) ղուռուչ մտանէ քսակն փաշաին»: [100, էջ 668-669]

Արեւմտահայ վաճառականների մէջ Ամիդցի խոջաները եւս աչքի էին ընկնում միջազգային առեւտրի բնագաւառում իրենց եռանդով եւ ձեռներէցութեամբ: Պօսելով նրանց մասին Սիմէոն Լեւնացին տեղեկացնում է, որ Ամիդում ապրում էր հազար տուն հայ, որոնք «... ամենքն հարուստ եւ փարթամ, պերճ եւ փառաւոր եւ որչափ ամալ եւ մեծութիւն կայ, ամէնն իրենք զաֆթ են արել, թէ զառապիսանան, թէ զկօմրուկն, թէ զիտաներն եւ զայլ ամենայն»: [80, էջ 205]

Թաւրիզ-Չմիւռնիա ճանապարհի կարեւորագոյն հանգուցաներից մէկն էր Թոխաթ քաղաքը: Թոխաթի մասին Տավերնիէն գրում է, որ այն հանդիսանում է Արեւելք տանող խոշոր տարանցիկ գրում է, որ այն հանդիսանում է Արեւելք տանող խոշոր տարանցիկ կայաններից մէկը: Այստեղ «անվերջ կարաւաններ են գալիս Պարսկաստանից, Դիարբեքիւրից, Բաղդադից, Կոստանդնուպօլսից,

Զմիւռնիայից, Սինոպից եւ այլ վայրերից» գրում է նա: [70, էջ 11-12]

Լեւանտեան առեւտրում իր ակնառու դերն ունէր նաեւ Արեւմտեան Հայաստանի աչքի ընկնող առեւտրական կենտրոններից մէկը՝ Վանը: Ֆրանսիացի Ռաֆայէլ դյու Մանի վկայութեամբ «Վանի տառեխը առեւտրական խոշոր շրջանառութիւնների նիւթ էր մատակարարում շատ հայ վաճառականների, որոնք արտահանում էին այդ ապրանքը մինչեւ Մոսկւա եւ Ռուսաստանի այլ կողմերը, Պարսկաստան, Վրաստան: Ամբողջ Արեւելքը ճանաչում եւ գնահատում էր այդ հռչակաւոր ձուկը»: [30, էջ 347]

Լեւանտեան շուկաներում չափազանց յարգի էին Հայաստանի գունաւոր կաշիները (սաֆեան), դղթորը, ճոթերը, բամբակը, հում մետաքսը եւ այլն:

Հայերի մասնակցութիւնը Լեւանտեան առեւտրին առանձնակի թափ ստացաւ XVII դարի սկզբներին: Դա բացատրւում է առաջին հերթին նրանով, որ եւրոպական շուկաներում մետաքսի պահանջարկը շեշտակիօրէն աճել էր: Ստամբուլում նիդերլանդների դեսպանը 1615 թ. մայիսի 2-ին իրենց արտաքին գործերի նախարարին հաղորդում էր, որ դէպի Հնդկաստան տանող ծովային ճանապարհի բացումից յետոյ Արեւելքի հետ համեմունքների առեւտուրն անցաւ երկրորդ պլան եւ ընդհակառակն, Արեւելքի եւ Արեւմուտքի միջեւ առեւտրի հիմնական ապրանք դարձաւ հում մետաքսը: [34, էջ 203-204, 302] Գերմանացի Ադամ Օլեարիուսի վկայութեամբ XVII դարի առաջին կէսին իրանում հաւաքւում էր շուրջ 20 հազար հակ հում մետաքս, [70, էջ 701] որից երկրի ներսում օգտագործւում էր միայն հազար հակ, իսկ մնացածը արտահանւում էր առեւտրի Լեւանտեան կենտրոններ եւ Եւրոպա:

Հարկ է սակայն նշել, որ Լեւանտում հայ վաճառականները կամայ թէ ակամայ հանդիպելու էին լուրջ առեւտրական մրցակիցների ու ախոյեանների: Կապիտուլյացիաների հաստատումով XVI դարի վերջերում եւրոպական առեւտրական կապիտալի ներթափանցումն արդէն աւարտել էր Մերձաւոր Արեւելքում եւ դրանով Արեւելքի շուկան կուսադաշտ էր դարձել Արեւմտեան Եւրոպայի առեւտրական պետութիւնների միջեւ, որոնց գլխաւորները Ֆրանսիան, Անգլիան եւ Հոլանդիան էին:

Ելնելով Ֆրանսիայի եւ Հոլանդիայի հետ իր քաղաքական եւ առեւտրական հակամարտութիւնից, Անգլիան, օրինակ, ամէն կերպ աշխատում էր կամ իրանական մետաքսի արտահանման մենա-

չընորհը վերցնել իր ձեռքը եւ կամ, ծայրայեղ դէպքում, Լեւանտում խափանել մետաքսի առեւտուրը: Անտարակոյս, այս քաղաքականութիւնն իր սուր ծայրով ուղղւած էր նաեւ հայ վաճառականութեան դէմ, մանաւանդ որ նրա առեւտրական գործառնութիւնների մեծագոյն մասը կատարում էր հէնց Ֆրանսիայի ու Հոլանդիայի հետ: Առհասարակ պէտք է նշել, որ յանձինս հայ առեւտրական դասի բրիտանական առեւտրական կապիտալը իր համար տեսնում էր լուրջ մրցակցի:

Իր ախոյեաններին թուլացնելու համար Մեծ Բրիտանիան կազմակերպում է բազմաճակատ մի գրոհ: Նախ 1502 թ. անգլիացի վաճառականները ստեղծեցին «Լեւանտեան ընկերութիւնը», որը երբեմն կոչում էին նաեւ «Թուրքական ընկերութիւն»: Զգտելով էփան գներով հում մետաքս ձեռք բերել եւ նրա արտահանման մենաշնորհը վերցնել իրենց ձեռքը, «Լեւանտեան ընկերութեան» վաճառականները հետեւողականօրէն փորձեր էին կատարում թափանցել Իրանում մետաքսի արտադրութեան հիմնական շրջանները: 1607 թ. նրանք թուրքական սուլթանից իրաւունք ստացան մուտք գործել Սեւ ծով, որը փակ էր եւրոպացիների առջեւ: Այնուհետեւ, 1609 թ. Կ. Պոլսում անգլիական դեսպանը թոյլտուութիւն ձեռք բերեց, որպէսզի «Ռոյեալ Դիֆենս» նաւը անցնի Բոսֆորով եւ Տրապիզոնում կազմակերպւի առեւտրական գրասենեակ, որի միջոցով ենթադրում էր Իրանից հում մետաքս արտահանել: [110, էջ 29]

Թուրքասիրութիւնը ընտրելով որպէս իր նպատակներին հասնելու ազդու միջոց, «Լեւանտեան ընկերութիւնը» նոյնիսկ սկսեց եռանդուն ճնշում գործադրել սեփական կառավարութեան վրայ, որպէսզի նա հակաթուրքական դաշինքի վերաբերեալ պայմանագիր չկնքի շահ Արբաս Էի ներկայացուցիչ Էնտոնի Շիրլիի հետ, որն այդ նպատակով 1500 թ. շահի կողմից ուղարկւած էր Եւրոպա: [67] Այդ ճնշման հետեւանքով Շիրլիի առաքելութիւնն աւարտեց կատարեալ ձախողմամբ: Բանը հասաւ նոյնիսկ նրան, որ «Լեւանտեան ընկերութեան» վաճառականների պահանջով բրիտանական պետական քարտուղար Սոլսբերին 1606-1607 թ.թ. բողոք ներկայացրեց Տոսկանայի դքսին, պահանջելով դադարեցնել անգլիական նաւերի օգտագործումը թուրքերի դէմ: [111, No 283, 404] Իսկ Էնտոնի Շիրլիի եղբայրը, Թոմաս Շիրլին, որը Եւրոպայում մեծ հռչակ էր ձեռք եղբայրը, Թոմաս Շիրլին, որը Եւրոպայում մեծ հռչակ էր ձեռք բերել իր «Դատողութիւններ թուրքերի մասին» հակաթուրքական պամֆլետի շնորհիւ, նետուց թաուերի բանտը՝ շարեկամ

Թուրքիայի դէմ քարոզչութեանն մեղադրանքով:

Ի դէպ, անգլիացիներին յայտնի էր, որ շահ Արբաս I-ի յանձնարարութեամբ նրա հայ դիւանագիտական յանձնակատարները Եւրոպայում բանակցութիւններ են վարում իրանա-եւրոպական հակաթուրքական դաշինք կնքելու վերաբերեալ: [Տես 27] Այդ հանգամանքը եւս անկասկած նրանց կողմից օգտագործուած էր թուրքական իշխանութիւնների մօտ հայ վաճառականներին վարկարեկելու համար:

Չնայած Սուլթանից ստացած կապիտուլիացիոն արտօնութիւններին, [Տես 112, էջ 37] Լեւանտում անգլիացիները աստիճանաբար գիջում էին դիրքերը, ասպարէզը թողնելով իրենց մրցակիցներին՝ հոլանդացիներին ու Ֆրանսիացիներին, իսկ հում մետաքսի գծով նաեւ հայերին: Դրա պատճառներից մէկն էլ այն էր, որ նորաստեղծ Օստ-Հնդկական ընկերութիւնը Լեւանտեան վաճառականներին դուրս էր մղում արեւելեան պերճանքի առարկաների ու համեմունքների առևտրից: Ժամանակակիցների վկայութեամբ, Օստ-Հնդկական ընկերութեան ստացած շահոյթի չափը երեք անգամ գերազանցում էր Լեւանտեան ընկերութեան շահոյթի չափին: [113, էջ 120, 150] Այդ պատճառով 1604 թ. Լեւանտեան ընկերութեան թւով 64 վաճառականներ տեղափոխուեցին աւելի շահութարբեր Օստ-Հնդկական ընկերութիւնը: [114, էջ 91]

Լեւանտեան ընկերութեան մրցողունակութեան բարձրացմանը չօգնեց նոյնիսկ այն, որ 1617 թ. անգլիական այսպէս կոչւած «Արկածախնդիր վաճառականների» ընկերութիւնը հրաժարեց Եւրոպայից Լեւանտ ապրանքներ ներմուծելու իր իրաւունքից յօգուտ «Լեւանտեան ընկերութեան»: [115, էջ 112]

Անգլիացիների համար բնականաբար բնաւ ձեռնտու չէր հում մետաքսը ձեռք բերել երկրորդ ձեռքերից՝ հայ վաճառականներից: Մատնանշելով այդ իրողութիւնը, Օստ-Հնդկական ընկերութեան ծառայող Ռիչարդ Ստիլը գրում էր, որ Հալէպում, օրինակ, հում մետաքսը 50 տոկոսով աւելի թանկ էր, քան բուն Իրանում: [116, էջ 106] Այդ պատճառով անգլիացիները եռանդուն կերպով աշխատում էին ներթափանցել իրանական շուկայ:

Անգլիական առևտրական կապիտալի եւ հայ խոջայութեան միջեւ ախտյանութիւնը շահամանափակեց լոկ XVII դարի առաջին քառորդով: Ողջ հարիւրամեակի ընթացքում անգլիացիները փորձում էին հայ վաճառականների ձեռքից խլել մետաքսի արտահանման նրանց մենաշնորհը եւ յատկապէս սահմանափակել

այդ ապրանքի արտահանումը դէպի Լեւանտ: Սակայն բրիտանական այդ քաղաքականութիւնը ճեղքածք տւեց եւ չիրականացաւ դիւաւորապէս այն պատճառով, որ չնայած գործադրւած բազում ջանքերին, Օստ-Հնդկական ընկերութեանը այդպէս էլ չյաջողեց կազմակերպել իրանական մետաքսի գանգաւածային արտահանութեան գործը Պարսից ծոցի ճանապարհով: Նախկինի պէս, այդ ապրանքի մեծագոյն մասը արտահանոււմ էր հայ վաճառականների կողմից, առաւելապէս թուրքական կարաւանային ճանապարհով դէպի Լեւանտի առեւտրական կենտրոնները: (117, էջ 413-416. 118, էջ 157) Ընդ որում հայ վաճառականների Լեւանտեան առեւտրի վրայ բարերար ազդեցութիւն ունեցաւ ինչպէս 1616 թ. Սարաւում կնքւած թուրք-իրանական պայմանագիրը, որի մէջ յատուկ յօդւած էր պարունակուում այն մասին, որ իրանական վաճառականները իրաւունք են ստանում թուրքիայի վրայով ազատօրէն արտահանել հում-մետաքս եւ այլ ապրանքներ (119, էջ 180), այնպէս էլ Չոհարում կնքւած 1639 թ. թուրք-իրանական հաշտութեան պայմանագիրը, որը երկու պետութիւնների միջեւ աւելի քան 80-ամեայ խաղաղ զարգացման մի շրջան բերեց: Հայ վաճառականների կեղեքումները, նրանց ապրանքների բռնազրաւումները կամ անօրինական մաքսերի սահմանումը որոշ չափով նւազեց: Եւհազրգուած լինելով, որ ողջ իրանական առեւտուրը կատարւի թուրքիայի վրայով, սուլթանական կառավարութիւնը միջոցներ էր ձեռնարկում ապահովելու համար առեւտրական կարաւանների դիրքին տեղաշարժերը Օսմանեան կայսրութեան տարածքով:

Նման քաղաքականութիւն իրագործուում էր նոյնիսկ թուրք-իրանական պատերազմների ժամանակ: (20, էջ 82) Թուրքերը մշտաբար չհակուում էին կարաւանային ճանապարհները նաեւ այն պատճառով, որ Օսմանեան կայսրութիւնը ձգտում էր իր բաժինը ստանալ ոչ միայն իրանական հում մետաքսի առեւտրից, այլեւ կենտրոնական Ասիայի, Հնդկաստանի ու Չինաստանի հետ իրագործւող առեւտրափոխանակութիւնից: (130, էջ 210-211)

Հարիւրամեակներ տեւած թուրք-իրանական պատերազմների հիմնական պատճառներից մէկը առեւտրական շահերն էին, յատկապէս մետաքսի առեւտրից ստացւող հսկայական շահոյթների տէր դառնալու անգուսպ ձգտումը եւ Անդրկովկասի ու Իրանի մեղառնները շրջաններին տիրապետելը: Պատահական չէ, որ թուրք-տաքսաբեր շրջաններին տիրապետելը, թուրքիայի յաղ-իրանական հաշտութեան պայմանագրերում, թուրքիայի յաղթանակի դէպքում, որպէս կանոն, յատուկ յօդւած էր պարու-

նակւում որպէս ռազմատուգանք Իրանի կողմից մետաքսի պարտադիր մուծումների վերաբերեալ: Ճիշտ է, պայմանագրերում ռազմատուգանքի այդ ձևեր յիշատակուում է, «նւէրի» անւան տակ, սակայն անտարակոյս զրանից վիճակը բնաւ չէր փոխուում: Յատկանշական է նաեւ, որ պարսիկների կողմից մետաքսի յանձնման դադարեցումը անմիջապէս տեղիք էր տալիս թուրք-իրանական նոր աւերիչ պատերազմի: [131, էջ 161]

Ուշագրաւ է նաեւ նշել, որ թուրք-իրանական պատերազմների ժամանակ իր հակառակորդին մետաքսի վաճառքից ստացւող հասոյթներից գրկելու համար, թուրքերը ոչ միայն կոտորում էին մետաքսի արտադրութեան շրջանների բնակչութեանը, այլև անխնայ կերպով կտրատում էին թթի ծառերը: [71, էջ 126]

Այնուամենայնիւ Օսմանեան կայսրութիւնում առեւտրական կարաւանների կողոպուտը մնում էր որպէս մի սովորական երեւոյթ: Վկայելով այդ մասին Տալեքնիէն գրում է. «ողջ թուրքիան լի է աւազակներով, որոնք թափառում են խոշոր խմբերով եւ ճանապարհներին դարանակալում են հայ վաճառականներին: Եթէ հանդիպում են հարուստ վաճառականներ, կողոպտում են նրանց եւ յաճախ զրկում են նաեւ կեանքից»: [60, էջ 78]

Առհասարակ վաղ միջնադարում Օսմանեան կայսրութեան մէջ առեւտուր անելու եղանակը կարաւաններ կողոպտելն էր: Այդ սովորոյթը հական փոփոխութիւնների չենթարկեց նաեւ ուշ միջնադարում: Օսմանեան նահանգական կուսակալները, որպէս կանոն, միաբանելով աւազակների հետ, թոյլ էին տալիս կողոպտել առեւտրական կարաւանները աւարը կիսելու պայմանով: [120, էջ 210] Շատ յաճախ կուսակալ-փաշաները գաղտնապէս իրենք էին ստեղծում աւազակախմբեր, որոնց կանոնաւոր կողոպուտները իրենց բերում էին խոշոր եկամուտներ: Առաքել Դավրիժեցին հաղորդում է, որ յատկապէս ապստամբ փաշաները, դերերէյներն ու այանները անխնայ թալանի էին ենթարկում իրենց սահմաններից անցնող առեւտրական կարաւանները: Նա բերում է էրզրումի Արազա փաշայի օրինակը, որը խարհութեամբ բազմաթիւ առեւտրական կարաւաններ հաւաքելով քաղաքում, թալանել է դրանք: [23, էջ 673] Այդ նոյն փաշայի մասին Գրիգոր Դարանաղցին հաղորդում է, որ նա 1024 թ. Ստամբուլից վերադարձող եօթ հարիւր ջուղայեցի վաճառականներին կողոպտելուց յետոյ ասում է նրանց. «ինձ շատ պիտոյ է քան ձեզ, գնացէք նոր վաստակեցէք»: [70, էջ 223]

Գողութիւնը, աւազակութիւնը, կողոպուտն ու թալանը այն

աստիճանի տարածւած երեւոյթ էր Փոքր Ասիայում, որ անգլիացի ճանապարհորդ Պարրին այդ երկրամասը անւանում է «գողերի երկիր», գրելով, որ «այդտեղի մարդիկ բոլորը միասին հակւած են գողութեան»: [87, էջ 155]

Այդ բոլորը անասելի մեծ չափեր էր ընդունել յատկապէս Փոքր Ասիայում ջալայիների ապստամբութիւնների ժամանակ: Զաքարիա Ագուլեցին իր «Օրագրութեան» մէջ գրում է, որ երբ ինքը 1658 թ. գտնւում էր Թոխաթում, ականատես է լինում ջալայիների գործադրած բռնութիւններին ու կողոպուտներին: «Այսօր Սէիդ Ահմադ Փաշէն եկաւ ԺԲԹ ձիւղոր յետոն, գերայ ջալայի էր: Շատ դրամ առաւ քաղաքէն: Մեք քանի բազրկան այսօր գոխտուկ դուրս ելաք, փախաք, թէ բռնեն ոչ, կամ թէ փող ուզեն»: [102, էջ 47]

Չենթարկւելով պետութեան սահմանած կարգ ու կանոնին, շատ յաճախ նահանգական փաշաները կամայականօրէն փոխում էին չափերն ու կշիռները եւ նորերը մտցնելու պատրւակի տակ պատկառելի գումարներ էին կորզում վաճառականներից: Բացի այդ, նրանք ստիպում էին քրիստոնեայ եւ հրեայ վաճառականներին իւրաքանչիւր քաղաքում մուծել այլադաւանների համար սահմանւած գլխահարկ՝ խարաջ, մինչդեռ օրէնքով այդ հարկը պէտք է վճարւէր տարեկան միայն մէկ անգամ: [117, էջ 68]

Թուրքական իշխանութիւնները կամայականօրէն բարձրացնում էին նաեւ առանց այն էլ բարձր մաքսատուրքերը: Ողջ XVII դարի ընթացքում, Հալեպում հոլանդացիները ստիպւած էին պայքարել թուրքերի կողմից մաքսատուրքերի կամայական բարձրացման դէմ: [121, էջ 308] Ստամբուլում իրենց հիւպատոսի հետ հոլանդական կառավարութեան գրագրութիւնից երեւում է, որ նա բազմիցս հրահանգներ էր տալիս նրան ամէն ինչ անել, որ թուրքական կառավարութիւնը նւազեցնի «արեւելեան առեւտրի հիմքերի հիմք ու ոգի հանդիսացող» հում մետաքսի վրայ դրուող բարձր մաքսերը: [34, էջ 311-312] Նոյնպիսի վիճակ էր տիրում նաեւ թուրքական միւս քաղաքներում: Տրիպոլիում, օրինակ, սովորական մաքսատուրքերից բացի օտարերկրեայ վաճառականները պարտաւոր էին Օսմանեան մաքսային աստիճանաւորներին ու տեղական փաշաներին, բէգերին եւ այլն վճարել բազմաթիւ կամայական հարկեր եւ տուրքեր: [34, էջ 304-307]

Զաքարիա Ագուլեցին յաղորդում է, որ Ագուլիսից Թոխաթ ապրանք տանելու համար հայ վաճառականները պարտաւոր էին զանազան մաքսատուրքեր (գոմբուկ) ու ճանապարհային հարկեր

(բաջ) վճարել Ազատ-Դեռում, Նախիջևեանում, Շարուրում, Երեւանում, Էջմիածնում, Կաղզւանում, Աղջաղախայում, Չորան-Քոռփիում, Հասանղալայում, Իլիջայում եւ Թոխաթում: [102, էջ 7-9]

XVII դարի մէկ այլ հեղինակ, Կոստանդ Ջուղայեցին, իր «Աշխարհատողովում» տեղեկացնում է, որ Հալէպ-Թաւրիզ առեւտրական մայրուղու վրայ վաճառականները զանազան «խալջ» ու «բալջ» (մաքսեր եւ տուրքեր) էին վճարելու Հալէպում, Այնթապում, Ջաֆարղունեում, Ուրֆայում, Բիթլիսում, Վանում, Դատպանում, Ադիլջևեազում, Բանդիմահիում, Նուշարում, Չորսում, Մարանդում:

Սակայն վաճառականների ծախսերը չէին սահմանափակուում դրանով: Նրանցից զանազան կորղումներ էին անում Հալէպում, Այնթապում, Մալաթիայում, Կամախում, Երզնկայում, Իլիջայում, էրզրումում, Հասանղալայում, Չորան Քոռփիում, Կաղզվանում, Երեւանում, Նախիջևեանում, Մարանդում եւ Թաւրիզում: Սակայն օրինականացած մաքսերն ու հարկերն աւելանում էին օսմանեան աստիճանաւորներին յատկացելիք «կամաւոր» նւիրատու-թիւններով կամ «փեշքեշներով»՝ նրանց մանրախնդրութիւններից գերծ մնալու համար: Կոստանդ Ջուղայեցին մէկ առ մէկ թւարկում է դրանք, որպէս տեղեկատու նիւթ հայ վաճառականների համար: [122, էջ 245ա-247բ]

Սիւմէոն դպիր Լեհացին նկարագրելով Պոլսից դէպի Մուշ, Խարբերդ ու Ամիդ կատարած իր ուղեւորութիւնը, հետեւեալ կերպ է բնութագրում երկրի ընդհանուր վիճակը եւ նրանում գոյութիւն ունեցող բարքերը. «Տներն ախոռի նման եւ չալուսվցած, իսկ ի քաղաքն քարբիղով, դովին փոքր եւ խորափտիտ, խաւարտչին... Եւ այսպիսի տառապանք եւ նեղութիւն էին ի ձեռս տաճկաց, վասն որոյ յոյժ աղքատ եւ չքաւոր են, զի միշտ զրկեն, զզվեն, տուգանեն, զրպարտեն եւ առաւել հարկս պահանջեն. եւ թէ տասն որդի ունիցի ոք, ամէնէն խորան առնուն, եւ թէ հեռանայ դարձեալ առնուն: Եւ Ստամպոլայ գաւառք ձի, ջորի հեծնուր. եւ անտի Սեւաստ մինչ յԱմիթ էշ եւ ուղտ. իսկ Սեւրստուին տան էշ ալ տէկմա չէրեւի, ամէնն եզ կու բանեցնեն, աղ եւ բեռն բառնան, այլեւ հեծնան: Վասն որոյ ես ամէն քաղաք, ամէն տեղ յոլով վնաս եւ տուգանք տայի վասն ձիուս, այլեւ մութ տեղիս, օտանին եւ սրահոց տուն տայի պահել, ամէնին դրամ տայի, որ ուլախ չառնուին, եւ ի ճանապարհին եւս քանիցս անգամ առին ուլախ, զոր տրօք հազիւ կարացի թափել ի ձեռաց նոցա զեղկելի ձիակս եւ այսպէս ահլւ եւ դողութեամբ

չրջէի տարակուսանօք, թէպէտ մեծ քարւանով շրջէի զի ամէն տեղ հարամիք էին, սօխթանի, ամէն տեղ թալան եւ եաղմայ եւ գուլում»... [123, էջ 169]

1697 թ. Զմիւռնիայում գրւած մի յիշատակարանում՝ գրիչը դառնացած հոգով գանգատւում է. «Որ եւ մեք եւս ունիմք նեղութիւն բազում ի հարկապահանջութենէ եւ ասպատակաւորէ ի Հենից եւ աւագակարար գրկողէ ոչ միայն ի ճանապարհս, որ վնասն վաճառականաց, նաեւ մեր շրջողաց այլեւայլ քաղաքս եւ ի գիւղորայս բռնութեամբ վարին այլազգիք՝ կողոպտելով, գրկելով, զկին եւ զտղայս քաշելով, յայտնի կողոպտելով եւ ոչ յումեքէ երկնչելով: [124, էջ 224բ]

Առհասարակ պէտք է նշել, որ թուրքական սուլթանները՝ բարեհաճ գտնւելով հրեաների եւ յոյների առեւտրական ձեռնարկումների հանդէպ, հալածանքի էին ենթարկում հայազգի վաճառականներին:

Անտարակոյս այս բոլորի հետեւանքը լինելու էր առեւտրի սահմանափակումը, քաղաքների դատարկումը եւ առհասարակ առեւտրական ճանապարհների վրայ ընկած գիւղերի ու աւանների ամալացումը: Այդ մասին աղբիւրներում գտնում ենք բազում վկայութիւններ: Այսպէս, 1687 թ. Թոխաթում գրւած մի յիշատակարանում կարդում ենք. «... Եւ դատարկեցան ճանապարհորդք եւ կարաւանք եւ ամալացան ճանապարհք ամենայն, զի բազումս կողոպտեցին ի վաճառականաց եւ սպանին... Զի եւ ի կոյրս մուրացիկս մերկացուցանէին, յորոյ բանցս գառաւելութիւն չարութեան իմացիս»: [125, էջ 205բ-206ա]

Առեւտրական կարաւանների երթեւեկութիւնը Օսմանեան կայսրութեան տարածքով առանձնապէս դժարանում էր համարեայ անընդմէջ թուրք-իրանական պատերազմների ժամանակ: Կարաւանները ստիպւած էին շարժւել ծայրահեղ զանդաղ, երկար ժամանակ սպասելով ռազմական գործողութիւնների դադարին, իսկ յաճախ էլ յարձակումների ենթարկւելով կուռղ բանակների կողմից:

Այս բոլորը ստիպում էր խոջաներին առեւտրական կարաւաններ կազմելու եւ նրանց տեղաշարժերը ապահովելու գործը կազմակերպել ամենայն բժախնդրութեամբ, այն հասցնելով ուղղակի կատարելութեան: Այդ մասին հետաքրքիր տւեալներ ենք հանդիպում Յոհ. Շրեոդերի «Արամեան լեզուին գանձ» աշխատութեան մէջ: Ոմն Փրանսիացու կողմից հայ վաճառական Սաֆարին ուղղւած այն հարցին, թէ «Զեր վաճառականքն ինչպէս

ճանապարհ կանեն այնքան ապրանք էն ձեր մեծ եւ յայնատարած երկրումն դէպ ի Հնդկաստան, Ռուսիի, Արարստան եւ այլ աշխարհ, չուն որ ձեր երկրումն ծով եւ նաւագնացութիւն չկայ», խոջան պատասխանում է. «Խիստ հեշտ եւ սաֆայով, գարա երբ որ շատուր են եւ շատ ապրանք կայ՝ կարաւան կու դառնան, եւ ունեն իւրեանց քեարւանրաշին, չավուչն, թւանդչին: Ամէն փուսաթովն (պարագաներով) ապրանքն՝ ուղտերն, ձի կամ ջորի կու բառնան, եւ իւրեանք ձիաւորք ինչպէս մին մեծ օրդու (բանակ) կու գնան, ու ամէնքն քեարւանրաշու հրամանաւն աստ կամ անդ իջեւանեն. ունեն իւրեանց հետ ամէն թուրլու (տեսակ) թռչակ եւ զախիրայ (ուտելիդէն): Ինչ տեղ որ կուզին՝ վրան եւ չադիր կու տան, եւ իւրեանց պէտքն ու կարիքն լիուլի կատարեն՝ յետոյ իւրեանց ճանապարհն յառաջ գնան»: [82, էջ 341]

Իւրաքանչիւր հայ խոջա հիանալի տիրապետում էր գէնքի գործածութեանը եւ անհրաժեշտութեան դէպքում ի վիճակի էր իր գոյքը պաշտպանել աւազակախմբերի յարձակումներից: Մատթէոս Ջուղայեցին յայտնում է, որ որեւէ երկիր մեկնելուց առաջ սովորաբար հայ վաճառականները մեծ պատրաստութիւններ էին տեսնում. «Արդ, - գրում է նա, - որք կամին յերկրէ յերկիր երթալ՝ բազում ինչ խորհին եւ ապա ընթանան...: Ձի գէնք եւ հեծեալս առնուն ընդ յինքեանց (ճանապարհորդք), զի թշնամիքն յաղթեալ սատակեսցեն գնոսա»: [126, էջ 160ր]

Իրենց առեւտրական ուղեւորութիւնները հեշտացնելու համար հայ վաճառականները կարիք ունէին դանազան տեղեկատուների եւ քարտէզների: Այդ նպատակով 1685 թ. կազմւում է Կոստանդ Ջուղայեցու «Աշխարհաժողովը» կամ «Վասն նորահաս մանկանց եւ երիտասարդ վաճառականաց խրատ» աշխատութիւնը [122], որն իրենից ներկայացնում է ուսումնական մի ձեռնարկ սկսնակ վաճառականների համար: Նրանում ընդարձակ տեղեկութիւններ էին տրւում տարբեր երկրներում գործածուող չափ ու կշռի համակարգերին, կիրառուող դրամական միաւորներին եւ այլն: Անվարան կերպով կարելի է ասել, որ այն հանդիսանում է 17-րդ դարում համաշխարհային առեւտրի եւ նրանում հայերի մասնակցութեան վերաբերեալ լաւագոյն սկզբնաղբիւրներից մէկը:

Կոստանդ Ջուղայեցու ջանքերով, Նոր Ջուղայում բացւել էր առեւտրական մի դպրոց, որն իր գոյութեան ընթացքում տւել էր աւելի քան 250 շրջանաւարտներ: Այդ դպրոցում ապագայ վաճառականները սովորում էին «թւարանութիւն, հասարակ ընթեր-

ցողութիւն, գրագրութիւն եւ ըստ մեծի մասին խրատ յաղագս վաճառականութեան»։ [51, էջ 263]

1695 թ. Ամստերդամում թովմա Վանանդեցու կողմից հրատարակոււմ է «Համատարած աշխարհացոյց» անունով քարտէզը, իսկ 1696 թ. այդ քարտէզի բացատրութիւնը կամ «բանային»։ Ի դէպ, այդ գործերը թովմա Վանանդեցու մտայղացմամբ պէտք է ծառայէին նախ եւ առաջ որպէս ուսումնական ձեռնարկ Հայաստանում հիմնելիք համալսարանի համար։

Շւրոպան, Ասիան եւ Աֆրիկան չափող Հայ վաճառականները ունեցել են նաեւ այդ գրադմուքի տէր մարդկանց յատուկ գործնական խառնուածք։ Նրանք իրենց ճանապարհորդութիւնների ժամանակ պահել են օրագրեր («ղաւթար»), որտեղ մէկ առ մէկ գրանցել են տարրեր վայրերով անցնող առեւտրական ճանապարհների հետ կապւած մանրամասնութիւնները, չափերն ու կշիռները, վաճառականներից դանձուղ հարկատեսակները եւ այլն, որոնք, պէտք է ենթադրել, իրենց խոջա-գործընկերների կողմից օգտագործւել են որպէս ուղեցոյց։ Այսպէս, միջմայրցամաքային առեւտրով զբաղող Հայ վաճառականներից մէկը՝ Չաքարիա Ագուլեցին թողել է մի այդպիսի օրագիր, որն աչքի է ընկնում իր հաղորդած տեղեկութիւնների զարմանալի ճշգրտութեամբ ու հաւաստիութեամբ։ Ագուլեցին գրում է. «Ոչ թէ մին անգամ գնալով այս գրեցի, ՌՂՁ (1647) յամի Ագուլուց դուրս գնացի մինչի ՌՃՃԳ (1667) յամն շուռջ գալով, գնալով, հարցանելով գրեցի ըստուքն։ Գ (3), Դ (4) թղթի վերայ գրած էի, ոմն ըստուք, ոմն սխալ։ Ապա ՌՃՃԳ (1667) յամին կամիվն Աստուծոյ բէրի, նորոյգէցի այսմ դաւտարս։ Դարցեալ ես անարժան Չաքարիայ, ուր եւ իցէ, էթէ քաղաք, էթէ ծով, էթէ ցամաք, մինչի ես գնացի ոչ, ականատես չլայ, գրեցի ոչ գերայ իմ գնացած, տէսած տէղն գրեցի, անտէսն ոչ գրեցի»։ [102, էջ 8]

Յրանսիացի ճանապարհորդ Տուրնըֆորը գրում է. «Այս Հայերը ինչպէս իրենց, այնպէս էլ Ջուղայի վաճառականների համար աշխատելիս, անխոնջ են ուղեւորութիւնների ժամանակ եւ արհամարում են եղանակների խստութիւնները։ Շատերին ենք տեսել, նոյնիսկ ամենահարուստներին, որ ոտքով անցնում էին գետերով, մինչեւ պարանոցը խրւած ջրի մէջ, փրկելու համար իրենց եւ բարեկամների հակերը...։ Այս ազնիւ մարդիկ երբեք չեն փոխում բարեկամների հակերը, միշտ նոյնն են, խոյս են տալիս աղմկայոյզ իրենց վարւելակերպը, միշտ նոյնն են, խոյս են տալիս աղմկայոյզ օտարականներից եւ յարգում նրանց, ովքեր խաղաղ են. սիրով

պատասպարում եւ կերակրում են նրանց... Երբ լուր են ստանում որեւէ կարաւան անցնելու մասին, գինով եւ խմիչքներով մէկ-երկու օրւայ ճանապարհ ընդառաջ են գնում իրենց հայրենակիցներին»։ [127, էջ 34]

Իդուր չէ, որ համաշխարհային առեւտրի պատմութեան հարցերի խոշոր գիտակ Շերերը XVII դարի հայ վաճառականներին որակել է որպէս «խիզախ», «նախաձեռնող», «արկածների ու դժւարութիւնների սովոր»։ [128, էջ 621]

Այսպիսով դժւարութիւններն արհամարելը, համբերատարութիւնը, շարքաշուծիւնը, յամառ կերպով նպատակին ձգտելը հանդիսանում էր հայ խոջայութեան բնաւորութեան բնորոշ գիծը։ [129, էջ 163]

Ինչպէս նշւեց վերելում, 1639 թ. թուրք-իրանական պայմանագրի ստորագրումից յետոյ Լեւանտեան առեւտրում իրանահայ վաճառականների մասնակցութիւնը ձեռք բերեց նոր թափ։ Իրենց գործունէութիւնն ակտիւացրին նաեւ արեւմտահայ վաճառականական կապիտալի ներկայացուցիչները։ Հայէպում, Ալէքսանդրէթում, Ձմիւռնիայում, Տրիպոլիում, Ստամբուլում եւ այլ քաղաքներում հայ վաճառականները ծաւալեցին մինչ այդ աննախընթաց չափերի հասնող առեւտուր։ Ստամբուլում անգլիական առեւտրական ներկայացուցիչը ստիպւած էր խոստովանել, որ այդ քաղաքում, որտեղ անգլիացիների առեւտրական հիմքերը առաւել կայուն էին, հում մետաքսի առեւտուրը գտնւում է առաւելապէս հայ վաճառականների ձեռքում։

Անշուշտ, հայ վաճառականների առեւտուրը Լեւանտի հետ չէր սահմանափակւում լոկ հում մետաքսով եւ մետաքսէ կտորեղէնով։ Նրանք Լեւանտի առեւտրական կենտրոններն էին հասցնում արեւելեան ամենաբազմապիսի ապրանքներ (օրինակ՝ համեմունքներ, թանկագին քարեր, կաշւեղէն, այծի եւ ուղտի բուրդ, բուսական ներկեր (ալ. ինդիգոյ եւ այլն), գորգեր, սուրճ, մորթիներ, բուժիչ խոտեր, թմրադեղեր, շաֆրան, պղպեղ, մեխակ, մուսկաթի ընկոյզ, լեղակ, սնդիկ, խեցեղէն, ծծումբ, բրինձ, ծխախոտ, նուշ, քիչմիշ, չորացրած մրգեր, ափիոն, մարմար, գինի (յատկապէս յարգի էր Հորմուզի գինին), կաւէ եւ պղնձէ ամանեղէն, խաւարծիւ, սակամոն, քաղբան, խեժ, գոթոր, քրքում, բամբակ, ուղտեր, մանր եղջերաւոր անասուններ եւ այլն), իսկ Լեւանտից Արեւելք էին տեղափոխում մահուդ, վենետիկեան կրսներ ու կերպասներ, հայելիներ, ապակեղէն, ակնոց, բուստ, սաթ, ժամացոյցներ, հոլանդական եւ

անգլիական ասուիներ, ոսկեթել ու արծաթաթել դիպակներ, թաւշէ կտորեղէն, հրացաններ, պերճանքի զանազան առարկաներ, շաքար, թուղթ, ասեղներ, դրամ եւ բազմապիսի այլ ապրանքներ: [20, 122] Լեւանտում հայ վաճառականների կողմից բերած ապրանքների հիմնական գնորդներն էին Ֆրանսիական, Հոլանդական եւ իտալական քաղաքներն ու քաղաք-հանրապետութիւնները (Վենետիկ, Ջենովա, Լիւօնոս, Լուկկա, Ֆերրարա, Պեաչենցա եւ այլն):

Դեռեւս XVI դարի վերջերից կապիտուլիացիաների հաստատումով Լեւանտը կուադաշտ էր դարձել գլխաւոր արեւմտեան տէրութիւնների՝ Ֆրանսիայի, Անգլիայի եւ Հոլանդիայի միջեւ: XVII դարի սկզբից սկսած նրանց միջեւ բորբոքեց անհաշտ առեւտրական պատերազմ, որը ծայրայեղ սրութեան հասաւ յատկապէս դարի երկրորդ կէսին: [132, էջ 234-236]

Այս պայմաններում հայ վաճառականութիւնը ստիպւած էր մեծ ճկունութիւն դրսեւորել Լեւանտեան առեւտրում իր դիրքերը պահպանելու համար: Այստեղ հայ առեւտրական կապիտալը յատկապէս սերտ կապերի մէջ էր Վենետիկի Հանրապետութեան հետ:

Դա բացատրւում է նրանով, որ ի վիճակի չլինելով դիմանալու առաջաւոր արդիւնաբերական երկրների հետ առեւտրական մրցակցութեանը, Վենետիկը ստիպւած էր ամէն կերպ խրախուսել արեւելեան, այդ թւում նաեւ հայ վաճառականների միջնորդ առեւտուրն իր հետ, այդ նպատակով նրանց տրամադրելով բազմաթիւ արտօնութիւններ ու իրաւունքներ եւ պարբերաբար իջեցնելով նրանցից գանձւող մաքսատուրքերը: [20, էջ 67] Այսպիսով, շնորհիւ հայ վաճառականների, վենետիկցիները կարող էին շնորհիւ հայ վաճառականների, Անգլիայի, Հոլանդիայի, Ֆրանսիայի եւ յաջողութեամբ մրցակցել Անգլիայի, Հոլանդիայի, Ֆրանսիայի եւ եւրոպական միւս պետութիւնների առեւտրական կապիտալի հետ:

XVII դարի առաջին տասնամեակներին մետաքսագործութեան բնագաւառում վենետիկեան հանրապետութիւնը դեռեւս գրաւում էր առաջատար տեղերից մէկը: [133, էջ 164] Նրա մետաքսագործական մանուֆակտուրաները աշխատում էին բարձրորակ իրանական հում մետաքսի հումքային հենքի վրայ: Գտնւելով Արեւմուտքի եւ Մերձաւոր Արեւելքի կենսական կենտրոններից ոչ մեծ հեռաւորութեան վրայ, Վենետիկը միաժամանակ զբաղւում էր նրանց միջեւ միջնորդ առեւտրով: Այդ նպատակով Լեւանտում վենետիկեան Հանրապետութիւնն ունէր բազմաթիւ առեւտրական

հիւպատոսութիւններ, որոնք հայ վաճառականների հետ իրագործում էին խոշոր առեւտրական գործառնութիւններ: Վենետիկի առեւտրական կապիտալը Առաջաւոր Արեւելքի երկրներում սերտօրէն կապւած էր տեղական, յատկապէս հայկական առեւտրական կապիտալի հետ, իսկ նրա միջոցով այդ երկրների աւատատէրերի տիրապետող դասակարգի հետ:

Հայ վաճառականների հետ ապրանքափոխանակութեան ընդլայնումը Վենետիկի համար կենսականօրէն կարեւոր հարց դարձաւ յատկապէս XVII դարի երկրորդ կէսին, երբ Փրանսիական դիւանագիտութեան դրդումով Թուրքիան ոչ միայն խզեց իր յարաբերութիւնները Վենետիկի հետ, այլև զրկեց նրան առեւտրի բնագաւառում ունեցած արտօնութիւններից: [134, էջ 64] Դա հետեւանք էր Օսմանեան կայսրութեան եւ Վենետիկի Հանրապետութեան միջև ընթացող Կրետէի 25-ամեայ պատերազմի (1645-1669), որն անմիջականօրէն շօշափում էր նաեւ երկու պետութիւնների միջև առեւտրական քաղաքականութեան խնդիրներ:

Լեւանտում հայ վաճառականները խոշոր առեւտուր ունէին նաեւ Հոլանդիայի հետ, որը XVII դարի կէսերին հասել էր իր առեւտրական հզօրութեան գագաթնակէտին: Այդ ժամանակ Նիդերլանդները դարձել էին դէպի Լեւանտեան շուկաներ կենտրոնական եւ հիւսիսային Եւրոպայի ապրանքների հիմնական մատակարարողները: [135, էջ 40] Հոլանդիան մրցակիցների դէմ թէ՛ժ պայքարում աստիճանաբար ընդարձակում էր իր առեւտուրը Լեւանտում, հենւելով 1598 Օսմանեան կայսրութեան հետ կնքած կապիտուլիացիայի վրայ: [136, էջ 348] 1598 թ. սուլթանական Ֆիրմանով Հոլանդացիները Թուրքիայում կարող էին առեւտուր անել միայն Փրանսիական կամ անգլիական դրօշի ներքոյ: Մինչդեռ իրենք անհրաժեշտ էին համարում առանց օտար դրօշակի, ուղղակի կապեր ունենալու Մերձաւոր Արեւելքի երկրների հետ, այնտեղ իրենց ապրանքները անարգել կերպով վաճառելու համար: Հետեւաբար անհրաժեշտ էր, որ Նիդերլանդները եւս Բ. Գոան հետ կնքէին այնպիսի առեւտրական եւ քաղաքական մի դաշնագիր, ինչպիսին ունէին Փրանսիան եւ Անգլիան: Մանաւանդ որ Հոլանդացիները յոյս ունէին, թէ այդպիսի մի բարեկամական դաշնագրի ստորագրումից յետոյ իրենց նաւերն այլեւս չեն ենթարկւի Թուրքական ծովահենների յարձակումներին: Վերոյիշեալ նպատակով 1611 թ. Կ. Պոլիս ուղարկեց Հոլանդական նշանաւոր իրաւաբան եւ դիւանագէտ Կորնելիուս Հագան, որպէս

Նիդերլանդերի դեսպանորդ: 1612 թ. Յուլիսի 6-ին նա կնքեց քաղաքական-առեւտրական դաշնագիր Հոլանդիայի ընդհանուր նահանգների եւ Բ. Դուան միջեւ, որը նոյնպէս ունէր կապիտուլիացիոն պայմանագրի բնոյթ: Հոլանդացիները ստանում էին անգլիացիների եւ Ֆրանսիացիների հետ հաւասար իրաւունքներ, իսկ Հոլանդական վաճառականները՝ ազատ մուտք եւ գործունէութիւն լաւնաճաւ Օսմանեան կայսրութեան բոլոր մասերում: Բացի այդ, Հոլանդական նաւերն իրաւունք էին ստանում սեփական դրօշներով նաւարկել թուրքական ջրերում: Յիշեալ պայմանագրի ստորագրումից յետոյ Հոլանդացի վաճառականներն անմիջապէս սեփական առեւտրական տներ հիմնեցին Օսմանեան կայսրութեան զանազան կողմերում:

1617 թ. Միջերկրական ծովում յայտնւեց Հոլանդական ռազմական նաւատորմը, առաջին նաւատորմը մի պետութեան, որը տեղաւորւած էր միջերկրածովեան աւազանում: [137, էջ 55] Բոլորովին իզուր անգլիական դեսպանը կոչ էր անում սուլթանին չափակցել հին բարեկամներին, փոխանակ փնտրելու նորերը: Հոլանդիայի սերտ համագործակցութիւնը Օսմանեան կայսրութեան հետ վենետիկեան դիւանագէտներին նոյնիսկ առիթ էր տալիս մտածելու, որ գոյութիւն ունի Հոլանդա-թուրքական զաղտնի մի պայմանագիր համատեղ կերպով Իսպանիայի դէմ պայքարելու վերաբերեալ:

Մինչեւ Իրանի հետ Հոլանդացիների կողմից անմիջական առեւտրական կապերի հաստատումը (1623 թ.) իրանա-Հոլանդական առեւտուրը տեղի էր ունենում գլխաւորապէս Հայ վաճառականների միջոցով, ընդ որում՝ ինչպէս Լեւանտեան քաղաքներում, այնպէս էլ անմիջականօրէն Հոլանդիայում: Ամստերդամը ծանօթ էր Հայերին դեռ XVI դարի 80-ական թ.թ.: [138, էջ 14.] Ընդամենը մէկ էր հարիւրամեակ անց, 1680-ական թ.թ. միայն Ամստերդամում արդէն հաշուում էին 80 հայկական առեւտրական տներ: [139, էջ 261]

1612 թ. կապիտուլիացիան ստանալուց յետոյ Նիդերլանդները աշխոյժ նաւազնացութիւն հաստատեցին իրենց նաւահանգիստների ու Օսմանեան Թուրքիայի առեւտրական կենտրոնների միջեւ, որտեղ իրացնում էին իրենց արդիւնաբերական ապրանքները եւ գնում էին մեծ քանակութեամբ արեւելեան ապրանքներ, առաւելապէս հում մետաքս եւ բուրդ: [140, էջ 134, 136] Հէնց այս նութումում Հոլանդացիները իրենց առեւտրական գործառնութիւնների մէջ լայնօրէն ընդգրկեցին նաեւ Լեւանտի Հայ եւ յոյն

վաճառականներին, [140, էջ 134, 148] որոնց ձեռքերում էր կենտրոնացած Թուրքիայի ողջ ներքին եւ արտաքին առեւտուրը: 1623 թ., երբ Հոլանդական Օստ-Հնդկական ընկերութիւնը շահ Արրաս Էից Իրանում ազատ առեւտուր կատարելու վերաբերեալ հրամանագիր ստացաւ, Հայ-Հոլանդական առեւտրական կապիտալի Համագործակցութիւնը ձեռք բերեց աւելի լայն չափեր: [141, էջ 71]

1625 թ. Ամստերդամում ստեղծւեց մի յատուկ Հաստատութիւն «Մերձաւոր Արեւելքի առեւտրի եւ Միջերկրական ծովում նաւազնացութեան վարչութիւն» անունով, որի խնդիրն էր աշխուրջ կերպով հսկել Միջերկրական ծովում կատարուող միջազգային կապերի վրայ եւ իրականացնել առեւտուրը Մերձաւոր Արեւելքի երկրների հետ: [138, էջ 14]

Պատահական է, որ Լեւանտեան նաւահանգիստներում Հայ վաճառականների հետ Հոլանդացիների առեւտուրը մեծ աշխուժութիւն է ապրում յատկապէս XVII դարի 30-ական թ.թ.: Դրա պատճառներից մէկն էլ այն էր, որ 1634 թ. Հոլլանդական ընկերութիւնը հրաժարուում է Ռուսաստանի վրայով իրանական մետաքսը ներմուծել Եւրոպա՝ ռուսական իշխանութիւնների առաջադրած բարձր մաքսատուրքերի պատճառով: [142, էջ 71]

Լեւանտում Իրանի եւ Թուրքիայի Հայ վաճառականների հետ Հոլանդացիները լայն շփումների մէջ էին գտնուում յատկապէս Զմիւռնիա, Կ. Պոլիս եւ Հալէպ քաղաքներում: Ամստերդամից Զմիւռնիա եւ Լեւանտեան այլ նաւահանգիստներ էին այցելում տարեկան 30-ից աւել Հոլանդական նաւեր: Լեւանտում դեռեւս թոյլ դիրքեր ունենալով, Հոլանդացիները եւս հակած էին Համագործակցել տեղական վաճառականների հետ իրենց մրցակիցների՝ անգլիացիների ու Ֆրանսիացիների դէմ յաջող պայքար մղելու Համար:

XVII դարի երկրորդ կէսին Լեւանտեան վաճառականների ընդլայնուող առեւտուրը Հոլանդացիների կողմից սկսում է դիտել որպէս առեւտրական մրցակցութիւն եւ ըստ այդմ սկսում են կիրառել զանազան պատժամիջոցներ: Այսպէս, Զմիւռնիայում Հաստատած Հոլանդական հիւպատոս Միխիէլ Մորտիերը փորձում է սահմանափակել մրցակից Հայ եւ յոյն վաճառականների առեւտուրը Եւրոպայի հետ: Ուստի վերջիններս սկսում են բողոքագիր յղել Հոլանդական կառավարութեանը: 1658 թ. Հայ վաճառականները մի բողոքագիր են ներկայացնում Նիդերլանդների կառավարութեանը, որտեղ գանգատուում էին, որ Հոլանդական

հիւպատոսը արհեստականօրէն դժարութիւններ է ստեղծում արգելակելու եւ խափանելու համար իրենց առեւտուրը: Որ նա կամովին բարձրացնում է հիւպատոսական մաքսի չափը, բռնագրաւում է հայ վաճառականների ապրանքը եւ այլն: Ընդորում ասում էր, որ հիւպատոսը իրենց հետ վաճառականի պէս չի վարում, այլ «թուրքի» պէս եւ խնդրում էին փոխարինել նրան մէկ ուրիշով: [138, էջ 15-31] Գործին միջամտում է Զմիւռնիայի հոլանդական գաղութը, որը 1658 թ. փետրւարի 14-ին մի ընդարձակ տեղեկագիր է ուղարկում Ամստերդամ, որտեղ նախագգուչացնում է, որ, եթէ տեղի հիւպատոսը չփոխւի, ապա հայ, յոյն եւ հրեայ վաճառականները, տեսնելով, որ շարունակ նեղութիւնների են ենթարկւում, կարող են հոլանդական նաւերին այլեւս ապրանք չտալ: [138, էջ 32] Ի վերջոյ, 1680 թ. Նիդերլանդների կառավարութիւնը պաշտօնից ազատում է հիւպատոսին եւ նրա փոխարէն նշանակում ոմն Դուկկա դի Ջովաննիի:

Իրենց մրցակիցների դէմ պայքարելու եւ սեփական նաւագնացութիւնն աւելի հզօրացնելու նպատակով Նիդերլանդները հրապարակում են մի նոր օրէնք, որով բացարձակապէս արգելում էր օտար նաւերով թուրքիայից եւ Իրանից Հոլանդիա ապրանք տեղափոխելը: Բազմաթիւ վաճառականներ, որոնք ոչ հոլանդական նաւերով ներածում եւ արտածում ունէին Հոլանդիայի հետ, անմիջապէս կանգնեցին Ամստերդամի շուկան կորցնելու վտանգի առջև: Այդ դրութեան մէջ էին մանաւանդ Զմիւռնիայում հաստատւած կամ այդ քաղաքն իրրեւ արտահանութեան կէտ գործածող հայ վաճառականները: Ուստի սրանք ստիպւած էին կամ հեռանալ Լեւանտից ու գնալ հաստատուել Ամստերդամում եւ կամ այնտեղ բանալ իրենց առեւտրական մասնաճիւղը, որպէսզի այնտեղից հոլանդական նաւերով, կամ հոլանդական դրօշակ կրող հայկական նաւերով իրենց առեւտուրը անարգել շարունակեն: Հէնց այդ ժամանակահատիկից սկսած Ամստերդամում մշտական բնակութիւն հաստատած հայերը սկսում են կարեւոր դեր խաղալ նաեւ Մերձաւոր Արեւելքի հետ հոլանդական առեւտրի ասպարէզում: [138, էջ 16]

Լեւանտում հայ վաճառականները ծաւալուն առեւտուր ունէին նաեւ Փրանսիայի հետ: Միջերկրական ծովը աւանդաբար կարեւոր տեղ էր գրաւում Փրանսիական քաղաքականութեան մէջ, եւ Լեւանտի հետ առեւտուրը կենսականօրէն կարեւոր էր Փրանսիայի համար: [143, էջ 118]

Օսմանեան կայսրութիւնից Ֆրանսիան իր առաջին կապիտուլիացիան ձեռք բերեց դեռեւս 1535 թ. Ֆրանցիսկ I թագաւորի օրօք: Այն առեւտրական մի պայմանագիր էր, որը հեշտացնում էր Ֆրանսիական վաճառականների ներթափանցումը Մերձաւոր Արեւելք եւ նրանց տրամադրում էր Լեւանտում առեւտուր անելու խոշոր արտօնութիւններ: 1581 թ. Ֆրանսիան ստացաւ մի նոր կապիտուլիացիա, որով վենետիկեան, ջենովական, անգլիական, իսպանական եւ եւրոպական մի շարք այլ ազգութիւնների պատկանող վաճառականների նաւերը հարկադրւած էին Լեւանտի նաւահանգիստները մտնել միայն Ֆրանսիական դրօշակի ներքոյ: [144, էջ 149-151]

XVII դարում Ֆրանսիական բացարձակապետութիւնը էլ աւելի մեծ եռանդով էր խրախուսում իր վաճառականների առեւտուրը Լեւանտի հետ: Կարդինալ Ռիչելիէն նոյնիսկ ստեղծեց Լեւանտի գործերով պետական քարտուղարի պաշտօն: XVII դարի 30-ական թ.թ. միայն Մարսէլից, որը հանդիսանում էր Ֆրանսիայի արեւելեան ծովային դարպասը, Լեւանտ էր ժամանում տարեկան մինչեւ 70 նաւ: [145, էջ 100] Լեւանտի հետ առեւտուրը էլ աւելի ծաւալելու համար Կոյրերը կազմակերպեց 15 միլիոն լիվր դրամադուլու ունեցող յատուկ առեւտրական ընկերութիւն, որի անդամներ էին հանդիսանում յայտնի ֆինանսական գործիչներ: Այդ ընկերութեանը Լուդովիկոս XIV արքան շնորհեց լայն արտօնութիւններ: Նա պարտաւորեցրեց նաեւ Լեւանտում, Սեւ ծովի եւ Պարսից ծոցի առափնեայ շրջաններում ցրւած Ֆրանսիական հիւպատոսութիւններին ու առեւտրական գրասենեակներին օժանդակել ու նեցուկ հանդիսանալ «Լեւանտեան ընկերութեանը»: [108, էջ 183-184]

Պէտք է նշել սակայն, որ չնայած այս բացառիկ առանձնաշնորհումներին, յիշեալ ընկերութիւնը բաւականին տեւական ժամանակ ի վիճակի չեղաւ ծաւալելու լայն գործունէութիւն: Դրա պատճառը ոչ միայն, գուցէ նաեւ ոչ այնքան, Լեւանտում Ֆրանսիայի առեւտրական մրցակիցների ախոյանութիւնն ու ընդդիմութիւնն էր, որքան թուրքական կառավարութեան յամառ դիմադրութիւնը: Պատահական չէ, որ Ստամբուլը կտրականապէս մերժեց նաեւ Ֆրանսիայի առաջարկը նոր կապիտուլիացիոն պայմանագիր կնքելու վերաբերեալ: Առհասարակ օսմանցիները այդ շրջանում որդեգրել էին սառը վերաբերմունք եւրոպական տէրութիւնների, այդ թւում նաեւ Ֆրանսիայի նկատմամբ: Դրա

պատճառը կայանում էր նրանում, որ այդ տէրութիւնները մշակում էին գործօն քաղաքականութեան գիծ Մերձաւոր Արեւելքի նկատմամբ: Որպէս պատասխան 1645 թ. սկսած Թուրքիան անընդհատ պատերազմներ էր մղում նրանց դէմ: Ինչպէս յայտնի է եւրոպական միապետները ստիպւած 1684 թ. ստեղծեցին «Արբազան լիգան», որի կազմի մէջ մտան Աւստրիան, Լեհաստանը եւ Վենետիկը: Նոյն, 1684 թ. նրան միացաւ նաեւ Ռուսաստանը: [146, էջ 87]

Դեռեւս մինչ այդ սուլթանին յայտնի էր դարձել, որ 1683 թ. Ֆրանսիացի նշանաւոր մարշալ Տիւրէնը հանդէս է եկել մի ծրագրով, որտեղ Լուդովիկոս XIV-ին կոչ էր արւում արշաւանք սկսել թուրքական սուլթանի դէմ: Ֆրանս-թուրքական յարաբերութիւնները հասնում են ծայրայեղ լարւածութեան մանաւանդ 1670 թ.ականից, երբ Լուդովիկոս XIV-ը Կ. Պոլիս դեսպան ուղարկեց մարքիզ Նուանտելին, որն իր պաշտօնատեղին եկաւ ռազմական նաւատորմով եւ մի պահ ստեղծեց մի նոր վաճառականական պատերազմի սպառնալիք: [26, էջ 109-111] Ֆրանսիայի երիտասարդ թագաւորին սաստիկ ոգեւորում էր իսաչակիր զինւոր լինելու ցնորքը: Եւ նրան այդ ուղղութեամբ իրախուսում էին ամէն կողմից: Մեծ հռչակ վայելող պալատական բանաստեղծ Բուալոն, օրինակ, «արեւ արքային», նւիրւած իր ձոնում ասում էր. «Ես վեց ամսում սպասում եմ քեզ Հելլենսպոնտեսի ավերին»: [147, էջ 321]

Սուլթանի սառը վերաբերմունքը Ֆրանսիացիներին հանդէպ պայմանաւորւած էր նաեւ նրանով, որ վերջիններս կանդիայի պատերազմի ժամանակ գաղտնի կերպով օգնել էին վենետիկցիներին: Մեծ վեցիր Քեոփրիւլու Ահմեդը այդ առթիւ Ֆրանսիական դեսպանին ասել էր. «Մենք գիտենք, որ դուք մեր բարեկամներն էք, բայց ամէն տեղ ձեզ պատահում ենք մեր թշնամիների հետ»: [148, էջ 229]

Այս բոլորը որոշակիօրէն խոչընդոտելով Ֆրանսիական առեւտուրը Լեւանտում, ի վիճակի չէր իսպառ կասեցնելու այն, որովհետեւ նրանում շահագրգռւած էին ոչ միայն Ֆրանսիան ու Օսմանեան կայսրութիւնը, այլեւ այդ առեւտրի մէջ ընդգրկւած տեղական վաճառականները:

Կարելոր է նշել, որ Լեւանտը նաեւ իրանա-Ֆրանսիական առեւտրի խոչորագոյն կենտրոն էր: Մինչեւ 1684 թ.ականը Ֆրանսիայի ուղղակի առեւտրական յարաբերութիւնները Իրանի հետ գործնականում հաւասար էին զրոյի: Թէեւ դարի սկզբից կատարւել էին մի շարք փորձեր երկու երկրների միջեւ ուղղակի

տնտեսական ու քաղաքական կապեր հաստատելու ուղղութեամբ, սակայն դրանք մնացել էին անարդիւնք: Այսպէս, դեռեւս շահ Արբաս Էի ժամանակ, 1610 թ. Ֆրանսիա մեկնեց առաջին իրանական դեսպանութիւնը՝ կապուցինեան միաբանութեան անդամ Ժիւստի գլխաւորութեամբ: Վերջինս Փարիզ հասաւ Հենրիի IV մահից երեք ամիս յետոյ: Արքունիքը նրան հասկացրեց, թէ հարկ է, որ շահը մի ուրիշ դեսպանութիւն ուղարկի նոր թագաւորի մօտ: Բայց դա չկատարուեց: [148, էջ 173]

1627 թ. կարգինալ Ռիշելիէն իր կողմից մի առաքելութիւն ուղարկեց Իրան, որին յանձնարարուած էր շահ Արբաս Էից ձեռք բերել իրաւունք Սպահանում կապուցինեան միսիա բաց անելու համար: Շահը տւեց իր համաձայնութիւնը: Աւելի ուշ, 1653 թ. Ֆրանսիացիները Նոր Զուղայում բաց արին ճիզվիթների մի միսիա Պեր Ֆրանսուա Ռիզուրդիի գլխաւորութեամբ: [63, էջ 120]

Այսպիսով բաւականին տեւական ժամանակ ի վիճակի չլինելով Իրանի հետ հաստատելու ուղղակի առեւտրա-տնտեսական կապեր, Ֆրանսիան, որը հանդիսանում էր իրանական հում մետաքսի խոշոր ներմուծող, այն ձեռք էր բերում Լեւանտում եւ համարեայ բացառապէս հայ վաճառականներից: Սակայն ամբողջ խնդիրն այն էր, որ հայերի առեւտուրը Մարսէլի հետ չէր սահմանափակուում լոկ հում մետաքսով: Նրանք այդ քաղաքն էին ներմուծում եւ արտահանում բազմապիսի ապրանքներ, որոնց առեւտրով զբաղւում էին նաեւ Ֆրանսիացի վաճառականները: Հետեւաբար հայ խոջանները հանդէս էին գալիս որպէս վերջիններիս մրցակիցներ: Թէ որքանով էր լուրջ այդ մրցակցութիւնը, երեւում է հետեւեալ փաստից. Մարսէլի առեւտրական պալատի բողոքների հիման վրայ 1622 թ. դեկտեմբերի 10-ին քաղաքապետարանը հրապարակեց մի հրամանագիր, համաձայն որի Ֆրանսիական նաւերի նաւապետներին խստիւ արգելւում էր Լեւանտից Մարսէլ եւ Մարսէլից Լեւանտ տեղափոխել հայ վաճառականների ապրանքները: Ընդ որում հրամանը խստորոշ նաւապետները ենթակայ էին տուգանքի 10 հազար ոսկի գումարով: Նոյնատիպ հրամանագրեր հրապարակւեցին նաեւ Պրովանսի եւ Տուլոնի իշխանութիւնների կողմից: [150]

Ֆրանսիական նաւահանգիստների փակելը ծանր հարւած էր հայ վաճառականների համար: Այդ պատճառով ջուղայեցի խոջանները գործի են լծուում դրութիւնը շտկելու համար: 1628 թ. Նոր Զուղայի քաղաքապետ («քալանթար») խոջա Նազարը կազմակերպում է Ֆրանսիական կապուցինեան միաբանութեան անդամ

Պացիֆիկի Հանդիսությունը շահ Արքայս Իի հետ: Ի վարձատրումն իր միջնորդութեան Փրանսիական արքունիքի առջեւ, Պացիֆիկը թոյլտուութիւն է խնդրում Սպահանում կապուցինեան միաբանութեան միտիա կազմակերպելու վերաբերեալ: [161, էջ 423] Ստանալով շահի համաձայնութիւնը, Փրանսիացի հոգեւորականը կատարում է իր խոստումը: 1629 թ. Նոյեմբերի 23-ին Հրապարակում է Լիւդովիկոս XIII-ի եւ կարդինալ Ռիչելիէի յատուկ արտօնագիրը Հայ վաճառականներին՝ Մարսէլ ազատ մուտք ու ելք ունենալու իրաւունքի մասին: [37, էջ 456] Սակայն այս վիճակը երկար չտեւեց: 1634 եւ 1650 թ.թ. Մարսէլի իշխանութիւնները վերստին սահմանափակեցին Հայ վաճառականների առեւտուրը՝ նրանց ապրանքների նկատմամբ սահմանելով 50 տոկոսի մաքսատուրք: [162] Ի դէպ, Փրանսիական իշխանութիւնների այս միջոցառումները ուղղւած էին ոչ միայն Հայ վաճառականների, այլեւ Լեւանտեան առեւտրի մէջ իրենց հիմնական մրցակից Հոլանդիայի դէմ, որովհետեւ վերջինս Հայ վաճառականներից Մարսէլում ձեռք էր բերում մեծ քանակութեամբ արեւելեան ապրանքներ եւ նրանց վաճառում Հոլանդական մահուդ:

Փրանսիական Արեւելա-Հնդկական ընկերութեան հիմնադրումից յետոյ Լիւդովիկոս XIV-ի կողմից Իրան ուղարկւեց մի առաքելութիւն, որը Սպահան ժամանեց 1665 թ. Նոյեմբերին: Շահը Փրանսիացիներին տրամադրեց առեւտրի բնագաւառում այն բոլոր արտօնութիւններն ու իրաւունքները, որոնցից օգտւում էին անգլոյիացիներն ու հոլանդացիները: [63, էջ 120] Սակայն այս համաձայնագիրը առանձնապէս ոչինչ չտեւեց Փրանսիացիներին, եթէ չհաշւենք նրանց որպէս եւրոպական առաջնակարգ պետութեան ինքնասիրութեան շոյումը: Բանը նրանումն էր, որ ովկիանոսային ճանապարհի վրայ Փրանսիան չէր կարող հանդէս գալ որպէս Անգլիայի ու Հոլանդիայի մրցակից, իսկ ցամաքային կարաւանային առեւտրով Փրանսիական վաճառականներն առհասարակ չէին զբաղւում: Հետեւաբար Լեւանտում Հայ վաճառականների համագործակցութիւնը Փրանսիական բուրժուազիայի հետ նախկինի պէս մնում էր ուժի մէջ:

Կարելոր է նշել նաեւ, որ Լեւանտում Հայ վաճառականները նախընտրում էին իրենց ապրանքները վաճառել Փրանսիացիներին, որոնք ապրանքի ամբողջ գինը վճարում էին կանխիկ դրամով, մինչդեռ հոլանդացիներն ու անգլոյիացիները մետաքսի գնի կէսը հատուցում էին ասույով: [127, էջ 175]

ԳԼՈՒԽ III

ՄԻՋԵՐԿԻՐԱԾՈՎԵԱՆ ԱՌԵԻՏՐԱԿԱՆ ՃԱՆԱՊԱՐՀԸ ԵՒ ՀԱՅ
ՎԱՃԱՌԱԿԱՆՆԵՐԻ ԱՌԵԻՏՈՒՐԸ ԱՐԵԻՄՏԵԱՆ ԵԻՐՈՊԱՅԻ
ԵՐԿՐՆԵՐԻ ՀԵՏ

Միջին դարերում միջերկրածովեան երկրների տնտեսական աշխուժացումը անմիջականորէն իր արտացոլումը գտաւ նաեւ Համաշխարհային առեւտրի մէջ ընդգրկեալ «ծովային Հայաստանում» կամ Կիլիկիայի հայկական թագաւորութեան մէջ, որը առեւտրական լայն կապեր էր հաստատել եւրոպական տարրեր երկրների հետ: [153, էջ 107, 37, էջ 401] Մասնաւորապէս այդ թագաւորութեան առաջին թագակիր տիրակալ Լեւոն II-ը (1108-1210) 1201 թ. առեւտրական պայմանագրեր է կնքել Վենետիկի եւ Ջենովայի քաղաք-պետութիւնների հետ, նրանց վաճառականներին հնարաւորութիւն տալով ազատ երթեւեկել Կիլիկիան Հայաստանում, ցանկացած վայրում հաստատել բնակութիւն, կառուցել իրենց աղօթատները եւ այլն: Նմանատիպ արտօնութիւններ եւ իրաւունքներ ստանում էին նաեւ հայ վաճառականները Իտալական քաղաքներում: Յիշեալ պայմանագիրը իրաւունք էր տալիս իտալական վաճառականներին Կիլիկիայի վրայով առեւտուր անել նաեւ ողջ Արեւելքի հետ: [153, էջ 107]

Պայմանագրային այդ կապերի հետեւանքով 13-րդ դարի սկզբներից աննախընթաց կերպով աշխուժացաւ ծովային առեւտուրը Իտալիայի եւ Կիլիկիան Հայաստանի միջեւ: Կիլիկիահայութեան առեւտուրը եւրոպական երկրների հետ առանձնակի խթան ստացաւ 1201 թ. Լաւանից յետոյ, երբ Կիլիկիայի Հեթում արքան յատուկ հրովարտակով արտօնութիւններ շնորհեց եւրոպական առեւտրական հաստատութիւններին: Այդ շրջանում միջերկրածովեան առեւտուրը ձեռք է բերում այն աստիճանի լայն թափ, որ յաճախ բնորոշուում է որպէս «առեւտրական յեղափոխութիւն»: [164, էջ 60-150, 165, էջ 1]

Գիտութեան մէջ յայտնուում է այն տեսակէտը, որ Կիլիկեան թագաւորութեան ծաղկուն վիճակը, ինչպէս նաեւ նրա քաղաքական

եւ ռազմական հզօրութիւնը, նշանակալից չափով պէտք է բացատրել նրանով, որ համաշխարհային առեւտրի հիմնական եւ առաւել յարմար կարաւանային մայրուղին Արեւելք էր գնում Կիլիկիայի տարածքի վրայով:

Այսս, Կոռիկոս, Տարսուս, Սիս, Մամիստրա (Մսիս) նաւահանգիստները դարձան տարանցիկ առեւտրի խոշոր կենտրոններ: Նրանցում իտալական վաճառականների կողմից ստեղծւեցին գաղութներ եւ առեւտրական գրասենեակներ:

Կիլիկիայի հայ վաճառականների առեւտուրը չէր սահմանափակում լոկ իտալական քաղաքներով. նրանք յաճախակի այցելում էին նաեւ Բելզիա [168, էջ 117-118], Իսպանիա [167, էջ 626-627] Ֆրանսիայի նաւահանգստային Պրովանս, Մարսէլ, Մոնֆրիլ, Նարբոն, Նիմ քաղաքները [168, էջ 64], Հոլանդիա, Հանզայի միութիւն եւ այլ երկրներ ու պետութիւններ:

Կիլիկիայի հայ վաճառականութիւնը համաշխարհային առեւտրի մէջ իր կարեւոր դիրքերը պահպանեց ընդհուպ մինչեւ Կիլիկիայի հայկական թագաւորութեան կործանումը (1375թ.): Կիլիկիայից հայ խոշոր գաղթականութիւններ ստիպւած էին գանգաւածաբար շարժւել դէպի արեւմուտք: 1220թ. Հոռոմում ընդօրինակած իր ձեռագիր յիշատակարանում Թադէոս գրիչը նկարագրում է այն արհաւիրքները, որոնք ստիպում էին իր տարաբախտ ժողովրդին լքել հայրենիքը եւ մեկնել օտար ափեր, «Եհաս աշխարհին (մեր), - գրում է նա, - սուր անպատմելի, զոր տեսաք աչաւք մերով, զի զհամարն աստուած միայն գիտէ զկոտորելոցն սրով եւ զգերելոցն ի ձեռս անաւրինաց, եւ յետ այնր մահ եւ սով սաստիկ»: [169, էջ 845-846]

Կիլիկիայի հայ թագաւորութեան անկումից յետոյ տասնեակ հազարաւոր հայեր անցնում են «լայնկոյս ծովուն»՝ այսինքն Կիպրոս, իսկ այնտեղից իտալիա եւ ցրւում գանազան քաղաքներում: Նման առաւել խոշոր գաղթեր տեղի են ունեցել 1402, 1404 եւ 1423-1424 թւականներին: Այդ առթիւ Մաղաբիա դպիր ժամանակագիրը հաղորդում է հետեւեալ տեղեկութիւնը, «1402թ. ի սոյն ժամանակ յետ բառնալոյ թագաւորութեան Հայոց ի Սսոյ, ժողովեցան թագաւորազունք եւ իշխանք եւ բազում ի ժողովրդոց, մտեալ ի նաւ՝ գնացին ի Ֆրանգոստան: Ի յԱնգոնիա (Անգոնա), գոն բազում գերեզմանք հայ գրով փորագրեալք, որ երեւին մինչեւ ցայսօր, որ եմք ՌՃԾ (1701)»: [37, էջ 463]

Այդ գաղթերի հետեւանքով Հոռոմում, Վենետիկում, Պիզայում,

Ջենովայում, Ռիմնիում, Ֆլորենցիայում, Պերուժում, Բաթուայում, Անգոնայում, Սիցիլիայում, Միլանում, Բոլոնիայում, Նեապոլում, Լուկկայում եւ Իտալիայի այլ քաղաքներում ու երկրամասերում գոյանում են հայկական մեծ ու փոքր գաղթօջախներ:

Սկզբնական շրջանում կաթոլիկ եկեղեցին հանդուրժողական վերաբերմունք էր ցուցաբերում Իտալիայում հաստատւած հայերի նկատմամբ, թող տալով, որ կատարեն պաշտամունք ըստ լուսաւորչական ծէսի, կառուցեն վանքեր ու եկեղեցիներ եւ այլն: Սակայն Կիլիկիայի հայ պետականութեան անկումից յետոյ Վատիկանը կտրուկ շրջադարձ կատարեց իր քաղաքականութեան մէջ, եւ սկսեց Իտալահայութեան նկատմամբ կիրառել կաթոլիկութիւնը պարտադրելու քաղաքականութիւն, որի հետեւանքով հայ բնակչութիւնը համաձուլման է ենթարկուում եւ անհետանում:

Իտալիայի հայ գաղթօջախների խամրելու ու չքանալու պատճառներից է հանդիսացել նաեւ այն, որ նրանց միջեւ համարեայ կապեր գոյութիւն չեն ունեցել, որը մեծ մասամբ հետեւանք էր այն բանի, որ 14-15-րդ դարերում Իտալիան եւս պետական միասնական ամբողջութիւն չի կազմել:

Կիլիկիայի հայկական պետականութեան վերանալուց յետոյ եւս հայերը չգաղաքեցին ականառու դեր խաղալ համաշխարհային առեւտրում: Յարմարելով նոր ստեղծւած պայմաններին, նրանք շարունակում էին գործօն մասնակցութիւն ունենալ Արեւելքի եւ Արեւմուտքի միջեւ միջազգային ապրանքափոխանակութեանը: Սակայն քանի որ անդրասիական առեւտրի գլխաւոր լծակները այդ ժամանակ գտնւում էին Իտալիայի վաճառականների ձեռքում, որոնք ոչ մի կերպ չէին հանդուրժում տեղական մրցակիցներին, ուստի հայ վաճառականները աստիճանաբար հաստատուում են Ղրիմում:

Մինչեւ 1475թ., այսինքն թուրք-օսմանների կողմից Ղրիմի գրաւումը, դրիմահայ վաճառականները մրցակիցներ չունէին Լեւանտի ու Արեւելքի միջեւ կատարուող ցամաքային կարաւանային առեւտրում: Դժւար է գերազնահատել նրանց խաղացած դերը նաեւ Արեւմուտք-Արեւելք առեւտրական կապերում:

Յայտնի է, որ 15-րդ դարի կէսերից միջազգային առեւտուրը ստացաւ մինչ այդ աննախընթաց ներքին մղում: Եթէ միջնադարեան առեւտրի խնդիրն ու կոչումն էր լոկ հասարակութեան բարձր խաւերի պահանջարկի բաւարարումը պերճանքի առարկաներով, ապա նշւած ժամանակաշրջանից սկսած սկիզբ է դրւում մի-

Ջազգային առևտրի այսպես կոչած «ժամանակակից» ձեւին, որն առաւելապէս հետեւանք էր եւրոպական տնտեսութեան բուռն զարգացման: Արեւմուտքում արհեստներն ու գիւղատնտեսութիւնը արդէն անցել էին ապրանքային արտադրութեանը, որը բնակչութեան արագ աճի պայմաններում անգամ ժողովրդական սպառման համար ապահովում էր աւելի մեծ քանակութեամբ ապրանքներ: Եւրոպական զարգացող արդիւնաբերութիւնը, բնականաբար, հարաճուն կերպով զգում էր հումքի պահանջ, որի զգալի մասը ապահովում էր Արեւելքից բերած հում մետաքսի, բամբակի, բուսական ներկերի, բուսախէժերի եւ բազմապիսի այլ հումքատեսակների հաշին: Բացի այդ, Եւրոպայում դրամատիրական հասարակութեան բուռն զարգացումը վաճառահանման մշտական արտաքին շուկաներ ապահովելու պահանջ էր առաջադրում:

Ահա այդ հանգամանքներն էլ դրամատիրական հասարակութեան ուղին թեւակոխած երկրների անդրծովեան նւաճողականութեան սկզբնաւորման պատճառ հանդիսացան:

Նոյն 16-րդ դարում նաւաշինութեան բուռն զարգացումը նպաստեց մերձաւոր արեւելեան ու եւրոպական նաւահանգիստների միջեւ առևտրական կապերի ընդլայնմանը եւ բեռների զանգաձային տեղափոխմանը:

Հէնց այս շրջանում տեղի է ունենում հայ առևտրական-խոջայական դասի վերելքը: Արդէն 16-րդ դարում Լեւանտ-Արեւելք առևտուրը նրանց թւում էր խիստ սահմանափակ եւ նրանք սկսում են Արեւմուտքում փնտրել աւելի լայն ու յուսալի շուկաներ, քան դա կարող էին ապահովել արեւելեան միջերկրածովեան նաւահանգիստները: Միւս կողմից թուրք-իրանական անընդմէջ ու արիւնոտ պատերազմները, որոնք մեծ մասամբ ընթանում էին Հայաստանի տարածքում եւ նրանց հետեւանքով ստեղծւած կեանքի եւ գոյքի անապահով վիճակը, հազարաւոր հայերի, եւ առաջին հերթին ունեւոր-վաճառականական դասերի ներկայացուցիչների, մղում էին թողնել հայրենիքը եւ գործունէութեան ապահով ու ազատ ասպարէզ գտնելու միտումով գաղթել եւրոպական երկրներ, նոր շունչ հաղորդելով այնտեղ խամրած հայ գաղթօջախներին: Հայաստանից այդ արտագաղթի հետեւանքով երկիրը դատարկւում էր գործարար բնակչութիւնից: Այդ միտքը հիւսնալի պատկերւած է հետեւեալ տողերի մէջ.

«Ի հայրենեաց մրդեալ արտաքս

Առուտուրաւ շահաւաստակ
 Ի Վենետիկ եւ Ի Գենուա,
 Եւ Ի սահմանս առին ըզկայ
 Ի Դիրենեան եւ Ի յԱտրիակ.

Միմեանց հանդէպ ծովուց իշխանք.

Յ Ալիկուաւնա Անքոն քաղաք

Երամ Երամ պանդրիտականք,

Բիւր աստ բիւր անդ թափառական

Կործանեցին ըզՀայաստան

Եւ զ Թորգոմն իմ եւ Ազքանազ

Վերածեցին Ի թիւ նւազ: [88, էջ 220]

Այդ նոյն երեւոյթի մասին Ֆրանսիացի Տուրնֆորը գրում էր.

Հնրանք (հայ վաճառականները Վ. Բ.) գալիս են

Պարսկաստանի խորքերից եւ հաստատուում են Լիոռնոյում: Ոչ շատ վաղուց հիմնաւորւեցին Մարսէլլում: Որքա՛ն մարդ է նրանցից գտնուում Հոլանդիայում եւ Անգլիայում: [62, էջ 158]

Վերականգնելով միջնադարեան հայ ծովային առեւտրի աւանդութիւնները, վաճառական-խոջաները իրենց ապրանքները բարձելով եւրոպական նաւերի վրայ, կտրում անցնում էին Միջերկրական ծովն ու Եւրոպա հասցնում արեւելեան (իրանական, թուրքական, միջին ասիական, հնդկական, չինական եւ այլն) ապրանքների բազմապիսի ու հարուստ տեսականի, [28, էջ 603-604] որոնց մէջ առաջին տեղերից մէկը զբաւում էր պարսկական հում մետաքսը, որի պահանջարկը մետաքսագործական արդիւնաբերութեան բուռն զարգացման կապակցութեամբ եւրոպական շուկաներում շեշտակիորէն աճել էր:

XVI-XVII դարերում Միջերկրական ծովի աւազանում առեւտրի զարգացմանը զուգընթաց մեծանում էր նաեւ հայ նաւատէրերի թիւը: Ղ. Ալիշանը, օրինակ, յիշատակում է մի շարք վենետիկցի նաւատէր հայերի անուններ՝ Չանդ, որի նաւը կոչւում էր *Spirito Santo* (Սուրբ Հոգի), Շահումեաններ եւ Նուրիքեաններ, որոնց նաւերն էին Ս. Խաչ եւ Տիրամայր Ծնորհաց (*Madonna della Grazia*), Ասլան Պողոս (նաւը Ս. Յովսէփ), Պետրոս Սինան (նաւը *Calera S. Giorgio*), Առաքել Գերաքեան, նաւը Տիրամայր խաղաղարար (*Madonna della Pace*) եւ այլն: [28, էջ 603-604]

Մեզ են հասել նաեւ մի շարք իրանահայ, առաւելապէս Նոր Զուղայեցի հայ նաւատէրերի անուններ, որոնք զբաղւում էին Լեւանտի եւ Հոլանդիայի միջեւ առեւտրով: Դրանք են *Coopman Van*

Armenien (Հայաստանի վաճառական), *Coopman van Persien* (Պարսկաստանի վաճառական):

Բնականաբար Հայ վաճառականների տրամադրութեան տակ եղած նաւերի թիւը չէր կարող այնքան մեծաքանակ լինել, որ ամբողջապէս ապահովէր առեւտրական բեռնափոխադրումների ողջ պահանջարկը: Հետեւապէս նրանք ստիպւած էին լայնօրէն օգտուել եւրոպական տէրութիւնների եւ առաջին հերթին Անգլիայի, Ֆրանսիայի եւ Հոլանդիայի առեւտրական նաւատորմիդների ծառայութիւններին, մանաւանդ որ դա կարող էր ապահովել ապրանքների տեղափոխման աւելի յուսալի երաշխիքներ: Յիշենք, որ XVI-XVII դարերում ծովահենութիւնը անբաժան էր ծովային առեւտրից: Յատկապէս Միջերկրական ծովում ծովահենութիւնն ընդունել էր աննախընթաց չափեր: [100, էջ 20] Իզուր չէ, որ ժամանակակիցները ծովահենութիւնը անւանել են «Միջերկրածովեան առեւտրի պատուհաս»: Միայն Հիւսիսային Աֆրիկայի ծովահենային հանրապետութիւնները իրենց տրամադրութեան տակ ունէին 150 նաւ, հազար թնդանօթ եւ 20 հազար նաւաստի: [100, էջ 28] Միջերկրական ծովում ծովահենութեամբ էին զբաղոււմ բոլոր պետութիւնները: Նոյնիսկ կարգինալ Ռիչելիէն հրամայել էր Ֆրանսիական նաւատորմի հրամանատար դէ Սարդիին զբաւել բոլոր երկրների նաւերը: Ինչ վերաբերում է Թուրքիային, ապա ծովահենութեամբ էր զբաղոււմ նոյնիսկ սուլթանական նաւատորմը: Ժամանակակիցների վկայութեամբ, միայն 1609-1621 թ.թ. ծովահենութեան պատճառով եւրոպական վաճառականները կորցրել էին աւելի քան 1500 նաւ: [101, էջ 178]

Կասկածից վեր է, որ պետականութիւնից ու պետական հովանաւորութիւնից զուրկ Հայ վաճառականներն աւելի յաճախակի էին դառնում ծովահենութեան զոհեր: XVII դարի Հայ վաճառական Զաքարիա Ազուլեցու «Օրագրութիւնում» մենք հանդիպում ենք բազմաթիւ փաստերի, ըստ որոնց խոջանների համար նաւով Եւրոպա մեկնելը, առանց ուղեկցող ռազմանաւերի, կապւած էր մեծ դժարութիւնների հետ, որովհետեւ նրանց նաւերը ենթարկոււմ էին ծովահենների յարձակումներին: [102, էջ 61] Մեզ է հասել նման կարգի այլ տեղեկութիւններ եւս: Այսպէս, Ֆրանսիացի ծովահեն Անրի դ'Անգլիւր դէ Բուրլեմոնը 1649 թ. Միջերկրական ծովում զաւթում է Հայ նաւատէր Անտոն Պօղոսին պատկանող «Հայաստանի վաճառական» («Մերկանդէ Արմէնօ») կոչւած նաւը: [102, էջ 189] Նման յարձակումների հետեւանքով ունեզրկոււմ ու սնանկանում էին ոչ

միայն առանձին վաճառականներ, այլև ամբողջ առեւտրական տներ:

Նման վտանգներից խուսափելու համար հայ նաւատէրերը եւրոպական տէրութիւններից վարձում էին ռազմանաւեր իրենց նաւերին ուղեկցելու համար: Տւեսլներ կան այն մասին, որ հայ խոջաները աւելի յաճախակի օգտուում էին հոլանդական մարտանաւերի նմանօրինակ ծառայութիւններից: Մասնաւորապէս Միջերկրական ծովում հայ առեւտրական նաւերին սպասարկող հոլանդական ռազմանաւերից աղբիւրներում յիշատակում է «Gelderland» ռազմանաւը: [138, էջ 66-67]

Եւրոպայի եւ Լեւանտի միջեւ Միջերկրական ծովի վրայով աշխոյժ առեւտուրը առաջին հերթին պայմանաւորուած էր նրանով, որ ցանկացած եւրոպական երկրից ճանապարհը Միջերկրական ծովով դէպի Մերձաւոր Արեւելք շատ աւելի կարճ էր ու անվտանգ, քան ովկանոսի վրայով: Այդ է պատճառը, որ եւրոպական երկրները Մերձաւոր ու Միջին Արեւելքի հետ առեւտուրն իրականացնում էին արեւելեան միջերկրածովեան աւազանի առեւտրական կենտրոններում, անմիջական շփման մէջ մտնելով միջազգային առեւտրով զբաղող հայ խոջայութեան հետ:

Այսպիսով, պետականութեան բացակայութեան պայմաններում, զուրկ ամէն տեսակի հովանաւորութիւնից, հայ առեւտրական կապիտալը եւրոպական արդիւնաբերական երկրների բուրժուազիայի մրցակցութեան պայմաններում XVII դարում հանդէս էր գալիս որպէս կարեւոր գործօն եւ կապող օղակ Արեւելքի ու Արեւմուտքի միջեւ միջազգային ապրանքափոխանութեան մէջ: «Հայերի գործունէութեան այդ կողմը (այսինքն առեւտուրը. Վ. Բ.), - նշում է անւանի պատմաբան Ն. Ադոնցը, - սերտօրէն կապուած է համաշխարհային կարեւորութիւն ունեցող խնդիրների հետ: Համաշխարհային շուկայում հայերի յայտնւելը ժամանակակից քաղաքակրթութեան հիմքում ընկած նոր ոգու դժարին փորձութիւնն է, որը մատնանշում է Հայաստանի կարեւորութիւնը որպէս նոր աշխարհի առաջացման գործօն՝ արտացոլած Արեւելքի ու Արեւմուտքի փոխադարձ յարաբերութիւններում»: [183, էջ 48]

Միջազգային առեւտրով զբաղող հայ վաճառականները սկսում են յաջողութեամբ մրցակցել եւրոպական հզօր առեւտրական ընկերութիւնների ու առեւտրական բուրժուազիայի հետ ոչ միայն այն պատճառով, որ կարաւանային առեւտրի մենաշնորհը

պատկանում էր իրենց, այլ զլիաւորապէս այն պատճառով, որ բաւարարուում էին համեմատաբար ցածր շահույթներով, որ անընդունելի էր եւրոպական վաճառականների համար: Բացի այդ, Հայաստանի իւրայատուկ աշխարհագրական դիրքը (եւրոպայի եւ Ասիայի սահմանակէտում) եւ այն, որ նրա վրայով անցնում էին համաշխարհային նշանակութիւն ունեցող առեւտրական ճանապարհները, նրան դարձնում էին կապող օղակ Արեւելքի եւ Արեւմուտքի ապրանքափոխանակութեան մէջ: [80]

Հայ առեւտրական դասի վերելքին նշանակալիօրէն նպաստում էր նաեւ մերձաւոր արեւելեան երկու խոշորագոյն պետութիւնների քաղաքականութիւնը: Այդ առթիւ Լէոն գրում է, «Պարսկաստանն ու Թուրքիան կապած են նոր ժամանակի Եւրոպայի հետ առեւտրական սերտ շահերով, որոնց շնորհիւ նրանք կամայականամայ բռնում են այնպիսի դիրք, որ նպաստում է այդ երկու պետութիւնների մէջ ապրող եւ վաճառականական ընդունակութիւններով աչքի ընկնող ազգերին իրենց ներքին կեանքի մէջ շարժումներ առաջացնելու»: [12, էջ 11] Յրանսիացի Տուրնըֆորի վկայութեամբ, օրինակ, Սէֆեան շահ Արբաս Իը Հայերի նկատմամբ վարում էր կրօնական հանդուրժողականութեան քաղաքականութիւն, քանի որ նրանց քրիստոնեա լինելը հետացնում էր իրանի առեւտրական յարաբերութիւնները եւրոպական երկրների հետ: [82, էջ 168]

Եւրոպական երկրների հետ հայ վաճառականութեան առեւտրին խթանող կարեւորագոյն հանգամանքներից մէկն էլ այն էր, որ Լեւանտում զնայով աւելի ու աւելի էր մեծանում եւրոպական տէրութիւնների առեւտրական մրցակցութիւնը: Դա հայ խոջայութեանը մղում էր փնտրելու նոր, ազատ շուկաներ: Բացի այդ, զնայով աւելի կտրուկ ու շեշտակի էին դառնում Լեւանտում հայ վաճառականների գործունէութիւնը կաշկանդելու ուղղութեամբ եւրոպական պետութիւնների հիւպատոսութիւնների կողմից հարուցած արհեստական դժւարութիւնները: Կատարելով իրենց երկրների առեւտրական ներկայացուցչութիւնների դեր, նրանք հայ վաճառականներին փորձում էին թելադրել ապրանքների գները, յաճախ բոյկոտի էին ենթարկում նրանց եւ այլն: Որպէս ելք այդ վիճակից, խոջաները ձգտում էին իրենց ապրանքները անմիջականօրէն արտահանել Եւրոպա, մանաւանդ որ դա նրանց խոստանում էր աւելի բարձր շահույթներ:

Առհասարակ եւրոպական հզօր առեւտրական ընկերու-

թիւնների կողմից հարուցւող մրցակցային դաժան պայքարին դիմանալու համար հայ վաճառականները մշտապէս ստիպւած են եղել դրսեւորել անօրինակ ճկունութիւն: Նրանք, օրինակ, 17-րդ դարում եւրոպացիների օրինակով միաւորել են առեւտրական ընկերութիւններին մէջ, մրցակցութեանը աւելի հեշտութեամբ դիմադրուելու համար: Նման ընկերութիւններ գոյութիւն են ունեցել Նոր Զուգայում, Երեւանի խանութեան մէջ մտնող Կարբի գիւղաքաղաքում, Հալէպում, Թիֆլիսում եւ այլուր: [33, էջ 131-132, 34, էջ 288-289, 102, էջ 72-73] Հարկադրւած են եղել իւրացնել Եւրոպայում գոյութիւն ունեցող առեւտրի ձեւերը, սովորել լեզուներ, ուսումնասիրել տեղական կենցաղն ու սովորոյթները, բանկային ու վարկատուական փոխառութեան ձեւերը, ծանօթանալ Եւրոպայի շուկայական իրադրութեանը, այդ շուկաներում արեւելեան ապրանքների պահանջարկին, համագործակցութեան մէջ մտնել եւրոպական առեւտրական ընկերութիւնների ու վարկաւորող հաստատութիւնների հետ եւ, վերջապէս, կապեր հաստատել եւրոպական պետութիւնների կառավարող շրջանների հետ:

Յայտնի է, օրինակ, որ 1000 թ. Ինովկենտիոս 12-րդ պապը ջուղայեցի հարուստ վաճառականական ընտանիքներից մէկին՝ Ծահրիմանեաններին շնորհեց Հռոմի քաղաքացու պատւաւոր կոչում, որը նրանց իրաւունք էր տալիս ազատ առեւտուր անելու Հռոմում եւ Անկոնայում: [88, էջ 211] Իսկ 1000 թ. Աւստրիայի կայսր Լէոպոլդ I Հարսուրգը Ծահրիմանեան ընտանիքին շնորհեց մի պարգեւագիր, որով նրանց ճանաչեց որպէս Աւստրիայի ազնւականութեան դասակից ու հաւասար եւ նրանց ողջ գերդաստանին շնորհեց կոմսութեան տիտղոս՝ տոհմական զինանշան ունենալու իրաւունքով: [88, էջ 299-307, 52, հատ. 1, էջ 485, հատ. 2, էջ 1358]

Ծահրիմանեանները եւս եւրոպական տէրութիւնների օրինակով ստեղծել էին առեւտրական մի ընկերութիւն, որը 720 հազար գուկատ գումարով դրամազուլիս ունէր Վենետիկի տարբեր բանկերում: [51, էջ 110-115] Ընկերութիւնը վարկեր՝ «մայա» (հիմնադրամ) էր տրամադրում միջազգային առեւտրով զբաղող բազմաթիւ հայ վաճառականների, որոնք առեւտուր էին անում տարբեր երկրներում: Ընկերութիւնը իր գրասենեակներն ու առեւտրական ներկայացուցիչներն («սարքար») է ունեցել ժամանակի համարեայ բոլոր խոշոր առեւտրական կենտրոններում:

Այդ առեւտրական տան առաւել աչքի ընկնող ղեկավարներից են եղել Մարգար եւ Զաքար Ծահրիմանեանները: Հետագայում

Մանուէլ ու Աստուածատուր Շահրիմանեանները մշտական բնակութեան համար տեղափոխուել են Եւրոպա, իրենց հետ տանելով երկու միլիոն դուկատի չափ դրամ: [88, էջ 207]

Այս ընտանիքի առեւտրական տան գործունէութիւնը չէր սահմանափակուում լոկ Եւրոպայի ու Մերձաւոր Արեւելքի շրջանակներով: Նրանք լայն առեւտուր ունէին նաեւ Հնդկաստանի, Հարաւ-Արեւելեան Ասիայի ու հեռաւոր Արեւելքի երկրների հետ: Ժամանակակիցների վկայութեամբ Շահրիմանեան ընտանիքը մեծ հեղինակութիւն ունէր նաեւ շահական արքունիքում, շնորհիւ իր հարստութեան եւ միջազգային լայն կապերի: [164, էջ 300]

Նոր Զուղայում աչքի ընկնող առեւտրական ընկերութիւններ են ունեցել նաեւ Խոջա-Մինասենց, Աղազարեանների կամ Լազարեանների եւ այլոց ընտանիքները: [61, էջ 143-146, 256-257, 185, էջ 81-120]

Հայ իրականութեան մէջ եղած բոլոր առեւտրական ընկերութիւնները անխտիր առեւտրական գործունէութեան հետ միաժամանակ զրաղուել են նաեւ բանկային գործարքներով, վարկատուութեամբ եւ վաշխառութեամբ: Ընդ որում հայկական ազդիւրներում վարկատու վաճառականը կոչուում էր աղա, իսկ վարկառուն՝ ընկեր: [105, էջ 122] Հայկական միջավայրում յատկապէս լայն չափերով կիրառուում էր վարկատուութեան այն եղանակը, որը եւրոպայում յայտնի էր կոմենդա անունով: [105, էջ 126-138]

Արեւելքում անձի եւ գոյքի անապահովութեան պայմաններում հայ վաճառականները սովորաբար իրենց դրամները պահում էին եւրոպական բանկերում, որը հեշտացնում էր նրանց առեւտրական գործառնութիւնների ծաւալումը: Յայտնի է, օրինակ, որ հայ վաճառականները դրամական խոշոր աւանդներ ունէին Վենետիկի «Banco Dolno» յայտնի դրամատանը: [28, էջ 371] Իսկ Մարգար Շահրիմանեանը, ինչպէս նշւեց, նոյն քաղաքի «Ս. Մարկոս» կոչւած բանկում ունէր 700 հազար դուկատ գումարով աւանդ: Այսպիսով ինչպէս հայ չելիբիները թուրքիայում, ջուղայեցիները եւս զրաղուում էին բանկային գործառնութիւններով, վարկատուութեամբ, դրամափոխութեամբ եւ այլն:

XVII դարում արեւլահայ եւ արեւմտահայ խոջաները արդէն լայն առեւտրական գործառնութիւններ ունէին եւրոպական երկրների հետ: Իզուր չէ, որ Ֆրանսիացի Տուրնեֆորը գրում էր, որ հայ վաճառականները «ոչ միայն հանդիսանում են Լեւանտի առեւտրի տէրը, այլեւ նշանակալից չափով նաեւ Եւրոպայի առաւել խոշոր քաղաքների առեւտրի տէրը»:

Եւրոպայում հայ վաճառականների վաղեմի առեւտրական գործընկերներ են հանդիսացել իտալիայի քաղաք-հանրապետութիւնները եւ առաջին հերթին՝ Վենետիկի հանրապետութիւնը:

Հայ գաղթականութեան այլքը դէպի այս քաղաքը տեղի է ունեցել դեռեւս XI դարում: Աւելի ուշ, ինչպէս նշւեց վերեւում, Կիլիկիայի հայկական թագաւորութեան կործանումից յետոյ, 1413 թ. Կիլիկիայից 30 հազար հայեր տեղափոխոււմ են Եւրոպա եւ ի թիւս այլեւայլ երկրների ու քաղաքների, հաստատոււմ են նաեւ Վենետիկում:

Կատարինօ Մենօ անունով վենետիկցի մի ազնւական ի տրիտուր հայերից ընդունած ինչ-ինչ ծառայութիւնների, XV դարում նրանց համար կառուցոււմ է մի եկեղեցի Ս. Խաչ անունով: Աւելի ուշ, 1688 թ. ջուղայեցի խոջա Գրիգոր Միրմանեանը հիմնովին նորոգոււմ է այդ եկեղեցին: [88, էջ 212-215]

XVII դարը հանդիսանոււմ էր իտալական պետութիւնների տնտեսութեան ու քաղաքական ազդեցութեան անկման դարաշրջան: Լեւանտի հետ միջնորդ առեւտուրը անշեղօրէն կրճատոււմ էր եւ վաճառականների մեծ մասը վեր էր ածոււմ հողագործների: Դեռեւս XVI դարում թուրքերը Վենետիկից զաւթեցին նրա յունական տիրոջմները, որը հանգեցրեց Արեւելքի հետ նրա առեւտրի կտրուկ կրճատմանը: Այս պարագաներում Վենետիկի համար կենսական անհրաժեշտութիւն էր հայ վաճառականների հետ համագործակցութիւնը, որը նրան հնարաւորութիւն էր տալիս ձեռք բերել արեւելեան ապրանքներ եւ հումք (յատկապէս հում մետաքս), ինչպէս նաեւ ինչ-որ չափով դիմակայել իր հզօր առեւտրական ախոյանների՝ Անգլիայի, Ֆրանսիայի եւ Հոլանդիայի մրցակցութեանը: Անգլիացիները ստիպւած էին խոստովանել, որ «վենետիկցիների եւ հայերի միջեւ առեւտուրը ամբողջապէս խափանելը անհնարին է»: [4, էջ 411]

Վենետիկի հանրապետութեան սենատը, ելնելով վերոյիշեալ նկատառումներից, բազմաթիւ արտօնութիւններ եւ իրաւունքներ էր շնորհում հայ վաճառականներին, պարբերաբար իջեցնելով նաեւ նրանցից զանձեռոյ մաքսատուրքերը: [29, էջ 67]

Այսպէս, համաձայն Վենետիկի սենատի 1537 թ. մարտի 5-ի որոշման, Սիրիայի նաւահանգիստների վրայով իրանական մետաքսը Վենետիկ ներմուծելու դէպքում սահմանոււմ էր արտօնեալ վեց տոկոսանոց մաքս: [29, էջ 67] Պարսկական մետաքսի համար սահմանուած մաքսատուրքը Վենետիկի սենատը որոշեց

պեղզեղ նաև 1567, 1574, 1578 թ. որոշումներով: Հետագայում բազմիցս (1589, 1591 թ. եւ այն) այդ որոշումները հաստատուում էին: Սենատի 1589 թ. դեկտեմբերի 29-ի հրամանագրում ասուում էր. «Պարսկական մետաքսեղէնը պէտք է ներմուծել Սիրիայի նաւահանգիստներից, զննելի Դամասկոսի եւ Հալէպի հիւպատոսների կողմից եւ վճարել 1537 թ. մարտի 5-ին սահմանված արտօնելով մաքսային սակագնով»:

[20, էջ 67, 28, էջ 431, 464-465]

1614 թ. մարտի 5-ին Վենետիկի սենատը յատուկ որոշում է ընդունում իրանական հում մետաքսից գանձուող մաքսատուրքը նւագեցնելու վերաբերեալ: Նոյն թւականի մայիսի 2-ին սենատը վճիռ կայացրեց այն մասին, որ Սէֆեան պետութիւնից սիրիական նաւահանգիստների վրայով Վենետիկ բերուող ողջ մետաքսը վեց տարի ժամկէտով ազատուում է 6%-ոց մաքսից: [20, էջ 67]

Կոստանդ Ջուղայեցին «Աշխարհաժողովում» վկայում, որ «ինչ ապրանք որ Վանատիկը կու մտնի գումրուկ չունի գերած Նազարէթին իսլամն եւ ինչ ապրանք որ Վանատիկէն գուրս կելնի կելնի Ճ-ին (100-ին) Ժ (10) գումրուկ կտան ամենայն իսլամով»: [122, էջ 165բ]

Ընդորում այս արտօնութիւնը յատկացուում էր բացառապէս իրանահայ վաճառականներին: Դա պարզորոշ կերպով երեւում է վճուի մէջ տեղ գտած յատուկ յօդուածից, որտեղ ասուում էր, որ պարտադիր պայման է, որ Հալէպի վրայով Վենետիկ մետաքս բերող բոլոր վաճառականները Սիրիայում Վենետիկեան հիւպատոսին անվիճելի փաստերով ապացուցեն, որ իրենց բերածը իսկապէս «պարսկական» մետաքս է: Այսպիսով սենատի որոշումը չէր տարածուում թուրքական մետաքսի վրայ, որը վերստին վկայում է այդ շրջանում Վենետիկի հանրապետութեան սուր առճակատման մասին Օսմանեան կայսրութեան հետ:

Ղ. Ալիշանը ենթադրում է, որ վենետիկեան սենատի վերոյիշեալ վճիռը ընդունւած էր Նոր Ջուղայեցի վաճառական խոջա Սաֆարի առաջարկութեամբ, որը շահ Աբբաս Ի-ի դեսպանի առաքելութեամբ ժամանել էր Վենետիկ, հանրապետութեան հետ առեւտրական ու քաղաքական բնոյթի բանակցութիւններ վարելու համար: Ի հաստատումն այդ վարկածի նա բերում է այն փաստը, որ խոջա Սաֆարի բանակցութիւններից յետոյ ապրանքափոխանակութիւնը Ջուղայեցի եւ վենետիկցի վաճառականների միջեւ կտրուկ աւելացրել էր: [37, էջ 419]

Վենետիկեան սենատի 1640 թ. ապրիլի 24-ի նիստի

արձանագրութեան մէջ ասուում էր, որ Հայդ ազգին (Հայերին Վ.Բ.) հովանաւորելը մեծապէս օգտաւէտ է մեզ, քանի որ Հայ վաճառականները զբաղուում են մեծ առեւտրով եւ վենետիկ են ներմուծում ամենարագմապիտի արեւելեան ապրանքներ, որոնց մէջ ամենարժէքաւորը հում մետաքսն է: [88, էջ 215] Մէկ այլ փաստաթղթում, որը թւագրւած է 1651 թ., վենետիկեան իշխանութիւնները յայտարարում էին. «Ներկայումս արժէ միայն խրախուսել Հայերի առեւտուրը, նրանց տրամադրելով ամենալայն արտօնութիւններ»: [37, էջ 447] Վենետիկի արքունի դիւանի այլեւայլ յիշատակութիւնների մէջ ծերակոյտի կողմից Հայ ազգը անւանուում է «երախտաւոր ազգ» (nazione Benemerita) («բարեացապաշտ», «սիրելիազոյն», «յաճոյական», «օգտակար», «միշտ շահաւոր», «բազմերախտ» եւ այլն: Ի նշան համակրութեան, վենետիկի ծերակոյտի կողմից շնորհւած էր հրաման, որ Հայերը համարձակ կարող են իրենց ապրանքները վաճառել Ս. Մարկոսի հրապարակում, առանց որեւէ հարկ վճարելու: [88, էջ 210]

Հայ վաճառականների նկատմամբ վենետիկեան հանրապետութեան նման բարեացակամ վերաբերմունքի հիմքում ընկած էր նաեւ այն մտավախութիւնը, որ նրանք կարող են վերակողմնորոշել դէպի միւս մրցակից իտալական հանրապետութիւնները: Վենետիկեան սենատի արձանագրութիւններից մէկում ասուում է, որ անհրաժեշտ է Հայ վաճառականներին տրամադրել ամէն տեսակի դիւրութիւններ, հակառակ դէպքում նրանք իրենց ապրանքները կուղղեն դէպի Լիւորնօ կամ Ջենովա: [28, 323]

Մինչեւ իրանահայ վաճառականների անմիջական այցելութիւնները վենետիկ, «Ադրիատիկի մարգարիտը» կոչւած այս վաճառաչահ քաղաքի հետ աշխոյժ առեւտուր ունէին Թուրքիայի եւ Արեւմտեան Հայաստանի Հայ խոշոր վաճառական-խոջաները: Այստեղ էին գալիս, օրինակ, Հայ անւանի վաճառականներ, Ստամբուլից, Չմիւռնիայից, Ամիդից, Անգորայից, Տրապիզոնից, Բրուսայից, Սիւրիահասրից, Հրսնքէյֆից, Հայ վաճառականութեան Հնագոյն կենտրոններ Սսից, Այասից, Ադանայից, Գարամանից, Կեսարիայից, Հոռովկլայից, Կարկառից, Ուռհայից, Ակնից, Կարինից, Երզնկայից, Բաղշից, Բարբրդից, Վանից եւ այլ քաղաքներից: [28, էջ 428-430] Քիչ չէին նաեւ Ղրիմից եւ Անդրկովկասից (Նախիջեւան, Ղափան, Սիւնիք, Ղարաբաղ, Ջուղա եւ այլն) եկած վաճառականները:

Դրանցից մէկն է օրինակ Փիրզադէ Ղափանցի անունով մէկը, որը 1580-1587 թ.թ. եղել է ոչ միայն Վենետիկում, այլև Եւրոպայի բազմաթիւ քաղաքներում: Իր ճանապարհորդական ուղեգրութիւններում նա ռամկական պարզ ու անպաճոճ լեզուով գրում է. «Ես մեղաւոր Փիրզատա Ղիզիլպաշէն (Իրան), երկիր Ղապանէն, Իւրոտէն ձորէն (Որոտանի ձոր), կեղոս (զեղոս) Գետաթաղէն, Պաստամեցէց ասքեն (ցեղէ), Չաքէրի թոռն Միրզիլն, (Մըն Հայրն է ո՞րն պապն), Հոռոմսիմին (մայրն Հոխիսիմէ) տաղայ, Իսայիոսն փարուն?, Պահայաւէն աղբէր: Էն տարին որ Հայոց թՎ. էր ՌԼԾ (1586-1587) ես իմ տաէն ելայ, գլոխս առայ ասկական մուշորեցի, օտար աշխարհ եկայ: Առջի քաղաքն Վան. էնկից կինեցի Հիզու քաղաքն. էնկից կինեցի Ղարահէմիդ եւն. էն կին Իզնայմիտ. էն կին Աստանրուլ քաղաք, որ Խոնդքարին թախտն այ: Այնուհետեւ դանուրեան երկրների վրայով նա մեկնում է Լեհաստան, այնտեղից Դանցիզ, Պրագա, եւ մտնում է Իտալիա «Դէլիլանայ երկիրն, Վէնետիկ քաղաք՝ ԺԲ մեծ պարոնի ձեռն այ. որ Ս. Մարկոս Աւետարանիճին մարմին այ. ծովի մէջ այ. ՁՌ (8000) կարմոճ կայ մէջն. ՁՌ (8000) պարբայ կայ իւր մէջն, խիստ (մեծ կամ զարմանալի) քաղաք այ: Էնկից կինեցի Ես նուայայ (Ձենովա կամ Անգոնա). էնկ. կին. Հոռումայ քաղաք եւ այլն: [28, էջ 408-409]

Ամենակարճ ժամկէտում արեւելահայ վաճառականները, յատկապէս ջուղայեցիները, կարողացան Վենետիկի հետ կատարւող առևտրի մեծագոյն մասը կենտրոնացնել իրենց ձեռքում եւ մրցակցային պայքարում կամ դուրս մղել իրենց արեւմտահայ մրցակիցներին եւ կամ ստիպել նրանց շահաւէտ պայմաններով համագործակցել իրենց հետ:

Վենետիկում հաստատւած հայ խոշորագոյն վաճառականական ընտանիքներից են եղել Գերաք Միրմանները (1588-1750), Շահումեանները (1650-1757), Շահրիմանեանները (1697-1800), Սինանեանները (1697-1712) Մարտիրոսեանները (1690-1737), Չանդ Աղամիրը (1690-1713) Վանեցի Դաւթեանները (1670-1742), Ղափանցի Նահապետեանները (1718-1738) եւ բազմաթիւ այլ տներ: [193, էջ 297]

Ղ. Ալիշանը արքունական դիւանների վաւերագրերի հիման վրայ կազմել է XVI-XVIII դարերում Վենետիկում առևտուր անող հայերի ցանկը. այնտեղ գրանցւած անունների թւացանկը անցնում է 2000-ից:

XVII դարի սկզբներից հայերի առևտուրը Վենետիկի հետ իսկական ծաղկում է ապրել: Դա նաեւ 12-րդ դարից գոյութիւն

ունեցող տեղի գաղթօջախի մեծացման պատճառ է հանդիսացել: XVI դարի երկրորդ կեսից ծայր է առնում հայ բնակչության նոր հոսանք դէպի Իտալիա: Դրա պատճառը ոչ միայն թուրք-իրանական պատերազմներն էին, Հայաստանի անապահով վիճակը, տնտեսական կեանքի լճացումը, կողոպուտն ու գերեվարութիւնը, որոնք ստիպում էին հայ գանգաւածներին լքել իրենց հայրենիքը եւ գաղթել աւելի ապահով վայրեր, այլեւ հայ առեւտրական բուրժուազիայի արագ ճեւաւորումը, որն անմիջապէս նետոււմ էր նոր շուկաներ որոնելու բուռն հորձանուտի մէջ: Վենետիկում այնքան մեծ է եղել ջուղայեցի վաճառականների թիւը, որ Ս. Մարիամ Ֆորմոզայի եկեղեցու կից փողոցը կոչւել է «Ջուղայի փողոց»: [88, էջ 214] Սիմէոն Լեհացին իր ուղեգրութեան մէջ (1612 թ.) Վենետիկում յիշում է հայկական քարաշէն եկեղեցի՝ իր հիւրանոցներով եւ հարակից այլ շէնքերով: (107) Այդ քաղաքում իրենց ներկայացուցիչներն են ունեցել Իրանի, Թուրքիայի, Ֆրանսիայի, Լեհաստանի, Ռուսաստանի եւ այլ երկրների հայ խոշոր վաճառականական տները:

Վենետիկի հանրապետութեան եւ հայ խոջաների միջեւ առեւտուրը առանձնակի վերելք էր ապրում պարբերաբար բռնկող թուրք-վենետիկեան պատերազմների, մասնաւորապէս Կանդիայի 25-ամեայ պատերազմի ժամանակ (1645-1660 թ.): Ընդ որում հայ վաճառականների քաղաքական համակրանքը մշտապէս եղել է Թուրքիայի հակառակորդի կողմը: Յայտնի է օրինակ, որ Մարգար Շահրիմանեանը 1693 թ. 200000 դուկատ գումարով փոխառութիւն էր յատկացրել Վենետիկի հանրապետութեանը թուրքերի դէմ պատերազմ մղելու համար: [62, հատ. 1, էջ 438]

Իտալական քաղաքներից Ջենովան եւս մինչեւ XVII դարի կէսերը կարեւոր տեղ էր զբաւում Արեւելքի ու Եւրոպայի միջեւ միջնորդ առեւտրում: Հանդիսանալով Վենետիկի մրցակիցը, նա ամէն կերպ աշխատում էր հայ վաճառականներին գրաւել իր կողմը, նրանց տրամադրելով լայն իրաւունքներ եւ արտօնութիւններ: 1623 թ. Ջենովան նոյնիսկ ընդունեց հայ վաճառականների առաջարկը՝ համատեղ կազմակերպել «Արեւելեան Հնդկաստանի առեւտրական ընկերութիւն»: Հնդկաստանի եւ Իրանի հետ առեւտուր անելու եւ իրանական հում մետաքսը անմիջականօրէն Ջենովա ներմուծելու համար: [37, էջ 460]: Իդէպ, այդ ընկերութիւնը գոյութիւն ունեցաւ մինչեւ XVII դարի կէսը, որից յետոյ վերացւեց:

Հայ խոջաները աչքի ընկնող առեւտուր ունէին նաեւ

Իտալիայի Լիւոռնո նաւահանգստային քաղաքի հետ: Այդ քաղաքի հայ գաղութի պատմութեան հետազոտող Մ. Ուղուրլիանը գրում է, որ տեղեկութիւններ կան այն մասին, որ 1582 թ. այդ քաղաքում հաստատւած հայազգի վաճառականներից մէկը՝ խոջա Կիրակոս Միրմանը վարել է Թոսքանայում պարսից շահի հիւպատոսի պաշտօնը: [88, էջ 44] Այս տեղեկութիւնից երեւում է, որ 16-րդ դարի կէսից Լիւոռնոյում ստուգապէս կար հայ գաղթականութիւն, որի մեծ մասը կազմում էին վաճառականները: Հայերը առաջիններից էին, որ սկսել էին արեւելեան ապրանքներ ներմուծել թոսկանական քաղաքներ՝ Ֆլորենցիա, Լիւոռնո եւ այլն, որտեղ վաճելում էին այլեւայլ իրաւունքներ եւ ազատութիւններ:

Լիւոռնոյի առեւտրական նշանակութիւնը բարձրացնելու նպատակով Թոսկանայի մեծ Հերցոգ Ֆերդինանդօ I Մեդիչին 1503 թ. յունիսի 10-ին հրապարակում է մի հրամանագիր, որով նա բոլոր ազգերի վաճառականներին, այդ թւում նաեւ հայերին, հրաւիրում էր «առանձին կամ ընտանեօք» հիմնաւորել Լիւոռնոյում կամ Պիզայում եւ զբաղել Արեւելքի հետ առեւտրով: «Ամենեցուն ձեզ, ո՛վ վաճառականք իւրաքանչիւր ազգաց,- ասւում էր այդ հրամանագրում,- Արեւելեայք եւ Արեւմտեայք, Սպանիացիք եւ Փորթուկալացիք, Յոյնք, Տւետոնեանք, Իտալացիք, Երբայեցիք, Թուրք, Հայք, Պարսիկք եւ այլք, ողջոյն համայնից»: [88, էջ 253-255]

Քառասուն կէտից բաղկացած յիշեալ հրամանագրով Ֆերդինանդօ Էր Լիւոռնո եկող վաճառականներին շնորհում էր զանազան արտօնութիւններ, առանձնաշնորհումներ, ազատութիւն, ապահարկութիւն, կրօնական բացարձակ ազատութիւն, ազատ առեւտրի իրաւունք, չապահովութիւն շահեալ գումարաց վճարման, ներումն եւ թոյլտուութիւն գործեալ յանցանացն, անկախութիւն ըստ իմիք ի դատաւորաց հրաման կազմելոյ առանձին հասարակութիւնս, եւ յերթեւեկութեան վաճառականաց ուղեւորական նպաստներ, եւ այլն եւ այլն»: [88, էջ 253-255]

Մեդիչիների վարած յիշեալ քաղաքականութեան հետեւանքով Լիւոռնոն դարձաւ հայ վաճառականների համար ձգողութեան կենտրոն: «Յայնժամ բազմացան վաճառականք եւ կարաւանք հայոց յարեւելքից Ասիոյ եւ ի Կիլանայ, ի Նուխոյ, ի Գանձակայ, եւ այլն, բառնալ միթերս անբաւ զուտ եւ անզուտ մետաքսի այլ եւ այլ որակաւ եւ տեսակաւ»: [37, էջ 455]

Հայ վաճառականները Իրանից, Հնդկաստանից, մերձաւոր-արեւելեան երկրներից Թոսկանա էին ներմուծում կտաններ, դվիթի

(դրՖտիկ), մետաքսեղէն, համեմունքներ, որդան կարմիր, մարդարիտ, թանկարժէք քարեր, դամասկոսեան դիպակներ, գոհարեղէն, մոմ եւ այլ բազմապիսի ապրանքներ: 1071 թ. Լիւոռնոյում իրանական աւագ հիւպատոսի պաշտօն էր վարում Պետրոս անունով դափանցի մի հայ: [108, էջ 170-171, 194-198] Սրան յաջորդել են Գրիգոր Միրմանը (Գրիգոր Գերաք) եւ իր ժառանգները, որոնք կողմասա III-ի ժամանակ ճանաչւեցին որպէս իշխանազուն տոհմ: Մեզ է հասել երկու մեղալ, դրւագւած Գրիգոր Գերաքի դիմաքանդակով, դրոշմւած 1073 թ. [108, էջ 116-118] Այդ մեղալների միւս երեսին պատկերւած է «Գառն աստծոյ». ձախ կողմում՝ մի առիւծ, որի մէջքից բարձրանում է արեգակը, իսկ ցածում՝ Մեղւի մի փեթակ, դէպի որը շեշտակի ճեպում է մի մեղւապարս: Ա. Սաքրդեանի կարծիքով այդ պատկերը «մի այլարանութիւն է շախատանքի եւ ծաւալուն գործունէութեան»: [108, էջ 116] Սակայն իրողութեան աւելի մօտ է այն ենթադրութիւնը, որ քանդակւած մեղւի փեթակի տակ պէտք է տեսնել խոշա Գերաքի մեծահարուստ որդիների գանձարանը, իսկ ի դէմս մեղունների պարսի՝ նրանց տասնեակ գործակատարներին, որոնք ոսկու քսակներով այդ գանձարանը լցնելու համար թափառում էին երկրից երկիր: [170, էջ 13]

1083 թ. Յունիսի 17-ին հայ անւանի վաճառականների մի մեծ խումբ ստորագրում է «Առաջին դաշնագրութիւն հայոցը» Լիւոռնոյում եկեղեցի կառուցելու մասին Վիսան ազգին մերոյ: Դաշնագրութեան մէջ յատուկ շեշտւում էր, որ եկեղեցուն կից աղքատախնամ հիմնարկութիւնից օգտւելու են ոչ միայն հայերը այլեւ օտարները: «Որովհետեւ են ի քաղաքիս յայսմիկ այլ եւ այլ ազինք Յոյնք, Գաղղիացիք եւ Հոյանտացիք որք խնամեն զտանակս ազգին իւրեանց, սակս որոյ եւ տնանկք մեր չլինիցին խտրեալք առաջի այլոց ազգաց, այլ եղիցին օժանդակեալք նոքա ի մերայնոց: Նոյնպէս եւս ապագայ սերունդք նոցին ի քաղաքիս այսմիկ, համարեսցին որպէս եղբարս եւ համազգիս: Եւ թուեալ լիցին նոքա ի միջի հասարակութեան սիրոյ, եւ վայելեսցեն զամենայն արտօնութիւնս, որպէս վայելէ Ազգն մեր յայսմիկ քաղաքի»: [88, էջ 206-207]

Լիւոռնոյում հայկական եկեղեցի կառուցելու համար Հռոմի «Հաւատի տարածման Ս. Ժողովի» համաձայնութիւնը ստանալու նպատակով Լիւոռնոյի հայութիւնը որպէս իր ներկայացուցիչ Հռոմ է ուղարկում «Պարոն Աստուածատուր Օղլանքէշլիչին», որը յայտնի է նաեւ Աղա տէ Մաթոս անունով: Վերջինս իր հետ վերցնում է

Թոսկանայի աւագ դուքս Կոզմաս III-ի եւ նրա «ծիրանաւոր եղբոր» յանձնարարականները՝ ուղղւած «Հաւատի տարածման Ս. Ժողովի» ատենադպիր Մոնսինեոր Ֆարրոնիին: Հռոմը տալիս է իր համաձայնութիւնը, պայմանով, որ խնդրատուները ընդունեն Հռոմի ութ յօդւածից բաղկացած «թէութիւնները», որոնք Լիւոռնոյի հայ վաճառականներին եւ այդ քաղաքում կառուցելիք հայկական եկեղեցին կղնէին սուրբ Պետրոսի աթոռի հսկողութեան տակ: [88, էջ 66-70] Այսպիսով Վատիկանը առիթը բաց չէր թողնում հայ առեւտրական կապիտալի նկատմամբ հսկողութիւն սահմանելու համար: Ի դէպ, Հռոմի թոյլտուութիւնը Լիւոռնոյում հայկական եկեղեցի կառուցելու վերաբերեալ ստացւեց բաւական ձգձգումներէից յետոյ՝ 1701 թ. Մարտի 8-ին:

1697 թ. Մարտի 18-ին Լիւոռնոյի հայերը ընդունում են նաեւ այսպէս կոչւած «Ազգային սահմանադրութիւն»: Նրանում ի թիւս այդ գաղթօջախի ներքին կեանքին վերաբերող այլեւայլ հարցերի պարունակում էր նաեւ մի կէտ այն մասին, որ Լիւոռնոյում առեւտուր անող հայ վաճառականները պէտք է վճարեն ազգային բաժ կամ տուրք հետեւեալ պայմաններով. «Եթէ վաճառաց տեսակքն են շերամ, ասուեղէն, կտաւեղէն, կերպաս, մուշկ, որդան կարմիր, բուստ, սաթ, լեղակ, հատուցանեն մեկ բեցցա իւրաքանչիւր բեռին համար. իսկ եթէ են մեղրամոմ եւ տեսակք որ կը վերաբերին իտալական վաճառաց՝ իւրաքանչիւր բեռին համար հատուցանեն միայն կէս բեցցա»: Խոջաներից մէկին՝ Զիլարիսան Մարգարեանին ժողովը նշանակում է ազգային բաժը հաւաքող վերակացու: Ժողովը որոշում է նաեւ դիմել Լիւոռնոյի աւագ դուքս Կոզմաս III-ին, որպէսզի նա հաստատի ժողովի որոշումը եւ այն օրէնսդրական կարգով պարտադրի ոչ միայն Լիւոռնոյում բնակող հայերին, այլեւ այն հայ վաճառականներին, որոնք առեւտրական գործերով այցելում էին Լիւոռնոյ: [88, էջ 66-67]

Այնքան շատ ջուղայնչիներ են հաստատուած եղել Վենետիկ, Ջենովա եւ Լիւոռնոյ քաղաքներում, որ Ստեփանոս արքեպիսկոպոս Ջուղայեցին իր 1688 թ. մի դրութիւնը վերնագրել է՝ «Գիր օրհնութեան աստուածաշէն քաղաքացն Վենետիկ, Այեկոռոյ եւ Ջենովայ եղեալ քրիստոսասէր եւ բարեպաշտոն ջուղայեցի վաճառականաց, սիրելի եւ հարազատ եղբարց»: [157, էջ 450]

Պատահական չէ, որ Հէնց հայ վաճառականների դրամական հատկացումների շնորհիւ 1643-1702 թ.թ. ընթացքում Լիւոռնոն ակնառու տեղ է գրաւել նաեւ հայ գրատպութեան մէջ: [Տե՛ս 171, էջ 223-230]

Իտալիայում հայ վաճառականները խոշոր առևտուր ունէին նաև Լուկկայի քաղաքային հանրապետութեան, Ֆերրարայի եւ Պեաչենցայի հերցոգութիւնների, «յաւիտենական քաղաք» Հոմի, Բոլոնիա, Պալմի, Յարրիանա, Յորլի, Պերուժ, Նեապոլ, Միլան, Ֆլորենցիա, Պիզա, Պադուա, Տուրին, Բաւիա, Պիստոտա, Սիենա, Վիտերբո, Էմիլիա եւ այլ քաղաքների հետ: Մեծ թւով հայեր էին հաստատել Ռաւեննա քաղաքին կից նաւահանգստում, այդ պատճառով յաճախ Ռաւեննան անւանւել է նաև «Արմենիա»: Ի դէպ, այս քաղաքի նշանաւոր եկեղեցիներից մէկի գաւթում գտնուում է Սահակ Կամսարականի դամբարանը, որը ժամանակին եղել է Ռաւեննայի կուսակալը եւ իր մահկանացուն կնքել է ՅՅԹ թւականին: [88, էջ 212-250] XIII դարից սկսած հայ վաճառականները սկսել են երթեւեկել նաև ծովեզրեա Անկոնա քաղաքը: Հայերն այտեղ ունեցել են նաև իրենց եկեղեցին:

Դժբախտարար նիւթերի պակասը հնարաւորութիւն չի տալիս առանձին-առանձին ցոյց տալու հայ վաճառականների առևտրական կապերը վերոյիշեալ քաղաքների հետ: Սակայն յայտնի է մի բան, որ նշւած բոլոր քաղաքներում XVII դարում գոյութիւն են ունեցել հայ գաղթօջախներ: Ընդորում եւրոպական զանազան քաղաքներում եւ նաւահանգստներում հաստատւած հայերը սերտ յարաբերութիւններ են ունեցել միմեանց հետ: Շատ անգամ միեւնոյն ընտանիքի անդամները առևտրական գրասենեակներ էին բաց անում տարբեր քաղաքներում եւ նաւահանգստներում եւ իրար հետ շարունակ գտնուում էին կապակցութեան մէջ: [130, էջ 40]

Վերին աստիճանի ծաւալուն էր նաև հայ վաճառականների առևտուրը Յրանսիայի հետ: Ճիշտ է, այն հիմնականում կատարւում էր Լեւանտում, որտեղ Յրանսիան, հենւելով XVI դարում Օսմանեան սուլթաններից ստացած կապիտուլյացիաների վրայ, ձեռք էր բերել կայուն դիրքեր, [108] սակայն հայ վաճառականները Միջերկրական ծովով այցելւում էին նաև բուն Յրանսիա: Առհասարակ պէտք է նշել, որ Յրանսիան մեծ յաջողութեամբ կարողացաւ օգտագործել միջերկրածովեան առևտրի աւանդոյթները, իսկ Մարսէլը հանդիսացաւ դասական միջնադարի իտալական քաղաքների Լեւանտեան առևտրի ժառանգորդը: [145, էջ 199]

Մարսէլի վրայով իրականացւում էր նաև առևտուրը Իսպանիայի, Իտալիայի եւ Աֆրիկայի հետ:

XVII դարում առևտրական խոշոր նշանակութիւն ձեռք

րերեցին նաև Ատլանտեան ծովափի առեւտրական քաղաքները, յատկապէս Նանտը, Բորդոն, Լա-Ռոշելը, Դիւեպլը եւ այլն: Իսկ Ֆրանսիական Էի ժամանակ հիմնադրւած Հաւրը աւելի ուշ դարձաւ Ֆրանսիայի խոշորագոյն նաւահանգիստը:

XVII դարում ովկիանոսային ճանապարհների վրայ Ֆրանսիան չէր կարող հանդէս գալ որպէս Անգլիայի մրցակից, իսկ ցամաքային կարաւանային առեւտրով Ֆրանսիական վաճառականները առհասարակ չէին զբաղոււմ: Հետեւաբար Ֆրանսիական առեւտրական բուրժուազիայի համար եւս կարեւորագոյն նշանակութիւն էր ձեռք բերում առեւտրական համագործակցութիւնը հայ վաճառականների հետ:

Տեղեկութիւններ կան այն մասին, որ XVII դարի սկզբին հայ խոջաները փորձում էին Ֆրանսիական թագաւորից ձեռք բերել Ֆրանսիայի բոլոր մեծ քաղաքներում հաստատելու իրաւունք: [160] Ստանալով այդպիսի իրաւունքներ, կարճ ժամանակամիջոցի ընթացքում նրանք ծաւալում են այն աստիճանի լայն առեւտուր, որ դառնում են Ֆրանսիայի վաճառականների լուրջ մրցակիցներ: Մարսէլի առեւտրական պալատի բողոքների հիման վրայ 1622 թ. Դեկտեմբեր 10-ին քաղաքապետարանը հրապարակեց մի հրամանագիր, որի համաձայն Ֆրանսիական նաւերի նաւապետներին խստիւ արգելւում էր Լեւանտից Մարսէլ եւ Մարսէլից Լեւանտ տեղափոխել հայ վաճառականների ապրանքները եւ առհասարակ որեւէ հայ ընդունել իրենց նաւերի վրայ: Հրամանագրում նաւապետներից պահանջւում էր նաև նոտարին ստորագրութիւն տալ այն մասին, որ իրենք պարտաւորւում են այդ արգելքը խախտելու դէպքում տուգանք վճարել 10 հազար ոսկի գումարով: Պրովանսի պառլամենտը նոյն թւականին հրապարակեց նոյնատիպ մի հրամանագիր, որով նա իր համերաշխութիւնն էր յայտնում Մարսէլի քաղաքապետարանի որոշումներին: Աւելին, պառլամենտի հրամանագրում նշւում էր, որ հայ վաճառականներին արգելւում է Մարսէլից արտահանել ոսկի եւ արծաթ: [160, էջ 10-13, 14-20, 172, էջ 14-15] Նոյնանման որոշումներ ընդունեցին նաև Տուլոնում: Ֆրանսիական իշխանութիւնները շարունակում էին պարբերաբար սահմանափակել իրենց առեւտրական ախոյեանների գործունէութիւնը: [160, էջ 22-41] Բանը հասնում է նոյնիսկ նրան, որ Մարսէլ եւ Տուլոն նաւահանգիստները փակւում են հայ վաճառականների առջեւ: Ֆրանսիական իշխանութիւնների այդ քաղաքականութեան նպատակներից մէկն էր նաև Թուրքիային

տնտեսական հարևած հասցնելը, որովհետև Լիւդովիկոս XIV-ի արտաքին քաղաքականութեան կարեւորագոյն խնդիրներից մէկն էր Միջերկրական ծովը փակել թուրքերի առջև: [173, էջ 365]

Անտարակոյս Փրանսիական նաւահանգիստների փակելը ծանր հարևած էր հայ վաճառականների համար: Մասնաւորապէս այն բացասարար ազդեց իրանա-եւրոպական, այդ թւում նաեւ իրանա-Փրանսիական առեւտրի վրայ, որովհետև մինչև 1664 թ. Փրանսիայի ուղղակի առեւտրական յարաբերութիւնները Իրանի հետ գործնականում հաւասար էին զրոյի, մինչդեռ Փրանսիան հանդիսանում էր իրանական հում մետաքսի խոշոր ներմուծող: Պատահական չէ, որ առաջինը Փրանսիական նաւահանգիստները բացելու ուղղութեամբ հայ վաճառականների կողմից ծաւալւած շարժմանը լծւեցին ջուղայեցի խոջաները: Նրանք գործի մէջ ընդգրկեցին նաեւ Իրանում գործող կաթոլիկ միսիոներներին: Այսպէս, 1628 թ. Նոր Զուղայի քալանթար (քաղաքապետ) խոջա Նազարը կարողացաւ ստանալ կապուցինեան միաբանութեան անդամ Պացիֆիկի համաձայնութիւնը միջնորդելու Փրանսիական արքունիքի առջև, որպէսզի դադարեցնեն հայ վաճառականների նկատմամբ գործադրող հալածանքներն ու առեւտրական սահմանափակումները: Դրա փոխարէն արքունիքում կշիռ ունեցող խոջա Սաֆարը կազմակերպելու էր Փրանսիացի միսիոների հանդիպումը շահ Արբաս Ի-ի հետ, որից նա խնդրելու էր թոյլտուութիւն Սպահանում կապուցինեան միաբանութեան միսիա կազմակերպելու վերաբերեալ: [174, էջ 423]

Այս միջամտութեան արդիւնքներն իրենց երկար սպասեցնել չուեցին: Հակառակ այն բանի, որ Փրանսիական կառավարութիւնն արդէն ընդունել էր Փրանսիական առեւտրի պաշտպանութեան վերաբերեալ մի շարք հովանաւորողական օրէնքներ, որոնք անխտիր տարածւում էին Փրանսիայի բոլոր արտասահմանեան մրցակիցների վրայ, [175, էջ 120] 1629 թ. Նոյեմբերի 23-ին հրապարակեց Լիւդովիկոս XIII-ի եւ կարգինալ Ռիշելիէյի յատուկ արտօնագիրը («պատենտ»), որով հայ վաճառականներին թոյլատրւում էր ազատ ելք ու մուտք ունենալ Մարսէյի նաւահանգիստը: Անշուշտ հայ վաճառականների նկատմամբ նման բացառութիւն անելը պայմանաւորւած էր լոկ Փրանսիայի կողմից հովանաւորող կապուցինեան միաբանութեանը շահ Արբաս Ի-ի կողմից ընդառաջ գնալու հանգամանքով, որի մէջ, ինչպէս նշւեց, կարեւոր դեր խաղացին հայ խոջաները: Էականը այն էր, որ ե՛ւ թագաւորը ե՛ւ կարգինալ Ռիշելիէյն հիանալի գիտակցում

էին, որ արեւելեան պոետրի բնագաւառում Ֆրանսիայի գլխաւոր մրցակիցները Հոլանդիան եւ Անգլիան են եւ ոչ թէ Լեւանտեան վաճառականները: Որ ընդհակառակն, արեւելեան վաճառականներին հետ առեւտրական համագործակցութիւնը ինչ-որ տեղ նոյնիսկ ձեռնտու է Ֆրանսիային: Սակայն ամբողջ խնդիրը կայանում էր նրանում, որ այդ վաճառականները չունէին նաւատորմիդ, իսկ Ֆրանսիական առեւտրական թոյլ նաւատորմը ի վիճակի չէր մրցակցելու Հոլանդական եւ անգլիական նաւատորմիդներին հետ:

Ուստի Լեւանտեան շուկաներից ապրանքների մի զգալի մասի տեղափոխումը Ֆրանսիա կատարւում էր հոլանդական եւ անգլիական դրօշների ներքոյ նաւարկող նաւերով, եւ այդ իսկ պատճառով ստեղծւում էր նաեւ շահերի միասնութիւն մի կողմից արեւելեան, միւս կողմից Հոլանդական ու անգլիական վաճառականների միջեւ: Առաւել եւս, որ Հոլանդական վաճառականներն, օրինակ, Մարսէլում մեծաքանակ առեւտրով գրադւող հայ խոջաներից ձեռք էին բերում մեծ քանակութեամբ արեւելեան ապրանքներ, դրանք եւրոպական տարրեր շուկաներում վերավաճառելու համար: Ֆրանսիացիները կրկնակի վնաս էին կրում նաեւ այն պատճառով, որ հէնց Մարսէլում Հոլանդացիները հայ վաճառականներին վաճառում էին Հոլանդական մահուզի, որը շօշափելի հարւած էր հասցնում Ֆրանսիական մահուզի մանուֆակտուրներին: Եւ քանի որ առանձին կոնկրէտ դէպքերում Ֆրանսիական մաքսային իշխանութիւնների համար դժւար էր որոշել, թէ որ նաւով ում ապրանքներն են մտնում Մարսէլ եւ այլ նաւահանգիստներ, այդ պատճառով նրանք հախուռն ձեւով ընդունել էին 1822 թ. վերելում յիշատակւած հրամանագիրը:

Բացի այդ, «պատենտը» շնորհելիս կարդինալ Ռիչելիէն նաւաջնորդւում էր նաեւ գուտ քաղաքական նկատառումներով: Ինչպէս յայտնի է Ռիչելիէն հանդիսանում էր Արեւելքի երկրներում Ֆրանսիական ազդեցութեան տարածման եռանդուն ջատագով: Ըստ այնմ, նա Արեւելքի երկրների քրիստոնեաներին համարում էր Ֆրանսիական քաղաքականութեան նեցուկ եւ ամէն կերպ աշխատում էր շահել նրանց համագործակցութիւնը:

Որպէս գործնական մտքի տէր ու հեռատես քաղաքական գործիչ, նա առանձնակի խոշոր յոյսեր էր կապում Արեւելքի ժողովուրդների առեւտրական բուրժուազիայի հետ: Նրան անշուշտ յայտնի էր նաեւ այն կարեւոր դերը, որ խաղում էր հայ վաճառականութիւնը համաշխարհային առեւտրում եւ Արեւելք-

Արեւմուտք տնտեսական փոխարարներու թիւնների մէջ:

Պատահական չէ, որ Յրանսիայի պետական քաղաքականութեան սանձերը իր ձեռքում պահող այդ կարգինայլ ծրագրեր ունէր հայ վաճառականներին բնակեցնելու Յրանսիայի առաւել խոշոր առեւտրական քաղաքներում, մասնաւորապէս Մարսէլում, որպէսզի նրանք անմիջականօրէն գրադեն Լեւանտի հետ առեւտրով: [170, էջ 28-29] Վերջապէս կարգինայլ քաջ գիտակցում էր, որ Օսմանեան կայսրութիւնում եւ իրանում Յրանսիայի նաճողական քաղաքականութեան առաջամարտիկները հանդիսացող կաթոլիկ միսիոներների յաջող գործունէութեան կարեւոր գրաւական է հանդիսանում հայ ազգեցիկ առեւտրական-խոջայական դասի եւ նրա շահերն արտայայտող հոգեւորականութեան դրական դիրքորոշումը:

1620 թ. արտօնագիրը աննախընթաց կերպով զարկ տւեց Յրանսիայի հետ հայ վաճառականների առեւտրին, առաւել եւս, որ Մարսէլի իշխանութիւնները սկսեցին նրացից գանձել համեմատաբար ոչ բարձր մաքսատուրքեր: Սակայն այս վիճակը երկար չտեւեց: 1634 թ. Փրանսիական վաճառականների ճնշման ներքոյ Մարսէլի քաղաքապետարանը վերստին սահմանափակեց հայ վաճառականների առեւտուրը՝ ներմուծման մաքսատուրքերը իւրաքանչիւր հակ հում մետաքսի համար 16 Փրանկից բարձրացնելով մինչեւ 112 Փրանկի: 1650 թ. հայ վաճառականների նկատմամբ կիրառւեց հերթական սահմանափակումը. նրանց ապրանքների վրայ սահմանւեց 50 տոկոսի չափով մաքսատուրք, որի նպատակն էր, ինչպէս այդ մասին նշւում էր հրամանագրում, «ստիպել նրանց այլեւ չայցելել Մարսէլ»։ [172, էջ 17-18, 162]

Դրա հետեւանքով առեւտուրը Մարսէլի հետ համարեա դադարեց: Այսպէս, եթէ մինչ այդ հայերը մէկ նաւով Մարսէլ էին բերում միջին հաշւով 1000-1200 հակ հում մետաքս եւ բազմապիսի այլ ապրանքներ, ապա 1658 թ. բերւած ողջ մետաքսը չէր անցնում նոյնիսկ 100 հակից: [180, էջ 40]

Սակայն Մարսէլը հայ վաճառականների առջեւ փակելու պատճառով Յրանսիայի արեւելեան առեւտուրը եւս կարճ ժամանակամիջոցի ընթացքում նշանակալի փոփոխութիւններ կրեց: Այդ պատճառով կեանքը հրամայողաբար պահանջում էր վերանայել առեւտրական սահմանափակումների վերաբերեալ Փրանսիական իշխանութիւնների ընդունած որոշումներն ու օրէնքները:

Ինչպէս յայտնի է, կարգինայլ Զուլիո Մազարինիի կառա-

վարման շրջանը նշանաւորեց Լիւդովիկոս XIV-ի (1643-1715) կառավարութեան կողմից նոր քաղաքական գծի մշակմամբ, որն ընթանում էր Ֆրանսիական բուրժուազիայի դիրքերի ամրապնդման կարգախօսի ներքոյ: Այդ քաղաքականութեան բաղկացուցիչ մասերից մէկն էր դիտում նաեւ արեւելեան վաճառականների նկատմամբ գոյութիւն ունեցող սահմանափակումների վերացումը: [177, էջ 333-339] Այս շրջադարձը մասամբ պայմանաւորած էր նրանով, որ Ֆրանսիայի մրցակիցները, մասնաւորապէս Հոլանդիան, աւելի ու աւելի էին իրենց կողմը գրաւում արեւելեան վաճառականների առեւտուրը, որի հետեւանքով Ֆրանսիայի արտադրութեանն ու առեւտրին հասցւում էին խոշոր վնասներ: Անտվերպէնն, օրինակ, կարողացաւ զաւթել հում մետաքսի առեւտուրը՝ Ֆրանսիական մետաքսի մանուֆակտուրաները համարեա զրկելով հումքից: [178, էջ 270]

Այս անցանկանալի իրողութիւնը հարկադրեց Ֆրանսիային արեւելեան վաճառականների նկատմամբ որդեգրած քաղաքականութեան ընազաւառում կատարել կտրուկ շրջադարձ: Կրկին խրախուսեց նրանց առեւտուրը Մարսէլի հետ: Այդ ուղղութեամբ յատկապէս մեծ ջանքեր սկսեց գործադրել կարգինալ Մագարինին, որը եռանդուն կերպով ջանում էր հայ վաճառականներին գրաւել Ֆրանսիայի կողմը, մասնաւորապէս աշխատելով խրախուսել նրանց առեւտուրը Մարսէլի հետ:

Ֆրանսիայի որդեգրած վերոյիշեալ քաղաքականութիւնը առանձնակի հետեւողականութեամբ իրագործեց XVII դարի ականաւոր քաղաքական գործիչ Կոլբերի կողմից, որը եռանդուն կերպով աշխատում էր, որ երկիրը իր մասնակցութիւնը բերի համաշխարհային առեւտրին, զարկ տա արդիւնաբերութեանը եւ պայքարի մէջ մտնի վաճառահանման շուկաների համար:

Լեւանտի եւ առհասարակ Արեւելքի երկրների հետ Ֆրանսիական առեւտրի աշխուժացման հնարաւորութիւնը, ինչպէս նաեւ անգլիական եւ հոլանդական մրցակիցների հետ պայքարում յաղութեան հասնելու երաշխիքները Կոլբերի խորհրդականները տեսնում էին Թուրքիայի վրայով ցամաքային առեւտրին զարկ տալու մէջ: Այդ նպատակի իրագործումը հնարաւոր էր միայն հայ վաճառականների օժանդակութեան դէպքում: [30, էջ XLV, 117, Ը, էջ 434-435]

Այդ առումով յատկապէս կարեւոր նշանակութիւն ունեցաւ 1667 թ. Կոլբերի կողմից կազմած սակացուցակը (Հտարիֆ), որն իրենից ներկայացնում էր ներմուծւող հումքի նկատմամբ

Հովանաւորողական մաքսերի մի ամբողջ համակարգ: [179, էջ 81-82] Արեւելեան առեւտրի բնագաւառում Հոլանդիայի եւ Անգլիայի դէմ յաջողութեամբ մրցակցելու համար 1804 թ. Կոլբերը ստեղծեց «Ֆրանսիական արեւելա-Հնդկական ընկերութիւնը», իսկ 1809 թ. կազմակերպեց «Լեւանտեան ընկերութիւնը»: [180, էջ 103] Այնուհետեւ Մարսէլը յայտարարեց բաց նաւահանգիստ («պորտո Ֆրանկո»): [180, էջ 352, 144, էջ 207-208] Այդ առթիւ Լիւդովիկոս XIV-ի եւ Կոլբերի հրապարակած հրիկտում ասուում էր, որ Մարսէլ եկող եւ այնտեղից մեկնող բոլոր նաւերը ազատոււմ են ամէն տեսակի հարկերից եւ որ այդ նաւահանգիստը այսուհետեւ յայտարարոււմ է ազատ ու մատչելի բոլոր վաճառականների ու բոլոր տեսակի ապրանքների համար: [182, էջ 183-180] Ազատ քաղաքներ յայտարարեցին նաեւ Տուլոնը, Դիւնկերկը, Բորդոն, Լա-Ռոշելը, Նանտը եւ այլն: Այսպիսով հայ վաճառականների առջեւ կրկին բացեց Լեւանտ-Ֆրանսիա առեւտրական երթուղին: Ֆրանսիայի հետ նրանց առեւտրը խրախուսելու նպատակով Կոլբերը յատկացրեց այնպիսի արտօնութիւններ, որպիսիք «չունէր արեւելեան ազգերից եւ ոչ մէկը»: Ֆրանսիայի արեւելեան առեւտրի զարգացման բնագաւառում կարեւոր միջոցառում հանդիսացաւ նաեւ 1805 թ. Կոլբերի կողմից Մերձաւոր Արեւելքում Ֆրանսիական առեւտրական հիւպատոսութիւնների վերակառուցումը:

Բացի այդ, Լիւդովիկոս XIV-ը, 1687 թ. Չմիւռնիայի Ֆրանսիական հիւպատոսին հրամայեց, որպէսզի հայ վաճառականներին յատուկ հովանաւորութիւն ցոյց տրւի: [183, էջ 47]

Ֆրանսիական կառավարութեան այս նոր քաղաքականութեան դրդապատճառները բազմաթիւ էին. նախ Եւրոպայում պատերազմներից ու բուն Ֆրանսիայի ներսում ծաւալւող բարդ իրադարձութիւններից ու ժառայաւ եղած երկիրը ի վիճակի չէր Լեւանտում առանձնակի եռանդ դրսեւորել առեւտրի բնագաւառում, առաւել եւս սեփական ուժերով ապահովել արեւելեան ապրանքների ներմուծումը Ֆրանսիա: Այնուհետեւ Ֆրանսիայում եկել էին այն համոզման, որ իրենց արեւելեան, մասնաւորապէս իրանական առեւտրի յաջողութիւնը բացառապէս կախած է հայ վաճառականների համագործակցութիւնից ու նրանց բարի կամեցողութիւնից:

Բանը նրանում է, որ թէեւ Լիւդովիկոս XIV-ի անմիջական աջակցութեամբ 1671 թ. Ֆրանսիական «Արեւելա-Հնդկական ընկերութեանը» յաջողեց ստանալ իրանական շահ Արբաս II-ի նոր

Ֆիրմանը, որով իրանում Ֆրանսիական հպատակներին տրամադրուում էին Անգլիայի եւ Հոլանդիայի վաճառականներին յատկացւած նոյնատիպ իրաւունքներ ու արտօնութիւններ, [184, էջ 186] սակայն այնուամենայնիւ Ֆրանսիան ի վիճակի չեղաւ դրանից յետոյ եւս իրանի հետ ծաւալելու լայն առեւտուր: Դրա պատճառներից մէկը անշուշտ 1072-1079 թ. Ֆրանս-Հոլանդական պատերազմն էր: Սակայն Ֆրանս-իրանական առեւտրի ծաւալման ճանապարհին ամենակարեւորագոյն խոչընդոտը այն էր, որ իր տրամադրութեան տակ չունենալով հզօր առեւտրական նաւատորմ, Ֆրանսիան ի վիճակի չէր ովկիանոսային ճանապարհների վրայ յաջողութեամբ մրցակցել անգլիացիների ու հոլանդացիների հետ: Հէնց դա էլ ստիպում էր Ֆրանսիական կառավարութեանը օգտուել բացառապէս միջերկրածովեան ճանապարհից: Սակայն այստեղ եւս առկայ էին լուրջ դժարութիւններ: Բացի Լեւանտում անգլիական եւ հոլանդական վաճառականների մրցակցութիւնից, դժարութիւնը կայանում էր նրանում, որ առհասարակ թուրքիայի ցամաքային ճանապարհների վրայով Ֆրանսիական վաճառականները ուղղակի առեւտրական կապեր չունէին իրանի հետ, ուստի հարկադրւած էին օգտուել հայ վաճառականների միջնորդական ծառայութիւններից: [117, էջ 434-439]

Այսպիսով հայ վաճառականների առջեւ կրկին բացւեց Լեւանտ-Ֆրանսիա առեւտրական երթուղին: Չնայած նրան, որ կոլլերը իրականացնում էր մերկանտիլիզմի, պրոտեկցիոնիզմի եւ ակտիւ առեւտրական հաշուեկշիռի քաղաքականութիւն, սակայն հայ վաճառականների հետ փոխյարարերութիւններում որպէս կանոն Ֆրանսիական մաքսային իշխանութիւնները հետամուտ չէին լինում այդ սկզբունքների անշեղ կենսագործմանը: Բացի այդ, կարգադրւեց հայ վաճառականների կողմից բերւած ապրանքների արժէքը վճարել միայն դրամով, այն դէպքում, երբ հոլանդացիներն ու անգլիացիները գերադասում էին վճարումները կատարել ապրանքների փոխանակութեան ձեւով կամ անկանխիկ հաշւարկով, որը, բնականաբար, ձեռնտու չէր հայերին: Հէնց այդ պատճառով էլ վերջիններս սկսեցին նախապատուութիւն տալ Ֆրանսիացիներին: [183, էջ 47]

Օգտուելով այս շեշտւած բարեացակամ վերաբերմունքից, 1687 թ. հայ խոջաները թոյլտուութիւն խնդրեցին Մարսէլում եւ Բորդոյում բաց անելու սեփական առեւտրական գրասենեակներ: Աւելին, նրանք խնդրագիր ներկայացրին Ֆրանսիայում «Հնդկա-

կան Ընկերութիւնն հիմնելու համար, որը մասնագիտանալու էր Հնդկաստանի, Չինաստանի, մերձաւորարեւելեան երկրների եւ Լեւանտի հետ առեւտրում: Թէեւ Ֆրանսիական վաճառականների ճնշման ներքոյ Լիւդովիկոս XIV-ը մերժեց այդ խնդրանքը, սակայն որպէս փոխհատուցում հայերին թոյլատրեց Ֆրանսիայի հարաւային նաւահանգստներում բաց անել առեւտրական տներ: [157, էջ 200]

Կորները սկսեց խրախուսել նաեւ Մարսէլի հայ գրատրպութիւնը, նկատի ունենալով, որ նախ դա կնպաստէր հայ վաճառականների առեւտրի աշխուժացմանը այդ քաղաքի հետ եւ ապա՝ Ֆրանսիական գանձարանը նշանակալից եկամուտներ կատանար գրքի առեւտրից, որովհետեւ հայկական գրքերը սովորաբար լաւ սպառում էին գտնում Արեւելքում: [185, էջ 62] Օգտելով ընձեռնած հնարաւորութիւններից, 1600 թ. մայիսի 6-ին Ռսկան Երեւանցին լատիներէն լեզուով մի ճաղերսանց թուղթ՝ է յղում Լիւդովիկոս XIV-ին, որով խնդրում էր բարեհաճել ընդունել 1600 թ. Ամստերդամում իր հրատարակած հայկական Աստուածաշնչի մի օրինակ: Թագաւորից ստացւած 1600 թ. Օգոստոսի 11-ի պատասխան նամակում յայտնուում էր, որ Երեւանցուն շնորհած է Մարսէլում, Լիոնում կամ տէրութեան մէկ ուրիշ քաղաքում տպարան հիմնադրելու եւ հայերէն լեզուով ամէն տեսակի գրքեր հրատարակելու իրաւունք: [186, էջ 163] Վերոյիշեալ միջոցառումները առաջ էին բերում Ֆրանսիական վաճառականների կատաղի հակազդեցութիւնը, որովհետեւ նրանք նախկինի պէս հայերին համարում էին իրենց մրցակիցներ: Ֆրանսիական գործարար շրջանները նոյնիսկ չխորշեցին դիմել հոռմի հաւատաքննութեան օգնութեանը, որի միջամտութեան հետեւանքով տաս տարի գործելուց յետոյ 1683 թ. Մարսէլի տպարանը փակեց:

Ֆրանսիայի առեւտրական բուրժուազիայի այդ պայքարը երկրի ազգային շահերի համար այն աստիճանի արտառոց էր, որ Փարիզը հրապարակօրէն հանդէս եկաւ Մարսէլի դէմ, որի վաճառականական դասը առաւել անհաշտ դիրքաւորում էր որդեգրել հայ խոջայութեան նկատմամբ: Հայերի պաշտպանութեան օգտին հանդէս եկան նաեւ փարիզեան յայտնի անձնաւորութիւններ: Ի վերջոյ, գործին միջամտեց նաեւ թագաւորը՝ Լիւդովիկոս XIV-ը: 1683 յունւարի 3-ին եւ փետրւարի 6-ին Մարսէլի իր պաշտօնակատար Մորանին նա ուղարկեց երկու հրամանագրեր տպարանի իրաւունքները լիովին վերականգնելու մասին: [187, էջ 100-103]

Հայ-Ֆրանսիական յարաբերութիւնները նոր մղում ու թափ

ստացան XVII դարի վերջին: Դա մասամբ հետեւանք էր այն բանի, որ 1603 թ. Զմիւռնիայի մօտ տեղի ունեցած ծովային ճակատամարտում Փրանսիացիները ջախջախիչ պարտութեան մատնեցին Անգլիային ու Հոլանդիային: Լեւանտում գործող այս երկու պետութիւնների առեւտրական նաւատորմիդը խորտակեց եւ նշանակալիօրէն տկարացաւ: Այսուհետեւ միառժամանակ արեւելեան միջերկրածովեան աւազանում դրութեան տէրը դառնում էին Ֆրանսիացիները: Անտարակոյս, այս հանգամանքը դրական ներգործութիւն էր ունենալու Հայ-Փրանսիական առեւտրատնտեսական յարաբերութիւնների վրայ, որը յաջողութեամբ շարունակեց նաեւ յաջորդ՝ XVIII դարում:

Արեւմտեան Եւրոպայում միջազգային առեւտրով զբաղող Հայ վաճառականների խոշորագոյն առեւտրական գործընկերներին մէկն էր նաեւ Հոլանդիան, որը Եւրոպայում առաջին երկիրն էր, որտեղ իրագործւեց յաղթական բուրժուական յեղափոխութիւն եւ ստեղծւեց պատմութեան մէջ առաջին բուրժուական Հանրապետութիւնը: Յեղափոխութիւնից յետոյ ընդամէնը մի քանի տասնամեակում Հոլանդիան իր զարգացմամբ առաջ անցաւ եւրոպական միւս պետութիւններից: Այստեղ յատկապէս նկատուում էր վաճառականական կապիտալի արագ զարգացում:

Հոլանդիայի եւ Ֆլանդրիայի (Բելգիա) Ամստերդամ եւ Բրիւժ (Բրիւզզէ) քաղաքներում Հայ վաճառականները Հաստատուել են դեռ շատ վաղ ժամանակներից՝ XI դարից: Բրիւժը այն ժամանակ կարեւոր առեւտրական նաւահանգիստ էր եւ յարաբերութեան մէջ էր Կիլիկիայի Այաս նաւահանգստի հետ: Հէնց այդ քաղաքում էլ յայտնուում են առաջին Հայ վաճառականները: [138, էջ 10-11] Հետագայում Կիլիկիայի Հայկական պետութեան վերանալուց յետոյ Կիլիկիացիներից ոմանք տեղափոխուել եւ ապաստանել են Հոլանդական նաւահանգիստները:

«Ի վերջ կոյս ԺԴ դարու (իրբ յամի 1390), - գրում է Ղ. Ալիշանը, - շնորհեցաւ արտօնութիւն Հայոց եւ Թրքաց ի Պրիւժ՝ վաճառել զկապերտս իւրեանց առաջի դրան Ս. Դոնատ եկեղեցւոյ, (որպէս յետոյ եւ ի Հրապարակի Ս. Մարկոսի ի Վենետիկ՝ հանդէպ դրանց Հրաշակերտ տաճարին:» [37, էջ 461] Արդէն XV դարում Հայերը Հոլանդիայում այնքան շոշափելի թիւ են կազմել, որ ունեցել են իրենց «Ազգային տունը»:

XV դարի վերջին Բրիւժը կորցնում է իր առեւտրական նշանակութիւնը եւ նրա փոխարէն բարձրանում է Ամստերդամը:

Հայերի գալուստը Ամստերդամ առաջին անգամ յիշատակում է 1560-1565 թ.թ. Նրանք այդ քաղաքն էին այցելել իրենց բերած մարգարիտներն ու ադամանդները վաճառելու եւ տեղում հոլանդական ապրանքներ ձեռք բերելու եւ Լեւանտի նաւահանգիստները արտահանելու համար: [138, էջ 45-46] Ենթադրում է, որ դրանք առաւելապէս ջուղայեցի վաճառականներ էին, թէեւ նրանց հետ միասին եւրոպական երկրներ էին գալիս նաեւ հայ վաճառականներ Փոքր Ասիայից ու Արեւմտեան Հայաստանից, ինչպէս նաեւ Ղարաբաղից, Զանգեզուրից, Գողթան գաւառի հայկական առեւտրական գիւղաքաղաքներից, յատկապէս Ագուլիսից եւ այլ վայրերից, որոնք բոլորն էլ իրենց կոչել են «ջուղայեցի»: [138, էջ 41-42]

Ի դէպ Սէֆեան Իրանի տիրապետութեան տակ գտնւող Արեւելեան Հայաստանից եւ իրանահայ գաղթօջախներից եկած վաճառականները Ամստերդամի մաքսային գրքերում արձանագրւած են պարզապէս «քրիստոնեա պարսիկներ», իսկ Փոքր Ասիայից ու Արեւմտեան Հայաստանից Հոլանդիա մեկնած վաճառականները յիշատակում են որպէս հայ կամ գմիւռնիացի: Առհասարակ եւրոպական երկրներում ուչ միջնադարում պարսիկ անւանումն այնչափ տարածւած էր, որ հոլանդացի պատմագիրները Ամստերդամի հայոց եկեղեցին, որ ջուղայեցիներն էին կառուցել, ուղղակի «պարսկական» եկեղեցի էին կոչում, իսկ ժողովուրդը թէ սրանց եւ թէ գմիւռնիացիներին յաճախ «ասիական ազդ» էին անւանում: [138, էջ 49-50]

«ԺՁ դարի կէսերում- դիտում է Ա. Սարուխանը, - յանկարծ անսպասելի կերպով երեւան են ընկնում ջուղայեցիք, այն էլ գրեթէ միաժամանակ այն բոլոր եւրոպական վաճառաչահ քաղաքներում, որոնք յարաբերութեան մէջ էին Մերձաւոր Արեւելքի շուկաների հետ»: [138, էջ 41-42]

XVII դարի սկզբներից հայերը սկսում են կանոնաւոր երթնելեկութիւն Ամստերդամի հետ, որն արդէն առաջատար տեղ էր գրաւել համաշխարհային առեւտրի մէջ: Հայ վաճառականների հոսքը Ամստերդամ յատկապէս մեծ չափեր ընդունեց շահ Աբբաս Ի ի կողմից Արեւելեան Հայաստանից դէպի Իրան Հայ ժողովրդի բռնի տարագրութիւնից յետոյ: Հոլանդացի պատմաբան Վան Էմդրէն յենւելով հոլանդական արխիւային նիւթերի վրայ գրում է, որ XVII դարում «Հայոց երկրի մի մասի վրայ պարսիկների յարձակման եւ աւերածութեան ենթարկելու հետեւանքով հայերը ստիպւած են եղել

այնտեղից գաղթել. նրանցից ոմանք եկել են եւ հիմնաւորել Ամստերդամում»: [188, էջ 65]

Առաջին անգամ Ամստերդամում հաստատւածները, բնականաբար, անծանօթ էին տեղական լեզւին, վարք ու բարքին եւ այլն, ուստի ստիպւած էին միջնորդ- թարգմանի օգնութեան դիմել: Այս դերը կատարել են նրանցից առաջ եկած մի քանի հրեաներ, որոնք տիրապետել են արեւելեան լեզուների: 1626 թ. քաղաքային արձանագրութիւնների մէջ առանձնապէս յիշատակոււմ է նրանցից մէկի անունը՝ Իսահակ Պամայս կամ Պամիս:

1612 թ. Օսմանեան կայսրութիւնը Հոլանդիայի հետ կնքեց կապիտուլիացիոն մի պայմանագիր, որը Նիդերլանդների առջեւ բաց էր անում Լեւանտեան շուկաներում ազատ առեւտուր անելու հնարաւորութիւն: [180, էջ 349] Այդ պայմանագիրը շեշտակիօրէն խթանեց հայ վաճառականների առեւտուրը Հոլանդիայի հետ, մանաւանդ որ հոլանդական նաւերը կանոնաւոր երթեւեկութիւն սահմանեցին Լեւանտեան նաւահանգիստները՝ յատկապէս Զմիւռնիայի, Կ. Պոլսի եւ հոլանդական առեւտրաշատ կենտրոնների միջեւ:

Բայց ահա քիչ աւելի ուշ Նիդերլանդներ եկած հայ վաճառականների մասին հոլանդացի պատմագիրներից մէկը վկայում է, թէ «նրանց մեծ մասը կրթւած մարդիկ էին եւ իրենց մայրենի լեզու հայերէնից զատ խօսում էին նաեւ իտալերէն, եւ Ֆրանսերէն: Սրանք այս լեզուներով էին գործ տեսնում հոլանդացիների հետ»: [138, էջ 47-48]

Հենւելով Ամստերդամի քաղաքային արխիւների փաստաթղթերի վրայ, Հոլանդիայի հայ գաղութի պատմութիւնն ուսումնասիրած Առաքել Սարուխանը տեղեկութիւններ է հաղորդում այն մասին, որ 1617 թւականից սկսած հայ վաճառականները Ամստերդամի քաղաքային բորսայում կատարում էին խոշոր առեւտրական գործարքներ: Դրա կարեւոր վկայութիւնն է հանդիսանում նաեւ ժամանակակից հոլանդացի պատմաբան Ռ. Ա. Բեկիուսի յայտնած այն տեղեկութիւնը, որ Բորսայի պատերին ի թիւս բազմաթիւ օտարազգի վաճառականների, լուծալստիների եւ այլն պատկերւած են նաեւ հայ վաճառականներ: [180, էջ 3] Այդ քաղաքում նրանք ունեցել են նաեւ իրենց յատուկ շուկան, որը կոչւել է «Արեւելեան շուկա» (Ooster markt): Հայ վաճառականները հոլանդացիների հետ կազմել են նաեւ փայտտիրական սկզբունքների վրայ հիմնւած առեւտրական ընկերութիւններ: Նրանք ունեցել են

նաեւ զուտ հայկական առեւտրական տներ, որոնց թիւը միայն Ամստերդամում 1660-ական թ.թ. հասնում էր 80-ի: [133, էջ 251] Հոլանդիայում հայերի առեւտրի ծաւալմանը մեծապէս նպաստել է այն, որ նրանք այդ երկրում վայելել են թէ՛ առեւտրական եւ թէ՛ կրօնական ազատութիւն: Մինչ տեղական իշխանութիւնները հայերից առաջ Ամստերդամ եկած հրեաներին մերժում էին «Ամստերդամի քաղաքացիութեան» իրաւունքը, հայերին իսկոյն շնորհւում են այդ կոչումն ու դրա հետ կապած իրաւունքները: [138, էջ 147]

Հայ-հոլանդական առեւտրի այս աշխուժացման շրջանում մեծանում է նաեւ Ամստերդամի հայ գաղթօջախը: Այն վաճառականները, որոնք այստեղ յաջողութիւն էին ունենում, բերում էին իրենց ընտանիքները եւ մշտական բնակութիւն հաստատում: Շատերը ամուսնանում էին տեղացի աղջիկների հետ եւ արձանագրւում որպէս քաղաքացի:

Հոլանդական իշխանութիւնների այս բարեացակամ վերաբերմունքը հայ վաճառականների նկատմամբ պէտք է բացատրել նրանով, որ նախ իսպանական լծից ազատագրելուց յետոյ (1603 թ. Իսպանիան դէ-Ֆակտո ճանաչեց Հոլանդիայի հանրապետութեան անկախութիւնը) Նիդերլանդները սկսել էին բուռն զարգացում ապրել: Նրա մանուֆակտուրաները, որոնք կտորեղէն էին մատակարարում համարեա բոլոր եւրոպական երկրներին, կարիք ունէին մեծ քանակութեամբ հումքի (մետաքս, բուրդ, բամբակ, ներկեր եւ այլն), որոնց մի զգալի մասը Հոլանդիան ձեռք էր բերում հայ եւ յոյն վաճառականներից: [140, էջ 134] Այնուհետեւ Հոլանդիայի հետ առեւտուր անող հայ վաճառականները իրականացնում էին նաեւ Նիդերլանդների ու եւրոպական միւս երկրների միջեւ լայն առեւտրափոխանակութիւն, որը նպաստաւոր էր Հոլանդիայի պետական գանձարանի համար: Իտալիայի Լիւոռնոյ քաղաքի թանգարանում յայտնաբերւած է 1627 թ. Նոյեմբերի 21-ի թւակիր, հոլանդերէն գրւած մի պայմանագիր, որտեղ ասւում է, որ Ամստերդամի վեց հայ վաճառական պայմանաւորուում են ժան Ստիին անունով հոլանդացի մի նաւապետի հետ, որ սա Ամստերդամից նրանց ապրանքը տեղափոխի Լիւոռնոյ: Փաստաթղթում ստորագրութիւնների տեղ գրւած են վաճառականների անւանական կնիքները, որոնց վրայ կարդացւում են՝ Սարհադ, Զաքար, Օհան, Մարկոս, Պետրոս եւ Յովակիմ: [138, էջ]

Վենետիկում, Լիւոռնոյում, Մարսէլում, Իսպանիայի

քաղաքներում եւ այլուր գտնւող հայ վաճառականների առեւտրական տները կամ նրանց ճիւղերը Հոլանդիայից ստանում էին կամ այդ երկիրն էին ուղարկում մեծ քանակութեամբ ապրանքներ: Այլ կերպ ասած, Նիդերլանդները հայ վաճառականների համար հանդիսանում էին նաեւ փոխարեռնման յենակէտ ողջ եւրոպական առեւտրի համար: Այստեղից խոջաները նաւերով ապրանքներ էին առաքում նաեւ դէպի Հիւսիս, բայթեան ծովեզրեայ քաղաքներն ու այնտեղից ստանում էին ուրիշ ապրանքներ, առանձնապէս սաթ, որը մեծ հարգ ունէր Չմիւռնիայի շուկայում: [138, էջ 65]

Հայ-հոլանդական առեւտրական կապիտալի համագործակցութիւնը առաւել լայն չափեր ձեռք բերեց XVII դարի 30-ական թ.թ. սկսած: [101, էջ 74] Նախ դա պայմանաւորւած էր նրանով, որ 1623 թ. «Հոլանդական արեւելա-հնդկական ընկերութիւնը» իրանի հետ կնքեց առեւտրական պայմանագիր, որն անշուշտ մեծապէս խթանելու էր նաեւ նիդերլանդների հետ իրանահայ վաճառականների առեւտուրը, որոնք այդ ժամանակ ըստ հուսթեան իրենց ձեռքում էին կենտրոնացրել Մէֆեան պետութեան արտաքին առեւտրի մենաշնորհը: Վերջապէս, հայ-հոլանդական առեւտրական յարաբերութիւնների ծաւալման համար կարեւոր նշանակութիւն ունեցաւ առհասարակ Մերձաւոր Արեւելքում նիդերլանդների քաղաքականութեան ակտիւացման մեծացումը: Հենւելով 1508 եւ 1612 թ.թ. Օսմանեան կայսրութեան հետ կնքած կապիտուլիացիաների վրայ, Հոլանդիան Մերձաւոր Արեւելքում աստիճանաբար ընդարձակում էր իր առեւտուրը: 1617 թ. Միջերկրական ծովում յայտնւեց հոլանդական ռազմական նաւատորմը:

Արդէն XVII դարի կէսերին Հոլանդիան դարձաւ կենտրոնական եւ հիւսիսային Եւրոպայի ապրանքների հիմնական մատակարարողը Լեւանտի շուկաներին: [102, էջ 40] Միաժամանակ հոլանդական նաւերի էթան փոխադրավարձը նպաստում էր նրանց աւելի լայն օգտագործմանը արեւելեան միջերկրածովեան շրջանում: Բանը հասնում էր նոյնիսկ նրան, որ երբեմն Լեւանտեան ապրանքները Լոնդոն էին բերում հոլանդական նաւերով: [103, էջ 443] Այս բոլորի հետեւանքով XVII դարի կէսին Լեւանտեան առեւտրում Անգլիայից յետոյ Հոլանդիան զուրս եկաւ երկրորդ տեղը:

Հոլանդացիները հակած էին համագործակցել հայ վաճառականների հետ ոչ միայն արեւելեան ապրանքներ ձեռք բերելու, այլեւ իրենց մրցակիցների՝ անգլիացիների ու Ֆրանսիացիների դէմ յաջողութեամբ պայքարելու համար: Նիդերլանդները խիստ շա-

հազրգուած էին հայ վաճառականների եւրոպական առեւտրով նաեւ այն պատճառով, որ նրանք իրենց ապրանքները Լեւանտեան նաւահանգիստներից Միջերկրական ծովով եւրոպական երկրներ էին տեղափոխում առաւելապէս հոլանդական նաւերով: Ուշագրաւ տեղեկութիւններ կան նաեւ այն մասին, որ հայերն ունեցել են նաւեր, որոնք երթեւեկել են Լեւանտի եւ նիդերլանդական նաւահանգիստների միջեւ հոլանդական դրօշի ներքոյ: [138, էջ 66-67]

Ինչպէս յայտնի է, անգլո-հոլանդական մրցակցութիւնը համաշխարհային ծովային ուղիների վրայ XVII դարի կէսերին հանգեցրեց պատերազմի, որն աւարտեց Հոլանդիայի պարտութեամբ: Նիդերլանդների ռազմական եւ քաղաքական հզօրութիւնը թուլացաւ, նրանք կորցրին մի շարք գաղութներ եւ դուրս մղւեցին ծովային առեւտրից: Սահմանափակեց նաեւ նրանց առեւտուրը Մերձաւոր Արեւելքի երկրների հետ: Բնական է, որ այդ պայմաններում Հոլանդիայի համար կենսական նշանակութիւն էր ձեռք բերում համագործակցութիւնը հայ վաճառականների հետ: Պատահական չէ, որ ողջ XVII դարի երկրորդ կէսի ընթացքում Նիդերլանդների կառավարութիւնը պարբերաբար արտօնութիւններ էր յատկացնում հայ վաճառականներին: [134]

Իրենց ապրանքների վաճառքի համար շահաւէտ շուկաներ ձեռք բերելու որոնումների ժամանակ հայ վաճառականները Միջերկրական ծովի ճանապարհով թափանցում էին նաեւ Արեւմտեան Եւրոպայի այլ երկրներ՝ Իսպանիա, Պորտուգալիա, Անգլիա, Գերմանիա, Դանիա, Սկանդինաւեան երկրներ եւ այլն: [106, 196, էջ 171-213, 107, 108]

Իսպանիայում հայ վաճառականները աւելի յաճախակի այցելում էին Կադիքս եւ Սելիլիա քաղաքները: Չաքարիա Ագուլեցին, օրինակ, իր օրագրութիւնում յիշատակում է, որ 1671 թ. ինքը առեւտրական գործերով եղել է Կադիքսում: [102, էջ 66] Մեծ թւով հայ վաճառականներ այցելում էին նաեւ Պորտուգալիա: Այս երկրի հետ հայերի առաջին շփումները սկիզբ են առել XI դարի վերջերից, երբ արտագաղթը Հայաստանից սելջուկների արշաւանքի կապակցութեամբ ընդունել էր աղէտալի չափեր: Իր գոյութեան երեք հարիւր տարիների ընթացքում (1080-1375 թ.թ.) Կիլիկիայի հայկական պետութիւնը ի թիւս Միջերկրական ծովի արեւմտեան առափնեայ շրջանների, լայն կապեր էր պահպանում նաեւ Իսպանիայի եւ Պորտուգալիայի հետ: 1293 թ. Ժակ II Արագոնացու (1291-1327) խնդրանքով Կիլիկեան պետութիւնը կատալոնական

վաճառականներին տրամադրել է մի շարք առևտրական առանձնաշնորհումներ, որոնք նրանց ազատում էին հարկերից, իրաւունք էին տալիս Կիլիկիեան Այաս նաւահանգստում կառուցել պահեստներ եւ այլն: Կարծիք կայ նոյնիսկ այն մասին, որ Պորտուգալիայի եւ Կիլիկիեան Հայաստանի կառաւարդ դինաստիաներն ունէին ազգակցական կապեր: [196, էջ 171-210]

1453 թ. Կ. Պոլիսը թուրքերի կողմից գրաւելուց յետոյ այդ քաղաքի բազմաթիւ հայ բնակիչներ ի թիւս մի շարք այլ երկրների, գաղթել են նաեւ Պորտուգալիա, հաստատւելով գլխաւորապէս Միրագայում: [196, էջ 214-216]

Աւելի ուշ, 16-17-րդ դարերում Լիսաբոնում եւս հաստատուում են Իրանից, առաւելապէս Հին եւ Նոր Ջուղայից ժամանած հայ վաճառականներ, որոնց ներմուծած ապրանքների մէջ ամենայաճախ յիշւածը պարսկական գորգն է: [196, էջ 83]

1580 թ. Անգլիայի եւ Թուրքիայի միջեւ կնքւած կապիտուլիացիոն պայմանագիրը հիմք հանդիսացաւ Բրիտանիայի հետ հայ վաճառականների վաղեմի առևտրական յարաբերութիւնների աշխուժացման համար: Իրանից յետոյ, իրենց հերթին անգլիացի գործարար մարդիկ եւ ճանապարհորդները սկսեցին այցելել Հայաստան: Յայտնի է, օրինակ, որ 1581 թ. Նիպրի անունով մի ճանապարհորդ եղել է Հայաստանում: Իսկ 1600 թ. անգլիացի մէկ այլ ճանապարհորդ՝ Ջոն Քարտրայտը Առաջաւոր Ասիայի երկրներ կատարած իր ուղևորութեան ժամանակ ի թիւս Միջագետքի, Սիրիայի եւ Իրանի այցելել է նաեւ Հայաստան: Նա հայերին անւանում է «վերին աստիճանի աշխատասէր մի ժողովուրդ գործունէութեան բոլոր բնագաւառներում»:

Յայտնի է, որ Եւրոպայի առևտրական խոշոր կենտրոն Ամստերդամում գոյութիւն ունեցող հայ գաղթօջախը մշտապէս սեւեռուն հետաքրքրութիւն է դրսեւորել բրիտանական կղզիների նկատմամբ: Ամստերդամից ոսկերչութեամբ ու առևտրով զբաղւող հայերի առաջին, ոչ մեծ խմբերը, տեղափոխւելով Անգլիա, հաստատուել են Պլիմուտ քաղաքի մերձակայքում: Սակայն 17-րդ դարի 40-ական թւականներին անգլիական բուրժուական յեղափոխութեան վաղրիվերումների շրջանում, երբ կրոմվելը հայերից պահանջեց յստակ պատասխանել, թէ նրանք ում կողմից են, իր թէ թագաւորի, հայերը իրենց վտանգի չենթարկելու համար ստիպւած են լինում խուճապահար վերադառնալ Հոլանդիա:

Սակայն աւելի ուշ, Հնդկաստանում, Իրանում եւ բուն

Անգլիայում առեւտրի բնագաւառում հայերի խաղացած աճող դերի ազդեցութեան ներքոյ անգլիացիները սկսում են շեշտած հետաքրքրութիւն դրսեւորել նաեւ հայոց լեզւի ու հայ մշակոյթի նկատմամբ: Այսպէս, 1669 թ. Ե. Կատելլոսը Լոնդոնում հրատարակում է եօթլեզւանի մի բառարան, որի լեզուներից մէկն էլ հայերէնն էր:

1675 թ. ճանապարհորդութիւն կատարելով դէպի բրիտանական կղզիներ ումն Յակոբ Գրիգորենց, ամենայն հաւանականութեամբ զբաղմունքով վաճառական, գրում է չափածոյ մի ստեղծագործութիւն «Փառք Բրիտանիոյ» վերնագրով, որտեղ նա իր հիացմունքն է արտայայտում այդ երկրի նկատմամբ:

Թէէւ Միջերկրական ծովը հանդիսանում էր Արեւմտեան Եւրոպայի հետ հայ վաճառականների հիմնական առեւտրական զարկերակը, սակայն նրանց համար պակաս կարեւոր նշանակութիւն չունէր նաեւ ցամաքային ու գետային ճանապարհները, որոնք առաւելապէս օգտագործւում էին եւրոպական մէկ երկրից միւսն անցնելու համար:

Այսպիսով հայ վաճառականները խաղացել են վերին աստիճանի ծանրակշիռ դեր Արեւելքի հետ Արեւմտեան Եւրոպայի առեւտրա-տնտեսական եւ մշակութային յարաբերութիւնների զարգացման գործում:

Իզոլը չէ, որ Ֆրանսիացի Տուրնֆորը հայ խոջանների մասին գրում էր. «Նրանք ոչ միայն հանդիսանում են Լեւանտի առեւտրի տէրը, այլեւ նշանակալից չափով նաեւ Եւրոպայի առաւել խոշոր քաղաքների առեւտրի տէրը: Նրանք գալիս են Պարսկաստանի խորքերից եւ հաստատւում են Լիւռոնօյում: Ոչ շատ վաղուց հիմնաւորւեցին Մարսէյլում: Որքան մարդ է նրանցից գտնւում Հոլանդիայում եւ Անգլիայում: [82, էջ 158]

Հայ վաճառականների կողմից Եւրոպա արտահանող ապրանքների տեսականին չափազանց հարուստ էր: Իհարկէ առաջնութիւնը պատկանում էր հում մետաքսին: Մակայն մեծ տեղ էր գրաւում նաեւ արհեստագործական արտադրանքը: Նոր Զուգայեցի խոջանների կողմից Արեւմտեան Եւրոպա արտահանող ապրանքների մէջ հում մետաքսից յետոյ կարեւոր տեղ էր գրաւում իրանական արհեստագործական, յատկապէս մանածագործական արտադրանքը: Յայտնի է, որ XVII դարում Իրանում նշանակալից զարգացում ապրեցին «Քարխանեները», որը բացատրւում է արտաքին եւ ներքին շուկաների համար ապրանքների արտադ-

բուժեան աւելացման անհրաժեշտութեամբ: Գերմանացի Ադամ Օլեարուսը վկայում է, որ Սպահան քաղաքում մեծ թուով ջուլհակներ, ներկարարներ, նկարիչներ եւ այլն, որոնք զբաղուում են բամբակեղէնի ու մետաքսի մշակմամբ, Հրաւականին մեծ վարպետութեամբ դրանք վերածելով ոսկեգօծ դիպակներին: [76, էջ 790]

Ադրիւրները Հարուստ տեղեկութիւններ են պարունակում Հայ վաճառականների կողմից Արեւմտեան Եւրոպա տարուող ապրանքների մասին: Այդ ապրանքներից յատկապէս յաճախակի յիշատակուում են հետեւեալները. ուղտի, ոչխարի եւ այծի բուրդ, դամասկոսեան դիպակներ, զանազան համեմունքներ, մոմեր, մետաքսեայ եւ բրդեայ կտորեղէն, գառնաւուխտ, թաւիչ, գիտոր, խաշնդեղ, բուսախեժ, գորգեր, կաշւեղէն (մանաւորապէս շագրենի), հաշիչ, պիստակ, սաֆեան, լեղակ, մորթեղէն, Հնդկական մուշկ, բամբակ, մեղրամոմ, մարգարիտ, մարջան, օճանելիքներ, գինի, լաջվարդ, որդանաներկ, ինդիգօ, դժոխաքար, համպար, խունկ, չորացրած եւ աղած ձուկ, ոսկի եւ արծաթ, արմաւ, ծխախոտ, պղլեղ, շաքար, գաֆրան, խաւարծիւ, մեղր, բրինձ, անուշադր եւ այլ բազմապիսի ապրանքներ: [122, էջ 86-91, 37, էջ 145-146] Արտահանուող ապրանքների մէջ կարելոր տեղ էին գրաւում նաեւ գոհարեղէնն ու թանկարժէք քարերը, որոնք ճոխութեան սիրահար եւրոպական ազնւականութեան շրջանում գտնուում էին լայն սպառում: Կարելոր նշանակութիւն ունէր նաեւ այն հանգամանքը, որ գոհարեղէնի արտահանումը շատ աւելի հեշտ էր, եւ բերած շահոյթը աւելի մեծ: Մի ճիգվիթ վանականի վկայութեամբ, Հայ վաճառականները կարողանում էին խոյս տալ պարսկական եւ թուրքական մաքսային աստիճանաւորների քննախոյզ աչքերից եւ մաքսանենգային եղանակով Եւրոպա արտահանել խոշոր գումարներ արժեցող թանկարժէք քարեր: Նրա վկայութեամբ գոհարեղէնը գրպաններում թաքցնելու եղանակով Հայ վաճառականներին երբեմն յաջողում էր անց կացնել մինչեւ երկու միլիոն Փրանկի արժողութեամբ քարեր: [21, էջ 44]

Գոհարեղէնի առեւտրի գծով դիւրութիւններ ստեղծելու համար XVI-XVII դարերում Հայ իրականութեան մէջ թանկարժէք քարերի վերարբեալ կազմուում էին նոյնիսկ յատուկ ձեռագիր ձեռնարկներ: [200, 23, էջ 686-689]

Մեծ էր Հայ վաճառականների դերը նաեւ արեւմուտքում դեռեւս անյայտ արեւելեան սննդամթերքների, համեմունքների, զանազան դեղորայքի, օճանելիքների եւ բազմապիսի այլ ապ-

րանքների տարածման ու արմատավորման գործում: Այսպես, տեղեկութիւններ կան, որ սուրճի գործածութիւնը Եւրոպայում տարածել են առաջին հերթին հայ վաճառականները: [201, էջ 70]

Եւրոպական այլեւայլ երկրներից հայ խոջանները Արեւելք են ներմուծել գլխաւորապէս հոլանդական, անգլիական, գերմանական, ֆրանսիական մահուդ, թաւիշ, բրդեայ կտորներ, մետաքսէ գունազարդ գործւածքեղէն (կամկա), ոսկեայ եւ արծաթեայ դիպակներ, բաւթա, զմուռս, սնդիկ, արջասպ, խրուկաներկ, զանազան կահկարասիք, գէնք, ասեղներ, երկաթեայ ապրանքներ, կապար, խաղաթղթեր, զանազան զարդեր, ապակի, թուղթ, բուստ, վենետիկեան հայելիներ, կտաւ, ներկեր, ժանեակներ, կաշւէ իրեր, ժամացոյցներ, մկրատներ, դանակներ, օճառ, ակնոցներ, արհեստական մարգարիտ, ուլունքներ, պերճանքի առարկաներ եւ եւրոպական արտադրութեան այլ բազմապիսի ապրանքներ: [82, էջ 169, 80, էջ 47]

Հոլանդացի պատմաբանները նշում են, որ XVII դարում հայ վաճառականները հանդիսանում էին հոլանդական արդիւնարեւրական ապրանքների, մանսաւորապէս մահուդի եւ բրդեայ կտորեղէնի լաւագոյն գնորդները:

Հայ խոջանների համար գրւած առեւտրական ձեռնարկում՝ «Աշխարհագրոգիում» կոստանդ Ջուղայեցին վկայում է, որ Արեւմուտք-Արեւելք միջազգային առեւտրով զբաղող հայ վաճառականները Եւրոպայից արեւելեան երկրներ էին արտահանում մեծ քանակութեամբ սաթ: «Քարպարն (սաթ Վ.Բ.), գրում է նա, - Փոսակստան՝ Տանձկու (Դանցիկ) ծովումն բւամ կգոյքուլուչայ է, որ կտաչեն, կուլուլակ թսպեհ էլ կշինեն. թախտայ էլ կայ, որ կերպ կերպ իքմին կշինեն... Աշխարհումս ամենայն տեղ խարջ այ, Հնդստան էւել այ խարջ»: (202, էջ 10 ա) Պատահական չէ, որ հայ վաճառականները շատ յաճախ մեկնում էին Մերձբայթեան երկրներ յատկապէս սաթ գնելու համար: [203, էջ 147]

Հայ վաճառականները հանդիսանում էին նաեւ Եւրոպայի եւ Ասիայի միջեւ ոսկու եւ թանկարժէք ապրանքների տեղափոխման լաւագոյն միջնորդներ: [204, էջ 424] Ռաֆայէլ դյու Մանի վկայութեամբ հայերը Վենետիկից եւ Լիւոռնօյից արեւելք էին տեղափոխում արծաթ եւ ոսկի «ամբողջը պիաստրներով կամ ոսկի էկիւներ»: [30, էջ 181] Եւրոպայից բերած ոսկէ եւ արծաթէ դրամները վերադրոշմելով իրանական դրամի, ջուղայեցի վաճառականներն, օրինակ, ստանում էին հսկայական շահոյթներ, որոնք կիսում էին

Սէֆեան շահերի հետ: [48, հ. 3, էջ 200] Վերջիններս խրախուսում էին այդ գործը, որովհետեւ դա առատ աղբիւր էր շահական գանձարանի հարստացման, ինչպէս նաեւ Իրանի ֆինանսական վիճակի ամրապնդման համար: Չնչելով աղբիւրը Ա. Ալպոյաճեանը գրում է, որ Եւրոպայից վերադառնալիս ջուղայեցի վաճառականների իւրաքանչիւր կարավան Իրան էր բերում 200 հազար արծաթէ սկուդի: [103, էջ 175]

Հայ խոջանների կողմից դրամի ներմուծումը Իրան յատկապէս խրախուսւում էր շահ Արբաս Բի կողմից: Դա պայմանաւորւած էր նրանով, որ համարեա անընդմէջ թուրք-իրանական պատերազմների, անվերջ զօրահաւաքների եւ ներքին խռովութիւնների պատճառով երկրի ֆինանսները գտնւում էին ծայրահեղ հիւժման վիճակում: Ոսկին եւ արծաթը դարձել էին հազւագիւտ ապրանք Իրանում: Ճիշտ է, շահը փորձեց շահագործել երկրի ոսկու հանքերը, սակայն պարզեց որ ծախսը հասոյթից աւելին է, ուստի եւ լքեց այդ գործը: [127, էջ 31] Ծահ Արբասը շահագրգռւած էր, որ երկիրը ստանայ հնարաւորին չափ մեծ քանակութեամբ ոսկի եւ արծաթ նաեւ իր բարեփոխումները իրականացնելու համար: Հէնց այս հանգամանքների պատճառով Սէֆեան արքունիքը հանդուրժում էր Հայ խոջանների գործօն մասնակցութիւնը Իրանի ելեւմտական կեանքում:

Իրանը էջր հանդիսանում սակայն Հայ վաճառականների կողմից եւրոպական երկրներից ներմուծւած վալիւտայի վերջին հանգրւանը: Ոսկեայ եւ արծաթեայ դրամները Իրանի Բենդեր Արբաս նաւահանգստի վրայով տեղափոխւում էին Հնդկաստան, որը իր ապրանքների գնորդներից համարեա բացառապէս պահանջում էր զրնգուն դրամ: Այդ առթիւ Ռաֆայէլ Դյու Մանը վկայում է, որ «Պարսկաստանը նման է մի քարաւանսարայի, որն ունի երկու դուռ. դրանցից մէկը գտնւում է թուրքական սահմանի վրայ, որտեղից ներմուծւում է արեւմուտքից հոսող արծաթը... միւս ելքի դուռը Բենդեր Արբասին կամ Գումրունն է Պարսից ծոցում, ուսկից ճանապարհ է բացւում դէպի Հնդկաստան՝ Սուրաթ՝ արծաթի համաշխարհային այդ շտեմարանը... Պարսկաստանի հարստութիւնը ոչ այլ ինչ է, քան այն խոնաւութիւնը, որ թողնում է խողովակի մէջ հոսած ջուրը»: [30, էջ 193-194]

Աղբիւրներում խիստ հետաքրքիր եւ ուշադրաւ տեղեկութիւններ են պարունակւում նաեւ Արեւմուտք-Արեւելք միջազգային առեւտրի իրականացման ձեւերի մասին: Եւրոպացի մի

վաճառականի հետ զրոյցի ժամանակ ջուղայեցի խոջա Սաֆարը յայտնում է, որ հայերի մօտ առկայ են երեք կարգի վաճառականներ. մանր վաճառական-խանութպաններ, որոնք երկրից դուրս չեն մեկնում եւ տեղում գրադուում են գործւածքեղէնի եւ այլ ապրանքների վաճառքով. մեծածախ վաճառականներ, որոնք ապրանքներ են յատկացնում խանութներին, իրենց հերթին դրանք ձեռք բերելով խոշոր վաճառականներից եւ վերջապէս միջազգային առեւտրով գրադուող խոշոր վաճառական - խոջաներ, որոնք առեւտուր են անում եւրոպական երկրների, ռուսումների երկրի» (Թուրքիա), Հնդկաստանի, Արաբիայի, Աֆրիկայի եւ այլ երկրների հետ: [21, էջ 37]

Չափազանց լայն է եղել հայ առեւտրական կապիտալի գործունէութեան աշխարհագրական սահմանները: Գրիգոր Դարանաղցի պատմիչը նշում է, որ հայ խոջաները ցրւած էին «Ընդ ամենայն երեսս երկրի, - ի Հնդիկս ներքինս, եւ յԵթովպիա, եւ յԵգիպտոս, եւ յամենայն աշխարհս Ֆռանգաց, եւ ի Կոստանդինուպոլիսս, եւ ընդ ամենայն աշխարհն Թրակացւոց եւ Մոսկոֆաց եւ Վրկանաց, եւ ընդամենայն աշխարհն Քուրքաց եւ Քրդաց եւ Քաղղեսացւոց եւ յՄատլինն, ի Թօնն եւ ի Թօնճան, եւ ամենայն Պարսկաստանաց, եւ արեւելայայս մինչեւ ի Չինն եւ յԱնգլիան, եւ ամենայն աշխարհին Տաթարաց եւ Ափխազաց, մինչեւ ի ծագս աշխարհաց անձանօթից»: [70, էջ 457-458]

Կոստանդ Ջուղայեցին իր «Աշխարհաժողովում» աւելի հանգամանորէն է թւարկում այն երկրներն ու քաղաքները, ուր այցելում էին հայ վաճառականները: Դրանք են Իրան, Անդրկովկաս, Միջին Ասիա, (Բալ եւ Բուխարա կամ «հօզպեկստան»), Աֆղանրատան (Ղանդահար, Ղազնի, Քարուլ), Հնդկաստան (Փեշավար, Քաշմիր եւ այլն), Արաբիա կամ «Արաբստան» (Բասրա, Բաղդադ, Հալէպ, Մոսուլ) Հարեջատան: Օսմանեան կայսրութեան կազմի մէջ մտնող քաղաքներից աւելի յաճախակի յիշատակւում է Կոստանդնուպոլիսը, Բուրսան, Ատրանան (Ադանա), Իզմիրը (Չմիւռնիա), Թոխաթը, Արզրումը (Կարին) եւ այլն: Նրա տեղեկութիւնների համաձայն եւրոպական կենտրոններից հայ խոջայական կապիտալի ներկայացուցիչները առաւել գործօն առեւտրական կապերի մէջ էին Ալիկոունայի (Ալուոնոյ), Վենետիկի, Չենովայի, Մեսինայի, Մարսէլի, Ամստերդամի, Դանցիգի, Մոսկովի հետ: Եւրոպական երկրներից նրա մօտ աւելի յաճախակի յիշատակւում է Ֆռանկրատանը (Ֆրանսիա), Ընկլեթեռը (Անգլիա), Ալամանը (Գերմանիա),

Սպանիան, Լեհաստանը, Մաջարստանը (Հունգարիա), ինչպէս նաեւ յիշատակութիւն կայ այն մասին, որ հայ խոջաները կտրում անցնում էին Ատլանտեան ովկիանոսը եւ հասնում նոր աշխարհ (Ենկիդունիա), այսինքն նորայայտ Ամերիկեան մայր ցամաք: [202, էջ 3ա-3բ]:

XVII դարում հայ վաճառականների համար այնպէս աշխարհամաս չէր նաեւ Աֆրիկան: Ճիշտ է, մեր ձեռքի տակ չկան հարուստ փաստական նիւթեր աֆրիկեան մայր ցամաքի հետ հայ վաճառականների առևտրի մասին, սակայն նոյնիսկ հատուկ կենտ տեղեկութիւններից աներկբաբար է կարելի է ենթադրել, որ միջազգային առևտրով զբաղւող հայ խոջաները յաճախ են այցելել նաեւ աֆրիկեան տարբեր երկրներ, յատկապէս Եթովպիա (Հարեշտան) եւ Մադրիբի երկրներ:

Յայտնի է, օրինակ, որ Աւետիք Բաղդասարեան Տիգրանակերտցին 1682-1704 թ.թ. ընթացքում եղել է Հարեշտանում, Նուբիայում, Սուդանում, Չադ հանրապետութեան ներկայիս տարածքում, այնուհետեւ Սահարայի վրայով անցնելով Աֆրիկայի հիւսիսային շրջանները, հասել է մինչեւ Ջիբրալթար: [209]

17-18 դարերում սպիտակամորթ ժողովուրդներից Հարեշտան մտնելու իրաւունք են ունեցել միայն հայերը եւ յոյները: Այդ պատճառով այդ ժամանակներում Եթովպիա գնացող գրեթէ բոլոր եւրոպացիները հայկական կամ յունական տարազ են հագել եւ ձեւացրել իրենց հայ կամ յոյն: [100, էջ 163] Ա. Ալիշանը նման կեղծւած հայերից մատնացոյց է արել յիսուսեան կաթողիկ ճանապարհորդներ Մելքոն Սիւրսոսին եւ Պետրոս Պայիգին [37, էջ 471]: Այդ յոյն կերպ են վարել նաեւ կապուցիներէն կրօնաւորները (1638 թ.), իսկ աւելի ուշ՝ Ալէքսանդր VII պապի օրօք (1655-1667) նաեւ Ֆրանցիսկեանները եւ ուրիշներ: [210, էջ 87-88]

Դրա պատճառը կայանում էր նրանում, որ Հարեշտանում ծաւալւած կրօնական ալեկոծութիւնների հետեւանքով 1632 թւականից կառավարութիւնը «ընդմիշտ» վտարել էր երկրից լատին միսիոներներին եւ առհասարակ երկիրը փակել էր եւրոպացիների առջեւ: [208, էջ 307-308]

Ռուս անւանի պատմարան Բ. Տուրաւելը իրաւացիօրէն նշում է, որ «հայերը դարեր շարունակ Հարեշտանում հանդէս են եկել իբրեւ աշխարհիկ եւ հոգեւոր գործունէութեան ամենատարբեր բնագաւառների ներկայացուցիչներ»: [207, էջ 5]

Իհարկէ, համաշխարհային առևտրով զբաղւող հայ վաճառականութեան առաջամարտիկը միշտ էլ հանդիսացել է Նոր

Ջուղայի վաճառականութիւնը: Իզուր չէ, որ Հ. Տէր-Յովհաննէանցը, ոչ առանց հպարտութեան նշում է, որ «Չկարծեմ թէ լիցի շափազանցութիւն յասելն իմ, թէ ի նմին ժամանակի Ջուղայեցիք էին առաջագէմ վաճառականք քան զամենայն վաճառականս աշխարհի»: [51, էջ 172]

Սակայն հայ ժողովրդի պատմութեան մէջ չխոջայական կապիտալի» դերը չի սահմանափակւել լոկ առեւտրով:

Եւրոպայի եւ Ասիայի ամենանշանակաւոր կենտրոններում հայ խոջաների առեւտրական կայանները «միայն վաճառականական շահին չէին ծառայում, այլեւ երբեմն մտաւոր գործի օջախներ էին հանդիսանում: Վաճառականութեան հետ գաղթականութեան ճանապարհին մի-մի երեւան էր գալիս նաեւ գրագէտը, ուսման տենչով վառւած հայը»: [211, էջ 103]:

Արեւելքի երկրներում Եւրոպայի կապիտալիստական արտադրութեան ընագաւառում ստեղծւած նոր պարանքների տարածման հետ մէկտեղ, շափազանց մեծ է եղել հայ վաճառականների դերը նաեւ Արեւելքի տարբեր երկրներում եւրոպական մշակոյթի արժէքների տարածման ընագաւառում: Յայտնի է, օրինակ, որ նրանց միջոցով են Արեւելք թափանցել Եւրոպայում հրատարակւած առաջին գրքերը, եւրոպական նկարչութեան, թատրոնի եւ արւեստի այլ ընագաւառների նորոյթները եւ այլն: Պատահական չէ, որ Թուրքիայում եւ Իրանում առաջին տպարանները բացւել են հայ վաճառականների կողմից կամ նրանց գործօն աջակցութեամբ:

«Համաշխարհային շրջիկ խոջաները, - գրում է Լէօն, - ժողովուրդների մշակոյթների, պետական զանազանակերպ կազմւածքների հետ իրանց ունեցած անդադրում հանդիպումների մէջ չէին մնում անտարբեր եւ անզգայ դէպի իրանց տեսածներն ու լսածները, եւ այս՝ մասնաւորապէս Արեւմտեան Եւրոպայում: Վաճառականն արդէն իր պարապմունքներով իսկ նիւթական մշակոյթի տարածող էր ազգերի մէջ: Տարածողի դերը առանձնապէս անխոնջ կերպով կատարում էր Արեւելքի ժողովուրդների մէջ Արեւմուտքի քաղաքակրթութեան վերաբերմամբ»: [205, էջ 94-95] «Շփուելով զանազան ազգերի հետ, հայ վաճառականը ձեռք էր բերում ոչ միայն հարստութիւններ, այլեւ փորձառութիւն, աշխարհահայեացքներ, Եւրոպայից նա իր տունն էր տանում ոչ միայն ժամացոյցներ, հայելիներ, թաւիչ, մարգարիտ, մահուդ եւ նուրբ կերպասներ այլեւ գաղափարներ»: [12, էջ 152]

Առանձնապէս մեծ է եղել խոջայութեան դերը հայ գրատրպութեան զարգացման գործում: Նրանց ջանքերով կամ մեկենասութեամբ Ամստերդամում, Մարսէլում, Վենետիկում եւ Եւրոպական այլ կենտրոններում 16-18-րդ դարերում լոյս են տեսել կրօնական ու աշխարհիկ ընոյթի բազմաթիւ գրքեր, վաճառականական տեղեկատուներ, աշխարհագրական քարտեզներ եւ այլն: «Լքելով վանքի եւ եկեղեցու մթնոլորտը՝ գիրքն ու գրագիտութիւնը սկսում են ընդգրկել աշխարհիկ ընթերցողին, հասարակութեան վերին ու միջին խաւերը, եւ որոշ նախապայմաններ ստեղծում հայերի հետագայ ազգային-կուլտուրական էւոլուցիայի համար»: [17, էջ 60-60]

Սակայն այս բոլորով հանդերձ, չի կարելի չնշել նաեւ այն բացասական դերը, որ խողացել է հայ վաճառականական դասը հայ ժողովրդի քաղաքական համախորման ճանապարհին: Ձեռնտու շուկաների մշտական փնտրտուքներին հետամուտ, վաճառականութիւնը հեռացել է հայրենիքից եւ հաստատուել տարբեր երկրներում: Նրանց այնուհետեւ հետեւել են ուրիշները, որոնք խոչոր խմբերով գալիս եւ հաստատուում էին Արեւմտեան Եւրոպայի տարբեր գաղթօջախներում, ի սկզբանէ իրենց գատապարտելով ձուլման ու անհետացման: Այդ երեւոյթը աւելի լայն թափ էր ստանում Եւրոպայում եղած վաճառականների չափազանցեցած պատմութիւնների շնորհիւ արեւմուտքի երկրներում տիրող «ազատութեան» եւ «նիւթական բարեկեցութեան» վերարժեքալ: [21, էջ 13]

Իհարկէ միայն առեւտրական շահը չէր, որ բնաւեր էր անում հայութեանը եւ դուրս մղում նրան հայրենիքից: Հայաստանում տիրող քաղաքական անկայուն վիճակը, կեանքի եւ գոյքի ապահովութեան խալառ բացակայութիւնը, թուրք-իրանական համարեա անընդմէջ պատերազմները, որոնք մեծ մասամբ ընթանում էին Հայաստանի տարածքում եւ այլ գործօններ, ստիպում էին հայ վաճառականական կապիտալին Արեւմուտքում փնտրել աւելի ապահով հանգրուաններ, մանաւանդ որ այնտեղ նա արժանանում էր բարեացակամ ու զրկարաց ընդունելութեան, որի պատճառը կայանում էր նրանում, որ դրամատիրական հասարակութեան ճանապարհով ընթացող Արեւմուտքի երկրները մեծապէս շահում էին նրանց առեւտրա-տնտեսական գործունէութիւնից: Մասնաւորապէս հայ վաճառականութիւնը իր շօշափելի նպաստն էր բերում Եւրոպայում կապիտալների կուտակման եւ դրամաշրջանառութեան ծաւալման գործին:

ԳԼՈՒԽ IV

ԻՐԱՆԱՀԱՅ ԽՈՋԱՆԵՐԻ ԱՌԵԻՏՈՒՐԸ ՌՈՒՍԱՍԱՆԻ ԵՒ
ԱՐԵՒԵԼԵԱՆ ԵՒՐՈՊԱՅԻ ԵՐԿՐՆԵՐԻ ՀԵՏ XVII ԳԱՐՈՒՄ

Հին Ռուսիոյ եւ ռուսների հետ հայերի ծանօթութիւններն ու շփումները սկիզբ են առել վաղնջական ժամանակներում, երբ ձեւաւորուեալ էր ռուս ժողովուրդը եւ նրա պետականութիւնը՝ Ռիւրիկովիչների տէրութիւնը կիսել մայրաքաղաքով:

1480 թ. Ռուսական պետութիւնը թօթափեց թաթարամոնղոլական լուծը: Այդ իրադարձութիւնը շրջադարձային նշանակութիւն ունեցաւ Ռուսաստանի հետագայ պատմական զարգացման համար: XVI դարի 80-ական թւականներին հիմնականում աւարտուեց ռուսական հողերի միաւորումը Մոսկւայի իշխանութեան ներքոյ: Ստեղծուեալ էր կենտրոնացած ռուսական պետութիւնը, որը անզուսպ ձգտում էր դրսեւորում շարժել դէպի հարաւ՝ իրեն միացնելու համար ոչ միայն թաթար-մոնղոլական վերջին իշխանութիւնները, այլեւ դուրս գալ դէպի Սեւ եւ Կասպից ծովերը, որտեղից նրա առջեւ կարող էին բացել առեւտրական-տնտեսական ճանապարհներ՝ Մերձաւոր ու Միջին Արեւելքի, ինչպէս նաեւ Միջին Ասիայի, Հնդկաստանի ու Չինաստանի հետ անմիջական կապեր հաստատելու համար: Իււան IV կողմից Կազանի (1552) եւ Աստրախանի (1558) խանութիւնների նւաճումը Ռուսաստանի համար ունեցաւ հսկայական տնտեսական եւ քաղաքական նշանակութիւն: Նախ ռուսական պետութիւնը ձեռք բերեց արեւելեան առեւտրի կարեւորագոյն զարկերակը՝ Վոլգան, այնուհետեւ նա անմիջական շփման մէջ մտաւ Կովկասի, Իրանի եւ Միջին Ասիայի խանութիւնների հետ՝ եռանդուն պայքար սկսելով Իրանի եւ Անդրկովկասի վրայով անցնող համաշխարհային առեւտրական ճանապարհների համար:

Յայտնի է, որ Իրանի եւ Անդրկովկասի վրայով էր անցնում այն առեւտրական ուղին, որով Ասիայից Եւրոպա էին արտահանում հում մետաքս: Աստրախանի գրաւումով Ռուսաստանի ելքը դէպի Կասպից ծով նրան հնարաւորութիւն էր տալիս հսկողութիւն

սահմանել եւրոպական տէրութիւններէ քաղաքական- տնտեսական կապերի վրայ Մերձկասպեան ու Անդրկասպեան շրջաններէ, Անդրկովկասի ու Հնդկաստանի հետ: Այսպիսով Ռուսաստանը պայքարի մէջ էր մտնում Իրանի եւ Անդրկովկասի վրայով անցնող համաշխարհային առեւտրական ճանապարհներէ համար: (212, էջ 7)

Ռուսաստանի այս քաղաքականութեան մէջ Օսմանեան կայսրութիւնը տեսնում էր բազմարնոյթ սպառնալիք իր տնտեսական-քաղաքական շահերի համար: Նախ սպառնալիքի տակ էին դրուում նրա մաքսային եկամուտները, որոնք ձեռք էին բերուում Իրանից թուրքական տարածքի վրայով դէպի Լեւանտ տանող տարանցիկ առեւտրից: Այնուհետեւ Աստրախանում Ռուսաստանի յայտնելով անյաղթահարելի պատնէշ էր ստեղծուում Անդրկովկասում, Իրանում եւ Մերձկասպեան շրջանում Օսմանեան կայսրութեան լայնահուն նւաճողական ծրագրերի առջեւ, մասնաւորապէս որոնց նպատակն էր Դնեպրից մինչեւ Ուրալ թեւանցել Մոսկովեան պետութեան սահմանները: (213, էջ 45,46)

Օսմանեան կայսրութեանը յատկապէս մեծ մտահոգութիւն էր պատճառում այն հաւանականութիւնը, որ Իրանի Սէֆեան պետութեան եւ Ռուսաստանի միջեւ շահերի միասնութեան հիմքի վրայ կարող էր առաջանալ հակաթուրքական դաշինք: Ոչ պակաս մղձաւանջային իրողութիւն էր նաեւ Իրանի եւ Ռուսաստանի միջեւ անմիջական առեւտրական կապերի հաստատումը, որի գործնական իրականացման դէպքում Փոքր Ասիայի վրայով անցնող թուրքական քարաւանային տարանցիկ ուղին կարող էր դուրս մղել աւելի կարճ եւ ձեռնտու Վոլգա-կասպեան առեւտրական ճանապարհի կողմից:

Անտարակոյս այս բոլորը առաջ էին բերելու Օսմանեան կայսրութեան վճռական հակազդեցութիւնը Ռուսաստանի դէպի հարաւ շարժելու անգուսպ ձգտմանը: Այս իսկ տեսակէտից բնաւ պատահական չէ, որ ողջ XVI-XVII դարերի ընթացքում իր ախոյեան Սէֆեան Իրանի դէմ մղած անընդմէջ պատերազմների ընթացքում թուրքական զինուորականութիւնը ռազմական յաղթանակների մէջ տեսնում էր նաեւ Ռուսաստանի առաջխաղացումը դէպի հարաւ կանխելու միջոց: Ստամբուլում այդ ձեռնարկի յաջողութեան գրաւական էր դիտուում այն, որ Մերձվոլգեան եւ Ղրիմի թաթարները, ինչպէս նաեւ կովկասի լեռնականները եւ առհասարակ այդ ընդարձակ երկրամասի սուղնիթական աղանդին հետեւորդ մահմեդական բնակչութիւնը բազմապիսի թելերով կապւած էր թուրքիայի հետ:

Երիտասարդ եւ օրրատօրէ ուժեղացող ռուսական պետութեան առաջխաղացումը դէպի հարաւ կանխելու ուղղութեամբ առաւել լուրջ փորձեր կատարեցին յատկապէս XVI դարում: Այսպէս, 1560 թ. սուլթան Սելիմ II (1566-1574 թ.թ.) Ղրիմի խանի օգնութեամբ փորձեց զաւթել Աստրախանը եւ դրանով իսկ Մոսկւայի, Իրանի ու Անդրկովկասի միջեւ ստեղծել մի անանցանելի պատնէշ: Սակայն թուրք-թաթարական զօրախմբերը ստիպւած էին մազապուրծ փախչել Աստրախանի մօտակայքից: 1578 թ. վերսկսելով պատերազմը Իրանի հետ, սուլթան Մուրադ III-ը (1574-1595 թ.թ.) ձգտում էր զաւթել Անդրկովկասն ու Կասպիական ծովափը, որպէսզի տիրանայ նաեւ Վոլգա-Կասպեան ճանապարհին: Ցատկանըչական է, որ այդ գործում նրան օգնում էին ոչ միայն Ղրիմի խանը, այլեւ Դաղստանի, Շաքիի ու Շիրւանի աւատատէրերն ու սուլնիթ-վաճառականները, որոնք եռանդ չէին խնայում յօգուտ թուրքերի յաջողութեան:

Սակայն Իրանի եւ Ռուսաստանի միջեւ առեւտրա - տնտեսական եւ նոր-նոր ձեւաւորւող քաղաքական կապերը խափանելու ուղղութեամբ օսմանցիների գործադրած բոլոր ջանքերը ապարդիւն անցան: Ճիշտ է, XVI դարում դեռեւս առկայ չէին ռուս-իրանական կայուն առեւտրական կապեր, սակայն բազմաթիւ փաստեր վկայում են այն մասին, որ որպէս այդ առեւտրի միջնորդներ առաւելապէս հանդէս էին գալիս հայ վաճառականները:

Յայտնի է, որ հայերը Մոսկովեան պետութեան հետ առեւտուր էին անում նրա կողմից Վոլգա-Կասպեան ճանապահը ձեռք բերելուց դեռ շատ առաջ: Առհասարակ Վոլգեան մայրուղին ծանօթ էր հայերին հնագոյն ժամանակներից ի վեր. որոշակի տւեալներով տակաւին մ.թ.ա. I դ. մարերն ու հայերը ցամաքային ճանապարհով Միջագետքից արեւելեան ապրանքներ էին հասցնում Կասպից ծովի հիւսիսային շրջանները: [213, էջ 16] Իւան III-ի կառավարման շրջանում հայ-ռուսական կապերը նշանակալիօրէն աշխուժանում են: Իսկ Ղազանում ու Աստրախանում ռուսների ամրապնդումից յետոյ կայուն նախապայմաններ ստեղծւեցին Ռուսաստանի հետ հայ վաճառականների առեւտրի ծաւալման համար: Պատահական չէ, որ թաթարական իշխանութիւնների դէմ ռուսների մղած պայքարի ընթացքում հայերը հանդիսանում էին ռուսական զէնքի յաղթանակի ջերմ կողմնակիցներ: «Ղազանի տարեգրութիւնը», օրինակ, տեղեկութիւն է տալիս այն մասին, որ պատերազմից յաղթանակով վերադարձած ցարին ու զօրքերին Մոսկւայում ցնծադին դիմա-

ւորողների շարքում եղել են բազմաթիւ հայեր: [215, էջ 154: 216, էջ 83] Ի նշանաւորումն այս յաղթանակի, Իւան Ահեղը Մոսկւայի կենտրոնում կառուցել է տւել Վասիլի Երանելու տաճարը, որի եկեղեցիներից մէկը նւիրել է Հայոց Լուսաւորիչ Գրիգոր Պարթեւին: Լ. Սաչիկեանը այդ առթիւ ենթադրում է, որ եթէ Մոսկւայի հայերը Ռուսաստանի տնտեսական կեանքում զգալի դեր կատարած չլինէին, այդ փաստը կմնար առանց բացատրութեան: [216, էջ 83] Այլ կերպ ասած այդ փաստի մէջ նա տեսնում է հայերին սիրաշահելու խորհուրդ:

Իւան Ահեղի կողմից Ղազանի խանութեան եւ Աստրախանի նւաճումը, ինչպէս նաեւ Սիրիոյ խաների ու Նոդայի իշխանների կողմից ռուսական գերիշխանութեան ճանաչումը ունեցան այն հետեւանքը, որ Վոլգեան մայրուղին մէկ ծայրից միւսը, իր ամբողջութեամբ՝ անցաւ ռուսական տիրապետութեան տակ եւ այդպիսով բացւեց Վոլգայից Կասպից ծով տանող երթուղին: Անմիջապէս Շամախիի եւ Շիրվանի բեկլարբեկները դեսպաններ են ուղարկում Մոսկւա՝ խնդրելով վերականգնել Մոսկովեան պետութեան հետ հայ վաճառականների ունեցած հնամենի առեւտրական արտօնութիւնները եւ վերսկսելու առեւտուրը Ռուսաստանի հետ Աստրախանի վրայով: Իւան IV-ը բաւարարում է նրանց խնդրանքը:

[217, էջ 24]

Այդ ժամանակաշրջանից սկսած հայ վաճառականները սկսում են Ռուսաստան այցելել ոչ միայն Իրանից ու Հնդկաստանից, այլեւ Հոլանդիայի, Իտալիայի, Լեւանտի ու Ղրիմի հայ գաղթօջախներից, ինչպէս նաեւ Արեւմտեան Հայաստանից: 1555 թ. Ռուսաստան այցելած վննետիկեան դեսպան Փր. Դիերոյոն, օրինակ, վկայում է, որ առեւտրական գործերով Մոսկովիա, Ղազան եւ Նովգորոդ էին ժամանում բազմաթիւ հայ վաճառականներ, իրենց հետ բերելով բազմապիսի արեւելեան ապրանքներ: [37, էջ 404] Իսկ ջննդագի Պավել Իովին, որը 1507 թ. այցելել էր Աստրախան, վկայում է, որ արեւելեան վաճառականները, մասնաւորապէս հայերը, այդ քաղաքում ունէին մեծ առեւտուր: [218, էջ 36] Աղբիւրներում յիշատակութիւն կայ նաեւ ոմն Յակոբ Հայի մասին, որը Կասպից ծովի վրայ 35 տոննայ ջրատարողութեամբ նաւատէք էր: Յիշատակում է նաեւ Կասպից ծովի Նիզարադ նաւահանգիստի մօտ հայկական մի գիւղի առկայութեան մասին, որը ներգրաւած էր առեւտրի մէջ: [4, էջ 442-443] Նովգորոդում արեւելեան երկրներից ժամանած հայ վաճառականների քանակը այնքան է մեծանում, որ

դեռեւս 1480 թ. հրապարակած հրովարտակով սահմանոււմ է լիտովցիներէրից, թուրքերից եւ հայերից գանձուող հարկերի չափը: [219, էջ 61] Ռուսաստանոււմ հայ վաճառականների նշանակալից առեւտրի մասին է վկայոււմ նաեւ Մոսկւայոււմ այսպէս կոչուած «Հայկական տան» կամ «Հայկական կարաւանատան» առկայութիւնը, որտեղ, ի դէպ կանգ էին առնոււմ նաեւ պարսիկ վաճառականները: [220, էջ 80]

Թէեւ ռուսական կառավարութիւնը սահմանափակել էր արեւելեան վաճառականների գործունէութեան վայրերը, այդուամենայնիւ, Արեւելքից ներմուծւած ապրանքները Ռուսաստանոււմ լայն տարածոււմ էին գտնոււմ: Ռուս վաճառականները հայերից ձեռք բերելով այդ ապրանքները, դրանք վաճառքի էին հանոււմ ոչ միայն Ռուսաստանի կենտրոնական քաղաքներոււմ, այլեւ հիւսիսային եւ հիւսիս-արեւելեան ամենահեռաւոր շրջաններոււմ: «Այս հանգամանքը, - գրոււմ է Մ. Ֆեինները, - ակնառու կերպով հաստատոււմ է, որ ռուսական ներքին շուկայի համար արեւելեան առեւտուրն ունեցել է ոչ փոքր նշանակութիւն»: [219, էջ 60-63]

Հայ վաճառականների առեւտրի հիմնական առարկան XVI դարոււմ եղել է հում եւ մշակւած մետաքսը: Սակայն նրանք մեծ չափերի հասնող առեւտուր են արել նաեւ այնպիսի ապրանքներով, ինչպիսիք են օրինակ թանկագին քարերը, մորթիները, կաշին, մոմը եւ այլն:

Ռուսաստանի հետ հայերի առեւտրա-տնտեսական յարաբերութիւնների մէջ առանձնակի տեղ էր զբաղոււմ Աստրախանը, որտեղ հանգուցաւորոււմ էին հարաւի եւ հիւսիսի միջազգային ապրանքաշրջանառութեան ճանապարհները: Շամախու, Աստրախանի, Կազանի, Արխանգելսկի, Տւերի եւ Նովոգորոդի վրայով Սեւ, Սպիտակ եւ Բայթիկ ծովերի հանգուցաւորման համար մեծ կարեւորութիւն էին ստանոււմ յատկապէս հայ վաճառականները: [17, էջ 440] Դեռեւս մինչեւ Աստրախանի նւաճումը ռուսների կողմից հայ եւ պարսիկ վաճառականները ժամանոււմ էին այնտեղ, ապրանքներ բերելով Իրանից, Բուխարայից, Սիւլայից եւ Հնդկաստանից: [220, էջ 12]

XVI դարոււմ Ռուսաստանի հիւսիսոււմ ցարի իշխանութիւնը մինչեւ Սպիտակ ծով հասնելուց իսկ հարաւոււմ ռուսների կասպից ծով գուրս գալուց յետոյ Արեւմտեան Եւրոպայի երկրները ռեալ հնարաւորութիւն ստացան Հիւսիսային ծովի եւ Վոլգա-Կասպեան ճանապարհով անմիջական առեւտրական յարաբերութիւններ հաստատելու Իրանի եւ Ռուսաստանի հարաւոււմ գտնուող այլ երկրների հետ: Դեռեւս XV դարի 70-ական թւականներին Իրանոււմ Վենե-

տիկեան հանրապետութեան ղեսպաններ Կոնտարինին եւ Բարբարոն այդ ճանապարհի վրայ ուշադրութիւն էին դարձրել:

Իսկ XVI դարի սկզբին աւստրիական բարոն Սիգիզմունդ Հերբերշտէյնը իր «Մոսկովեան գործերի մասին գրութիւններում» շեշտում էր այդ ուղու նշանակութիւնը արեւմտասերոպական պետութիւնների արեւելեան առեւտրի համար: [221] Սակայն առաջինը անգլիացիները զնահատեցին այդ ճանապարհի նշանակութիւնը իրենց առեւտրա-տնտեսական շահերի համար եւ 50-ական թւականներին կազմակերպեցին մի արշաւախումբ Չենայերի գլխաւորութեամբ, որի հետեւանքով Արեւմուտքի հետ ստեղծեց ուղիղ ծովային կապ: Բալթիկ ծովով հիւսիսային ճանապարհի յայտնագործումը այն աստիճանի կարեւոր իրողութիւն էր, որ անգլիացիները համեմատում էին պորտուգալացիների կողմից Հնդկաստան տանող ծովային ճանապարհի յայտնագործման հետ: Այսպէս կոչւած անգլիական «Մոսկովեան ընկերութեանը» առեւտրական արտօնութիւնների տրամադրումը նպաստեց Արեւմուտքի հետ Ռուսաստանի առեւտրա-տնտեսական կապերի աննախադէպ ընդլայնմանը: [222, էջ 68-69]

«Հիւսիսային ճանապարհի» բացումից յետոյ եւրոպական համարեա բոլոր առաջատար պետութիւնները սկսեցին եռանդուն ջանքեր գործադրել, որպէսզի ստանան ռուսական պետութեան վրայով իրանի հետ առեւտրի մենաշնորհը: Արեւմտասերոպական երկրների մեծ հետաքրքրութիւնը ռուսական տարանցիկ ճանապարհի նկատմամբ բացատրում է նրանով, որ XVI դարի երկրորդ կէսին իրանական շուկա ներթափանցելու ուղիները վերին աստիճանի սահմանափակ էին, քանի որ Լեւանտեան ճանապարհը հանդիսանում էր վեներտիկի եւ իտալական միւս ճանրապետութիւնների մենաշնորհը, իսկ Հնդկական ովկիանոսում եւ Պարսից ծոցում տիրապետում էին պորտուգալացիները: Գաղութային քաղաքականութեան ուղու վրայ կանգնած Անգլիային ու Հոլանդիային Վոլգա-Կասպեան ճանապարհը հետաքրքրում էր ոչ միայն իրան ներթափանցելու, այլեւ այդ երկրի վրայով անցնող համաշխարհային առեւտրի ուղիներին տիրանալու համար:

Բացի այդ, Վոլգա-Կասպեան ճանապարհը թուրքական ցամաքային տարանցիկ ուղու, ինչպէս նաեւ Աֆրիկայի շուրջը ծովային ճանապարհի հետ համեմատած շատ աւելի կարճ էր: Ըստ շեղացի կիրճուրգների տւեալների, ովկիանոսային ճանապարհով ուղեւորութիւնը Անգլիայից Պարսից ծոց տեւում էր մօտ մէկ եւ կէս

տարի, ընդ որում առանց նաւագնացութեան ելքի համար երաշխիքներ: Իսկ Ֆիննական ծովով եւ Վոլգա-Կասպեան ճանապարհով Հոլանդիայից ուղեւորութիւնը Իրան տեւում էր ընդամենը 7-8 ամիս: Կիրքուրգերը եզրակացնում էր, որ իրանական առեւտուրը յիշեալ ճանապարհով ամենայրմարն է ու անվտանգը: [223, էջ 149] Այդ ճանապարհի կարեւոր առաւելութիւններից էր նաեւ այն, որ Արխանգելսկ-Աստրախան հսկայ ճանապարհն անցնելիս վաճառականները մաքսավճարում էին անելու միայն Արխանգելսկում ապրանքի տաս տոկոսի եւ Մոսկւայում հինգ տոկոսի չափով: [81, էջ 38-41]

Իհարկէ, Վոլգա-Կասպեան ճանապարհը եւս ունէր իր անյարմարութիւնները: Նախ ձմռանը առաջանում էին մեծ դժւարութիւններ: Այնուհետեւ խիստ վտանգաւոր էր պրիմիտիւ նաւերով Կասպից ծովով նաւարկելը: Բացի այդ, Վոլգայի ստորին հոսանքներում առեւտրականներին դարանակալում էին նողայ ելուզակները եւ կոզակները:

XVI դարի երկրորդ կէսին եւ ողջ XVII դարում եւրոպական համարեա բոլոր պետութիւնները եռանդուն գործունէութեան էին լծել ռուսական կառավարութիւնից ստանալու համար Վոլգա-Կասպեան ճանապարհով Ռուսաստանի եւ նրա վրայով նաեւ Իրանի հետ առեւտուր անելու արտօնութիւն: Առանձնակի յամառութեամբ այդ իրաւունքը ձեռք բերելու համար պայքարում էին կապիտալիստական զարգացման ուղին թեւակոխած առեւտրական երկու հզօր պետութիւնները՝ Անգլիան եւ Հոլանդիան: [224, էջ 13-14, 225, էջ CLXXIII]

Սակայն առանձին կարճժամկէտ բացառութիւններով հանդերձ վերոյիշեալ ուղղութեամբ եւրոպական պետութիւնների գործադրած բազում ջանքերը աւարտւեցին ձախողմամբ գլխաւորապէս այն պատճառով, որ այդ ժամանակ ցարական կառավարութիւնը հետեւողականօրէն վարում էր Ռուսաստանում եւրոպական առեւտրական կապիտալի սահմանափակման քաղաքականութիւն: Յարական արքունիքը կռահել էր, որ ռուսական պետութեան մէջ տնտեսապէս հզօր արեւմտեան երկրների առեւտրական գործունէութեան ազատութիւնը անխուսափելիօրէն կհանգեցնի դեռեւս թոյլ ու անզօր ռուսական առեւտրական կապիտալի թուլացմանը եւ լաւ կազմակերպւած օտարերկրեայ առեւտրական ընկերութիւններից կախեալ վիճակի մէջ ընկնելուն: Այդ նոյն գիտակցութեամբ ռուսական վաճառականութիւնը անհաշտ դիրք էր

գրաւել օտարերկրեայ ընկերութիւնների ու առեւտրական կապիտալի նկատմամբ: Նրա համար տնտեսական պայքարի միջոցները եղան անբաւարար եւ այդ պատճառով մնում էր ապաւինել աւտտական ճորտատիրական պետութեան պաշտպանութեանը, յորդորելով նրան վարել առեւտրի հովանաւորողական քաղաքականութիւն:

Արեւմտեան պետութիւններին մերժելով Ռուսաստանի վրայով առեւտուր անել իրանի հետ, Մոսկովեան կառավարութիւնը ինքն էր ձգտում այդ երկրի հետ հաստատել անմիջական առեւտրական-քաղաքական յարաբերութիւններ:

Սէֆեան պետութեան եւ Ռուսաստանի միջեւ պաշտօնական դիւանագիտական յարաբերութիւններ հաստատելու նախաձեռնութիւնը պատկանում էր Մոսկւային: Վերջինս 1586 թ. իրան ուղարկեց իր առաջին դեսպանութիւնը, որը կոչւած էր սկիզբ դնել նաեւ երկու պետութիւնների միջեւ կայուն առեւտրական յարաբերութիւնների հաստատմանը: Հետագայում, մինչեւ դարի վերջը, դեսպանութիւնների փոխանակումները դարձան աւելի յաճախակի: [213]

Անհրաժեշտ է նշել, որ ռուս-իրանական բանակցութիւնների ժամանակ քննարկման նիւթ էր հանդիսանում նաեւ ընդհանուր թշնամու՝ օսմանեան Թուրքիայի դէմ երկու պետութիւնների յարձակողական-պաշտպանողական ռազմաքաղաքական դաշինք կնքելու հարցը:

Ռուսաստանի դիւանագիտական ակտիւութիւնը եւ նրա առանձնակի շահագրգռւածութիւնը իրանի հետ ռազմաքաղաքական դաշինք կնքելու ուղղութեամբ պէտք է բացատրել նաեւ նրանով, որ նշւած շրջանում ակտիւացել էր ռուսական ներթափանցումը կովկասի եւ կասպից ծովի շրջանը: 1595 թ. մայիսին յաջողութեամբ ւաւրտելով պատերազմը Շւեդիայի հետ, Բալթիկ ծով գուրս գալու համար, ռուսական պետութիւնը կարողացաւ որոշ չափով ուժեղացնել իր պայքարը Թուրքիայի վասալ Ղրիմի խանի դէմ: Ուշքի գալով 1603-1612 թ.թ. գիւղացիական պատերազմի ցնցումներից եւ լեհական ու շվեդական ինտերվենցիայի հետեւանքով Ռուսաստանում ծայր առած անիշխանութիւնից ու համընդհանուր քայքայումից, ռուսական կառավարութիւնը ձգտում էր Արեւելքի հետ իր ունեցած կապերին հաղորդել աւելի հաստատուն բնոյթ: Ռուսաստանը մեծ պետութիւն դարձնելու ձգտումը աւելի ու աւելի էր արմատաւորուում ռուս

քաղաքական գործիչների գիտակցութեան մէջ, որը մղում էր նրանց ոչ միայն յամառ պայքար մղել դէպի Եւրոպա ծովային ելք ունենալու համար, այլեւ առաջին քայլերը կատարել Արեւելքի անծայրածիր շուկաները ներթափանցելու ուղղութեամբ: Ընդ որում, եթէ նոր ոտքի կանգնող ռուսական առեւտրական կապիտալը Եւրոպայում կարող էր հանդիպել տեղական կազմակերպւած, հարուստ եւ ուժեղ առեւտրական ընկերութիւնների դիմադրութեանը, ապա թոււմ էր Արեւելքում ասպարէզն ազատ է: Պատահական չէ, որ շրջահայեաց ու խոհուն, դիտողական կարողութիւններով օժտւած ռուս վաճառական Փեդոտ Կոտովին, որը 1623-1624 թ.թ. այցելել էր Իրան, հետաքրքրւում էր ամէն ինչ առեւտրի կենտրոնները, առեւտրական ուղիները ռուսական պետութիւնից դէպի Իրան եւ այնտեղից Հնդկաստան, Չինաստան եւ այլն, օտարերկրեայ վաճառականների առեւտուրն Իրանում, հում մետաքսի արտադրութեան վայրերը, երկրի բարեկեցութիւնը, վերջապէս պարսիկների նիստուկացը եւ այլն: [226]

Թոււմ էր, թէ Իրանական կողմը եւս, մասնաւորապէս շահ Արբաս Էր (1587-1629 թ.), որը 1590 թ. մարտին Թուրքիայի հետ ստորագրել էր հաշտութեան ծանր պայմանագիր եւ տենդագին նախապատրաստութիւններ էր տեսնում նրա դէմ նոր պատերազմ սկսելու համար, իր հերթին պէտք է դրսևերթի դիւանագիտական ակտիւութիւն եւ կենսական շահագրգռւածութիւն իր վտանգաւոր ու ռիսերիմ ֆիսոյեանի դէմ՝ ռուսական պետութեան հետ ռազմաքաղաքական դաշինք կնքելու հարցում: Այս հարցադրումը միանգամայն տրամաբանական է, եթէ նկատի ունենանք, որ սկսած XVI դարի 90-ական թւականներից շահը դեսպանութիւններ էր ուղարկում Եւրոպա եւ առաջին հերթին այն երկրները, որոնց անմիջականօրէն սպառնում էր թուրքերի եւ Ղրիմի խանի ներխուժման վտանգը: [227] Ընդորում, այդ բանակցութիւնների ժամանակ շահը լայնօրէն օգտագործում էր հայ բանագնացներին: Սակայն որքան էլ որ տարօրինակ է եւ առաջին հայեացքից անհասկանալի, շահ Արբաս Էր փորձում էր թուրքիայի դէմ ռազմական դաշնակիցներ գտնել արեւմտաեւրոպական պետութիւնների շրջանում, չփորձելով համաձայնութեան գալ Ռուսաստանի հետ, որն այդ հարցում կարող էր լինել Իրանի բնական դաշնակիցը: Ռուս իրանագէտ Պ.Պ. Բուշելը այդ առթիւ նշում է. «Ինչպէս ցոյց է տալիս արխիւային փաստաթղթերի ուսումնասիրութիւնը, Մոսկովեան պետութեան հետ շահ Արբաս Էր

քաղաքական յարաբերութիւններում երբեք չէր դրոււմ թուրքերի դէմ ռազմական դաշինք կնքելու հարց: Թերեւս միակ բացառութիւնը հետեւեալ դէպքն էր. 1811 թ. վերջին շահը Հոսոմի պապի մօտ է ուղարկոււմ քարմելիթեան միաբանութեան անդամ Թադդէուսի ղեկավարութիւնը, որի կազմի մէջ կային նաեւ երկու հայ վաճառականներ եւ մէկ հոգեւորական: Դեսպանութեանը յանձնարարած էր այցելել Ռուսաստան ու Լեհաստան եւ համոզել նրանց թագաւորներին՝ համատեղ պայքար մղել թուրքերի դէմ: Սակայն այս ղեկավարութիւնը ոչ միայն չհասաւ իր նպատակին, այլեւ ակամայից նպաստեց ռուս-իրանական յարաբերութիւնների սրմանը: Ենթադրելով, որ ղեկավարութիւնը Մոսկւայ է ուղեւորոււմ շարամիտ դիտաւորութեամբ, Աստրախանի վոյեւոդ Ի. Սերոստինինը բանտարկոււմ է ղեկավարութեան անդամներին: Բանտարկութեան երրորդ տարւայ վերջին հայ վաճառականներին յաջողոււմ է փախչել եւ եղելութեան մասին պատմել շահ Աբրասին: Վերջինս անմիջապէս վոյեւոդից պահանջոււմ է վերադարձնել ղեկավարութեանը, հակառակ դէպքում սպառնալով մի ամբողջ բանակով յայտնել Աստրախանում՝ նրան փրկելու համար: Այդ ժամանակ Աստրախանում գտնուող Մարինա Մնիշէկի միջնորդութեամբ Թադդէուսը եւ նրա ուղեկիցները ազատոււմ են եւ 1814 թ. վերադառնոււմ Սպահան: [52 Հատ I, էջ 72]

Արդ, որոնք էին շահական կառավարութեան կողմից Ռուսաստանին թուրքիայի դէմ դաշնակից դարձնելու հարցը հաշիւից դուրս թողնելու կամ անտեսելու պատճառները: Դրանք բազմաթիւ էին, որոնցից կարեւորները մեր կարծիքով հետեւեալներն էին. Ռուսաստանի անզուսպ առաջխաղացումը դէպի հարաւ եւ առհասարակ նրա աճող հետաքրքրութիւնը այն շրջանների նկատմամբ, որոնք Սէֆեանների կողմից դիտոււմ էին որպէս իրանական ազդեցութեան գօտիներ, լրջօրէն անհանգստացնոււմ էին շահ Աբրաս Էին եւ նրա հետեւորդներին: Աւելին, նրանց այս մտավախութեան եւ թուրքերի տագնապների միջեւ կային շատ ընդհանրութիւններ: Այս հարցում, որքան էլ որ տարօրինակ է, երկու ախոյեանների միջեւ գոյութիւն ունէին շահերի որոշ միասնութիւն, որոնց մասին, ճիշտ է, շատ մշուշապատ ձեւով, սակայն յամառ հետեւողականութեամբ, նրանց քաղաքական բանակցութիւնների ընթացքում ժամանակ առ ժամանակ յիշատակոււմ էր: [108] Մասնաւորապէս, շահական կառավարութիւնը վախենոււմ էր, որ Ռուսաստանի ազդեցութիւնը կտարածւէ Դաղստանի վրայ, իսկ նրա վրայով նաեւ

ուսաները անմիջական կապեր կհաստատեն Վրաստանի եւ Հայաստանի դաւանակից ժողովուրդներին հետ: Հանրայայտ իրողութիւն է, որ 1605 թ. սկսած Արբաս Էր զինւած պայքար սկսեց ուսական ազդեցութիւնը Արեւելեան Վրաստանում վերացնելու եւ այն մահմեդական խանութեան վերածելու համար: Վրացական հարցը այսուհետեւ դառնում էր ուս-իրանական հակասութիւնների հիմնական հարցերից մէկը:

Խնդրին այս տեսանկիւնից մօտենալով, մենք բնաւ պատահական չենք համարում նաեւ այն, որ շահ Արբաս Էր, որը հետեւողականօրէն փորձում էր Իրանի արտաքին առեւտրի ուղին թուրքական ցամաքային ճանապարհներից շեղել այլ կողմ իր ախոյեանին տնտեսական հարած հասցնելու եւ միաժամանակ նրանից իր կախաճութիւնը վերացնելու միտումով, երբեք չփորձեց օգտւել ուսական Վոլգա-Կասպեան ճանապարհից, բացառապէս իր ուշադրութիւնը կենտրոնացնելով Պարսից ծոցի ծովային ճանապարհի վրայ: [228]

Շահ Արբաս Էի կառավարման տարիներին ուս-իրանական քաղաքական յարաբերութիւնները միանգամայն անպտուղ դուրս եկան, չհանգեցնելով որեւէ շօշափելի արդիւնքների: Ինչպէս նշուեց, ծաւալում չստացան նաեւ նրանց առեւտրա-տնտեսական յարաբերութիւնները: Այս բնագաւառում թերեւս միակ կապող օղակը, արեւելահայ, առաւելապէս ջուղահայ վաճառական խոջաններն էին, որոնց այցելութիւնները Ռուսաստան նպաստում էին այն բանին, որ ուս-իրանական առեւտրական կապերը չխզւեն:

Ռուսական արխիւային փաստաթղթերից, օրինակ, մենք տեղեկանում ենք, որ 1626 թ. գարնանը Մոսկւա են ժամանել մի խումբ հայ վաճառականներ, իրենց հետ բերելով բազմապիսի արեւելեան ապրանքներ: [229, էջ 3-4] Պէտք է ենթադրել, որ նման փաստերը եզակի չէին: Դժբախտաբար 1626 թւականից առաջ ընկած շրջանի արխիւային բոլոր նիւթերը այլուել են այդ նոյն թւականին Մոսկւայում բռնկած հրդեհի ժամանակ: Այդ պատճառով XVII դարի առաջին քառորդի հայ-ուսական յարաբերութիւնների, այդ թւում նաեւ առեւտրի մասին, մենք համարեա նիւթեր չունենք: Մի բան սակայն ակնյայտ է, որ հայերի առեւտրական կապերը Ռուսաստանի հետ երբեք չեն դադարել: Դրանում շահագրգռւածութիւն էր զբոսեւորում նաեւ ուսական արքունիքը, որովհետեւ մի շարք ապրանքների, եւ առաջին հերթին հում մետաքսի, գնման ու վաճառահանման մենաշնորհը պատկանում էր գանձարանին, որը

այդ առեւտրից ստանում էր խոշոր շահոյթներ:

Այդ շրջանում Մոսկւայի հետ տնտեսական սերտ կապերի մէջ էին նաեւ արեւմտահայ, մասնաւորապէս թոխաթեցի վաճառականները: Եւ դա չնայած նրան, որ XVI դարի վերջերին եւ XVII-ի սկզբներին Օսմանեան կայսրութիւնն արեւոյժում էր Զալայիների հուժկու ապստամբութիւններից: Դրա հետեւանքով Փոքր Ասիայի արհեստագործութեան եւ առեւտրի նշանաւոր կենտրոնները կողոպտւում ու ւաւերում էին:

Թուրքիայից հայ վաճառականները Ռուսաստան էին ներմուծում գլխաւորապէս ձէթ, մերձարեւադարձային պտուղներ, մեղրամոմ, սուրճ, արեւելեան արտադրութեան դանազան պերճանքի առարկաներ, յատկապէս արծաթեղէն, իսկ Ռուսաստանից Թուրքիա էին արտածում հացահատիկ, կաշեղէն, մորթեղէն, երկաթեղէն եւ այլն:

Արեւմտահայ վաճառականները Ռուսաստանի հետ իրենց առեւտուրը իրականացնում էին ինչպէս ջրային, այնպէս էլ ցամաքային ճանապարհներով: Սկիզբ առնելով Կոստանդնուպոլսից, ջրային առեւտրական այդ ուղին այնուհետեւ անցնում էր Սինոպ-Կաֆա-Ազով, որտեղից Դոն եւ Օկա գետերով հասնում էր մինչեւ Մոսկւա: Կոստանդնուպոլսից Մոսկւա ցամաքային կարաւանային ճանապարհը իրագործւում էր հետեւեալ ուղերթով. Ադրիանոպոլիս - Ակքերման - Օչակով - Պերեկոպ - Պուտիւլ - Սեւերսկի - Նովգորոդ - Բրեանսկ - Բրին - Կալուգա - Մոսկւա: Գործել են նաեւ մի շարք այլ ճանապարհներ, օրինակ, Տուլայի, Լիւնիի եւ Վալոյկիի վրայով դէպի Ազով տանող կամ Մոսկւա - Չեռնիգով - Կիեւ - Դնեպր - Սեւ Ծով - Կոստանդնուպոլսու երթուղով, որոնք սակայն աչքի չեն ընկել իրենց բանուկութեամբ եւ առեւտրա-տնտեսական դերով:

Ռուսաստանի եւ Թուրքիայի միջեւ տարանցիկ առեւտրում Ղրիմի եւ մասնաւորապէս Կաֆայի հայ վաճառականները խողացել են միջնորդ առեւտրականների դեր:

Համայն Ռուսիայի մայրաքաղաք դարձած Մոսկւայում հայ վաճառականներն ու տարբեր զբաղմունքի տէր մարդիկ գնալով աւելի ու աւելի էին շատանում: Նրանցից շատերը մշտական բնակուցիւն էին հաստատում Մոսկւայում, առաւելապէս զբաղւելով առեւտրով: Ի տարբերութիւն նախորդ ժամանակների, այդ վաճառականները իրենց մեծամասնութեամբ, այլեւս ղրիմահայեր կամ Թուրքական տիրապետութեան տակ անցած հայկական նահանգների

հետ կապւած հայեր չէին, այլ Արեւելեան Հայաստանից, Վրաստանից եւ Իրանի տիրապետութեան տակ գտնուող Անդրկովկասեան խանութիւններից տեղափոխուածներ: [210, էջ 89].

Սակայն այս բոլորով հանդերձ XVII դարի առաջին կէսի ընթացքում հայ-ուսական առեւտրական յարաբերութիւնների ընդգաւառում շեշտակի վերելք տեղի չունեցաւ, որը հետեւանք էր ուս-իրանական քաղաքական յարաբերութիւնների որոշակի սառեցման: Բանը նրանում է, որ շահ Արբաս Է-ի հետնորդները իրենց նախորդին ընտրոչ հետեւողականութեամբ չչարունակեցին եւրոպական տէրութիւնների հետ հակաթուրքական ռազմական դաշինք կնքելու բանակցութիւնները: Դա անշուշտ, վկայում է այն մասին, որ նրանք հրասթափել էին այդ ընդգաւառում արդիւնքի հասնելու հնարաւորութիւնից: Իրանական արքունիքում արդէն շատերն էին գիտակցում այն իրողութիւնը, որ եւրոպայում առկայ քաղաքական եւ կրօնական խոր ճգնաժամը եւ պետութիւնների միջեւ գոյութիւն ունեցող սուր հակասութիւնները նման դաշինք կնքելու հաւանականութիւնը հաւասարեցնում են զրոյի: Բացի այդ, միանգամայն որոշակիորէն ուրազծում էր այն ճշմարտութիւնը, որ Եւրոպայի մեծ պետութիւնները իրենց առեւտրական շահերից ելնելով մերձաւորարեւելեան քաղաքականութեան մէջ շատ յաճախ դրսեւորում են թուրքամէտ ձգտումներ, [230, էջ 14] ամենակարեւորը, թերեւս այն էր, որ Սպահանում արդէն կռահում էին, որ արեւմտեան տէրութիւնների քաղաքականութիւնը հանգում է նրան, որ թուրք-իրանական երկարատեւ ու հիւժիչ պատերազմների միջոցով նախ թուրքերի ուշադրութիւնը շեղեն եւրոպական գործերից եւ ապա օսմանեան կայսրութիւնը թուլացնեն՝ Ասիայի երկրների ու առաջին հերթին Իրանի ռազմական ուժերի օգնութեամբ:

Այս բոլորը, զուգորդելով տեղական իրադրութեան հետ, ստիպեցին շահական կառավարութեանը 1639 թ. Չոհարում օսմանեան թուրքիայի հետ կնքել խաղաղութեան պայմանագիր, որը կարգաւորում էր հարեւան պետութիւնների միջեւ առկայ մի շարք վիճելի հարցեր, եւ բաւականին տեւական մի ժամանակաշրջան՝ գրեթէ մի ամբողջ դար այն չխախտեց: Այդ պայմանագիրը Սէֆեան Իրանի արտաքին քաղաքականութեան մէջ մտցնում էր էական փոփոխութիւններ: Նախ միառժամանակ վերանում էր եւրոպական պետութիւնների հետ հակաթուրքական դաշինք կնքելու անհրաժեշտութիւնը, այնուհետեւ պայմանագիրը հնարաւորութիւն

էր տայիս Սէֆեան կառավարութեանը Ռուսաստանի նկատմամբ որդեգրելու կոշտ քաղաքականութիւն՝ որպէս պատասխան կովկասի նկատմամբ նրա վարած եռանդուն քաղաքական կուրսի: Կարելի է նոյնիսկ անվարան կերպով ասել, որ 1639 թ. պայմանագրի կնքումից յետոյ Իրանը այլեւս չէր թաքցնում իր թշնամական տրամադրութիւնները Ռուսաստանի նկատմամբ: Կովկասում իր տիրապետութիւնը պահպանելու համար Իրանը նոյնիսկ չհորշեց Ռուսաստանի հետ ռազմական ընդհարումից: Իր հերթին Մոսկովեան պետութիւնը եւս արդէն հարկ չէր համարում նրբանկատութիւն դրսեւորել Սէֆեան կառավարութեան նկատմամբ: Երկուստեք, գիտակցարար, կողմերը գնում էին առճակատման եւ որպէս դրա հետեւանք միառժամանակ նրանց միջեւ տեղի ունեցաւ առեւտրական-դիւանագիտական յարաբերութիւնների խզում: [231]

Չնայած յարաբերութիւնների այս լարւածութեանը, հայ վաճառականները շարունակում էին իրենց առեւտուրը Ռուսաստանի հետ, նախկինի պէս կատարելով ռուս-իրանական առեւտրի միջնորդի դեր: 1647 թ. մարտի 14-ին Ի. Թաւաքալեանը դիմում է Ալէքսէյ Միխայլովիչ ցարին՝ խնդրելով իրեն տրամադրել արտօնագիր Ռուսաստանում ազատ առեւտուր անելու վերաբերեալ: [220, էջ 8-10] Այդ առթիւ Յ. Տէր Յովհաննեսը հաղորդում է հետեւեալ տեղեկութիւնը. «Թաւաքալեանք կամ Աւաքալեանք էին յականաւոր տոհմից Ջուղայու, որք գտուրեւառութեանն իւրեանց բազուկ ձգեցին ի Ռուսաստան, եւ յամի 1647 խնդրամատոյց լեալ կայսերն ընկալաւ հրաման մուծանելոյ զվաճառս իւր ի Ռուսաստան առանց մաքսից»: [51, էջ 147, 175]

Ընդհուպ մինչեւ XVII դարի 60-ական թւականները ռուս-իրանական յարաբերութիւնները մնում էին լարւած վիճակում: Դրանից բխող տնտեսական վնասները աւելի շօշափելի էին ներքին հակասութիւններից ծւաւուող եւ անընդհատ ֆէոդալական երկհատակութիւնների մէջ գտնուող Սէֆեան Իրանի համար: Պատահական չէ, որ հէնց վերջինս էլ դրսեւորեց գիջումների կատարական պատրաստակամութիւն եւ առաջինը քայլ կատարեց Ռուսաստանի հետ յարաբերութիւնների կարգաւորման ուղղութեամբ: 1658 թ. Մոսկւա ուղարկեց մի դեսպանութիւն Դաքուլ Սալթան խանի գլխաւորութեամբ: Բանակցութիւնների ժամանակ պարզեց, որ եթէ յարաբերութիւնները վերականգնելիս Ռուսաստանը ղեկավարուում է եւ տնտեսական եւ քաղաքական շար-

ժառիթներով, ապա իրանը ձգտում է լոկ ապահովել ակտիւ առեւտրական յարաբերութիւններ, բնաւ մտադրութիւն չունենալով խախտել 1630 թ. հաշտութեան պայմանագիրը Թուրքիայի հետ: Աւելին, իրանական արքունիքում Ռուսաստանին մշտապէս համարում էին պոտենցիայ թշնամի, երբեմն նոյնիսկ աւելի վտանգաւոր, քան արեւմտեան ախոյեանը՝ Թուրքիան, որովհետեւ Ռուսաստանի կովկասեան քաղաքականութեան ուրւականը պարսիկ քաղաքագէտների գիտակցութեան մէջ դժագրւում էր աւելի սպառնալից գոյներով:

Այս շրջանում Ռուսաստանի կովկասեան քաղաքականութեան հետապնդած կարեւորագոյն նպատակներից մէկն է դառնում այդ երկրամասում Թուրքիայի դէմ ռազմական յենակետի ստեղծումը: Ռուսական քաղաքական շրջաններում գտնում էին, որ այդ նպատակին հասնելու համար խիստ կարելոր է հայկական առեւտրական կապիտալի միջոցով Անդրկովկասը Ռուսաստանին կապելը: [232, էջ 63] Բացի այդ, XVII դարի կէսերին ռուսական կառավարութիւնը որդեգրել էր մերկանտիլիստական ծրագիր, որի բաղկացուցիչ մասն էր հանդիսանում արտաքին առեւտրի ուժեղացումը: Պատահական է, որ Ալէքսէյ Միխայլովիչ ցարը իրար հետեւից արեւելեան երկրներ (Իրան, Չինաստան, Հնդկաստան եւ այլն) էր ուղարկում դանազան զեսպանութիւններ: [233, էջ 14-15]

Այսպիսով շահ Աբրահ Ի-ը (1642-1686 թ.թ.) փորձում էր Ռուսաստանի հետ յարաբերութիւններում քաղաքականութեան եւ առեւտրի ոլորտները տարաբաժնել միմեանցից: Այդ պատճառով նա խուսափում էր Ռուսաստանի հետ յարաբերութիւնների վերականգնումը իրականացնել պաշտօնական խողովակներով դեսպանութիւններ ուղարկելով: Նա որոշեց կիրառել իր պապի՝ շահ Աբրահ Ի-ի եւ հօր՝ Սէֆի Ի-ի (1620-1642 թ.թ.) կողմից բազմիցս փորձած եղանակը՝ հայ վաճառականներին որպէս դիւանագիտական յանձնակատարներ ու բանագնացներ օգտագործելու ձեւը: Տւեալ ժամանակաշրջանում դա խիստ արդիւնաւէտ կարող էր լինել մանաւանդ այն պատճառով, որ Նոր Զուղայի հայ առեւտրական բուրժուազիայի ներկայացուցիչները սեւեռուն հետաքրքրութիւն էին դրսեւորում ռուսական շուկայի եւ Ռուսաստանի վրայով անցնող տարանցիկ ճանապարհների նկատմամբ:

✓ 1660 թ. Սպահանից Մոսկւա ժամանեց «Նոր Զուղայի հայկական առեւտրական ընկերութեան» ներկայացուցիչ խոջա Զաքար

Շահրիմանեանը, որը ջուղահայ խոջայական կապիտալի աչքի ընկնող ներկայացուցիչ Սահրադ Շահրիմանեանի որդին էր: Նրան ուղեկցում էին ինը անւանի վաճառականներ: Զաքար Շահրիմանեանը Ալէքսէյ Միխայլովիչ ցարին նւիրեց հայ վարպետների կողմից պատրաստւած նշանաւոր «աղամանդեայ գահը» եւ բազմաթիւ այլ արժէքաւոր նւերներ, որոնց թւում նաեւ ջուղահայ յայտնի նկարիչ Թանդրիվերանի (հետագայում Մոսկւա տեղափոխելուց յետոյ ռուսական միջավայրում նա յայտնի էր Իււան կամ Բողդան Սալթանով անունով) նկարած «Խորհրդաւոր ընթրիք» նկարը: [234, էջ 286-287] Ի դէպ, ցարին նւերներ մատուցելը XVI-XVII դարերում հանդիսանում էր առեւտրի իւրայատուկ ձեւ: Սակայն տւեալ դէպքում մատուցելով այդ թանկարժէք նւերը, ջուղահայ առեւտրական ընկերութեան ներկայացուցիչները ըստ երեւոյթի նյութականում էին ցուցադրել ընկերութեան մեծ հնարաւորութիւնները: Մոսկւայում տեղի ունեցան բանակցութիւններ պետական բարձրաստիճան պաշտօնէութեան եւ Զաքար Շահրիմանեանի միջեւ՝ Ռուսաստանում ջուղահայ առեւտրականների գործունէութեան ընդարձակման հարցի շուրջ: Այդ բանակցութիւնների ժամանակ խոջա Զաքարն աշխատում էր ամէն կերպ ցուցադրել իր համակրանքը ցարի՝ «քրիստոնէական մեծ տիրակալի» նկատմամբ: Մասնաւորապէս ամէն պատեհ առիթով նա շեշտում էր հետեւեալը. քանի որ «ցարը շահի հետ գտնւում է եղբայրական բարեկամութեան մէջ, իրենք մեծապէս ուրախ են ծառայելու նրան»: [229, էջ 26] Սակայն դրա հետ մէկտեղ նա քաղաքական բնոյթի յայտարարութիւն է անում այն մասին, որ թէեւ հայկական ընկերութեան վաճառականները շահի հրամանագրով իրանում առեւտուր են անում «առանց մաքս վճարելու, սակայն շահական գերազանցութեան կրօնը մահմեդական է, իսկ քանի որ իրենք դաւանում են քրիստոնէութիւնը, ուստի ուրախ կլինեն ծառայելու մեծ թագաւորին», այսինքն ցարին: [229, էջ 26]

Այսպիսով, միանգամայն ակնհերեւ է, որ Շահրիմանեանը շահի կողմից օժտւած էր որոշակի լիազօրութիւններով եւ Մոսկւայում կատարում էր իրանի յարաբերութիւնները Ռուսաստանի հետ կարգաւորելու դիւանագիտական յանձնակատարի դեր. այնուհետեւ հայկական առեւտրական ընկերութեան, գուցէ նաեւ Սէֆեան կառավարութեան կողմից նրան յանձնարարւած էր շօշափել ռուսական կառավարութեան տրամադրութիւնը առեւտրական պայմանագիր կնքելու վերաբերեալ: Այս եզրահանգումների կուսան

կարող են ծառայել հետեւեալ փաստարկները:

Շահրիմանեանները վերին աստիճանի ազդեցիկ ու հարուստ ընտանիք էին (որոշ տւեալների համաձայն նրանք սերել էին հին նախարարական մի ընտանիքից), [88, էջ 207] որոնք խոշոր առեւտուր ունէին Արեւելքի եւ Արեւմուտքի մի շարք երկրների հետ եւ կենսականօրէն շահագրգռւած էին ռուս-իրանական առեւտրական յարաբերութիւնների վերականգնման մէջ: Ռուսաստանի արտաքին գործերով զբաղւող հիմնարկութեանը՝ «Պոսոլսկի պրիկազին» ներկայացրած իր բացատագրի մէջ խոջա Չաքարը յայտնում էր, որ իր հօր Սարհադ Շահրիմանեանի գործակատարները առեւտրական գործերով մեկնում են բոլոր պետութիւնները: Նոր Զուղայում գործող կաթոլիկական քարմելիթեան միաբանութեան անդամներից մէկը այդ ընտանիքի մասին գրում էր. «Շահրիմանեան գերդաստանը հսկայական հարստութիւնների տէր է: Աշխարհի բոլոր մասերում ցրւած են նրանց առեւտրական գործակալները»: [62, I, էջ 650] 1646 թ. Հարելով կաթոլիկ եկեղեցուն եւ դառնալով հռոմէադաւան, Շահրիմանեանների գերդաստանը դարձել էր Նոր Զուղայի հայկական կաթոլիկական համայնքի ղեկավարը: Այդ էր պատճառը, որ նրանք առանձնակի սերտ առեւտրական յարաբերութիւններ էին պահպանում Եւրոպայի կաթոլիկ պետութիւնների հետ: Բազմաթիւ փաստեր կան այն մասին, որ Շահրիմանեանները վայելում էին Հռոմի պապի եւ եւրոպական կաթոլիկ միապետների ամենաբարեացակամ վերաբերմունքը: [88, էջ 307]

Բացառւած չէ, որ Չաքար Շահրիմանեանի թեկնածութիւնը որպէս բանազնացի, շահին ներկայացրել էին Սպահանում արեւմրտեան պետութիւնների դիւանագիտական ներկայացուցիչները, կամ նրա առաքելութիւնը համաձայնեցւած էր արեւմտաեւրոպական առեւտրական կապիտալի ազդեցիկ շրջանների հետ, որոնք յոյս ունէին անմիջական առեւտրական յարաբերութիւններ հաստատել եթէ ոչ շահական արքունիքի, այպա դէթ միջազգային առեւտրով զբաղւող Նոր Զուղայեցի վաճառականների հետ:

Շահրիմանեանների ընտանիքը սերտ յարաբերութիւնների մէջ էր նաեւ շահական արքունիքի հետ: «Պոսոլսկի պրիկազին» փաստաթղթերում նշւում էր, որ խոջա Չաքարը հանդիսանում է «շահի մերձաւոր մարդը» եւ իխթոմօ Դեւլեթի (շահի առաջին նախարար Վ.Բ.) «գործակատարը»: [229, էջ 23-24]

Այս բոլորը հիմք է տալիս ենթադրելու, որ Մոսկւայում Չաքար Շահրիմանեանը առեւտրական նպատակներից բացի հետա-

մուտ էր նաև քաղաքական որոշակի ծրագրերի, մասնաւորապէս իրանական կառավարութեան ու Իրանում գործող կաթոլիկ միսիոներների յանձնարարութեամբ նա աշխատում էր շօշափել ռուսական կառավարութեան տրամադրութիւնը Թուրքիայի դէմ իրանաւերոպական ռազմական դաշինք կնքելու վերաբերեալ:

Աչոտ Յովհաննիսեանը նշում է, որ ճառագոյն չկայ որեւէ դրական փաստ, որ ցոյց տար, թէ Իրանի կամ կաթոլիկների կողմից իրեն տրւած յանձնարարութիւնները կատարելիս խոջա Ջաքարը, թիկունք դարձնելով Արեւմտեան Եւրոպային, քաղաքականապէս դիմաշրջում էր դէպի Մոսկովեան պետութիւնը, բացառապէս նրա մէջ տեսնելով Հայերի կամ գէթ խոջայական դասի ազգային քաղաքական ակնկալութիւնների ապաւէնը: [17, էջ 181] Կարելի է ենթադրել սակայն, որ Նոր Զուղայի Հայ կաթոլիկական Համայնքի ներկայացուցիչները եւս եթէ ամբողջապէս չէին դիմաշրջում դէպի Ռուսաստան, Համենայնդէպս սկսել էին Հայ ժողովրդի քաղաքական բաղձանքներն իրականացնելու ճանապարհին Արեւմուտքի կաթոլիկ պետութիւններին ապաւինելու ուղուց բացի որոնել նաև այլ ուղիներ:

Ռուս-իրանական առեւտրա-տնտեսական ու քաղաքական յարաբերութիւններ Հաստատելու այս փորձը եւս չտեսց ցանկալի արդիւնքներ, թէեւ Իրանից, Հնդկաստանից եւ արեւելքի այլ երկրներից այցելութիւնները Ռուսաստան արելի յաճախակի դարձան: Այդ մասին են վկայում ռուսական մաքսային ծառայութիւնների մատենաները, որտեղ Հայ վաճառականների այցելութիւնների մասին Ռուսաստան կան բազմաթիւ զրանցումներ: Այսպէս, 1662-1663 թ.թ. զրանցումներում նշում է, որ Հայ խոշոր վաճառականներ Միկիտա Պետրովը, Գրիգոր Սաւելւելը եւ Ստեփան Չեխատունովը Հնդկաստանից ցարի Համար բերել են զանազան ապրանքներ, այդ թւում նաև ոսկէ զաւազան եւ ադամանդակուռ մի թագ, որի վրայ ամրացւած էր ռուսական պետական զերբը՝ երկգլխանի արծիւը:

XVII դարի 40-ական թւականներից սկսել էր Թուրք-վնետիկեան կամ Կանդիլայի պատերազմը, որն առանձնակի մեծ թափ ընդունեց 1665 թւականից յետոյ: Պատերազմը խիստ դժարացրեց իրանական Հում մետաքսի արտահանումը դէպի Լեւանտեան առեւտրական կենտրոնները: Շահական գանձարանը կրում էր մեծամեծ վնասներ: Այս պարագաներում դրութեան ելքը կարող էր լինել ռուսական տարանցիկ ճանապարհից օգտւելը:

Շահական կառավարութեան այս նպատակադրումը միանգամայն համապատասխանում էր միջազգային առեւտրով զբաղուող հայ վաճառականութեան շահերին: Ուստի Սպահանում, շահական արքունիքում, որոշեց դարձեալ Մոսկւա ուղարկել Նոր Զուղայի «Հայկական առեւտրական ընկերութեան» ներկայացուցիչներին:

1868 թ. Փետրւարին Մոսկւա են ժամանում Ստեփան Ռամադամսկին (Ստեփան Մովսիսեան Ռամադով) եւ Գրիգոր Լուսիկովը (Գրիգոր Մատթէոսեան Կուսիկեան կամ Լուսիկենց), որոնց ուղեկցում էին 40 հայ վաճառականներ եւ արհեստաւորներ: Նրանց յանձնարարած էր բանակցութիւններ վարել ռուսական կառավարութեան հետ նրանից ստանալու համար համապատասխան իրաւունք իրանական հում մետաքսը եւ այլ ապրանքներ Ռուսաստան ներմուծելու համար: Այէքսէյ Միխայլովիչ ցարի անունով գրած խնդրագրում Գր. Լուսիկենցը հանգամանօրէն շարադրում էր այն դրդապատճառները, որոնք ստիպել են հայ վաճառականներին «թախանձել ցարի բարեացակամութիւնը»: Նախ նշում էր, որ «Նոր Զուղայի հայկական առեւտրական ընկերութիւնը», որին շահը շնորհել է իրանական հում մետաքսը արտահանելու մենաշնորհային իրաւունք, տարիներ շարունակ մետաքսը արտահանում էր թուրքական պետութեան վրայով, որը դրա համար գանձում էր բարձր մաքսատուրքեր: Բացի այդ, Լուսիկենցը շնչում էր, որ հում մետաքսը եւ այլ ապրանքներ թուրքիա արտահանելիս իրենք մեծ վնասներ են կրում աւազակներից եւ թուրքական սուլթանին «դաւաճանած անձանցից», որոնք կողոպտում են հայ վաճառականներին: Իսկ երբ թուրքական հողերից նաւերով մեկնում են Եւրոպա, իրենց վրայ յարձակումներ են գործում ծովահենները, որոնք նոյնպէս կողոպտում են իրենց: Այդ բոլորին նա աւելացնում էր, որ ռուսական կառավարութիւնից համապատասխան թոյլտուութիւն եւ արտօնութիւններ ստանալու դէպքում իրենց ընկերութիւնը պատրաստ է իրանական մետաքսի ամբողջ արտահանութիւնն ուղղել դէպի Կասպ-Վոլգեան ճանապարհը, դէպի Ռուսաստան: Լուսիկենցը հաւաստիացնում էր, որ իր կարծիքով դրանով ռուսական պետութիւնը կստանայ մաքսային եկամտի չտեսնւած մեծ աղբիւրներ: Այնուհետեւ նամակում ակնարկում էր առեւտրական պայմանագրի ստորագրման նպատակալարմարութեան մասին, որը հնարաւորութիւն կտար կազմակերպել հում մետաքսի եւ այլ ապրանքների կանոնաւոր արտահանումը

Ռուսաստան, եւ Նովոգորոդի, Արիանդեւսկի կամ Սմոլենսկի վրայով նաեւ եւրոպական երկրներ: Վ. Ոսկանեանը իրաւացիօրէն նշում է, որ Նոր Զուղայի «Հայկական առեւտրական ընկերութիւնը» իազում էր առաւել շահագրգռած միջնորդի դեր իրանա-ռուսական յարաբերութիւնները կարգաւորելու գործում, որ Հայկական ընկերութիւնը եւ նրա առեւտուրը հանդիսանում էին կապող օղակ Ռուսաստանի եւ Իրանի միջեւ: [235, էջ 102-104]

Պոստլսկի պրիկազի» փաստաթղթերից ակնառու կերպով երեւում է, որ այս անգամ եւս Նոր Զուղայի առեւտրական ընկերութեան ներկայացուցիչներն ունէին նաեւ դիւանագիտական բնոյթի յանձնարարութիւններ: Մասնաւորապէս, որպէս Սէֆեան պետութեան բանագնաց, Գր. Լուսիկենցը ձգտում էր Թուրքիայի դէմ ստեղծել երեք պետութիւնների՝ Ռուսաստանի, Իրանի եւ Լեհաստանի ռազմա-քաղաքական դաշինք: Կարելոր է նշել, որ Գր. Լուսիկենցը եւ նրա գործընկերները տւեալ հարցի ուղղութեամբ աշխատելիս, հանդէս չէին գալիս լոկ որպէս շահական կառավարութեան տւած յանձնարարութիւնների պարզ իրագործողներ: Ստանձնելով միջնորդի եւ դիւանագիտական յանձնակատարի դեր, հայ առեւտրական կապիտալի ներկայացուցիչներն առաջնորդում էին ոչ միայն իրենց առեւտրատնտեսական շահերով, այլեւ հետապնդում էին նաեւ քաղաքական շահեր, մասնաւորապէս օսմանեան լծից Հայաստանի ազատագրման նպատակներ: Առհասարակ պէտք է նշել, որ այս շրջանում աճում էր հայ առեւտրականների քաղաքական տրամադրութիւնն ընդդէմ Թուրքիայի եւ թէքում վերջինիս դէմ պայքարող եւրոպական պետութիւնների եւ, առաջին հերթին Ռուսաստանի կողմը: Առանձին փաստեր վկայում են նաեւ այն մասին, որ XVII դարի հայ իրականութեան մէջ իրանա-եւրոպական, մասնաւորապէս իրանա-ռուսական հակաթուրքական դաշինքի կնքումը դիտում էր որպէս մի քայլ, որը կարող էր նպաստել օսմանեան լծից հայ ժողովրդի ազատագրմանը:

Յատկանշական է, որ ռուսական կառավարութիւնն իր հերթին հաճոյքով ընդառաջ էր գնում հայ վաճառականութեան քաղաքական ձգտումներին: Դա յատկապէս վերաբերում է «Պոստլսկի պրիկազի» ղեկավար Աֆանասի Օրդին-Նաշչոկինին: Վերջինս քաջ գիտակցում էր, որ հայ վաճառականները, ի տարբերութիւն արեւելեան երկրների հետ առեւտրի մենաշնորհ ձեռք բերած եւրոպական առեւտրական կամպանիաների, չեզոք քա-

դարական ուժ լինելով, որեւէ կերպ չեն կարող խոչընդոտել Ռուսաստանի տնտեսական զարգացմանը եւ Ռուսաստանի վրայով դէպի արեւելեան երկրներ անցնելու իրաւունքն օգտագործել քաղաքական-գաղութատիրական ինչ-որ ծրագրերի իրականացման նպատակով: Ընդհակառակը, լինելով ճնշւած ու հարստահարւած քրիստոնեայ մի ժողովրդի ներկայացուցիչներ, հայերն իրենք են օգնութեան կարօտ եւ կարող են ռուսական պետութեան համար հաւատարիմ դաշնակից լինել»: [230, էջ 268]

Վերոյիշեալ բանակցութիւնների հետեւանքով Ալէքսէյ Միխայլովիչ ցարի կողմից 1667 թ. մայիսի 31-ին Նոր Զուղայի «Հայկական առեւտրական ընկերութեանը» տրւեց մի շնորհագիր, որը փաստօրէն ձեռք բերեց առեւտրական պայմանագրի նշանակութիւն: Այդ շնորհագիրը իր նշանակութեամբ նաեւ հաւասարազօր էր Ռուսաստանի եւ Իրանի միջեւ առեւտրական պայմանագրի: [237, էջ 134] Նրանով հայ վաճառականները պարտաւորոււմ էին իրանական ողջ հում մետաքսը արտահանել Ռուսաստան եւ նրա վրայով արեւմտաեւրոպական երկրներ: Նրանք ստանում էին ռուսական սահմանամերձ քաղաքներում օտարերկրեայ վաճառականների հետ ազատ առեւտրի իրաւունք 5 տոկոսի մաքս վճարելու պայմանով: Սահմանամերձ քաղաքներում իրենց ապրանքները չվաճառելու դէպքում հայկական ընկերութեանը իրաւունք էր վերապահոււմ դրանք արտահանելու արտասահման՝ վճարելով դարձեալ 5 տոկոսի չափով մաքսատուրք: Պայմանագրի հական նշանակութիւն ունեցող կէտերից մէկն այն էր, որ հայ վաճառականները պարտաւորոււմ էին արտասահմանից վերադառնալ միայն Ռուսաստանի վրայով, ընդորում այնտեղից բերւած ապրանքների համար մուծելով 7 տոկոսի մաքս, որը ցարական գանձարանին կրերէր պատկառելի հասոյթներ:

Ռուսական կառավարութիւնը տայիս էր հայ վաճառականների ապահովութեան երաշխիքներ, խոստանալով ընդհուպ մինչեւ փոխհատուցել նրանց վնասները: Նրանք ստանում էին նաեւ Ռուսաստանում ազատ տեղաշարժելու եւ մուտքի ու ելքի իրաւունք: [220, էջ 44-46]

Այս բոլորի փոխարէն հայ վաճառականները պարտաւորոււմ էին հրաժարել թուրքիայի տարանցիկ ճանապարհներից եւ իրենց ողջ առեւտուրը տեղափոխել Կասպ-Վոլգեան ուղին: Պայմանագրոււմ նոյնիսկ յատուկ կէտ էր պարունակոււմ այն մասին, որ հայ վաճառականները չպէտք է հում մետաքս վաճառեն այդ նպատակով

իրան ժամանած օտարերկրեայ վաճառականներին, թերեւս բացառութեամբ միայն նրանցից, ովքեր այդ առթիւ ունեն շահի յատուկ հրամանագիրը: [237, էջ 38-39]

1607 թ. պայմանագիրը դարձաւ մոսկովեան պետութեան հետ հայերի ծաւալած առեւտրատնտեսական ու քաղաքական յարաբերութիւնների հիմքը: Ռուսաստանի հետ հայ վաճառականների պատահական կապերը փոխարինեցին առեւտրական ամուր, տեւական ու ծաւալուն յարաբերութիւններով:

Այն հանգամանքը, որ պայմանագիրը կնքւած էր «Հայկական առեւտրական ընկերութեան» ներկայացուցիչների առաջարկութիւններին համապատասխան վկայում է այն մասին, որ ռուսական կառավարութիւնը նոյնպէս շահագրգռւած էր այդ պայմանագրի կնքման մէջ: Մոսկովայում ենթադրում էին, որ ռուս վաճառականները գանձարանի համար չեն կարող ապահովել այնպիսի եկամուտներ, որ ի վիճակի էին բերել հայ վաճառականները: Այդ պատճառով խախտելով մերկանտիլիզմի եւ սեփական առեւտրական դասի հովանաւորութեան քաղաքականութիւնը, ռուսական կառավարութիւնը երկրի արեւելեան առեւտրի նշանակալից մասը յանձնարարեց հայ վաճառականներին: [220, էջ 66] Գանձարանը յատկապէս յոյս ունէր հայերի միջոցով արեւմուտքի երկրներից ձեռք բերել խոշոր դրամական միջոցներ: [238, էջ 25]

Թէեւ 1607 թ. պայմանագիրը զուտ առեւտրական բնոյթի էր եւ չէր պարունակում քաղաքական յօդւածներ, սակայն անժխտելի է նրա քաղաքական նշանակութիւնը ինչպէս ռուսական կառավարութեան, այնպէս էլ հայ վաճառականների համար: Ռուս հետազօտող Ե. Ս. Չեւակինը նոյնիսկ հակւած է այն տեսակէտին, որ հայ վաճառականների հետ 1607 թ. առեւտրական պայմանագրի կնքումը ոչ միայն մոսկովեան պետութեան տնտեսական շահախընդրութիւնների հետեւանք էր, այլեւ հիմնականում ունէր քաղաքական դրդապատճառներ: Նրա կարծիքով սուլթանի դէմ պայքարում Մոսկւան յոյս ունէր շահից օգնութիւն ստանալ եւ հաւատացած էր, որ հայ վաճառականներին տրամադրւած արտօնութիւնները կարող էին նպաստել այդ խնդրի իրականացմանը: [239, էջ 168]

Ակադեմիկոս Աշոտ Յովհաննիսեանի կարծիքով 1607 թ. պայմանագրի ստորագրումով Ռուսաստանը ոչ միայն խորացնում էր իրանի եւ Թուրքիայի միջեւ տնտեսական ու քաղաքական խզւածութիւնը, այլեւ սեպ էր խրում իրանի հայ վաճառականների

եւ արեւմտաեւրոպական տէրութիւնների միջեւ: [17, էջ 453]

Նշւած իրողութիւնները գաղտնիք չէին նոյնիսկ օտարերկրեայ դիտորդների համար: Այսպէս, աւստրիական դեսպան Ռինգուլերը նշում էր, որ մոսկովիտները մեծ բարեկամութիւն ունեն պարսիկների հետ մասամբ հիանալի պարսկական ապրանքների համար, մասամբ ի հեճուկս Թուրքիայի, որին պարսիկները համարում են իրենց մեծ թշնամին:

Անհրաժեշտ է նկատի ունենալ այն կարեւոր հանգամանքը, որ XVII դարի 60-ական թւականներին ստեղծւած միջազգային իրադրութեան պայմաններում Ռուսաստանի համար իրանը չէր կարող մնալ լոկ որպէս տնտեսական հետաքրքրութեան առարկայ: Յիշենք, որ 1007 թ. Յուլւարի 30-ին Անդրուսովօ գիւղում խաղաղութեան պայմանագիր էր ստորագրելիւ Լեհաստանի հետ, ըստ որի Ռուսաստանը պարտաւորուում էր լինել նրա հաւատարիմ դաշնակիցը: Այդ պայմանագիրը նշանակալիորէն արձակեց Ռուսաստանի ձեռքերը Թուրքիայի եւ Ղրիմի խանութեան դէմ պայքարում: Անտարակոյս այդ պայքարը աւելի արդիւնաւէտ կդառնար, եթէ նրան միանար նաեւ իրանը:

Այն հանգամանքը, որ 1007 թ. պայմանագիրը Ռուսաստանի կողմից դիտուում էր որպէս քաղաքական նշանակութիւն ունեցող ակտ, հաստատուում է նաեւ հետեւեալ փաստարկումներով. նախ Մոսկւան անհրաժեշտ համարեց այդ պայմանագրի ստորագրման մասին տեղեակ պահել Լեհաստանի կառավարութեանը, որի հետ այդ ժամանակ վարում էր բանակցութիւններ դաշնակցային պայմանագիր կնքելու վերաբերեալ: 1007 թ. դեկտեմբերի 14-ին Մոսկւայում կողմերի միջեւ ստորագրեց նման պայմանագիր, որով նրանք պարտաւորուում էին այսուհետեւ Օսմանեան կայսրութեան ագրեսիւ գործողութիւնների դէմ հանդէս գալ համատեղ կերպով: Այնուհետեւ հայ առեւտրական ընկերութեան հետ կնքւած պայմանագիրը Մոսկւայում դիտուում էր որպէս կարեւոր քայլ ռուս-իրանական յարաբերութիւնները կարգաւորելու բնագաւառում: Յանուն այդ գլխաւոր նպատակի ռուսական կառավարութիւնը նոյնիսկ գնում էր լուրջ զիջումների: Այսպէս, ռուս-իրանական յարաբերութիւնները ծայր աստիճանի լարւած էին յատկապէս վրացական գործերի պատճառով: XVII դարի 40-ական թւականներին մոսկովեան պետութիւնը իր հովանաւորութեան տակ էր վերցրել Կախեթը, իսկ աւելի ուշ՝ 50-ական թւականներին նաեւ իմերեթեան թագաւորութիւնը: Վրաց ազնւականութեան ռուսասէր

հատուծը ջանք չէր խնայում Վրաստանի տարրեր շրջանների հետ ռուսական պետութեան կապերն ամրապնդելու համար: Այս պարագաներում մոսկովեան կառավարութիւնը սկսեց հասկացնել Սէֆեան արքունիքին, որ Վրաստանում Ռուսաստանի ունեցած ազդեցութիւնը անառարկելի փաստ է, սակայն Մոսկւան պատրաստ է վրացական գործերի վերաբերեալ բանակցութիւններ սկսել Սպահանի հետ:

Վերջապէս 1807 թ. պայմանագրի քաղաքական նշանակութիւնը Ռուսաստանի համար կարող էր հանդիսանալ այն, որ ստեղծուում էր Անդրկովկասում, իրանում եւ Արեւմտեան Եւրոպայում ռազմաքաղաքական իրադրութիւնը ուսումնասիրելու հնարաւորութիւններ: Պատահական չէ, որ Մտամբուլում բնակւող հայ վաճառականներին ուղղւած Գր. Լուսիկենցի նամակում Նոր Զուղայի «Հայ առեւտրական ընկերութեան» անունից յանձնարարւում էր մոսկովեան ցարի օգտին տեղեկութիւններ հաւաքել միջազգային իրադրութեան մասին:

Բացի 1807 թ. պայմանագրի ընձեռած հնարաւորութիւններից, մոսկովեան կառավարութիւնը օգտագործւում էր նաեւ լծակներ ռուս-իրանական առեւտրական-քաղաքական յարաբերութիւնները բնականոն հունի մէջ դնելու համար, մասնաւորապէս օգտագործելով շահական արքունիքի հետ անմիջական դիւանագիտական կապեր հաստատելու ուղին: Այսպէս, 1807 թ. Մոսկւայից իրան ուղարկեց դիւանագիտական սուրհանդակ Կլիմենտի Իելլեր, որին յանձնարարւած էր շահին յանձնել Մոսկւայում «Հայ առեւտրական ընկերութեան» հետ ստորագրւած պայմանագիրը: Սակայն Ստեփան Ռազինի գլխաւորութեամբ սկսւած գիւղացիական պատերազմը խանգարեց Իելլելին հասնելու իրան եւ նոյն թւականին նա ստիպւած էր վերադառնալ Մոսկւա: Այնուհետեւ 1808 թ. շահ Սուլէյմանի (1806-1809 թ.թ.) մօտ ուղարկեց «Հայկական առեւտրական ընկերութեան» Մոսկւայի ներկայացուցիչ անգլիացի թոմաս Բրէյնը: Նա Զուղայի առեւտրական ընկերութիւնից ունէր շահաւատար գիր վեքիլութեան, որպէս զի շարունակեցէ նա շահաւատար իւր ընդ անուամբ ընկեութեանն հայոց»... Նրան եւս յանձնարարւած էր շահին յանձնել 1807 թ. պայմանագրի պատճէն: Բացի այդ, ցարը շահին տեղեկացնում էր Լեհեստանի հետ կնքւած դաշնակցային պայմանագրի մասին եւ կոչ էր անում նրան միանալ հակաթուրքական դաշնակցութեանը: Սակայն մինչեւ մայրաքաղաք Սպահան հասնելը թոմաս Բրէյնը եւ նրան ուղեկցող անգլիացիները

հիւանդացան եւ մահացան: Կենդանի մնաց միայն ոմն Նաուս կոյեանիկով, որին յաջողեց շահին յանձնել ցարի նամակները: Առանց յապաղելու, շահական արքունիքը կոյեանիկովին ետ ուղարկեց Մոսկւա, նրան տալով նաեւ ցարին ուղղած շահ Սուլէյմանի ուղերձը: Այս հապճեպութիւնը անշուշտ վկայում էր այն մասին, որ Սէֆեան կառավարութիւնը խիստ շահագրգռած էր Ռուսաստանի հետ ունենալու առեւտրա-տնտեսական սերտ յարաբերութիւններ: Միաժամանակ շահական կառավարութիւնը ուշադիր հետեւում էր Ռուսաստանի արտաքին քաղաքականութեան կուրսին, նպատակ ունենալով յարմար իրադրութիւն ստեղծելու դէպքում քաղաքական բանակցութիւնների մէջ մտնել նրա հետ:

Այդ առթիւ Գր. Լուսիկենցը հաղորդում է ուշագրաւ տեղեկութիւններ. դեռեւս մինչեւ Մոսկւա ժամանելը շահը իրեն անընդհատ հարցուփորձ էր անում, թէ արդեօք ցարը գերմանական (իմա՝ արեւմտաեւրոպական) տիրակալների ու լեհական թագաւորի հետ խաղաղութեան մէջ է թէ ոչ: [220, էջ 70-71] Իր հերթին «Իսթոմօ դելլեթթը» Գր. Լուսիկենցին նեկայացնում է շահին, որը հրամայում է նրան Մոսկւայում տեղեկացնել ցարին, որ իր նախնիները ռուսական թագաւորների հետ եղել են ամուր բարեկամութեան մէջ, իսկ ինքը՝ շահ Սուլէյմանը, ցանկանում է առաւել քան իր նախնիները, ամուր բարեկամութիւն ունենալ ցարական գերագանցութեան հետ»: [220, էջ 77]

Այսպիսով, ելնելով իրանի ներքին ու արտաքին քաղաքական ու տնտեսական ծանր իրավիճակից, շահական կառավարութիւնը որոշում է ընդառաջ գնալ ռուսական կողմի առաջարկութեանը բանակցութիւնների նոր փուլ սկսելու վերաբերեալ: Սակայն այս էտապում եւս նախնիինի պէս շահական կառավարութիւնը հեռու էր ռուս-իրանական հակասումանեան դաշինք կնքելու մտադրութիւնից եւ փորձում էր բանակցութիւնները սահմանափակել լոկ առեւտրա-տնտեսական հարցերի շուրջը:

1668 թ. իրան է ժամանում լեհական Ծան Կաղիմիր թագաւորի դեսպան հայազգի Բոգդան Գուրդին:

Գուրդիի մասին կենսագրական տւեալները վերին աստիճանի աղքատիկ են: Յայտնի է միայն, որ նա XVII դարի 50-ական թւականներին յայտնւել է Լեհաստանում, որտեղ ծառայութեան է անցել թագաւորական բանակում: 1662 թ. ստանում է ռոտմիստրի կոչում: Ըստ երեւոյթին նա արագ աչքի է ընկնում իր ռազմական ծառայութիւններով, որի համար արդէն 1662 թ. սէյմում բանակի

պատգամաւորները պահանջում են նրան շնորհել շլեախթայական տիտղոս: Սակայն ինչ-ինչ պատճառներով այդ բանը տեղի չի ունենում: 1668-1676 թ. Բոգդան Գուրգին որպէս Եան Կազիմիր թագաւորի դեսպան գտնուում էր շահ Սուլէյմանի արքունիքում: Վերադառնալով Լեհաստան, նա սիրալիր ընդունելութիւն է գտնում նոր թագաւոր Եան III Սորբասկու կողմից: 1676 թ. Ռեչ Պոսպոլիտայի առջև իր ունեցած ծառայութիւնների համար սէյմը Բոգդան Գուրգիին շնորհում է շլեախթայական տիտղոս: 1676 թ. Եան III Սորբասկին Բոգդան Գուրգիին ուղարկում է Իրան որպէս շահի պալատում դեսպանորդ եւ մշտական ռեզիդենտ: Այդ պաշտօնը վարելիս նա 23 տարի շարունակ ապրում է Իրանում եւ միայն 1699 թ. շահ Սուլէյման Հոսէյնի յատուկ յանձնարարութեամբ մեկնում Լեհաստան: Այդ ուղեւորութեան ժամանակ Մոսկւայում հիւանդանում է եւ 1700 թ. յունւարի 12-ին կնքում իր մահկանացուն:

Պէտք է նշել, որ Լեհաստանի այն ժամանակւայ անմիջական հարեւանութիւնը թաթարական տիրապետութիւնների եւ Թուրքիայի հետ, ինչպէս նաեւ Իրանը Թուրքիայի դէմ դաշինքի ներքաշելու մտադրութիւնը սուր անհրաժեշտութիւն էին առաջացրել ունենալ համապատասխան լեզուներ տիրապետող եւ ընդհանրապէս Արեւելքին քաջածանօթ զիւանազէտներ: Այդ պայմաններին ամենից աւելի բաւարարում էին լեհահայ աւագանու եւ վաճառականութեան ներկայացուցիչները, որոնք եւ դարձան «լեհական զիւանագիտութեան պիոներները Արեւելքում»:

Լեհահայերը պատրաստակամութեամբ էին զիւանագիտական առաքելութիւններ յանձն առնում Արեւելքում, մանաւանդ որ նրանց հարազատ երկրում՝ Հայաստանում արդէն XVI դարի երկրորդ կէսից սկսած քաղաքական գիտակցութիւնը զգալի զարթօնք էր ապրում:

Միւս կողմից լեհական թագաւորների քաղաքականութիւնը, որը աչքի էր ընկնում բարեհաճ վերաբերմունքով հայոց ազգային խնդրի նկատմամբ, մեծապէս ոգեւորում էր լեհահայ զիւանազէտներին: Յայտնի է օրինակ, որ վարչապետ Չամոյսկին 1690 թ. հայկական հարցի առթիւ յատուկ ելոյթ ունեցաւ սէյմում: Իսկ Եան Սորբասկի թագաւորին վերագրում է «Հայաստանը սթափեցնելու մտադրութիւններ»:

Գուրգիի դեսպանութեան պաշտօնական պարտականութիւնն էր շահական արքունիքին յայտնել Լեհաստանի եւ Ռուսաստանի

միջեւ «դաշնակցային» պայմանագրի կնքման մասին: Սակայն դեսպանութեանը տրւած էր նաեւ զաղտնի յանձնարարութիւն. նախ գլուխ բերել Իրանի ընդգրկումը հակասոսմանեան ռազմական դաշինքի մէջ եւ ապա նպաստել շահական արքունիքի կողմից «Հայ առեւտրական ընկերութեան» հետ Ռուսաստանի կնքած պայմանագրի հաստատմանը, այն պարտադիր պայմանով, որ իրանական արտահանութեան մի մասը արտածւի Լեհաստան: [240, էջ 13]

Փաստերը վկայում են, որ Գր. Լուսիկենցը եւ Բոգդան Գուրդին գործում էին փոխադարձ համաձայնութեամբ, մէկ ընդհանուր գործի համար: Այսպէս, շահական արքունիքում Բ. Գուրդին եռանդուն կերպով պաշտպանում էր «Հայ առեւտրական ընկերութեան» շահերը, պահանջելով, որ իրանական ապրանքները Լեհաստան արտահանւեն ոչ թէ պարսիկ վաճառականների, այլ բացառապէս Հայ վաճառականների կողմից: [241, էջ 321] Բացի այդ, նրանք համատեղ ջանքեր էին գործադրում նաեւ Թուրքիայի դէմ Ռուսաստանի, Իրանի եւ Լեհաստանի ռազմական դաշինք կազմակերպելու ուղղութեամբ: Իր նպատակին հասնելու համար լեհական դեսպանը Սպահանում ահաբեկում էր շահին, որ իր տեղեկութիւնների համաձայն թուրքերը շուտով ռազմական գործողութիւններ են սկսելու Իրանի դէմ: Ահաբեկւած շահն անմիջապէս պալատ է կանչում Գր. Լուսիկենցին եւ հարցնում նրան, թէ արդեօք ճիշտ է, որ ռուսական ցարը հաշտութիւն է կնքել լեհերի հետ եւ ի վիճակի՞ է արդեօք նա դիմակայելու թուրքերին: [229, էջ 77] Այս հարցմանը Լուսիկենցը անվարան պատասխանում է, որ եթէ Ռուսաստանը Լեհաստանի հետ համատեղ հանդէս գայ թուրքերի դէմ, վերջիններս կջախջախւեն: [229, էջ 78]

Ըստ երեւոյթին Բոգդան Գուրդիի ժամանումը Իրան եւ միջազգային իրադրութեան մէջ կատարւած կտրուկ շրջադարձերը ստիպեցին շահին մի նոր դեսպանութիւն ուղարկել Մոսկւա: Այս անգամ եւս այդ առաքելութիւնը գլուխ բերելու համար առաջ քաշեց Գր. Լուսիկենցի թեկնածութիւնը: Վերջինս երկրորդ անգամ Մոսկւա ուղեւորեց 1071 թ.: Նրան ուղեկցում էին 22 մարդ: [242, թ. 87] Նա պէտք է շահի անունից բանակցութիւններ վարեր մի քանի հարցերի շուրջ. պահանջէր փոխհատուցում Ստեփան Ռազինի ապստամբութեան հետեւանքով իրանական վաճառականներին հասցւած վնասների դիմաց, բանակցէր վրացական գործերի հետ կապւած հարցերի շուրջ, ռուսական կառավարութեան հետ վերջնականապէս համաձայնութեան գար նոր առեւտրական պայ-

մանագիր կնքելու վերաբերեալ: Շահ Մուլէյմանը իր դեսպանորդին՝ Գր. Լուսիկենցին տեց Ալէքսէյ Միխայլովիչ ցարին հասցէագրւած մի նամակ, որտեղ նշուում էր, որ ինքը համաձայն է Նոր Զուղայի «Հայկական առեւտրական ընկերութեան» հետ կնքւած պայմանագրի պայմաններին: [220, էջ 89-90] Այդ նամակից պարզորոշ կերպով երևում է, որ շահը իրանահայերի առեւտուրը Ռուսաստանի հետ դիտում էր որպէս Իրանի եւ Ռուսաստանի միջեւ քաղաքական մեծ կարեւորութիւն ունեցող գործ:

Գր. Լուսիկենցը իր հետ Մոսկւա էր տանում նաեւ Ալէքսէյ Միխայլովիչին ուղղւած Գանձասարի կաթողիկոս Պետրոսի նամակը, որտեղ նա խնդրում էր հովանաւորել Նոր Զուղայի հայ վաճառականներին եւ համայն հայ ժողովրդին: [220, էջ 91-92]

Դեռեւս 1071 թ. յուլիսին գտնւելով Դերբենտում, Լուսիկենցը յայտնում էր մոսկովեան կառավարութեանը, որ վրացական թագաժառանգի հարցի կապակցութեամբ ինքն ամէն ինչ արել է այնպէս, ինչպէս ցանկալի է ռուսական արքունիքին եւ խնդրում էր Խասրուլատ Զերկասկու միջնորդութիւնը Օրդին-Նաշչոկինի առջեւ, որպէսզի նա ոչինչ չձեռնարկի վրացական թագաժառանգի հարցում մինչեւ իր Մոսկւա ժամանելը:

Մոսկւայում բանակցութիւններ վարելիս Գր. Լուսիկենցը հանդէս էր գալիս ինչպէս շահի դեսպանորդի, այնպէս էլ իրանահայ վաճառականների, մասնաւորապէս «Նոր Զուղայի հայ առեւտրական ընկերութեան» ներկայացուցիչ: Բանակցութիւնների հէնց սկզբում նա Հանդիպեց մի շարք դժւարութիւնների. նախ պարզեց, որ մինչեւ իր Մոսկւա հասնելը տեղի է ունեցել մի միջադէպ, որը սրել է ռուս-իրանական յարաբերութիւնները: Մոսկւա մեկնելու ճանապարհին Ստեփան Ռազինի մարդիկ բռնազրաւել են իրանական դեսպան Իւսուֆ Զուհան բէգի անձնական գոյքը եւ շահի նամակները: [220, էջ 108-109] Մոսկւայում բանակցութիւնների ժամանակ շահական դեսպանը բռնելով կոպիտ դիրք, ռուսական կառավարութեան առջեւ դրեց այնպիսի պայմաններ, որոնք ընդունելի չէին նրա համար:

Գր. Լուսիկենցից մեծ ջանքեր պահանջեցին թուլացնելու ռուս-իրանական յարաբերութիւններում ստեղծւած լարւածութիւնը եւ համոզելու ցարին, որպէսզի նա չսրի յարաբերութիւնները իրանական դեսպանի հետ: Այնուհետեւ Ալէքսէյ Միխայլովիչը կտրականապէս հրաժարեց բաւարարելու իրանական դեսպանի պահանջը 40 հազար թուման գումարով փոխհատուցում վճարելու

այն վնասների դիմաց, որ իրանական վաճառականներին հասցրել էին ապստամբած կազակները: [243, թ. 163] Աւելին, Մոսկւայի կառավարութիւնը իր հերթին շահական դեսպանի միջոցով Սէֆեան կառավարութեանը ներկայացրեց իր պահանջները. նա դժգոհութիւն էր յայտնում, որ շահը չի ձերբակալել իրեն այցելած Ստեփան Ռազինի ներկայացուցիչներին եւ նրանց շղթայակապ չի ուղարկել Մոսկւա:

Ի վերջոյ Պոստլսկի պրիզակում Իւսուֆ Չուհան բէգին յայտարարեցին, որ մինչեւ շահ Սուլէյմանի կողմից յաջորդ դեսպանի ժամանումը Մոսկւա, իրենք այլեւս դեսպանութիւն չեն ուղարկի Իրան: [244, թ. 22-29] Չայրացած շահական դեսպանը հրաժարելով ցարական նւէրներից, թոյլտուութիւն է խնդրում վերադառնալու հայրենիք: [244, էջ 22-29]

Միջազգային յարաբերութիւններում ստեղծւած իրավիճակը, մասնաւորապէս լեւ-թուրքական յարաբերութիւնների վատթարացումը, ստիպեցին մոսկովեան կառավարութեանը զիջումների գնալ: Բնաւ ժամանակը չէր շահի հետ առճակատման մէջ մտնելու համար: Դժգոհ լինելով անդրուսովեան հաշտութիւնից, սուլթանը իր կողմն էր հակել Աջափնեայ Ուկրաինայի հետման Պյոտր Դորոշենկոյին եւ սկսել էր պատերազմի եռանդուն նախապատրաստութիւններ տեսնել: 1668 թ. Դորոշենկոն կարողացաւ վերացնել Ի. Բրիւխովիցկոն եւ իրեն յայտարարեց ողջ Ուկրաինայի հետման: Մոսկւայի կառավարութիւնը ստիպւած էր ձեռնարկել մի շարք հակամիջոցներ. 1672 թ. սուլթանը նախազգուշացւեց, որ լեհաստանի վրայ վերստին յարձակելու դէպքում Ալէքսէյ Միխայլովիչը կհրամայի Դոնի կազակներին յարձակել թուրքիայի սեւծովեան ափերի վրայ: [246, էջ 179] Բացի այդ, կրկին փորձ կատարեց հակաթուրքական դաշինք ստեղծելու համար: Այդ նպատակով 1672 թ. Իրան ուղարկեց նովգորոգեան պրիկազի աստիճանաւոր Ֆեոդոր Վոզնիցինը եւ թարգմանիչ Իւան կուդրովը: Սակայն շահ Սուլէյմանը բնաւ մտադիր չէր յանուն եւրոպական տէրութիւնների շահերի փչացնել զժաւարութեամբ կարգաւորւած իր յարաբերութիւնները սուլթանի հետ: Այդ պատճառով Վոզնիցինը Սպահանում սառը ընդունելութիւն գտաւ: Աւելին, նրա նկատմամբ վերաբերւեցին արհամարհանքով ստիպելով շահի առջեւ ծնկաչոք լինել եւ նոյնիսկ չհարցրին ցարի առողջութեան մասին: Շահը կտրականապէս հրաժարեց պատերազմ սկսել թուրքիայի դէմ: [246]

Միջազգային յարաբերութիւնները է՛լ աւելի սրւեցին: 1672 թ.

Հոկտեմբերի 23-ին Թուրքիան խոչոր յաղթանակ տարաւ Ռուսաստանի դաշնակցի՝ Լեհաստանի նկատմամբ եւ ստիպեց նրան հաշտութեան բանակցութիւններ սկսել: Սուլթանը պահանջեց ողջ Աջափնեայ Ուկրաինան եւ Պոդոլիէն: Ռուսաստանի համար աւելի ու աւելի ակններեւ էր դառնում, որ Իրանի մասնակցութիւնը հակաթուրքական դաշինիքին կարող էր շատ բան փոխել: Այդ պատճառով 1672 թ. շահի մօտ ուղարկւած դեսպաններ Անդրէյ Պրիկլոնսկուն եւ Ալէքսէյ Բոգդանովին յանձնարարւած էր կարգաւորել վերոյիշեալ հարցը: Սակայն այս դեսպանութեան գործունէութիւնը եւս ոչ մի արդիւնք չուեց, որովհետեւ այս անգամ եւս շահը կտրականապէս հրաժարեց պատերազմ սկսել Թուրքիայի դէմ:

Սպահանում Անդրէյ Պրիկլոնսկին պարզեց, որ Իրանը խիստ դժգոհ է Մոսկւայից: Այդ պատճառով 1673 թ. օգոստոսին ռուսական արքունիքը Իրան ուղարկեց կոստանդին Նրիստոֆորովին, որը Սպահանում ընկաւ դժւարին կացութեան մէջ: Շահական արքունիքում այդ ժամանակ չափազանց ուժեղացել էր հակառուսական խմբաւորումը Շիալի խանի գլխաւորութեամբ: Գր. Լուսիկենցը յայտնում է Կ. Նրիստոֆորովին, որ Ստեփան Ռազինի կողմից կողոպտւած իրանական վաճառականները շահին տրամադրում էին Ռուսաստանի դէմ, պնդելով, թէ Ռազինի կողմից կողոպտւած բոլոր ապրանքները յայտնել են ցարական գանձարանում: Գր. Լուսիկենցը նրան յայտնում է նաեւ, որ շահական արքունիքում գործում է ռուսամետ մի խմբաւորում Աղասի բաշի Զէյնալ խանի, Միրզա Մուլան Մամալիքի եւ ուրիշների գլխաւորութեամբ, որոնք նպատակայարմար չեն համարում ինչ-որ 5000 ռուբլու համար գժտել ռուսական ցարի հետ: [247]

Զնայած այն հանգամանքին, որ Կ. Նրիստոֆորովի առաքելութիւնը եւս աւարտեց անարդիւնք, ռուսական կառավարութիւնը յոյսը չէր կտրում, որ վաղ թէ ուշ իրեն կյաջողւի համոզել շահին միանալու հակաթուրքական ռազմական դաշինքին:

Անկասկած ռուս-իրանական քաղաքական յարաբերութիւնների մէջ ստեղծւած լարւածութիւնը իր բացասական ազդեցութիւնն էր ունենալու նաեւ առեւտրա-տնտեսական յարաբերութիւնների վրայ: Սակայն անկախ դրանից, 1667 թ. պայմանագրին վիճակւած չէր լայն հնարաւորութիւններ հարթել հայ-ռուսական առեւտրական յարաբերութիւնների ծաւալման համար: Աւելին, կարելի է

անվարան ասել, որ այն գործնական կենսագործում չստացաւ: Գրապատճառները բազմաթիւ էին: Նախ ռուսական շուկան իրանական հում մետաքսի համար չափազանց նեղ էր: «Իրանի հումոյթը, - իրաւացիորէն գրում է ակադեմիկոս Աշոտ Յովհաննիսեանը,- երկրի ներսում սպառելու համար հին Մոսկւան բաւականաչափ պահանջ չունէր: Մետաքսէ գործածքների գնորդները բարձր դասի ներկայացուցիչներն էին միայն: Չկար պետական կամ մասնաւոր մանուֆակտուրա, որ կարիք ունենար այդ հումոյթին: Մետաքսարդիւնաբերութիւնը Ռուսաստանում սկսել էր Ալէքսէյ ցարի ժամանակ: Սակայն իրանական հումոյթը ծառայում էր գօտիներ, ժապաւէններ եւ նման տեսակի այլ «մանրուք» գործելու համար միայն»: [17, էջ 440]

Բացի այդ, Վոլգա-կասպեան ճանապարհը XVII դարում դեռեւս լաւ իւրացած չէր առետրի համար: Այն աչքի չէր ընկնում նաեւ ապահովութեամբ: Պատահական չէ, որ փորձելով արդարանայ Ալէքսէյ Միխայլովիչ ցարի առջեւ, որ Նոր Զուղայի Հայկական առետրական ընկերութիւնը չի կատարել 1667 թ. պայմանագրով իր վրայ ստանձնած պարտաւորութիւնները՝ հրաժարելու թուրքական առետրական ուղուց եւ ապրանքների արտահանումը իրականացնելու կասպ-Վոլգեան ուղիով, Գրիգոր Լուսիկովը 1671 թ. իր բացատրագրի մէջ նշում էր, որ երբ լուր ստացուեց, որ Ստեփան Ռագինը կողոպտել է վաճառականերին, ջուղայեցիները մեկնեցին ռուսների երկիրը (Թուրքիա Վ.Բ.) ասելով, որ երբ ռուսական հողը մաքրւի, մենք կրկին կզանք ռուսական ճանապարհով»: [222, էջ 72]

Սակայն ամենակարեւորը թերեւս այն էր, որ 1667 թ. պայմանագրի մէջ ընդգրկած էր հայ վաճառականութեան մի փոքր հատւածը միայն՝ Նոր Զուղայի «Հայկական առետրական ընկերութեան» անդամները: Մնացած վաճառականութիւնը, այդ թւում նաեւ Զուղահայ, որոնք կազմում էին իրանահայ վաճառականութեան մեծ մասը, կապւած էր թուրքական տարանցիկ ուղիով կատարւող առետրի հետ եւ որեւէ պարտաւորութիւն չունէր Ռուսաստանի հետ առետուր անելու վերաբերեալ:

Նոր Զուղայի «Հայկական առետրական ընկերութիւնը» խաղում էր առաւել շահագրգռւած միջնորդի դեր իրանա-ռուսական յարաբերութիւնները կարգաւորելու գործում: Պատահական չէ, որ այդ ուղղութեամբ առաջին քայլը կատարւեց հէնց այդ ընկերութեան կողմից: 1668 թ. Մոսկւայից Իրան ժամանեց Մոսկւայում հայկական ընկերութեան ներկայացուցիչ Թովաս

Բրէյնը: Նա իր հետ բերում էր շահին հասցէագրւած մի նամակ, որտեղ խնդրում էր նպաստել Ռուսաստանի հետ հայերի առեւտրին:

Համարեա միաժամանակ Սպահանից Մոսկւա մեկնեց Գրիգոր Լուսիկովը որպէս շահ Սուլէյմանի դեսպանորդ: Նա իր հետ տանում էր շահի կողմից Ալէքսէյ Միխայլովիչին հասցէագրւած մի նամակ, որտեղ նշուում էր, որ ինքը համաձայն է հայկական ընկերութեան հետ կնքւած պայմանագրի պայմաններին: [220, էջ 80-80] Գր. Լուսիկովը վերցրել էր նաեւ շահ Սուլէյմանի հրամանագիրը Ռուսաստանի հետ հայ վաճառականների ազատ առեւտրի իրաւունքի մասին:

1672 թ. Յուլիսին Պոսոյսկի պրիկազում գումարեց մի խորհրդակցութիւն, որտեղ քննարկելու էր Ռուսաստանի հետ Նոր Զուղայի «Հայկական առեւտրական ընկերութեան» առեւտրատեսակական յարաբերութիւնների հարցը: Խորհրդակցութիւնում Մոսկւայի վաճառականները յայտարարեցին, որ Հայկական ընկերութեան ունեցած արտօնութիւնները մեծապէս փաստում են իրենց առեւտրին եւ ռուսական պետութեան գանձարանին: Այդ տեսակէտը նրանք հիմնաւորում էին նրանով, որ եթէ նախկինում իրենք էին ապրանքներ գնում հայերից եւ դրանք յանձնում գանձարանին կամ վերափաճառում օտարերկրացիներին, իսկ ստացւած հնչուն դրամը՝ արծաթը եւ ոսկին յանձնում էին գանձարանին, որը ձեռնտու էր ե՛ւ իրենց ե՛ւ ռուսական պետութեանը, ապա այժմ Հայկական ընկերութիւնը անմիջականօրէն կապերի մէջ է օտարերկրացիների հետ եւ առանց ռուս վաճառականների միջնորդութեան ապրանքներ է վաճառում նրանց: Բացի այդ, այդ առեւտրից ստացւած ոսկին եւ արծաթը մնում են ոչ թէ Ռուսաստանում, այլ հայ վաճառականների կողմից դուրս է բերւում երկրից եւ տարւում է Իրան: Աւելին, ռուս վաճառականները բողոքում էին նաեւ այն բանի դէմ, որ եւրոպական ապրանքները Ռուսաստանի վրայով Արեւելքի երկրներ են արտահանւում դարձեալ հայերի միջոցով, չըջանցելով Մոսկւայի վաճառականներին: Ըստ այնմ ռուսական կառավարութեանը առաջարկւում էր սահմանափակել հայերի առեւտրական արտօնութիւնները եւ «Հայկական առեւտրական ընկերութեանը» թոյլատրել առեւտուր անել միայն Աստրախանում եւ Մոսկւայում, ընդ որում միայն գանձարանի ու ռուս վաճառականների հետ, բայց ոչ երբեք օտարերկրացիների հետ: [220, էջ 74-76]

Չնայած Մոսկւայի վաճառականների բողոքներին, ցարը յանձնարարեց Պոսոյսկի պրիկազի նոր ղեկավար Ա. Ս. Մաուէելին բանակցութիւնների մէջ մտնել Գր. Լուսիկենցի հետ՝ առեւտրական նոր պայմանագիր կնքելու վերաբերեալ: Այդ բանակցութիւններն աւարուեցին յաջողութեամբ եւ 1073 թ. փետրւարի 7-ին կնքւեց առեւտրական նոր պայմանագիր: [ՏԷ՝ 229, էջ 110-113, 248] Այն 1067 թ. պայմանագրի համեմատութեամբ կրում էր աւելի սահմանափակ բնոյթ, որովհետեւ նախ հայ վաճառականներին թոյլատրում էր ապրանքներ արտահանել միայն եւրոպական այն երկրները, որոնք «վէճի» մէջ չէին գտնուում Ռուսաստանի հետ, այլ կերպ ասած՝ ռուսական պետութեան հետ գտնուում էին բարեկամական յարաբերութիւնների մէջ: Անտարակոյս այս վերապահումը հայ վաճառականների առեւտուրը կախման մէջ էր դնում Ռուսաստանի արտաքին քաղաքականութիւնից: Այնուհետեւ պայմանագրում յատուկ շեշտուում էր, որ ապրանքները կարելի է արտահանել արտասահման միայն այն դէպքում, եթէ դրանց չյաջողւի վաճառել Ռուսաստանում:

Վերջապէս վերացւում էին Ռուսաստանից ապրանքներ արտահանելու եւ ներմուծելու վերաբերեալ անժամկէտ արտօնագրերը: Այսուհետեւ վաճառականներին արտօնագրեր էին տրւելու իւրաքանչիւր ուղեւորութեան համար:

Պայմանագրով ռուսական կառավարութիւնը հայկական ընկերութիւնից պահանջում էր հաստատուն խոստում տալ այն մասին, որ նրանք իրանական ողջ հումք մետաքսը կարտահանեն միայն Ռուսաստան եւ այն չեն վաճառի օտարերկրացիներին ոչ իրանում եւ ոչ էլ Թուրքիայում: Այդ կապակցութեամբ Գրիգոր Լուսիկենցը փետրւարի 7-ին, պայմանագրի կնքման օրը հայերէն աւետարանի վրայ տւեց երդմնաւոր խոստում, Հայկական առեւտրական ընկերութեան անունից խոստանալով, որ հայ վաճառականները այսուհետեւ հրաժարուում են Թուրքիայի վրայով եւրոպական երկրների հետ առեւտուր անելուց եւ պարտաւորուում են իրանական ողջ մետաքսը ներմուծել Ռուսաստան եւ այն եւրոպական երկրներ արտահանել միայն Ռուսաստանի վրայով:

Պայմանագիրը սահմանափակող պայմաններից մէկն այն էր, որ ռուսական կառավարութիւնը հրաժարուում էր ճանապարհներին հայ վաճառականների կողմից կրած վնասները հատուցելու պարտաւորութիւնից, մի հանգամանք, որը նախատեսւած էր 1067 թ. պայմանագրով:

Այսպիսով Հայ վաճառականները զրկուած էին Ռուսաստանի վրայով Արեւմուտքի հետ ազատ առեւտուր անելու իրաւունքից, մի հանգամանք, որը նրանց համար աւելի կարեւոր էր, քան Ռուսաստանի համեմատաբար սահմանափակ շուկայում առեւտուր անելը: Պատահական չէ, որ ռուս վաճառականները տրտնջում էին եւ բողոքում Պոսոլսկի պրիկազին, որ Հայ վաճառականները դրժելով իրենց երդումը, իրանական ողջ հում մետաքսը չեն բերում Ռուսաստան, այլ լաւագոյն մետաքսը եւ աւելի մեծ չափերով շարունակում են արտահանել նախկին ուղիներով: Նրանք նոյնիսկ բերում էին կոնկրետ թւեր, որ Հայ վաճառականների կողմից հում մետաքսի ներմուծումը Ռուսաստան 1674 թ. չի գերազանցել 100 փթից, որը մի ջնջին թիւ է:

Աւելի ուշ, 1676 թ. յուլիսի 17-ին ռուսական կառավարութիւնը Հայ վաճառականներին թոյլատրեց Արխանգելսկի վրայով ազատօրէն իրենց ապրանքները արտահանել արեւմուտքի երկրներ: [249, էջ 463] Այս որոշումն ընդունելիս կարեւորագոյն դեր խաղաց նախ այն հանգամանքը, որ 1673 թ. պայմանագրով Հայ վաճառականների իրաւունքների սահմանափակումը հանգեցրեց հում մետաքսի եւ արեւելեան այլ ապրանքների կտրուկ կրճատմանը Ռուսաստան, հետեւարար նաեւ ցարական զանձարանի եկամուտների նւազմանը: Աւելին, Մոսկւայում հաւանական էին համարում նաեւ այն տարբերակը, որ Հայ վաճառականները ընդհանրապէս կարող են դադարեցնել հում մետաքսի ներմուծումը Ռուսաստան, որի հետեւանքով անխուսափելիօրէն արեւմտեան երկրների հետ իրանական առեւտրի միջնորդներ կդառնան բացառապէս թուրքական քաղաքները: Վերջապէս ռուսական իշխանութիւնները երկիւղներ ունէին, որ իրանահայ վաճառականների իրաւունքների սահմանափակումը կարող է ազդել ռուս-իրանական քաղաքական յարաբերութիւնների վրայ, եւ բացի այդ, Հայ վաճառականների կողմից ռուսական շուկայ հում մետաքսի ներմուծման դադարեցման հետեւանքով կշահի իր ախոյեանը՝ Թուրքիան, որը կդառնայ արեւմտեան երկրների հետ իրանական առեւտրի միակ միջնորդը: Վերջապէս, ռուսական կառավարութիւնը չէր ցանկանում վատթարացնել իր յարաբերութիւնները Հայ վաճառականների հետ, որոնք ռուս-իրանական քաղաքական յարաբերութիւնների ընագաւառում խաղում էին միջնորդի կարեւոր դեր, առաւել եւս, որ Մոսկւան լուրջ հիմքեր ունէր համարելու, որ ինչպէս տւեալ պահին, այնպէս էլ ապագայում,

Հայերը կհանդիսանան հաւատարիմ յենարան Ռուսաստանի արեւելեան քաղաքականութեան մէջ: Թերեւս այդ էր պատճառը, որ 1073 թ. պայմանագրով առանց մաքսատուութիւն վճարելու եւ արտօնեալ առեւտրի իրաւունք էր տրամադրուած միայն «Հայ առեւտրական ընկերութեան» վաճառականներին: Մինչդեռ իրանական եւ այլ վաճառականների նկատմամբ ռուսական կառավարութիւնը բռնուած էր միանգամայն այլ դիրք: Նրանց արգելուած էր առեւտրական նպատակներով Աստրախանից բացի մուտք գործել այլ քաղաքներ: [250] Անշուշտ, սա խոշոր առանձնաշնորհ էր, որ տրամադրուած էր Հայ վաճառականներին, որովհետեւ վերջիներս ստանուած էին Ռուսաստանի եւ նրա վրայով նաեւ արեւմուտքի երկրների հետ անմրցակից առեւտրի իրաւունք:

Յարական կառավարութիւնն աշխատում էր առեւտրական պայմանագիրը նման խմբագրութեամբ ձեւակերպելու նախաձեռնող ներկայացնել Գր. Լուսիկենցին, որպէսզի չարի իր յարաբերութիւնները շահի հետ: Ընդ որում, 1073 թ. փետրւարի 21-ին Գր. Լուսիկենցը խնդրում է Պոսոլսկի պրիկազի ղեկավար Ա. Ս. Մատէեւին թաքցնել առեւտրական պայմանագրի կնքման փաստը մինչեւ իր Իրան մեկնելը, որպէսզի այդ մասին ինքը անձամբ գեկուցի շահին եւ այդպիսով թոյլ չտրւեն անցանկանալի բարդութիւններ: [250, ք. 246-247] Միաժամանակ նա խնդրում է, որպէսզի Մոսկւայում թէկուզ եւ մէկ ամսով ձգձգւեն իրանական ղեսպանի եւ պարսիկ վաճառականների վերադարձը Իրան, որ ինքը կանխի նրանց եւ առաջինը ներկայանա շահին: Բացի այս բոլորից, Գր. Լուսիկենցի խնդրանքով ռուսական կառավարութիւնը հրապարակեց հրամանագիր Աստրախան ժամանած պարսիկ վաճառականներին ու զիւանազէտներին քաղաքական նպատակներով միմեանցից տարանջատելու մասին, այն հաշուով, որ վաճառականները ժամանակաւորապէս գտնւեն մաքսատան աստիճանաւորների հսկողութեան տակ, իսկ զիւանազէտները՝ վոյեւոդային գրասենեակի: [250, ք. 435]

1072 թ. Մոսկւայում բանակցութիւններ վարելու ժամանակ Գր. Լուսիկենցը ղեսպանական պրիկազին յայտնում է նաեւ, թէ ինքն ունի «ծածուկ արգ»՝ գաղտնի ասելիք: Ընդ որում, նա հրաժարուած է գրաւոր յայտնել իր ասելիքը, պատճառարանելով, որ դա կարող է յայտնի դառնալ շահին եւ առիթ տալ, որ նա պատժի իրեն: Այս հանգամանքը վերստին գալիս է հաստատելու, որ շատ յաճախ Հայ գործիչները փորձում էին Թուրքիայի դէմ Իրանի եւ

եւրոպական պետութիւնների քաղաքական դաշինք ստեղծել, այդ առթիւ շունենալով շահի համապատասխան լիազօրութիւնը՝ նկատի ունենալով բացառապէս հայ առեւտրական կապիտալի շահերը: Դրանով պէտք է բացատրել այն իրողութիւնը, որ յաճախ իրանահայ խոջաներն այդ գաղափարի իրագործման համար չէին ինսայում նաեւ իրենց դրամական միջոցները:

Այսպիսով միանգամայն ակնյայտ է, որ Իրանի եւ Եւրոպական տէրութիւնների միջեւ հակաթուրքական դաշինք կնքելու հարցում ստանձնելով միջնորդի եւ դիւանագիտական յանձնակատարի դեր, հայ առեւտրական կապիտալի ներկայացուցիչներն առաջնորդում էին ոչ միայն իրենց առեւտրատնտեսական շահերով, այլեւ հետապնդում էին նաեւ քաղաքական շահեր, մասնաւորապէս օսմանեան լծից Հայաստանի ազատագրման նպատակներ:

Միանգամայն ակնյայտ է, որ իրանահայ առեւտրական բուրժուազիայի դասը համակելով հայ բնաշխարհի ազատագրական տրամադրութիւններով, XVII դարի 60-ական թւականներին սկսել էր ոչ միայն ուղղութիւն տալ, այլեւ անմիջականօրէն մասնակցել Հայաստանի ազատագրման ուղղութեամբ իրականացուող բանավարութիւններին:

✓ 1676 թ. յուլիսի 17-ի արտօնագիրը մեծապէս խթանեց հայ վաճառականների առեւտուրը Ռուսաստանի հետ: Եթէ 1673-1674 թ.թ. նրանք դէպքից դէպք էին ժամանում Աստրախան եւ Մոսկա, ապա 1676 թ. նման այցելութիւնները դառնում էին աւելի կանոնաւոր, ընդորում յաճախ գալիս էին տասը, տասներկու եւ աւելի մարդկանցից բաղկացած վաճառականների խոշոր խմբեր, իրենց հետ բերելով մեծ քանակութեամբ ապրանքներ: Ընդորում հետաքրքրական է նշել, որ 1676 թ. մինչեւ 1686 թ. ընկած շրջանում հայ վաճառականների այցելութիւնների կէսից աւելին ընկնում էր Ռուսաստանի արեւմտեան շրջաններին: [238, էջ 28] Սա աւելորդ անգամ գալիս է հաստատելու, որ ռուսական կառավարութեան հետ առեւտրական պայմանագիր կնքելիս հայ վաճառականների զբլխաւոր նպատակն էր առեւտուրը Հոլանդիայի, Շեդդիայի, Անգլիայի եւ արեւմտաեւրոպական միւս երկրների հետ: Ընդորում այդ առեւտրափոխանակութեան ծաւալը վերին աստիճանի շօշափելի ու նշանակալից էր: Այսպէս, 1676 թ. Պոսոլսկի պրիկազի արձանագրութիւնների համաձայն Հոլանդիա մեկնելու թոյլտուութիւն խնդրած հայ վաճառականների միայն մէկ խումբ, որի մէջ մտնում էին Եգուպ Պօղոսովը իր տասը ընկերների հետ, Արիանգելսկից

Հոլանդիա էր արտահանել 1170 փութ հում մետաքս: [251] 1670 թ. Խարապետ Մատեւելը (Հայրապետ Մատթէոսեան) իր ընկերների հետ Արխանգելսկ էր բերել 215 փութ 20 Ֆունտ հում մետաքս, այն Հոլանդիա առաքելու համար: [251] 1681 թ. միայն մէկ վաճառական ումն Ե. Գրիգորեւ Արխանգելսկ էր հասցրել 157 փութ մետաքս: Առանձնապէս վաճառականների մեծ խմբեր էին ժամանել Արխանգելսկ 1683 թ. տօնավաճառին մասնակցելու համար:

Նախկինի պէս հայ վաճառականների առեւտուրը Արխանգելսկում եւ այնտեղից նրանց ուղեւորութիւնները արտասահման առաջ էին բերում ռուս վաճառականական դասի չդադարող բողոքները, որոնք իշխանութիւնների մօտ փորձում էին ապացուցել, որ հայերը իրենց իսպառ դուրս են մղել հում մետաքսի միջնորդ առեւտրից: Սակայն քանի որ այդ առեւտուրը շարունակում էր խոշոր եկամուտներ բերել գանձարանին, ռուս վաճառականների բողոքները ոչ մի ազդեցութիւն չունեցան կառավարութեան վրայ:

Արեւմտեան տէրութիւններից իւրաքանչիւրը փորձում էր հայ վաճառականների հետ արեւելեան առեւտրի մենաշնորհը վերցնել իր ձեռքը: Այսպէս, 1678 թ. Հոլանդացի Փոն-Կլենկը աշխատում էր հայ վաճառականներից խոստում վերցնել, որ նրանք Արխանգելսկի վրայով ողջ մետաքսը տանեն միայն Հոլանդիա, բայց ոչ երբեք Անգլիա, Համբուրգ եւ այլն: [249, էջ 458] Մինչեւ 1680 թ. հոլանդացիներին յաջողում էր ինչ-որ չափով իրագործել այդ քաղաքականութիւնը: Սակայն դրանից յետոյ յայտնեցին նաեւ այլ մրցակիցներ, որոնց մէջ յատկապէս վտանգաւոր էր Շւեդիան: Վերջինս Բալթիկ ծովը վերածելով ներքին լճի եւ 1648 թ. վեստֆալեան պայմանագրով ստանալով Պոմերանիան, Օդերի եւ վեգերի գետաբերանը, եռանդուն կերպով ձգտում էր առեւտուրը Սպիտակ ծովից տեղափոխել Բալթիկ ծով: Դրանով Շւեդիան մտադիր էր նախ հարւած հասցնել Մոսկւայի հետ անգլո-հոլանդական առեւտրին եւ ապա Հնդկաստանի եւ Իրանի հետ Ասորիսանի վրայով կատարւող արեւելեան առեւտուրը Ֆիննական ծոցի ափերին շաղկապել արեւմտաեւրոպական, տւեալ դէպքում շւեդական առեւտրական համակարգի հետ: [224, էջ 20] Ի կատարումն շւեդական դիւանագիտութեան մշակած հեռուն գնացող ու լայնահուն ծրագրերի, 1673 թ. փետրւարի 4-ին շւեդական դեսպանորդ Ադոլֆ էրերշլիդը Պոսոլսկի պրիկազին ներկայացրեց մի զեկուցագիր, որտեղ նշւում էր, որ Շւեդիայի հետ սերտ դաշինք կնքելու դէպքում Ռուսաստանը իրեն կազատէր արտաքին ու

ներքին բարդութիւններից: Միւս կողմից Արխանգելսկի վրայով առեւտուրը տեղափոխելով Բայթիկ ծով, Ռուսաստանը արեւմուտքի հետ առեւտրից կքաղէր մեծ օգուտներ, մանաւանդ որ օտարերկրացիները դէպի Արխանգելսկ մէկ ուղեւորութեան փոխարէն իւրաքանչիւր տարի կկարողանային կատարել երեք ուղեւորութիւն դէպի Բայթիկ ծովի նաւահանգիստներից մէկը: [223, էջ 1] Սա ճշմարտութիւն էր, որովհետեւ արտասահմանի հետ կանոնաւոր առեւտրի համար Արխանգելսկն ունէր որոշ անյարմարութիւն: Նրա նաւահանգիստը նաւերի համար բաց էր միայն տարին վեց ամիս: Մնացած ժամանակ նա սառցակալոււմ էր:

Սակայն շնայած այդ գայթակղեցուցիչ հեռանկարներին, ռուսական կառավարութիւնը ոչ մի կերպ չէր տալիս իր համաձայնութիւնը: Դա ունէր իր պատճառները, որոնց մէջ թերեւս կարեւորագոյնները հետեւեալներն էին. նախ իր ամբողջ թերութիւններով հանդերձ արտահանման միւս կէտերի համեմատ Արխանգելսկն ունէր մէկ կարեւոր առաւելութիւն. դա այն էր, որ անկախ տւեալ պահին հարեւան երկրների հետ Ռուսաստանի յարաբերութիւնների բնոյթից, նա կարող էր Արխանգելսկի վրայով առեւտրական յարաբերութիւններ պահպանել եւրոպական տարրեր երկրների, այդ թւում նաեւ Շւեդիայի եւ Լեհաստանի հետ: Այնուհետեւ, որ ոչ պակաս կարեւոր էր, Մոսկւայում Շւեդիային դիտում էին, առաւել եւս Հոլանդիայի համեմատութեամբ, որպէս Ռուսաստանի վտանգաւոր ախոյեան ու թշնամի: Եւ շւեդական դիւանագիտութեան առաջարկը Ռուսաստանի օտարերկրեայ առեւտրի կենտրոնը Արխանգելսկից Նովգորոդ կամ մէկ այլ քաղաք տեղափոխելու վերաբերեալ Ռուսաստանի արտաքին քաղաքականութեան հարցերով զբաղող հիմնարկութիւնում՝ Պոսոլսկի պրիկազում, մեկնարածոււմ էին որպէս Ռուսաստանի տնտեսական-քաղաքական շահերի հետ անհարիր մի առաջարկութիւն:

Չնայած այդ մերժումներին, շւեդական կառավարութիւնը յամառօրէն շարունակում էր Մոսկւայում արծարծել այդ հարցը: Ի վերջոյ այդ յամառութիւնը տւեց իր պտուղները: 1688 թ. շւեդական դեսպան Ֆարրիցիուսը ստացաւ ռուսական կառավարութեան համաձայնութիւնը, որպէսզի հայ վաճառականները Արեւմտեան Եւրոպայի երկրներ մեկնեն Նովգորոդից կամ Նարւայից: Ենթադրոււմ է, որ Ռուսաստանի կողմից այդ զիջման զրդապատճառն այն էր, որ նա յոյսեր էր փայփայում, որ Իրանը, որի առեւտուրը շահում էր այդ քայլի հետեւանքով, անհրաժեշտութեան դէպքում

հանդէս կգայ Թուրքիայի դէմ. Համենայն դէպս Մոսկւայում ենթադրում էին, որ ծայրայեղ դէպքում կարելի է յոյս դնել շահի բարեացակամ չեզոքութեան վրայ: [239, էջ 153] Բայց կային նաև գիջման գնալու այլ, աւելի լուրջ պատճառներ: Բանը նրանում է, որ 1686 թ. մայիսի 6-ին ռուսական կառավարութիւնը «յաւերժական խաղաղութեան» պայմանագիր կնքեց Լեհաստանի հետ եւ միացաւ եւրոպական տէրութիւնների «Սրբազան լիգային»: Օսմանեան կայսրութեան դէմ պայքար մղելու համար: Այս պարագաներում Մոսկւայում հայերի առեւտուրը Շւեդիայի հետ դիտուում էր որպէս Ռուսաստանի կապերը այդ երկրի հետ ամրապնդող կարելորագոյն քաղաքական քայլ: Բնաւ պատահական չէ, որ հակաթուրքական դաշինքի մէջ Ռուսաստանի մտնելուն նախորդեց հայերին Նովոգորոդի վրայով Շւեդիա մեկնելու իրաւունքի տրամադրումը:

1686 թ. սեպտեմբերի 1-ին ջուղայեցի վաճառականներ Սաֆար Վասիլեւր եւ Անուշ Վարդանովը առաջինն էին, որ թոյլտուութիւն ստացան Նովոգորոդի վրայով ապրանքներ տեղափոխել Շւեդիա: [262] Այսուհետեւ հայ վաճառականների առեւտրական գործառնութիւնները արտասահմանի հետ տեղի էին ունենում հիմնականում Նովոգորոդի վրայով, իսկ 1692 թ. կականից մինչեւ 1697 թ. Պոսոլսկի պրիկազում բոլոր ուղեւորութիւնները արտասահման արձանագրւած են բացառապէս այդ քաղաքի վրայով:

Այսպէս, 1698 թ. յունւարի 21-ին եւ փետրւարի 4-ին Ստեփան Թոփչեանց անունով մի վաճառական իր երեսուն ընկերների հետ Ռուսաստանից անցնում է Շւեդիա: «Զկնի որոյ ի Յ մայիսի այնր ամի, Թոմայեանց Նիկողայոս Սիմոնեանց, Սիմէօն Բողդանեանց, եւ Գրիգոր Աստուածատրեան, եւ ի 22 նոյեմբերի Յակոբ Սերգիով, եւ ի 24 դեկտեմբերի Սաֆար Բարսեղեան գնացին վաճառականութեամբ յայն երկիր»: [61, էջ 176-177]

Նովոգորոդեան ճանապարհի բացումից յետոյ ոչ միայն մեծացաւ հայ վաճառականների կողմից արտահանուող ապրանքների ծաւալը, այլեւ բազմազան դարձաւ նաև տեսականին:

Նարւայի մաքսատան գրքի տւեալներով բազմաթիւ հայ վաճառականներ Նովոգորոդի վրայով մեկնում էին ոչ միայն Շւեդիա, այլեւ Լիւբեկ, այնուհետեւ այդ վայրերից թափանցելով Հոլանդիա, Ֆրանսիա, Անգլիա, Դանիա, Գերմանիա, Իտալիա, ինչպէս նաև Մերձբայթեան երկրներ: Յայտնի է օրինակ, որ ջուղահայ առեւտրական կապիտալի գործակալ Ֆիլիպ դի Չալլին լայն գործունէութիւն էր ծաւալել Մերձբայթիկայում: 1698 թ.

սեպտեմբերին նա պայմանագիր է կնքում Լիւոնիայի, Կուլ-
լանդիայի ու Սեկվենի դուքս Ֆրեդերիք Կազիմիրի հետ: [184, էջ 301-
420] Պէտք է ենթադրել, որ Մերձբայթեան երկրներում գործող նման
հայ վաճառականների թիւը մեծ էր:

XVII դարի 70-ական թւականներից սկսած հաստատում են
նաեւ հայ վաճառականների կանոնաւոր առեւտրական յարաբե-
րութիւններ Բրանդենբուրգի հետ: Դեռեւս XV դարում ձեւաւոր-
ւեցին առեւտրական մի շարք ուղիներ Բրանդենբուրգից եւ
Սաքսոնիայից Լեհաստանի եւ Լիւալի վրայով դէպի արեւմտեան եւ
հիւսիս-արեւմտեան Ռուսաստան: Առեւտրական ճանապարհների
այդ ցանցը սկիզբ էր առնում Լայպցիգում, անցնում էր Պոզնանի,
Վարշաւայի, Վիլնիւսի, Պոլոցկի, Սմոլենսկի վրայով եւ հասնում էր
մինչեւ Մոսկւա:

1070 թ. Բրանդենբուրգից Մոսկւա է ժամանում հայ վա-
ճառական Յակոբ Սամոկուլսիին, իր հետ բերելով բրանդեն-
բուրգեան կիրֆուրստի նամակը, որտեղ հաւաստիացւում էր, որ
նա կիրֆուրստի մօտ ընդունել է ծառայութեան որպէս գործակալ
Ռուսաստանի վրայով Պրուսիա ներմուծելու համար հում մետաքս
եւ իրանական այլ ապրանքներ: Նամակում խնդրւում էր հայ
վաճառականին տրամադրել այդ հնարաւորութիւնը: [230, էջ 153]

Ռուսական կառավարութիւնը սիրով ընդառաջեց այդ
խնդրանքին, որովհետեւ առեւտրական ու տնտեսական տեսակէտից
թող Բրանդենբուրգը չէր կարող սպառնալ Ռուսաստանի շահերին:
Բացի այդ, Բրանդենբուրգի հետ առեւտուրը որոշակիօրէն
հարւածում էր Քանդայի միութեանը, որը հանդէս էր գալիս որպէս
ուսւ վաճառականութեան յուրջ մրցակիցներից մէկը:

Բրանդենբուրգի, ինչպէս նաեւ Լեհաստանի հետ հայ
վաճառականները սոփոքարար առեւտուր էին անում Սմոլենսկի
վրայով, որն այդ ժամանակ հանդիսանում էր Ռուսաստանի
արեւմտեան ցամաքային սահմաններին հարող երկրների հետ
առեւտրի հիմնական կէտ:

Ուշագրաւ փաստ է, որ եթէ իրանա-ուսական առեւտրում
բացի հայ վաճառականներից մասնակցութիւն էին ցուցաբերում
նաեւ պարսիկները, աղբրեջանցիները եւ այլն, ապա Ռուսաստանի
վրայով Արեւմտեան Եւրոպայի հետ տարանցիկ առեւտրով
զբաղւում էին բացառապէս հայ վաճառականները:

Նովգորոդեան ճանապարհի բացումից յետոյ ոչ միայն
մեծացաւ հայ վաճառականների կողմից արտահանւող ապրանքների

ծաւալը, այլեւ բազմազան դարձաւ նաեւ տեսականին: Բացի հում մետաքսից եւ իրանական արտադրութեան բազմապիսի աւանդական ապրանքներից նրանք Արեւմտեան Եւրոպա էին արտահանում նաեւ հնդկական եւ արեւելեան այլ երկրների ապրանքներ, ինչպէս օրինակ մարգարիտ, թանկարժէք քարեր, ներկեր, ուղտի բուրդ, համեմունքներ, թանկարժէք մետաքսեայ եւ բամբակեայ կտորեղէն եւ այլն: Իսկ արեւմուտքի երկրներից ռուսական տարանցիկ ճանապարհով Իրան էին ներմուծում գլխաւորապէս անգլիական, հոլանդական եւ համբուրգեան մահուդ, զանազան կտորեղէն, ճենապակեայ ամանեղէն, հայելիներ, դանակներ, պատառաքաղներ, մկրատներ, մոմակալներ, ակնոցներ, սաթ, ներկեր, շաքար, մեղր, կապար, կոզպէքներ, գրքեր, զարդեղէն, արհեստական մարգարիտ, խաղաթղթեր, ասեղ, ուլունքներ, սրի շեղրեր, հեռագիտական, գերմանական սափորներ եւ այլ ապրանքներ: [253] Կոստանդ Ջուղայեցին իր «Աշխարհաժողովում» մէկ առ մէկ յիշատակում է նաեւ այն ապրանքները, որոնք Ռուսաստանից արտահանոււմ էին Իրան. դրանք էին սամիւր, սեւ աղւէս, գոջան (կզաքիս), սրնճեֆ (սկիւռ), թլաթին (հորթի կաշի), թալքն (թալիս), ղունդուզ շարէ (կուղր), ձկան ատամ (ծովափշի ժանիք), ժիպակ, մեղրամոմ եւ այլն: [122, էջ 157 ա]

Ռուսական կառավարութիւնը մեծ շահագրգռւածութիւն էր դրսեւորում հայ վաճառականների առեւտուրը Ռուսաստանի եւ նրա վրայով Արեւմտեան Եւրոպայի հետ զարկ տալու համար: 1690 թ. Աստրախանի եւ Կասպ-Վոյգեան ճանապարհի վրայ ընկած մի շարք այլ քաղաքների վոյեւոդներին ուղարկեց ցարական հրովարտակ այն մասին, որ նրանք արգելք չհանդիսանան հայ վաճառականների առեւտրին եւ չխախտեն նրանց հետ կնքւած առեւտրական պայմանագրի պայմանները: [229, էջ 212-213] Նոյնիսկ Պետրոս Էի ազովեան արշաւանքի կազմակերպման շրջանում, երբ Ռուսաստանի արտաքին քաղաքական վիճակը խիստ լարւած էր, ռուսական կառավարութիւնը իրանական դեսպան Մոհամմադ Հոսէյն խան րեկի միջոցով 1692 թ. յայտնեց շահին ցարի ցանկութեան մասին ամէն կերպ խրախուսելու եւ զարգացնելու հայերի առեւտուրը: Աւելի ուշ, 1697 թ. Պետրոս Էը հրապարակեց անւանական հրամանագիր Իրանից Ռուսաստան եկած հայ վաճառականներին ամէն տեսակի աջակցութիւն ցոյց տալու մասին: [229, էջ 244-245]

Հետաքրքիր է նշել, որ երբ 1689 թ. ռուսական կառա-

վարութիւնը բոլոր արեւելեան վաճառականներին արգելեց Ռուսաստանի վրայով առետուր անել արեւմտաեւրոպական երկրորդների հետ, բացառութիւն արւեց միայն «Հայկական առետուրական ընկերութեան» անդամների համար:

Այսպիսով չնայած նրան, որ XVII դարի վերջին երկու տասնամեակների ընթացքում հայ վաճառականների առետուրը կասալվոյգեան ճանապարհով ձեռք բերեց շօշափելի ծաւալ, սակայն դրանով հանդերձ սխալ կլինէր գերազնահատել այդ առետուրական ուղու նշանակութիւնը հայ խոջանների առետուրի համար: Իրողութիւնն այն է, որ այդ առետուրական ուղին հայ վաճառականների համար երբեք վճռական նշանակութիւն ձեռք չբերեց: Նախկինի պէս իրանա-եւրոպական առետուրի գլխաւոր ուղին անցնում էր Օսմանեան կայսրութեան վրայով: «XVII դարում, - գրում է Ե. Ս. Զեւակինը, - ռուս-պարսկական առետուրը աւելի նւազ նշանակալից էր, քան Պարսկաստանի առետուրը Թուրքիայի, Հնդկաստանի եւ Եւրոպայի հետ: Դա հաստատում է Պարսկաստանը Թուրքիայի, Հնդկաստանի եւ միւս երկրների հետ կապող բազմաթիւ առետուրական ճանապարհների առկայութեամբ, ինչպէս նաեւ այն հանգամանքով, որ եւրոպական ճանապարհորդները իրենց նկարագրութիւններում գլխաւոր ուշադրութիւնը դարձնում են Եւրոպայի, Թուրքիայի եւ Հնդկաստանի հետ առետուրին: Մոսկովեան «հիւրերն» (վաճառականներ Վ.Բ.) ու առետուրական մարդիկ իրենց «պատմութիւններում» (ուղեգրութիւններ Վ.Բ.) նոյնպէս հաստատում են, որ պարսկական մետաքսի հիմնական մասը ծովով արտահանում էր Թուրքիայի վրայով»: [239, էջ 157]

Այդ հարցի առթիւ Աշոտ Յովհաննիսեանը կատարում է մի կարեւոր գիտում: Հայ խոջանները «շուկայ չէ, որ որոնում էին Մոսկովեան պետութեան մէջ, այլ տրանզիտի ձեռնտու ճանապարհ»: [17, էջ 448] Յիրաւի, ռուսական շուկան խիստ նեղ էր արեւելեան ապրանքների, այդ թւում նաեւ իրանական հում մետաքսի հսկայական ծաւալը կլանելու համար: Ռուսաստանում համարեա բացակայում էին մետաքսի մանուֆակտուրաները, հետեւաբար հումքի պահանջարկը եւս խիստ սահմանափակ էր: Ռուսական պետութեան մէջ արդիւնաբերութեան զարգացման ցածր մակարդակը եւս նշանակալիորէն կասեցնում էր հարեւան երկրների հետ ապրանքափոխանակութեան ծաւալումը: Այդ մասին է վկայում նաեւ հայ վաճառականների կողմից Ռուսաստանից Արեւելք արտահանող ապրանքների խիստ սահմանափակ տեսականին:

Այնուհետեւ Կասպ-Վոլգեան ճանապարհը թուրքական առեւտրական ուղու համեմատութեամբ աւելի քիչ խրաքցւած ճանապարհ էր եւ աւելի նւազ ապահով:

Վերոյիշեալ պատճառների հետեւանքով, թէեւ Նոր Զուղայի «Հայկական առեւտրական ընկերութիւնը» Մոսկւայի հետ պայմանագիր կնքելիս տւել էր կալուն խոստումներ հում մետաքսի եւ այլ ապրանքների արտահանումը թուրքական ճանապարհով դադարեցնելու եւ այն Ռուսաստանի կողմը ուղղելու վերաբերեալ, սակայն այդպէս էլ չիրականացրեց իր այդ խոստումը, առաջ բերելով ռուս վաճառականների եւ ռուսական իշխանութիւնների մշտական դժգոհութիւնը: Բանը հասաւ նոյնիսկ նրան, որ հայ խոջաների վրայ ճնշում գործադրելու նպատակով Մոսկովեան պետութիւնը սկսեց օգտագործել պաշտօնական-պետական լծակներ: Այսպէս, 1692 թ. ապրիլի 2-ին Պոսոյսկի պրիկազը իրանական ղեկավանի միջոցով հայ վաճառականներից պահանջեց ճշտութեամբ կատարել իրենց ստորագրած պայմանագրի կէտերը, այսինքն հրաժարել թուրքական տարանցիկ ճանապարհներից եւ իրանական ողջ հում մետաքսը արտահանել Ռուսաստան: [255]

Համենայն դէպս, անկախ այդ բոլորից, հայ վաճառականների նախաձեռնութեամբ եւ շնորհիւ նրանց գործադրած եռանդուն ջանքերի, Կասպ-Վոլգեան առեւտրական ճանապարհը ձեռք բերեց միջազգային առեւտրական ուղու նշանակութիւն եւ Ռուսաստանը հնարաւորութիւն ստացաւ անմիջական առեւտրատնտեսական յարաբերութիւնների մէջ մտնել Իրանի, Անդրկովկասի եւ նրանց վրայով նաեւ Արեւելքի այլ երկրների հետ:

Հայ վաճառականների առեւտուրը Կասպ-Վոլգեան ճանապարհով XVII դարի վերջին եւ XVIII դարի սկզբներին որոշակիորէն ունէր զարգացման միտում: Դրան նպաստող հանգամանքների մէջ կարեւորագոյն պատճառներից մէկը այն էր, որ Արեւելեան Հայաստանում եւ Իրանի հայ գաղթօջախներում հայ բնակչութեան համար ստեղծւած տնտեսական եւ քաղաքական անբարենպաստ պայմանների հետեւանքով հայերի հոսքը դէպի Ռուսաստան ընդունեց զանգւածային բնոյթ: «Ելեալ հայք ի յերկրէն Արարատայ» ... յերկրէն Այանաց, յարքայանիստ Շօշայ, այսինքն՝ Ասպահանայ... ի քաղաքէն Մազանդարանայ, Համադանայ, Ղազուինէ, թարրիդէ եւ այլ ուստեքէ եկեալ ի կողմանս Հիւսիսոյ... ի նաւահանգիստ Աստրախան, Ի Ղզլար... ոմանք վաճառականք, ոմանք արհեստաւորք, ոմանք հողագործք եւ այգեգործք»: [256, թ. 4բ]

Պետրոս Էի արեւելեան քաղաքականութեան ընդհանուր խնդիրներէ մէջ կարեւորագոյն նպատակներէց մէկն էր հայերի միջոցով Արեւելքի երկրներէ, յատկապէս Իրանի ու Հնդկաստանի հետ առեւտրական յարաբերութիւնների զարգացումը: Մասնաւորապէս նա փայտախում էր Բալթիկ ծովը կասպից ծովի հետ կապելու, իսկ այնուհետեւ դէպի Հնդկաստան տանող ջրային հաղորդակցութեան ուղիներ գտնելու հետուն գնացող ծրագրեր:

Պետրոս Էի ներքական իղձն էր Ռուսաստանի վրայով բացել Հնդկաստանի հետ եւրոպական առեւտրի ուղի: Ընդորում Պետերբուրգի հիմնադրումից յետոյ կայսրը ձգտում էր, որ մետաքսի ու արեւելեան այլ ապրանքների տարանցիկ առեւտուրը արեւմուտքի հետ իրագործել իր նորաստեղծ մայրաքաղաքի վրայով: [256] Այս յայնահուն նպատակներն իրագործելու համար անհրաժեշտ էր գործի մէջ ներգրաւել հայ վաճառականութեանը: Պատահական չէ, որ Պետրոս մեծն աշխատում էր նրանց ամէն կերպ սիրաշահել եւ շնորհել ամէն տեսակի արտօնութիւններ ու իրաւունքներ: Այսպէս, 1711 թ. նա Աստրախանի իշխանութիւններին խստիւ պատւիրել էր, որպէսզի հայերի նկատմամբ ոչ մի նեղութիւն եւ արգելք չհարուցեն: Նոյն թւականի մարտի 2-ին նա կարգադրում էր խստօրէն պահպանել հին պայմանագրով սահմանած որոշումները, թոյլ չտալ Ռուսաստանի հետ առեւտուր անող վաճառականներից անօրինական մաքսադանձումներ ու ճանապարհային տուրքեր վերցնել, ապահովել նրանց փոխադրամիջոցներով, ուղեկցողներով, կացարաններով, պահեստներով եւ բնակարան կառուցելու հոգակտորներով: Այդ նոյն ոգով 1711 թ. մայիսի 14-ին որոշում է ընդունել նաեւ սենատը: [257, էջ VII]

Ռուսական կառավարութիւնը արտօնութիւններ ու իրաւունքներ էր շնորհում ոչ միայն իրանահայ վաճառականներին, այլեւ Անդրկովկասի, Թուրքիայի եւ այլ վայրերի առեւտրականներին: Յայտնի է, օրինակ, որ 1712 թ. փետրւարի 5-ին թիֆլիսեցի վաճառականներ Մամաջանը, Աւթանդին ու Յարութիւնը դիմում են Պետրոս Էին եւ խնդրում թոյլ տալ օգտւելու Նոր Զուղայի վաճառականներին տուած արտօնութիւններից: Այդ առթիւ 1712 թ. փետրւարի 12-ին սենատը հրապարակում է յատուկ հրամանագիր: [257, էջ 80-81]

Պետրոսը ձգտում էր նաեւ կովկասի մի շարք նահանգներում, ինչպէս նաեւ Ռուսաստանի հարաւում ստեղծել հայկական վաճառականական գաղութներ: Այդպիսի առաւել աչքի ընկնող գա-

ղուծներէց մէկն էր Աստրախանը, որի առեւտուրը ամբողջութեամբ, ինչպէս վկայում են այդ քաղաքն այցելած անգլիացի ճանապարհորդներ Ջոն Էլդընը եւ Մընկօ Գրահեմը, գտնուում էր հայերի, մասամբ նաեւ հնդիկների ձեռքերում: [258, էջ 8] Ինչ վերաբերում է այդ քաղաքի ուսւ վաճառականներին, ապա նրանք առաւելագէս զբաղուում էին Կասպից ծովի եւ Վոլգայի թանկարժէք ձկնատեսակների ու խաւիարի առեւտրով: [258, էջ 8]

Հետաքրքիր է նշել, որ երբ Պետրոս Էր Ամստերդամում էր, այնտեղ ծանօթացել էր նշանաւոր հայ վաճառականների հետ, որոնց մէջ զլխաւոր դեր էին խաղում նշանաւոր Պետրոս Ապրոն, Յովհաննէս Դիրոգոթեանը եւ ուրիշներ: Ռուսական արխիւներում յիշատակութիւն կայ այն մասին, որ 1711 թ. Պետրոսը թոյլատրել է հայ վաճառական Մերկուլ Աղագարովին ընտանիքով Հոլանդիայից տեղափոխել Մոսկւա: [257, փաստ. № 42] Երբ Պետրոս մեծը 1717 թ. երկրորդ անգամ մեկնեց Հոլանդիա, Պետրոս Ապրոն նրան ներկայացրեց մի խնդրագիր Ռուսաստանում ազատ առեւտուր անելու վերաբերեալ: Ընդառաջելով այդ խնդրանքին, կայսրը 1717 թ. յունւարի 28-ին հրապարակում է մի հրովարտակ, որտեղ ասուում էր, որ Զմիւռնիայի հայ վաճառականներին թոյլատրուում է ազատ առեւտուր անել Ռուսաստանում եւ Ռուսաստանի վրայով արեւմտեան Եւրոպայի հետ, վճարելով նոյնքան մաքս, որքան վճարում են Նոր Զուղայի հայ վաճառականները: Այլ կերպ ասած Պետրոսը Զմիւռնիայի վաճառականների վրայ էր տարածում այն բոլոր իրաւունքներն ու արտօնութիւնները, որոնք մինչ այդ տրամադրւել էին Զուղայեցի հայ վաճառականներին: Այնուհետեւ 1718 թ. յունիսի 6-ին Պետրոս Էր հրապարակում է մի նոր հրովարտակ, որով Զուղայի եւ Աստրախանի հայ վաճառականներին իրաւունք էր տրուում հաւասարագէս օգտուել այն բոլոր իրաւունքներից, որից օգտուում էին այլ երկրների առեւտրականները: [183, էջ 41-43]

Պետրոս մեծը յատկապէս մեծ ջանքեր էր գործադրում, որ իրանական ողջ մետաքսը արտածւի Ռուսաստան: Նա իր այդ նւիրական իղձը իրականացնելու համար չէր խորշում նոյնիսկ 1715 թ. հրահանգ տալ Իրան մեկնող իր դեսպան Վոյինսկուին, որ եթէ չհահին համոզելու սովորական ձեւերը չգործեն՝ որպէսզի նա ստիպի Նոր Զուղայի հայ առեւտրական ընկերութեանը կատարելու իր պայմանագրային պարտաւորութիւնները ուսական կառավարութեան առջեւ, անհրաժեշտ է օգտագործել նրան եւ նրա շրջապատի մարդկանց կաշառելու փորձուած ձեւը:

Այդ նոյն հրահանգում կարգադրուած էր ամէն կերպ խոչընդոտներ հարուցել հայ վաճառականների կողմից դէպի Զմիւռնիա եւ Հայէջ պետաքսի արտահանմանը: [257, փաստ. No 30, կէտ 7]

Ճանապարհորդելով Ֆրանսիայում, Պետրոսը գարմացել էր, տեսնելով Լիոնում եւ այլ քաղաքներում մետաքսէ գործւածքեղէնի արտադրութիւնը: Նրա ցանկութեանը, Ռուսաստանում եւս կազմակերպելու մետաքսեայ գործւածքեղէնի արտադրութիւն, առաջինը արձագանքել էր հայազգի Շիրւանովը, որը Ղլլեարում հիմնադրել էր մետաքսի Փարրիկա: Այնուհետեւ նրա օրինակին հետեւել էին բազմաթիւ այլ ձեռնարկատէրեր: Այսպէս, 1710 թ. մարտի 13-ին հայ վաճառական Սաֆար Վասիլեւ խնդրագիր է ներկայացնում կայսրին, առաջարկելով իրեն տրամադրել յարմար վայրեր եւ աշխատուժ Ռուսաստանի տարածքում մետաքսագործութիւնը զարգացնելու համար: Միաժամանակ նա թոյլտուութիւն էր խնդրում Իրանից հրաւիրել մետաքսագործութեան զաղտնիքներին տիրապետող մարդկանց: Պետրոսը սիրով ընդունաջում է այդ խնդրանքին եւ այսպիսով Սաֆար Վասիլեւ հիմնադրում է ռուսական մետաքսագործութիւն առաջնեկը հանդիսացող Թերքի գործարանը: Աւելի ուշ, 1720 թ. նոյնատիպ գործարան յայտնուում է նաեւ Աստրախանում: Մասնաւորապէս Իսրայէլ Օրին եւ նրա համախոհ ու գործակից Մինաս Վարդապետը Պետրոսի ցանկութեամբ Իրանից Ռուսաստան են հրաւիրում մետաքսաարդիւնարերութեան գործի գիտակ մեծ թւով հայերի:

Ռուսական կայսրը խրախուսում էր նաեւ առեւտրական ընկերութիւնների կազմակերպումը, որոնց խնդիրն էր լինելու իրենց ձեռքը վերցնել Ռուսաստանի ողջ արտաքին առեւտուրը եւ դանձարանին շօշափելի եկամուտներ բերելը:

Կայսրի այդ ցանկութիւնը արձագանք գտաւ հայ վաճառականների մօտ, որոնցից առաջինը Մանուէլ Իսախանովն էր, որը կազմակերպեց առեւտրական մի ընկերութիւն, որին յանձնեց Իրանի հետ առեւտուր անելու ողջ մենաշնորհը, բացառութեամբ ռազմական ապրանքների: Աւելորդ չէ նշել նաեւ, որ այդ ընկերութիւնը հիմնած էր փայտիտրական սկզբունքների վրայ, որը առաջինն էր Ռուսաստանում:

XVIII դարի սկզբներին Ռուսաստանի հետ առեւտրում զբաղւած էին ոչ միայն իրանահայ, այլեւ արեւմտահայ վաճառականները: 1695-1698 թ.թ. պատերազմից յետոյ Ռուսաստանի եւ Թուրքիայի միջեւ տեղի ունեցող բանակցութիւններում քննարկւող

կարեւորագոյն հարցերից մէկն էր ստեղծել այնպիսի պայմաններ, որոնք կհեշտացնէին ռուս վաճառականների առեւտուրը Կաֆայի, Սինոպի եւ Կ. Պոլսի հետ, ինչպէս նաեւ Թուրքիայի վաճառականների առեւտուրը Ազովի, Կիեւի եւ Մոսկւայի հետ: Սակայն չնայած բանակցութիւնների ժամանակ տւած խոստումներին, օսմանեան կառավարութիւնը վճռականօրէն արգելակում էր ռուսական առեւտրի զարգացումը Ս եւ Ծովի աւազանում: Անտարակոյս նման պայմաններում դարձեայ առաջնակարգ կարեւորութիւն էր ձեռք բերելու ցամաքային ճանապարհներով առեւտուր անող հայ վաճառականների դերը: Այդ մասին են վկայում բազմաթիւ փաստեր: Այսպէս, գեներալ-Լէյտենանտ Մատիւուշկինը 1725 թ. դեկտեմբերի 15-ին դիմում է արքունիքին, խնդրելով որպէսզի թոյլ տրւի ընդունել թուրքահայատակ հայերի բերած արծաթը: 1726 թ. յունւարի 12-ին Հայէպի եւ Դամասկոսի հայ վաճառականները ներկայացնում են մի խնդրագիր այն մասին, որ իրենց թոյլ տրւի Աստրախանի վրայով Ազովեան երկրամասերի հետ առեւտուր անել եւ բերել թուրքական ապրանքներ: Նրանք խնդրում էին նաեւ, որ իրենցից վերցնեն այն չափով մաքսեր, որքան որ վերցւում են ջուղայեցիներից: Ռուսական կառավարութիւնը ընդառաջ գնաց այդ խնդրանքին եւ թոյլատրեց: Այդ ժամանակուանից սկսած հայերը ծաւալեցին իրենց առեւտուրը Կաֆա եւ Տաւրիկեան այլ քաղաքների հետ, որտեղից յաճախակի անցնում էին նաեւ Լեհաստան՝ Կամենից, Լեմբերգ եւ այլ քաղաքներ: [183, էջ 47-48]

Խոջաները Ռուսաստան ապրանքներ տեղափոխելու համար ունեցել են նաեւ իրենց սեփական ծովային նաւերը: Այդպիսի նաւեր ունենալու համար նրանք նախապէս ցարական արքունիքից ստացել էին թոյլտուութիւն: Պետական սենատը 1709 թ. նոյեմբերի 17-ին որոշում է կայացնում «թոյլ տալ Աստրախանի հայերին կառուցելու ծովային նաւեր՝ Կասպից ծովի վրայով ապրանքներ փոխադրելու համար»: [234, մաս I, էջ 27]

Չնայած այն հանգամանքին, որ XVIII դարի առաջին քառորդին ռուս-իրանական առեւտուրը դեռեւս գտնուում էր վերելքի վիճակում, սակայն առաջւայ պէս պարսկական արտաքին առեւտրի համակարգի մէջ էական փոփոխութիւններ տեղի չէին ունեցել: Այսինքն Իրանը առաւել սերտ առեւտրական կապերով շարունակում էր կապւած մնալ Թուրքիայի հետ եւ Իրանի հայ վաճառականութիւնը եւս հիմնականում առեւտրական գործառնութիւններ էր կատարում Թուրքիայի եւ Լեւանտի կենտրոն-

ներում: [267, էջ VIII]

Դրան նպաստող Հանգամանքներից մէկն այն էր, որ ռուս-չեղական պատերազմի սկզբում, մինչեւ 1705 թ. ներառեալ, մետաքսի արտահանումը ռուսական նաւահանգիստներից խապողադարեցել էր: Բացի այդ, ինչպէս եւ նախորդ դարում, իրենց ստանձնած պայմանագրային պարտաւորութիւնների ձախողումը Հայ վաճառականները պտճառարանում էին կասպ-Վոլգեան ճանապարհի անյուսալիութեամբ, ռուսական վարչութեան անօրինական գործողութիւններով եւ գանձւող մաքսատուրքերի չափից աւելի ծանր պայմաններով: Ոչ պակաս կարեւոր խոչընդոտ էր Հանդիսանում նաեւ Ռուսաստանի հարաւում Համարեա անընդմէջ բռնկւող խռովութիւնները: Հայ վաճառականները յատկապէս մեծ վնասներ կրեցին 1705-1707 թւականներին Բուլախինի ապստամբութեան ժամանակ: Նման վտանգներ նրանց սպասում էին նաեւ Հիւսիսային եւ Բալթիկ ծովերում, որտեղ նրանք յաճախակի ենթարկւում էին եւրոպական ծովահններին յարձակումներին: Ռուսական արքունիքին ներկայացրած իր բողոքագրի մէջ Հայ վաճառական Սաֆար Վասիլեր, օրինակ, նշում էր, որ 1705-1706 թ.թ. նման մի յարձակման հետեւանքով ծովահնները բռնազրուել են Հայ վաճառականների մեծ քանակութեամբ ապրանքներ, ծանր վնասներ հասցնելով եւ նրանց եւ արքունիքին: Այդ կապակցութեամբ Սաֆար Վասիլեր առաջարկում էր ապրանքների արտահանման եւ ներմուծման Համար օգտագործել ոչ թէ Արխանգելսկ նաւահանգիստը, այլ Նովոգորոդը եւ Ռուզոդելը: Այդ բողոքը արժանացաւ ռուսական արքունիքի ուշադրութեանը եւ Պետրոս Էի կառավարութիւնը հրապարակեց մի հրամանագիր, որտեղ նշում էր, որ անհրաժեշտ է ընդառաջ գնալ Հայ վաճառականների խնդրանքին եւ թոյլատրել, որ նրանք ապրանքները արտահանեն եւ ներմուծեն Ռուզոդելի եւ Ս. Պետերբուրգի վրայով, «ինչպիսի նաւերով որ ցանկանան, թէկուզ դրանք լինեն շեղական»: [267, էջ VII]

Նկատի ունենալով այն Հանգամանքը, որ Հայ վաճառականները ոչ մի կերպ չեն ցանկանում հրաժարել թուրքական ցամաքային կարաւանային ճանապարհներից եւ որ ռուսական կառավարութեան կողմից գործադրւած ջանքերը իրանական մետաքսի արտահանումը շեղել բացառապէս դէպի Ռուսաստան միանգամայն ապարդիւն է, շահական կառավարութեան հետ բանակցութիւնների ժամանակ Վոլինսկին փորձում էր հասնել

նրան, որ հակառակ Իրանում գոյութիւն ունեցող արգելքի, ռուս վաճառականներին թոյլատրելի Գիլյանում եւ Շիրւանում հումմետաքս գնել անմիջականօրէն նրա արտադրողներից, առանց միջնորդների եւ ամենակարեւորը որպէսզի ճանաչի նրանց առուելագոյն իրաւունքը Իրանում հումմետաքս գնելու ուղղութեամբ: Անտարակոյս այս առաջարկները անմիջականօրէն ուղղւած էին հայ վաճառականների եւ մասնաւորապէս «Նոր Զուղայի հայկական առեւտրական ընկերութեան» դէմ, որն օգտոււմ էր իրանական մետաքսը գնելու եւ արտահանելու առուելագոյն իրաւունքից: Սակայն ռուսական զեսպանի վերոյիշեալ առաջարկները ձեռնտու չէին շահ Սուլթան Հոսէյնին եւ վերջինս վճռականօրէն այն մերժեց: Դեսպանին յայտնեց, որ ռուս վաճառականներին իրաւունք է տրոււմ Գիլյանում եւ Շիրւանում մետաքս գնել եւ մաքսեր վճարելով այն արտածել Ռուսաստան միայն իրանահպատակ վաճառականների հետ հաւասար իրաւունքներ ունենալու պայմաններով: [259]

Ի վերջոյ Իրանում վարած բնակցութիւնները Վոյինսկուհի բերեցին այն համոզման, որ 1717 թ. կնքւած ռուս-իրանական պայմանագիրը ի վիճակի չէ կայուն պայմաններ ստեղծել ռուս-իրանական առեւտրա-տնտեսական յարաբերութիւնների հետագայ զարգացման համար: Իրենց հերթին, Նոր Զուղայի խոջաները եւս բնաւ ցանկութիւն չէին դրսեւորում հաշւի նստել ռուս-իրանական վերոյիշեալ պայմանագրի հետ եւ ամէն կերպ աշխատում էին շրջանցել այն եւ չկատարել նրա պայմանները: [260, No 2 p.p. 586-587]

Հէնց այդ պատճառով Վոյինսկին սկսեց եռանդուն կերպով գործել, որպէսզի ռուսական կառավարութիւնը չեղեալ յայտարարի Նոր Զուղայի հայ առեւտրական ընկերութեան հետ մոսկովեան կառավարութեան կնքած բոլոր հին պայմանագրերը: Անսալով իր զեսպանի պնդումներին եւ հաւատ ընծայելով նրա բերած փաստարկներին, Պետրոսը 1719 թ. յունիսի Թ-ին հրապարակեց հրամանագիր՝ չեղեալ յայտարարելով վերոյիշեալ բոլոր պայմանագրերը: Սակայն գործը շահամանափակեց զրանով: Էական փոփոխութիւն նշմարեց նաեւ հայ վաճառականների նկատմամբ ռուսական կառավարութեան վարած քաղաքականութեան մէջ: Նրանց ամէն կերպ, «չոյելու», արտօնութիւններ ու իրաւունքներ չնորհելու, ինչպէս նաեւ Ռուսաստանի հետ տնտեսական համագործակցութեան կողմը ներգրաւելու գիծը իր տեղը գիջելու էր զեսպան Վոյինսկուհի կողմից առաջարկւած նոր քաղաքակա-

նութեանը, որի նպատակն էր արագացնել արչաւանքը դէպի Իրան եւ գաւթել այդ երկրի մերձկասպեան մետաքսառատ շրջանները եւ նման ճանապարհով արմատապէս յուծել ռուս-իրանական առեւտրա-տնտեսական բարդ յարաբերութիւնների կնճիւրը: [257, էջ XIII] Այսպիսով ռուս-իրանական ռազմական ընդհարումն հասունանում էր, որի մէջ իր որոշակի նադրիչ դերն էր խաղում նաեւ օսմանեան թուրքիան, որին յատկապէս զրգուել էր 1717 թ. ռուս-պարսկական պայմանագիրը: Սպահանում թուրքական ղեսպանը ուժեղ ճնշում էր գործադրում շահ Սուլթան Հոսէյնի վրայ, որպէսզի վերջինս ստիպի իրանական վաճառականներին ողջ հում մետաքսը արտահանելու դէպի թուրքիա: Իսկ 1721 թ. օգտուելով նրանից, որ աֆղանները շրջապատել են մայրաքաղաքը՝ Սպահանը եւ շահական կառավարութիւնը գտնուում է անելանելի վիճակի մէջ, թուրքական ղեսպանը շահից վերջնագրային ձեւով պահանջեց արգելել եւրոպական վաճառականների մուտքը Պարսից ծոց, դադարեցնել իրանական ապրանքների արտահանումը դէպի Ռուսաստան եւ ողջ պարսկական մետաքսը արտահանել Եւրոպա բացառապէս թուրքական առեւտրական ճանապարհներով: Միաժամանակ կոպիտ կերպով միջամտելով Իրանի ներքին գործերին թուրքական ղեսպանը պահանջեց, որ Իրանը ապահովի իրեն սեփական ծովային նաւերով եւ սանձ դնի Կասպից ծովում ռուսական նաւարկութեանը: [260, էջ 68] Օսմանեան կայսրութեան ռազմաշունչ տրամադրութիւնները հարեւան Իրանի նկատմամբ բացատրուում է նրանով, որ 1718 թ. Պասարովիցայում նա կնքել էր խաղաղութեան դաշնագիր Աւստրիայի հետ, իսկ 1720 թ. «յաւերժական պայմանագիր» էր ստորագրել նաեւ Ռուսաստանի հետ: Այլ կերպ ասած օսմանեան կառավարութեան համար բարենպաստ պայմաններ էին ստեղծւել արեւմուտքում ունեցած տարածքային կորուստների համար փոխհատուցում որոնել արեւելքում, մասնաւորապէս Իրանում, որի մետաքսաբեր շրջանները, յատկապէս Գիլանը եւ Մազանդարանը վաղուց ի վեր գտնուում էին թուրքերի սեւեռուն ուշադրութեան կենտրոնում:

Հայ վաճառականութեան նկատմամբ ռուսական կառավարութեան որդեգրած վերոյիշեալ կոշտ քաղաքականութիւնը անհարիր էր Ռուսաստանի տնտեսական շահերին: Եւ պատահական չէ, որ ռուսական զօրքերի կողմից Կասպիական ծովափի նւաճումից յետոյ կայսրը իր 1723 յուլիսի 5-ի եւ 1725 թ. յուլիսի 8-ի հրամանագրերով վերստին վերականգնեց հայերի նախկին

առեւտրական իրաւունքներն ու արտօնութիւնները, ինչպէս նաև նրանց ազատ առեւտուրը Ռուսաստանում: Ռուսական քաղաքականութեան այս շրջադարձը իսկոյն արձագանք դատւ հայ առեւտրական բուրժուազիայի կողմից:

Ռուսաստանի վրայով հայ վաճառականները լայն առեւտրական կապեր ունէին ոչ միայն Արեւմտեան Եւրոպայի տնտեսապէս զարգացած երկրների, այլև Արեւելեան Եւրոպայի համարեայ բոլոր երկրների ու պետութիւնների հետ:

Առանձնապէս աչքի էր ընկնում հայերի առեւտուրը Լեհաստանի հետ: Յայտնի է, որ հայ վերարնակների առանձին խմբեր Լեհաստանում սկսել են երեւալ դեռևս VII դարից: Այս վաղ գաղթի պատճառը բիւզանդա-արաբական մօտ երեքհարիւրամեայ աւերիչ պատերազմն էր (VII-X դարերում) զուգակցւած բիւզանդական կայսրների նենգ քաղաքականութեամբ, որի նպատակն էր հայերին Հայաստանից տեղահանելը: Չանգւածային գաղթի առաջին փուլը կազմեցին 150 հազար հայեր, որոնք Բաղկաններ, Ղրիմ եւ Կովկասեան ծովափ գաղթեցին սելջուկների՝ Անին գրաւելուց եւ հիմնահատակ անելուց յետոյ:

1475 թ. երբ թուրքերը գրաւեցին Կաֆան, քաղաքի հայ բնակչութիւնը, որը կազմում էր մօտ 45 հազար մարդ, ստիպւած եղաւ գաղթել դէպի Լեհաստան, որովհետև գաւթիչները կազմակերպեցին հայերի զարհուրելի կոտորած: Ղրիմից հայերի դատարկումը ունեցաւ այն հետեւանքը, որ Սեւ ծովով այլ երկրների հետ կատարուող առեւտուրը, որի մէջ առաջնակարգ դեր ունէին հայ վաճառականները, միանգամայն խաթարւեց:

Հայերի ներգաղթը Լեհաստան շարունակոււմ էր նաև XVI-XVII դարերում: Մասնաւորապէս XVI դարի վերջերին եւ XVII դարի սկզբներին ջալալիների ապստամբութիւնների հետեւանքով Արեւմտեան Հայաստանից տեղի ունեցաւ զանգւածային գաղթ դէպի Ղրիմ, Ուկրաինա եւ Լեհաստան: Լեհաստանի մի շարք քաղաքներում Լեով (Իլով), Չամոսց, Ստանիսլաւ, ինչպէս նաև Լեհաստանի կազմում գտնուող ռուսական քաղաքներում Վլադիմիր - Վոյնսկիում (Վլոձիմեթ), Լուցկում, Կիելում (Մանկերման), Չերկասիում, Փիտոմիրում եւ այլն ստեղծւեցին հայկական համայնքներ: Մասնաւորապէս Լեով, Լուցկ եւ Կամենեց-Պոդոլսկ քաղաքները իրենց հարստութեամբ ու նշանակութեամբ մասամբ պարտական են Արեւելքի ու Արեւմուտքի ցամաքային ուղիների միջև առեւտրական միջնորդների դեր կատարած հայ վաճա-

ուսկաններին: Հետագայում Ղրիմի խտայական գաղութների անկումից յետոյ նրանք նոյն դերը կատարում էին նաև Սև ծովի նաւազնացութեան միջոցով: [262, էջ 221]

Զգալի քանակութեամբ հայեր կուտակեցին նաև Եազովեց, Բար, Տիամենիցա, Պողհայցէ, Չոչու (Չոլոչու), Տւանեց, Բարեկ, Բրողի, Բժեժանի, Անյատին, Լիսեց, Կուտի, Բայտա, Ռաչկով, Մոհիլով, (Մոգիլիով-Պոդոլսկի) բնակավայրերում, ինչպէս նաև Վարչաւա եւ Լիւրլին քաղաքներում:

Լեհահայերի գրադմունքը աչքի էր ընկնում իր բազմազանութեամբ: Սակայն գործունէութեան առաւել տարածւած բնագաւառը առեւտուրն ու արհեստներն էին: Լեհահայերի կազմում առանձնապէս ազդեցիկ էր վաճառականների խաւը, որի ձեռքին էր գտնուում Արեւելքի հետ կատարուող գրեթէ ողջ առեւտուրը: «Հարաւային Ռուսիայի քաղաքների միջին շրջանի պատմութեան մէջ,- գրում է պրոֆեսոր Ի. Լիննիչենկոն,- հայերին շատ նշանաւոր տեղ է պատկանում: Առանց որեւէ չափազանցութեան կարելի է հաստատել, որ հարաւային Ռուսիայի ամենահաշակւած առեւտրական կենտրոնները, ինչպիսիք են՝ Լուվր, Լուցկը, Կամենեց-Պոդոլսկը, իրենց հարստութեամբ, փարթամութեամբ եւ նշանակութեամբ մեծաւ մասամբ պարտական են առանձնապէս հայերին: Այս ճարպիկ, աշխոյժ եւ բնդունակ ամենայն ձեռներէցութեանց ժողովրդի շնորհիւ էր յատկապէս, որ հարաւային ռուսաց առեւտրական կենտրոնները միջնորդ դարձան Արեւելքի եւ Արեւմուտքի վաճառականութեան մէջ: Մանօթ լինելով կեանքի պայմաններին Արեւելքում, տեղեակ արեւելեան լեզուներին, քաջ ճանաչելով հաղորդակցութեան ճանապարհներին Արեւելքում, օժտւած անձնական քաջութեամբ եւ զէնք շարժելու վարժ, անհրաժեշտ յատկութիւններ վտանգաւոր ուղեգնացութիւններ կատարելու... Հայերը շատ հին ժամանակներից ձեռնամուխ եղան ցամաքային առեւտրին Արեւմուտքի եւ Արեւելքի միջև, իսկ խտայական գաղութների անկումից յետոյ Ղրիմում, բոլոր վաճառականութիւնը նոքա իրանց յաջողակ ձեռքը ձգեցին»: [264, էջ 3]

Լեհահայերը գործօն մասնակցութիւն էին բերում նաև Սև ծովով կատարուող միջազգային առեւտրին, սերտ առեւտրական կապեր պահպանելով յատկապէս Վենետիկի հետ: [263, էջ 19-21]

Լեհական թագաւորները՝ Հենրիկ Վալեզին, Ստեֆան Բատորին, Չիգմունդ երրորդը, Եան Կազիմիրը, Եան Սորեսկին եւ Ստանիսլաւ Օգոստոսը բարձր են գնահատել առեւտրի, ար-

Հեստներին, ինչպէս նաեւ Լեհաստանը թուրքերից պաշտպանելու ուղղութեամբ Հայերի ունեցած ծառայութիւնները, նրանց ժրաջան աշխատանքը եւ Հասարակական ակտիւութիւնը եւ ըստ այնմ նրանց շնորհել են տարրեր իրաւունքներ եւ արտօնութիւններ:

Այսպէս, 1505 թ. Հրովարտակով Սիդիզմուկը թագաւորը Հայ վաճառականներին ազատում է մաքս վճարելու պարտաւորութիւնից: [284]

Դեռեւս 1519 թ. լուվահայերը լեհական թագաւորին են ներկայացնում այսպէս կոչւած «Հայկական օրէնսդրութիւնը», որը շափազանց կարեւոր դեր խաղաց լեհահայերի իրաւա-քաղաքական վիճակը սահմանելու գործում: Դրանով Հայերը ստացան դատական ինքնավարութիւն եւ դա այն պայմաններում, երբ այդ ժամանակ Լեհաստանի տարածքում գործում էր արեւմուտքից ընդօրինակած «ընդհանուր իրաւունքը»: Խօսելով Լեհաստանում Հայերի ունեցած արտակարգ լայն իրաւունքների մասին, լեհ պատմաբան Զակչեւսկա - Դուբասովան նշում է, որ Հայերը, «համարեայ միշտ առաջին տեղն էին զբաղեցնում լեհ աւագանուց յետոյ»: [283, էջ 44] Հայ վաճառականների մէջ եղել են նաեւ դրամատէր այնպիսի մարդիկ, որոնք փոխարինարար փող են պարտք տւել լեհական թագաւորներին՝ Սիդիզմուկը երրորդին, Վլադիսլաւին եւ ուրիշներին:

16-18-րդ դարերում Լեհաստանի արեւելեան առեւտուրը՝ հիմնականում Օսմանեան Թուրքիայի եւ Իրանի Հետ, իրագործուում էր Բեսարաբիայով եւ Սեւ ծովով, ինչպէս նաեւ՝ Մոսկովեան Ռուսիայով եւ Անդրկովկասով (կամ Կասպից ծովով): Հայ վաճառականների համար առեւտրական բանուկ ճանապարհ էր յատկապէս Վարչաւա-Լիւրլին-Եաշ-Սեւ ծով-Անդրկովկաս-Իրան երթուղին: Ընդ որում այս ճանապարհով աշխոյժ առեւտուր էին անում ոչ միայն պարսկահայ խոջաները, այլեւ լեհահայ միջազգային առեւտրով զբաղող վաճառականները: [286, էջ 163-173] Այդ մասին կայ Հետեւեալ ուշադրաւ փաստը: Գրիգոր Լուսինկովը Մոսկուայում ձգտում էր ռուս-լեհական պայմանագիր կնքելու բանակցութիւնների ժամանակ, կնքելիք պայմանագրի մէջ մտցնել մի կէտ, որը հնարաւորութիւն կտար Նոր Զուղայի Հայ առեւտրական ընկերութեան անդամներին անարգել ել ու մուտք ունենալ Լեհաստանում, իսկ լեհական վաճառականներին իրանում:

Ռուսաստանը Մոլդավիայի եւ Վալախիայի Հետ կապող լեհական ճանապարհի վրայ ընկած էին այնպիսի առեւտրական կենտրոններ, ինչպիսիք էին Վարչաւան, Լուվը (Լեմբերգ) եւ

կամենեցր: Այդ քաղաքներում, ինչպէս նաև Մոլդավիայում բազմամարդ հայկական գաղութների առկայութիւնը (Սուչաւա, Եասսի) անշուշտ հեշտացնում էր հայ վաճառականների առեւտուրը: Մոլդաւահայերից հիմնականում գնւում էին խոշոր եղջերաւոր անասուններ, ապխտած ձուկ, դինի եւ այլն, որոնց մի մասը վերառաքւում էր Գերմանիա: Գերմանացի պատմաբան Գ. Կելլենրենցը յնւելով արիւււային փաստաթղթերի վրայ վկայում է, որ յատկապէս Լւովում եւ Լիւբլինում հայ վաճառականներն ունէին խոշոր առեւտրական գրասենեակներ, որոնք իրականացնում էին միջնորդական բնոյթի առեւտրական գործառնութիւններ Լեհաստանի ու Ռուսաստանի, Լեհաստանի եւ Թուրքիայի, Լեհաստանի ու արեւմտեան պետութիւնների միջեւ: [267, էջ 9]

Լեհարնակ հայ խոջաներն իրենց ներկայացուցիչներն են ունեցել ժամանակի առեւտրաշատ բոլոր աչքի ընկնող կենտրոններում՝ Պոլսում, Չմիւռնիայում, Սպահանում, Մոսկւայում, Ամստերդամում, Մարսէլում եւ այլն: Սիմէօն Լեհացին խօսելով Լւովի մեծահարուստ հայ վաճառականների մասին գրում է. «... (եօքա) վաճառականք են մեծ եւ անուանիք, ունին եւ վէջնի Ստանպօլ, Անկուրի, Սպահան, Մօսքով, Կտանսկա, Պօրտուկայ եւ այլն: Կան ի միջի նոցա խոճայք, որ ունին ՄՌ (50.000), ԿՌ (60.000), ԶՌ (80.000) եւ ԾՌ (100.000) զուռուշ կամ աւելի: Ունին մուլքեր, պաղ ու պաղչանի, պտղատու ծառեր, պարտէզք, բուրաստանք, ծաղկաստան եւ վարդենիք, այլ եւ բարձր սարայք դարպասնի եւ աղբերք յորդարուղք, եւ լիճք եւ մէջն՝ մեծ եւ լայն, լի ձկամբ, զօր ոմանք եւ աշտարակք եւ սարայնի ունին ի վերայ ջրոյն զարմանաչէն»: [167, էջ 338]

Լեհաստանի հետ առեւտրում ռուսական առեւտրական ուղիների հետ միաժամանակ հայ վաճառականները օգտագործում էին նաև Թուրքական կարաւանային ճանապարհները: Եւրոպացի ուղեգիրների վկայութեամբ, նրանք ապրանքները իրանից ցամաքային ճանապարհով բերում էին Կ.Պոլիս եւ այնտեղից այնուհետև տեղափոխում Բուղդանիա (Bogdania), այսինքն Մոլդաւիա, Լեհաստանի վրայով ցրելով Դանիա, Շվեդիա եւ այլ երկրներ: Միաժամանակ նրանք նշում են, որ ծախսերի մեծ լինելու պատճառով ստացւած շահոյթը շատ քիչ էր «հակառակ աչքը առնւած վտանգի, ինչպէս պատմեցին ինձ մի քանի հայեր, որոնց ես հանդիպեցի Թաւրիզում, եւ յետոյ Տրապիզոնում»: [4, էջ 348]

Այսպիսով Դրիմի, Ուկրաինայի եւ Լեհաստանի հայ առեւտ-

րականները սերտ կապեր էին պահպանում Թուրքիայի՝ Տրապիզոնի, Թոհաթի, էրզրումի եւ Կ. Պոլսի, ինչպէս նաեւ Իրանի Հետ շոգակ կազմելով արեւելա-եւրոպական երկրների եւ ասիական շուկաների միջեւ: [17, էջ 426]

Լեհահայերը առեւտրական նպատակներով հասնում էին մինչեւ Զինաստան, իսկ Արեւմուտքում Զենովա, Փորթուգալիա: Անդրկովկասի առեւտրական կենտրոններից նրանք գերադասում էին Երեւանը, էջմիածինը, Գանձակը, Շամախին եւ այլն:

Լեհաստանի արեւելեան առեւտուրը վճռական նշանակութիւն ունէր նրա հարաւային հարեւանների՝ Հունգարիայի եւ Ռումինիայի տնտեսական զարգացման տեսակէտից: Զակչեւսկա-Դուբասովան իրաւացիորէն նշում է, որ «Լեհաստանում արեւելեան առեւտրի համար բնորոշ էր այն, որ այն գրեթէ ամբողջովին գտնւում էր հայերի ձեռքին... Լեհ եւ ռուս վաճառականներին չէր յաջողւում մրցակցել հայերի հետ»: [263, էջ 125]

Վկայակոչելով մի շարք պատմաբանների, նոյն հեղինակը յայտնում է, որ Լեռվի հայկական բնակչութեան 30-40 տոկոսը զրաղւում էր արհեստագործութեամբ: Նա այն միտքն է յայտնում, որ «արհեստը եւ արեւելեան առեւտուրը կարող էին զարգանալ միայն հայ արհեստաւորների օգնութեամբ»: [263, էջ 148]

Յ. Քիւրդեանը ենթադրում է, որ հայերն էին որ առաջին անգամ Լեհաստան բերեցին մետաքս եւ յեւացիներին ծանօթացրին մետաքսագործութեան հետ: [199, էջ 84] Նրանք Լեհաստան էին ներմուծում արեւելեան համեմունքներ, խունկ, պղպեղ, պերճանքի առարկաներ, թանկարժէք գորգեր, երկնակապոյտ թաւիչներ, կանանց դամասկեան կերպասներ, բոսորագոյն ակնահիւս դիպակներ, քիւմիրի շալեր, մետաքսէ նուրբ գործւածքներ եւ այլն: [199, էջ 84] «Լեռվի եւ արեւելեան Լեհաստանի սահմանակից քաղաքներուն մէջ հաստատուած հայերը կը զրաղէին վաճառականութեամբ եւ առեւտրով Լեհաստանի եւ արեւելեան երկրներու միջեւ: Թուրքիայէն, Սիրիայէն, Արարիայէն, Եգիպտոսէն, նոյնիսկ Հնդկաստանէն ապրանք բերել կուտային: Արեւելեան բոլոր թանկագին վաճառքները իրենց ձեռէն կանցնէին»: [268, էջ 213-214]

Լեհ պատմիչ Վ. Լոզինսկին վկայում է, որ արեւելեան մի շարք ապրանքներ Լեռվում անւանում էին «հայկական ապրանք»: Դրանք նախ եւ առաջ պերճանքի առարկաներ էին՝ գորգեր, ոսկեհիւս կտորներ, արծաթէ եւ ոսկէ սպասք, ձիու սարք, գէնքեր՝ զարդարւած փորանկարներով ու թանկագին քարերով եւ այլն, յովազի

մորթի: Լեհաստանի մաքսային սակագներում որպէս «հայկական ապրանքներ» են նշւած նաեւ զինին, համեմունքները, այդ թւում պղպեղը, գաֆրանը, մեխակը, չամիչը, բրինձը, հարաւային մրգերը, ձէթը, սուրճը, թէյը եւ այլն: [263, էջ 130] [260, էջ 92] Թէոդոսիայից Չամոսց գաղթած հայազգի Մուրատովիչը ըստ ընձեռնած մենաշնորհի, տեղում կազմակերպել էր պարսկական գորգերի արտադրութիւն: Ի ղէպ, Չամոսց քաղաքի հիմնումը ամբողջովին պայմանաւորւած էր արեւելեան առեւտուրը եւ արհեստը արմատաւորելու նկատառումներով: Չամոսցի ամենահարուստ վաճառականներից մէկն էր Կիրկորովիչը, որը իր փառանգորդներին թողեց 900 հազար զլտտի արժողութեամբ ունեցւածք: [263, էջ 147]

Լեհ պատմաբանները յայտնել են նաեւ այն տեսակէտը, որ հայերի ներկայութիւնը լեհական քաղաքներում հարստացրեց Ռեչ Պոսպոլիտայի ոչ միայն նիւթական, այլեւ մտաւոր մշակոյթը: [263, էջ 223]

Ինչպէս նշւեց վերեւում, հայ վաճառականները խոշոր առեւտուր ունէին նաեւ Մոլդաւիայի հետ: Այդ երկրով անցնում էին առեւտրական երկու ուղիներ, որոնք Արեւմտեան Եւրոպայի երկրները կապում էին Արեւելքի հետ: Այդ ուղիներից մէկը, որը կոչւում էր Մոլդաւական առեւտրական ուղի, Կրակովը եւ Լոպը կապում էր Սեւ ծովի հետ՝ անցնելով Ջետատի Ալբիայից, Սուչաւայից, Սիրեթից եւ Բրուլայից: Միւսը, որ կոչւում էր Թաթարական առեւտրական ուղի անցնում էր Լուկկի եւ Վլադիմիրի վրայով ղէպի Ղրիմի նաւահանգստային քաղաքները:

Ռումինացի պրոֆեսոր Ե. Անջէլեսկուն «Ռումինացիների տնտեսութեան պատմութիւնը» խորագրով աշխատութեան մէջ գրում է, - «Եթե ռումինացիներին յաջողւեց իրենց հին առեւտրական ծաղկման շրջանում ճանաչել Սեւ ծովի բոլոր եզերքները, անգամ թափանցել Միջերկրականը՝ նեղուցների ճանապարհով, ապա այդ շպէտք է վերագրել իտալացիներին, այլ արեւելքը լաւ ճանաչող ուրիշ առեւտրականների՝ հայերի: Նրանք մեծ դեր խաղացին ռումինական առեւտրի սկզբնաւորման եւ քաղաքային բնակչութեան կազմութեան մէջ: [270, էջ 341]

ԳԼՈՒԽ V

ՀԱՅԵՐԻ ԱՌԵՒՏՈՒՐԸ ՀՆԴԿԱՍՏԱՆԻ, ՀԵՌԱՒՈՐ
ԱՐԵՒԵԼՔԻ ԵՒ ՀԱՐԱՒ-ԱՐԵՒԵԼԵԱՆ ԱՍԻԱՅԻ ԵՐԿՐՆԵՐԻ
ՀԵՏ

Վաղնջական ժամանակներից սկսած Արաքս գետի հովտի բնակիչները կարելոր դեր են խաղացել ներքին Ասիայի առևտրի մէջ: Յատկապէս հնուց անտի հայ վաճառականները առևտրական յարաբերութիւններ են ունեցել Հնդկաստանի հետ: [271] Հայաստանը գտնոււմ էր հնդկական առևտրական մեծ ճանապարհի վրայ եւ այդ պատճառով հայերը հնագոյն ժամանակներից սկսած ծանօթ էին Հնդկաստան տանող ճանապարհներին: Դեռեւս Քսենոֆոնը իր «Կիրոպեդիայում» պատմում է, որ պարսից թագաւոր Կիրոսը կամենալով դեօպանութիւն ուղարկել Հնդկաստան, դիմեց հայերին, իրրեւ ճանապարհը լաւ իմացող մարդկանց, եւ առաջարկեց այդ դեօպանութեան ուղեցոյցը լինել: [211, էջ 607] Արմէնները յանձն են աւելում եւ խոստանում միջնորդել հնդկական թագաւորի առաջ՝ առևտրական յարաբերութիւններ հաստատելու Պարսկաստանի հետ:

Տեղեկութիւններ կան այն մասին, որ 4-րդ դարում քրիստոնէութիւնը առաջին անգամ Հնդկաստան է մտցրել Մար թովմա կանա անունով մի հարուստ վաճառական, որը Մադրասի մօտ կառուցել է մի փոքրիկ քաղաք եկեղեցիներով ու դպրոցներով: [37, էջ 469]

Դեռեւս մինչեւ Հնդկաստանում եւրոպացիների՝ պորտուգալացիների եւ անգլիացիների հաստատուելը, այդ երկրի եւ առհասարակ նրան մօտիկ ու հեռու երկրների միջեւ առևտրական յարաբերութիւնները իրականացոււմ էին առաւելապէս ցամաքային ուղիներով եւ կարաւաններով: Այդ առևտրական յարաբերութիւնների մէջ մեծ թափին ունէին նաեւ հայերը: Մինչեւ Հնդկաստան տանող ծովային ճանապարհի յայտնագործումը հայերն արդէն թափանցել էին այդ երկրի առևտրաշատ կենտրոնները եւ ցամաքային կարաւանային ճանապարհներով իրագործում էին լայն

առեւտրափոխանակութիւն: Նրանք մեկնում էին Քարուլ, որտեղից Հնդկաստան էին ուղեւորւում Ղանդաշար - Լահու - Դելի առեւտրական ճանապարհով: [272, էջ 205-207]

Տեղեկութիւններ կան այն մասին, որ դեռեւս 12-րդ դարից սկսած հայերը Հնդկաստանում ձեռք էին բերում թանկարժէք քարեր, դեղաբոյսեր եւ այլն եւ հիանալի ծանօթ էին Հնդկաստան տանող ճանապարհներին:

16-րդ դարից սկսած հայ վաճառականները սկսում են պատկառելի խմբերով հաստատուել Իրանի եւ Աֆղանստանի կարաւանային ճանապարհների հանգուցային նշանակութիւն ունեցող քաղաքներում: Կոստանդ Ջուղայեցին Ղազին, Բայխ, Բուխարա, Մեշհեդ, Ղանդաշար, Քարուլ քաղաքները, որոնց վրայով անցնում էր արեւելքի առեւտրական խոշոր գարկերակներից մէկը, յիշատակում է այն քաղաքների թւում, ուր հայ վաճառականները առեւտուր էին անում: [202, թ. 1ա-բ]

1670-ական թւականներին Քարուլում եւ Ղանդաշարում արդէն կային հաստատուն հայ գաղթօջախներ, որոնք բաղկացած էին գլխաւորապէս առեւտրականներից ու արհեստաւորներից: [273, էջ 187] Սակայն խոջաները համարեայ բացառապէս զբաղւում էին հնդկական ապրանքների առեւտրով, քանի որ աֆղանական քաղաքները չէին տալիս արտաքին առեւտրի համար պիտանի արտադրանք: [274, էջ 233]

Հնդկաստանում Մեծ Մոզոլների ղինաստիայի թագաւոր Զաւլուդդին Աբբարը (1556-1605) ցանկանալով զարկ տալ իր պետութեան մէջ ներքին ու արտաքին առեւտրին, հայ վաճառականներին յատկացրեց մի շարք իրաւունքներ ու արտօնութիւններ [273, էջ 11] ընդհուպ մինչեւ թոյլտուութիւն՝ մտնելու Հնդկաստանի այնպիսի շրջաններ, ուր արդելւած էր օտարերկրացիների մուտքը: Օգտուելով այդ առանձնաշնորհումներից, հայ վաճառականները նորահաստատ մայրաքաղաքում՝ Ակրայում (Աբպարապատ) հիմնեցին առեւտրական հաստատութիւններ, 1562 թ. կառուցեցին մի եկեղեցի եւ այլն: [273, էջ 23] Բացի այդ, նրանք Հնդկաստանի բազմաթիւ քաղաքներում կազմեցին առեւտրական գաղութներ: [276, 276] Կոստանդ Ջուղայեցու «Աշխարհաժողովում» բերւում են Հնդկաստանի 30 քաղաքների անւանումներ, որտեղ կային հայ գաղթօջախներ կամ բնակւում էին հայեր: [202, թ. 3ա-3բ]

«Որ յարեւելից գնամք ի յարեւմուտ, - գրում է Կոստանդ Ջուղայեցին, - կայցուք յառաջ Մլթան, 2 Լահուու, 3 Սարհնդն, 4

Ջահաննապատ, 5 Աքաբապ, 6 Խուռջայ եւ Հնդուան, 7 Բանկայայ, 8 Բիրաբաթանայ, 9 Բնարիս, 10 Մոլ, 11 Ղազիուռ, 12 Ջալալիուռ, 13 Շահգադափուռ, 14 Խէրապատ, 15 Դարեապատ, 16 Դովլաթապատ, 17 Սրընջ..., 18 Բերանփուռն, 19 Սուրաթն, 20 Գուջարաթ, 21 Օվոսնկապատ, 22 Շագառն, որ էստոնք տախլ ի Դաքանայ, 23 Հէյտարապատ, 24 Մուշլի պանդարն, 25 Փէկու...» [202, ք. 3ա-3բ]

Աչքի ընկնող հայ գաղթօջախներ են եղել Ագրայում, Սուրաթում, Բուրհանւարում, Փաթնայում, Չինսուրում, Բիհարում, Հուկլիում, Քաշմիրում, Բենարեսում, Լահորում, Դելիում, Սէյդարադում, Մադրասում, Բոմբէյում, Հայդարաբադում, Լակնաուտում, Դակկայում եւ բազմաթիւ այլ քաղաքներում: [276, էջ 1-2, 11]

Անգլիացիների Հնդկաստան ներթափանցելուց առաջ հրնդկական ներքին եւ արտաքին առեւտրի մի մասը գտնուում էր Հնդկաստանի եւ Իրանի հայ վաճառականների ձեռքերում: [277, էջ 5, 278, էջ 44]

Անհրաժեշտ է սակայն նշել, որ Հնդկաստանի հետ ցամաքային առեւտուրը կապւած էր մեծագոյն դժւարութիւնների հետ: Նախ կարաւանները հսկայական տարածութիւններ պէտք է կտրէին դժւարանցանելի, լեռնային եւ ճանապարհազուրկ վայրերով, որտեղ բնակւում էին բազմաթիւ ռազմաշունչ ցեղեր, որոնց համար կողոպուտը եւ ելուզակութիւնը հանդիսանում էր ապրուստի հիմնական միջոցներից մէկը: Թէեւ Իրանի Սէֆեան շահերը, ինչպէս նաեւ Հնդկաստանի տիրակալները, եռանդուն ջանքեր էին գործադրում այդ ճանապարհները ապահով դարձնելու համար, սակայն դրանք միանգամայն ապարդիւն ջանքեր էին: [279, էջ 172]

Մինչեւ Հնդկաստան տանող ծովային ճանապարհի յայտնագործումը Արեւմուտքի երկրների վաճառականները Հնդկաստանի հետ առեւտուր էին անում հիմնականում արեւելքցի, այդ թիւում նաեւ հայ վաճառականների միջոցով: Սակայն այդ միջնորդաւորւած առեւտրից օգուելը բնաւ ձեռնտու չէր նրանց: Հէնց այդ հանգամանքը նշանակալիօրէն արագացրեց Հնդկաստան տանող ծովային ճանապարհների որոնումները:

Պատահական չէ նաեւ, որ այդ ճանապարհի յայտնագործումից յետոյ հայ վաճառականները եւս անմիջապէս սկսեցին հետաքրքրութիւն դրսեւորել այդ նոր ու հեռանկարային առեւտրական ուղու նկատմամբ: Բարեյոյսոյ հրեանդանի յայտնագործումից յետոյ առեւտուրը ցամաքային ճանապարհներից տեղափոխուեց դէպի

Պարսից ծոց, կարմիր ծով եւ Հնդկական ովկիանոս, որի հետեւանքով Միջերկրականի ասիական նաւահանգիստներն ու Մերձաւոր Արեւելքի վրայով կատարուող ցամաքային տարանցիկ առեւտուրը կորցրեցին իրենց նախկին նշանակութիւնը:

Պարսից ծոցի նշանակութիւնը, որպէս Արեւելքի եւ Արեւմուտքի միջեւ առեւտրի միջազգային նշանակութիւն ունեցող ուղի, միանգամից մեծացաւ: Այսուհետեւ հիմնականում այս ճանապարհով պէտք է Արեւմուտք ուղարկւէին Չինաստանի, Մալայեան Արշիպելագի եւ Հնդկաստանի արտադրութիւնները:

Դեռեւս 1500 թւականից պորտուգալացիները սկսեցին Պարսից ծոցի առաւել կարեւոր նաւահանգիստների նւաճումը: 1515 թ. անւանի ծովագնաց Ալֆոնսո դ'Ալբուքերքը գրաւեց ծոցի բանային հանդիսացող Հորմոզ կղզին եւ այնտեղ կառուցեց մի ամրոց: Այսուհետեւ իրենց հսկողութիւնը սահմանելով ծոցի եւ առհասարակ ողջ Հնդկական ովկիանոսի նկատմամբ, պորտուգալացիները սկսեցին արգելքներ հարուցել եւրոպական միւս տէրութիւնների նաւագնացութեանը եւ ազատ առեւտրին ծոցի ողջ աւազանում: Առեւտրի նման մենաշնորհացումը ծայրահեղորէն դժարացնում էր նաեւ տեղական, մասնաւորապէս իրանական եւ արաբական վաճառականների գործունէութիւնը, յատկապէս խափանելով նրանց առեւտուրը Հնդկաստանի հետ:

Ուշադրաւ տեղեկութիւններ կան նաեւ այն մասին, որ պորտուգալացիների կողմից նոյնանման վերաբերմունքի էին արժանանում նաեւ հայ վաճառականները: Դեռեւս 1563 թ. Դոն Սերաստիանը ընդունել էր մի օրէնք, որով արգելքներ էր հարուցում հայերի, յոյների եւ պարսիկների այցելութիւններին Պորտուգալիա: [186, էջ 54] Այդ օրէնքում ասոււմ էր, որ Լիսաբոն քաղաքում կամ թագաւորութեան որեւէ մէկ այլ վայրում ճանձեր, որոնք իրենց հազուստով, լեզուով ու սովորութիւններով կթւին ըլլալ հայեր, յոյներ, արաբներ, պարսիկներ կամ ուրիշ ազգութիւններու պատկանողներ, որոնք հպատակ են թուրքերուն, թող ձերբակալեն, որպէսզի ստուգւի անոնց ինքնութիւնը եւ պատճառը իրենց այցելութեան եւ իրենց առեւտրին եւ թէ որքան ժամանակ պիտի մնան»:

Իսկ 1598 թ. Իսպանիայի թագաւոր Փիլիպ II-ը հրահանգ էր տւել Հնդկաստանի փոխարքայ Ֆրանսիսկո դը Կամային «Տակել Օրմուզի հրամանատարին տրւած հրամանի գործադրութեան, առանց գայթակղութեան տեղի տալու, արգիլելու համար, որ

վենետիկցիներ, հայեր եւ ուրիշ օտարականներ մուտք գործեն Հնդկաստանի մէջ»: [106, էջ 64]

1524 թ. Սէֆեան գահ բարձրացած շահ Թահմասպը (1524-1578)

իր գահակալութեան աւելի քան կէս դարի ընթացքում ի վիճակի չեղաւ արդիւնաւէտ պայքար կազմակերպելու պորտուգալացիների դէմ: [280, էջ 10] Թուրքերի համարեայ անընդմէջ ներխուժումներն իրան բարենպաստ իրավիճակ էր ստեղծում, որպէսզի Պարսից ծոցում պորտուգալացիները տէր ու տնօրինութիւն անեն:

17-րդ դարի սկզբին Սէֆեան իրանի տնտեսական եւ քաղաքական շահերը պահանջում էին երկրի արտաքին առեւտրի ուղին թուրքական աւանդական կարաւանային ճանապարհներից տեղափոխել դէպի հարաւ՝ Պարսից ծոց: Դա շահ Արբաս Ի-ի նւիրական իղձն էր: Սակայն շահի բազմաթիւ փորձերը պայմանաւորւելու պորտուգալացիների հետ, որպէսզի նրանք անկաշկանդ կերպով թոյլ տան իրանական ապրանքների արտահանումը ծոցով, մնացել էին անպատասխան: Զուրկ լինելով ռազմական նաւատորմից եւ մանաւանդ վախենալով, որ պորտուգալացիներին պատերազմ յայտարարելու դէպքում Թուրքիան կօգտուի յարմար պահից եւ կվերսկսի պատերազմական գործողութիւնները իրանի դէմ, շահ Արբասը խոհեմութիւն էր համարում ձեռնպահ մնալ պորտուգալացիների դէմ վճռական գործողութիւններից: Նրան զսպում էր նաեւ այն հանգամանքը, որ 1580 թ. Պորտուգալիան եւ Իսպանիան միաւորւել էին թագաւորական ունիայով եւ իրենց շահերը վտանգւելու դէպքում այդ երկու հզօրագոյն պետութիւնները հանդէս կգային համատեղ:

Աւելորդ է նշել, որ Պարսից ծոցը շահ Արբաս Ի-ին Հետաքրքրում էր ոչ միայն ռազմա-ստրատէգիական, այլեւ առեւտրատնտեսական նկատառումներով: Խնդիրը նրանումն էր, որ մետաքսի առեւտուրը, որը շահական գանձարանին բերում էր խոշոր շահոյթներ, հիմնականում իրականացւում էր իրանի ռիսերիմ թշնամու՝ Թուրքիայի տարածքով: Մինչդեռ Օսմանեան կայսրութիւնում յաճախակի տեղի ունեցող ներքին խռովութիւնները, փաշաների եւ մաքսային աստիճանաւորների կամայականութիւնները, կարաւանային ճանապարհների վրայ անվտանգութեան բացակայութիւնը, թուրք-իրանական համարեայ անընդմէջ պատերազմները եւ այլն խոչընդոտում էին իրանի արտաքին առեւտուրը եւ Սէֆեան պետութեան տնտեսական շահերը կախման մէջ դնում իր ախոյեանի քմահաճոյքից: Շահ Արբասի պալատական

պատմիչ Իսքենդեր Մուկչին հաղորդում է, որ քիչ չէին դէպքերը, երբ թուրքական իշխանութիւնները բռնագրաւում էին հէնց իր՝ շահի ապրանքները: «Ահմեդ փաշան (Վանի կառավարիչը Վ.Բ.), - գրում է նա, - 1002 թ. գայթակղւելով խասսէ-ի շերիֆէ վաճառականներից մէկի գոյքով, սպանեց նրան եւ ձեռք բերեց ամբողջ ունեցւածքը»: [41, էջ 440]

Այս բոլորը մղում էին շահ Աբրասին փնտրել Իրանի արտաքին առեւտուրն իրականացնելու այլ ուղիներ, որոնցից առաւել յարմարն ու արդիւնաւէտը կարող էր լինել Պարսից ծոցի վրայով անցնող ծովային ճանապարհը: 16-րդ դարում թէեւ այն գործող առեւտրական ուղի էր, սակայն թուրքական ճանապարհի հետ համեմատած Իրանի արտաքին առեւտրում ունէր երկրորդական նշանակութիւն: Այդ մասին մենք վկայութիւններ ենք գտնում XVI դարում Իրան այցելած վենետիկցի ճանապարհորդների ուղեգրութիւններում: [4, էջ 318] Ուստի շահը երազում էր փոխել իրերի այդ վիճակը եւ Պարսից ծոցը դարձնել Իրանի համար բանուկ առեւտրական ճանապարհ: Այդ ծրագրի իրագործումը ոչ միայն իրանական գանձարանին կրեւէր խոշոր շահոյթներ, այլեւ քաղաքական բնոյթի բազում առաւելութիւններ. մասնաւորապէս Սէֆեան պետութիւնը շոշափելի տնտեսական վնաս կհասցնէր իր ախոյեանին՝ Օսմանեան կայսրութեանը, դադարեցնելով իրանական ապրանքների եւ յատկապէս հում մետաքսի արտահանումը թուրքական կարաւանային ճանապարհներով, որը իր հերթին աւելի կարճակէր Իրանի ձեռքերը իր հարեւանի հետ փոխարարեթութիւններում: Այնուհետեւ այդ ծրագրի իրականացումը կնշանակէր Սէֆեան պետութեան կենտրոնական նահանգների եւ առաջին հերթին մայրաքաղաքի՝ Սպահանի տնտեսական նշանակութեան արագ աճ, որը հանդիսանում էր շահի ներքին քաղաքականութեան կենտրոնական խնդիրներից մէկը:

Իր մասշտաբներով այս վիթխարի ծրագրի իրագործումը կատարւելու էր մի քանի փուլով: Նրա առաջին փուլը հէնց կապւած էր Հայաստանից հայերի բռնագողթի հետ: Ռուս պատմաբան Ի.Պ.Պետրուչենսկին իրաւացիօրէն նշում է, որ շահ Աբրասը ցանկանում էր մետաքսի միջազգային առեւտրի կենտրոնը Հին Ջուղայից տեղափոխել Իրան եւ այնուհետեւ այդ ապրանքի առեւտրի ուղին Սպահանի վրայով անցկացնել դէպի Պարսից ծոց: [42, էջ 82]

Վերոյիշեալ ծրագրի իրագործման երկրորդ փուլն էր

հանդիսանալու Պարսից ծոցի նաւահանգիստներից եւրոպացիների վտարումը եւ հետեւաբար դէպի համաշխարհային ովկիանոս տանող ճանապարհների բացումը:

Ենթադրում է, որ Իրանի արտաքին առեւտրի ուղին դէպի Պարսից ծոց ուղղելու քաղաքականութիւնը չընդառաջում էր նաեւ շահի ռազմաքաղաքական խորհրդատուների՝ անգլիացի Շիրլի եղբայրների նպատակներին եւ գուցէ առանց նրանց յուշարկումների չէ, որ գլուխ բերեց հայերի բռնագաղթը»: [17, էջ 80]

Այս տեսակէտը խարսխւած է հետեւեալ փաստարկումների վրայ. անգլիացիները դեռեւս 15-րդ դարի կէսերից եռանդուն փորձեր էին կատարում ներթափանցելու իրանական շուկայ եւ Իրանի ողջ առեւտուրը կենտրոնացնելու իրենց ձեռքերում: Այդ նպատակին հասնելու համար անհրաժեշտ էր նաեւ Պարսից ծոցի շրջանից դուրս մղել պորտուգալացիներին եւ տիրանալ Հորմուզի վրայով կատարուող առեւտրին: [30, հ. III, էջ 68]

Դատելով առկայ փաստերից, շահ Աբբասը պատկերացում էր իր մտայղացման իրականացման ճանապարհին եղած խոշոր զժւարութիւնները: Նախ, Պարսից ծոցի ճանապարհը թէ՛եւ գործող առեւտրական ուղի էր, սակայն թուրքական ցամաքային ճանապարհի հետ համեմատած Իրանի արտաքին առեւտրի համար դեռեւս ունէր երկրորդական նշանակութիւն: [281, էջ 128-129]

Հետեւաբար անհրաժեշտ էր այն դարձնել բանուկ եւ առաջնակարգ նշանակութիւն ունեցող ճանապարհ: Այնուհետեւ, որպէս կանոն, պարսիկ վաճառականները չէին զբաղուում միջազգային առեւտրով, առաւել եւս ծովային առեւտրափոխանակութեամբ: Այս զժւարութեան յաղթահարման միակ ձեւը, շահի կարծիքով, կարող էր հանդիսանալ հայ վաճառականներին օգտագործելը, որոնք ունէին ոչ միայն միջմայրցամաքային առեւտրի հսկայական փորձ, այլեւ 16-րդ դարից սկսած զբաղուում էին նաեւ ծովային առեւտրով: Սակայն այդ գործը զժւարանում էր նրանով, որ ինչպէս նշւեց, Պարսից ծոցը շրջափակւած էր պորտուգալացիների կողմից:

Իր մտայղացած լայնահուն քաղաքական ծրագրերի իրագործման յոյժ խոշոր կարեւորութեան գիտակցումը ստիպեց շահին խիզախել: Նա ռազմական գործողութիւններ սկսեց պորտուգալացիների դէմ եւ 1601-1602 թ. ընթացքում նւաճեց Բահրէյնեան կղզիները: [282, էջ 14] Հակառակ Իսպանիայի սպառնալիքների, նա այլեւս չվերադարձրեց դրանք: Յաջողութեան վարգացումը

միառժամանակ ընդհատուեց 1803 թ. Թուրքիայի դէմ Իրանի սկսած հերթական պատերազմի հետեւանքով: Այդ պատերազմը, որի ժամանակ մետաքսի արտահանումը փոքր Ասիայի վրայով մեծապէս դժւարացել էր, վերջնականապէս համոզեց շահին, որ Պարսից ծոցը առեւտրի համար բաց անելու իր ծրագիրը կենսական նշանակութիւն ունի Սէֆեան պետութեան համար:

1804 թ. Հայաստանից հայերի զանգւածային բռնադադիցի եւ իր մայրաքաղաք Սպահանի մօտ հայ առեւտրական կենտրոնի՝ Նոր Զուղայի հիմնադրումից անմիջապէս յետոյ շահը սկսեց խրախուսել հայ խոջաների առեւտուրը Պարսից ծոցի վրայով: Սակայն գործը դժւարանում էր նրանով, որ ծոցում պորտուգալացիները նախկինի պէս շեշտած թշնամական քաղաքականութիւն էին վարում բոլոր մրցակից վաճառականների՝ այդ թւում նաեւ հայերի նկատմամբ: Մասնաւորապէս նրանց չէին թոյլատրում ուղղակի առեւտրական կապերի մէջ մտնել օտարերկրեայ վաճառականների հետ, նրանցից գանձում էին անօրինական ու կամայական մաքսատուրքեր, երբեմն դիմում էին հալածանքների եւ այլն: [283, էջ 130] Այդ քաղաքականութիւնը նպատակ ունէր վնասներ հասցնել Իրանի առեւտրական շահերին, ստիպել շահին ետ վերադարձնելու Բահ-րէնեան կղզիները եւ հայ վաճառականներին պարտադրել կաթոլիկութիւնը՝ նրանց վերածելու համար Իրանում իրենց առեւտրական գործակալներին:

Յայտնւելով նման անելանելի վիճակի առջեւ, հայ վաճառականները, որոնց շահերը մեծապէս տուժում էին, ստիպւած էին խնդրել էջմիածնի կաթողիկոս Մելիքսէթին, որպէսզի նա դիմի Հռոմի պապին խնդրելով միջնորդել իսպանական թագաւորի առջեւ, որ նա բարեխօսի պորտուգալացիների մօտ հայ վաճառականներից գանձուող մաքսատուրքերը թեթեւացնելու վերաբերեալ: Իր նամակում կաթողիկոսը գրում էր, - «Զի յանուանի շահաստանի անդ յմրմուտ (Հորմուզ Վ.Բ.) որ ի Պարսից ծոցին կայ, յորում յայտոց քրիստոնեայ վաճառականաց վասն տուրեւառիկ վաճառաց մտիցն եւ ելիցն ի սակ տասանորդի հայն պահանջին, ի նոցունց Հայոց նոյն սակ կրկին չափով որպէս յանհաւատիցն պահանջի, ի մեծ վնաս նոցին եւ իրաց եւ համբաւոյ»: [123, էջ 238]

18-րդ դարի վերջին քառորդին բրիտանական նաւատորմը եռանդուն պայքար ծաւալեց Հնդկական ովկիանոսի աւազանից պորտուգալացիներին դուրս մղելու համար: Առաջին յաջողութիւնը ձեռք բերուեց 1888 թ., երբ անգլիացիները ծոցում պարտութեան

մատնեցին պորտուգալացիներին: [284, էջ 418]

Բրիտանական քաղաքականութեան աննախընթաց ակտիւացումը ստիպեց Իսպանիային իր իրանական քաղաքականութեան ընդաւառում կատարել կտրուկ շրջադարձ: Ֆրիլիպպ III-ը երկու անգամ՝ 1602 եւ 1607 թ.թ. դեսպանութիւններ ուղարկեց Իրան, առաջարկելով կնքել դաշնակցային մի պայմանագիր: Շահ Աբրահին շահագրգռելու նպատակով նա իր դեսպանի՝ Անտոնիո դէ Գուլեսայի միջոցով յայտարարում էր, որ Միջերկրական ծովում գործող իսպանական նաւատորմը պատրաստ է ջախջախիչ հարւած հասցնելու թուրքերին: [50, էջ 207, 467-468] Այնուհետեւ Ֆրիլիպպ III-ը նեպոլում իր դեսպան Քոնդ դէ Բենաւենտի միջոցով շահին ներկայացրեց գրաւոր մի առաջարկութիւն, որտեղ նա հաւանութիւն էր տալիս իրանական մետաքսը Պարսից ծոցով Եւրոպա արտահանելու շահի մտայղացած գաղափարին, միաժամանակ խոստանալով ցուցարները աջակցութիւն: [48, հ. 4, էջ 178]

Առաջարկութիւնը հետաքրքրեց շահին, որը կազմեց մի դեսպանութիւն, նրան լիազօրելով իր անունից բանակցութիւններ վարել իսպանական թագաւորի հետ: Այդ դեսպանութեան կազմում, որը 1608 թ. մեկնեց Եւրոպա, ընդգրկեց նաեւ ջուդահայ մեծահարուստ վաճառական Եդիգարի որդի խոջա Սաֆարը: Վերջինս հանդիսանում էր մետաքսի վաճառահանման հարցերի գծով շահի խորհրդականը եւ շահական ապրանքների վաճառքով զբաղող արքունի «խասսէ-է շարիֆէ» վաճառական: [29, էջ 203, 286, էջ 111]

Քանի որ դեսպանութիւնը Իսպանիա էր մեկնելու ծովային ճանապարհով Պարսից ծոցով, շահը Սաֆարին տրամադրեց 50 հակ հում մետաքս, որպէսզի դրանով իսկ սկիզբ դրւի մետաքսի արտահանման նոր ճանապարհին: Սակայն ծոցի ճանապարհով առեւտրական նոր ուղի բացելու այս անդրանիկ փորձը աւարտեց կատարեալ ձախողմամբ: Նախ խոջա Սաֆարի եւ դեսպանութեան անդամներից մէկի՝ Դենգիդ բէգի միջեւ առաջանում է ընդհարում, որի պատճառը կայանում էր նրանում, որ վերջինս բռնագրաւում է փորձնական վաճառքի համար Սաֆարին յանձնուած 50 հակ հում մետաքսը եւ այն նւիրում իսպանական թագաւորին: Ի նշան բողոքի խոջան բաժանում է դեսպանութիւնից եւ եւրոպական մայրաքաղաքներում վարում անջատ բանակցութիւններ:

Խոջա Սաֆարի միակ ձեռքբերումը լինում է այն, որ նախ նա կարծիք է կազմում Եւրոպայի ընդհանուր իրավիճակի մասին եւ ապա Վենետիկի հանրապետութեան հետ ձեռք է բերում պայ-

մանաւորածուծութիւն հայ վաճառականների առեւտուրը այդ քաղաք - հանրապետութեան հետ ծաւալելու համար: Իսկապէս, փաստերը վկայում են, որ դրանից յետոյ Նոր Զուղայի վաճառականների այցելութիւնները Վենետիկ դառնում են աւելի յաճախակի: Զգալիորէն մեծանում է նաեւ նրանց ապրանքափոխանակութիւնը: [37, էջ 419]

Առաջին անյաջողութիւնը չվհատեցրեց շահին: 1615 թ. նա մի նոր դեսպանութիւն է ուղարկում Իսպանիա, այս անգամ անգլիացի Ռոբերտ Շիրլիի գլխաւորութեամբ: Սակայն նրա բանակցութիւնները եւս աւարտուում են կատարեալ անյաջողութեամբ:

1615 թ. Սուրաթի մօտ բրիտանական ռազմական նաւատորմը ջախջախիչ պարտութեան մատնեց պորտուգալական «անպարտելի արմաղային»: [280, էջ 468] Այդ իրադարձութիւնից յետոյ շահ Արբասը եզրակացրեց, որ պորտուգալացիներն այլեւս ի վիճակի չեն պահպանելու իրենց դիրքերն Արեւելքում եւ ընդհակառակն, ուժեղացող Անգլիան դառնում է այդ աշխարհամասում հիմնական քաղաքական գործօն: Ուստի երբ այդ նոյն 1615 թ. բրիտանական Օստ-Հնդկական ընկերութիւնը Սպահան ուղարկեց իր ներկայացուցիչ Ռիչարդ Ստիլին եւ Զոն Գրովտէրին առեւտրական համաձայնագիր կնքելու համար, շահը անմիջապէս ընդառաջ գնաց այդ առաջարկին եւ ընկերութեանը տրամադրեց Ֆիրման (հրամանագիր Վ.Բ.), որը անգլիական վաճառականներին իրաւունք էր տալիս Զասկում, Շիրազում եւ Սպահանում բաց անել առեւտրական գրասենեակներ: Այդ նոյն Ֆիրմանով անգլիացիներին տրամադրւում էին նաեւ լայն արտօնութիւններ ու իրաւունքներ առեւտրի բնագաւառում: [63, էջ 113, 195] Երեք տարի անց, 1618 թ. շահը բրիտանական Օստ-Հնդկական ընկերութեան ներկայացուցիչներ Զիլզ Յոփսի եւ Թովմաս Բարկերի հետ կնքեց առեւտրական պայմանագիր, ըստ որի ընկերութիւնը ձեռք էր բերում Իրանի ողջ մետաքսի գնման ու վաճառահանման մենաշնորհը: [287, էջ 20] Ընդորում անգլիացիները պարտաւորուում էին մետաքսի արտածումն իրագործել բացառապէս ծովային ճանապարհով, դադարեցնելով նրա արտահանումը Փոքր Ասիայի վրայով: Անգլիացիներին տրամադրւում էր նաեւ ապրանքների ազատ տեղափոխման իրաւունք ողջ Սէֆեան պետութեան տարածքում: Նրանք լրիւ ազատուում էին մաքսատուրքեր վճարելուց:

Անգլո-իրանական պայմանագրի ստորագրումից յետոյ Իրանի կողմից մետաքսի վաճառքը իսպանացիներին ու պորտու-

գալացիներին դադարեցուց: [288, էջ 17]

Դժւար չէ նկատել, որ 1818 թ. պայմանագիրը ունէր կապիտուլյացիոն բնոյթ: Այն միակողմանի միջազգային բնոյթի ակտ էր: Դրանով անգլիացիները լուրջ քայլ էին կատարում իրանական շուկայ ներթափանցելու եւ այն մենաշնորհացնելու ուղղութեամբ: Բրիտանական գործարար շրջանները ենթադրում էին այդ պայմանագրի օգնութեամբ ոչ միայն ձեռք բերել հսկայական շահոյթներ, դառնալ միանձնեայ միջնորդ Եւրոպայի եւ Ասիայի միջեւ ծովային առևտրի բնագաւառում, այլեւ իրանը վերածել անգլիական ապրանքների վաճառահանման լայնածաւալ շուկայի:

Այսպիսով Պարսից ծոցում փաստօրէն վերանում էր պորտուգալացիների առևտրական մենաշնորհը եւ կարծես թէ լիովին բացւում էր ծովային ճանապարհը դէպի Հնդկաստան եւ Եւրոպա: Դա անշուշտ ոգեւորելու էր հայ խոջաններին: Սակայն այդ ոգեւորութիւնը շատ կարճատեւ եղաւ: Պարզեց, որ նրանց համար յայտնւել է նոր, ակելի հզօր ու ճկուն մրցակից Մեծ Բրիտանիան: Պատահական չէ, որ երբ Ջիլզ Յոփսը եւ Թոմմաս Բարկերը բանակցութիւններ էին վարում շահական ներկայացուցիչների հետ, հայ վաճառականները եռանդուն կերպով միջամտում էին դրանց, փորձելով խափանել անգլո-իրանական պայմանագրի կնքումը: [198, էջ 110-118]

Միւս կողմից խոջանները գիտակցում էին, որ անգլիացիների կողմից իրանական մետաքսի արտահանման մենաշնորհային իրաւունքի ձեռք բերումը ուղղակի մահ է իրենց համար: Բացի այդ, նրանք հիանալի հասկանում էին, որ ծովային ճանապարհների վրայ իրենք չեն կարող մրցակցել հզօր առևտրական ու ռազմական նաւատորմիդներ ունեցող Անգլիայի հետ: Որ իրենց ուժը ցամաքային կարաւանային առևտրի մէջ է, որտեղ համարեայ մրցակիցներ չունեն:

Որպէսզի անգլիացիներին ստիպեն հրաժարւել մետաքսի արտահանման մենաշնորհից, խոջանները որոշեցին որպէս ազդու գէնք օգտագործել հում մետաքսի գների կտրուկ բարձրացումը: Նախապէս խոջանները դիմեցին շահին, խնդրելով չեղեալ յայտարարել անգլիացիներին հետ կնքած պայմանագիրը, նոյնիսկ երաշխիքներ տալով, որ իրենք կապահովեն իրանական ողջ հում մետաքսի արտահանման ու վաճառքի գործը: Շահը պատասխանեց, որ ով շատ վճարի իրեն, նա էլ կստանայ արտահանման իրաւունքը:

[280, էջ 68,146] Ըստ այնմ 1619 թ. Սեպտեմբեր 14-ին յայտարարեց աճուրդ, որին մասնակցում էին եւրոպական եւ արեւելեան տարբեր երկրների վաճառականներ:

Այդ աճուրդին մասնակցած Պիետրո դելլա Վալլեն վկայում է, որ բոլոր եւրոպական ու արեւելեան վաճառականների մէջ միայն Ջուդայեցի խոջաները իւրաքանչիւր հակ (36 բաթման) մետաքսի համար առաջարկեցին 50 թուման ոսկի: [64, էջ 263]

Շահը անմիջապէս չեղեալ է յայտարարում անգլիացիներին հետ կնքած պայմանագիրը եւ Ջուդահայ վաճառականներին յանձնում Իրանի մետաքսաբեր շրջանների ողջ մետաքսի գնման ու արտահանման մենաշնորհային իրաւունքը: Միաժամանակ նա խոջաներին շնորհում է շահական պարանքներով առեւտուր անող «թաջիրէ-է խասսէ-է շերիֆէ» առանձնաշնորհեալ վաճառականների իրաւունքը: [48, ւ. 3, էջ 220]

Այսպիսով խոջաների կիրառած առեւտրական դէմպինգի քաղաքականութիւնը տւեց ցանկալի արդիւնքներ: Այդ յաջողութեամբ էլ աւելի ամրապնդեց հայ առեւտրական դասի՝ խոջայութեան կապերը շահական արքունիքի եւ Սէֆեան պետութեան քաղաքացիական բիւրոկրատիայի հետ: Ջուդայեցիները դառնում էին շահի պայմանագիր (կոնտրազենտ) վաճառականներ: Վկայելով այդ մասին Տաւերնիէն գրում է, որ դրանից յետոյ «Իրանի արտաքին առեւտուրը ամբողջապէս գտնուում է հայերի ձեռքում, որոնք հանդիսանում են թագաւորի ու մեծամեծերի գործակատարները»: [60, ւ. II, էջ 326] Իսկ Պիետրո Դելլա Վալլեն արտայայտում էր աւելի դիպուկ. «Ջուդայեցիները Իրանի թագաւորի համար այն են, ինչ ջենովացիները Իսպանիայի թագաւորի համար, առանց թագաւորի նրանք չեն կարող ապրել, ոչ էլ թագաւորը առանց նրանց»: [64, էջ 265]

Այսպիսով անգլիացիներին առաջին փորձերը՝ հիմնաւորելու իրանական շուկայում, աւարտեցին կատարեալ այնպիսի յաջողութեամբ: Շահը չեղեալ յայտարարեց Օստ-Հնդկական ընկերութեան կողմից կնքած պայմանագիրը:

Ամենազարմանալին այն էր, որ յաղթանակ տանողը հայ խոջաներն էին, պետականութիւնից զուրկ մի ժողովրդի ներկայացուցիչներ, որն ընդամենը մի քանի տարի առաջ պոկւել էր իր բնօրրանից եւ բռնի քշւել Իրանի խորքերը: Առաջին հանցաքիջ այս անհասկանալի ու հանելուկային թւացող հարցի պատասխանը կայանում է նրանում, որ նախ միջազգային առեւտրով զբաղող

Հայ վաճառականները, որպէս կանոն, բաւարարոււմ էին ցածր շահոյթով, մինչդեռ բրիտանական Օստ-Հնդկական ընկերութիւնը, որը շփացել էր Հնդկական առեւտրից ստացւող հսկայական եկամուտներից եւ առհասարակ ունէր չափազանց մեծ խորժակ, գործարքների մէջ էր մտնում միայն այն դէպքում, երբ վստահ էր, որ դրանք իր համար կապահովեն բարձր շահոյթներ: Օրինակ, տւեալներ կան այն մասին, որ առանձին ժամանակներում Օստ-Հնդկական ընկերութիւնը առեւտրական գործարքներից ստանում էր 340 % -ի եւ աւել շահ: [200, էջ 8]

Այնուհետեւ, 1618 թ. պայմանագրի գործողութեան մէջ մտնելու առաջին իսկ օրերից շահական կառավարութեան եւ անգլիացիների միջեւ սկսւեցին տարածայնութիւններ, որովհետեւ պարզեց, որ Օստ-Հնդկական ընկերութիւնը պատրաստոււմ է մետաքսի համար բոլոր վճարումները կատարել զանազան անգլիական ապրանքներով, մինչդեռ կառավարութիւնը պահանջում է միայն գրնդուն դրամ: Ընդորում, անգլիացիները արհեստականօրէն բարձրացնում էին իրենց ապրանքների գները եւ ընդհակառակն իջեցնում հում մետաքսի գինը: [75, էջ 10-11]

Շահի դիմադարձ լինելը անգլիացիներից պայմանաւորուած էր նաեւ նրանով, որ ժամանակակիցների վկայութեամբ, կարճ ժամանակ պահանջեց համոզելու համար, որ անգլիացիները չեն արդարացնում իր յոյսերը մետաքսի արտահանումը ծովային ճանապարհով կազմակերպելու ուղղութեամբ: [117, էջ 413-416, 118, էջ 167] Անշուշտ դա ունէր իր պատճառները. նախ առեւտուրը Մոցի վրայով կապուած էր մեծ ռիսկի եւ զանազան վտանգների, հետեւաբար նաեւ խոշոր կորուստների հաւանականութեան հետ, որովհետեւ պորտուգալացիներն ու իսպանացիները շարունակում էին անգլիացիների հետ գտնուել թշնամական առճակատման վիճակում: Այնուհետեւ քանի որ Իրանի մետաքսաբեր շրջանները գտնուում էին բացառապէս երկրի հիւսիսում, անգլիացիների համար մեծ դժարութիւն էր ներկայացնում հսկայ երկրի տարածքով, այն էլ անապատային վայրերով, այդ ապրանքը հասցնել Պարսից ծոց: Ի տարբերութիւն Հայ վաճառականների, անգլիացիները ոչ միայն չունէին ցամաքային կարաւանային առեւտրի փորձ, այլեւ ընդհանրապէս չէին զբաղւում նման առեւտրով:

Առհասարակ XVII դարի սկզբին անգլիացիները դեռ յարմարուած չէին արեւելքում կատարող առեւտրի ձեւերին: Պատահական չէ, որ Օստ-Հնդկական ընկերութեան ղեկավարութիւնը

խորհուրդ էր տալիս իր աշխատակիցներին սովորել հայերէն, հայերի առեւտուր անելու ձեւերը եւ այլն: Նոյնիսկ յանձնարարուեալ էր այդ նպատակով բնակել Նոր Զուղայի հայ խոջանների տներում: [201, էջ 370]

Բրիտանական Օստ-Հնդկական ընկերութեան աշխատակից Զոն Յրէյքերը հայ վաճառականների մասին գրում էր, որ նրանք կարողանում են 50 շիրինգով ճանապարհորդել այնտեղ, որտեղ անգլիացիները չեն կարող այդ նոյնն անել 50 թումանով: [202, էջ 249-250]

Տարակոյս չի կարող լինել նրանում, որ անգլիացիների ու հայ վաճառականների միջեւ ընտրութիւն կատարելիս շահը պէտք է նախապատուութիւնը տար վերջիններին: Նախ խոջաները հանդիսանում էին իր հպատակները, մինչդեռ անգլիացիների գործունէութեան նկատմամբ հսկողութիւնը բացառուեալ էր: Այնուհետեւ, ինչպէս նշւեց վերեւում, շահը հայ վաճառականների հետ կապուեալ էր բազմաբնոյթ տնտեսական ու քաղաքական ծրագրեր: Հէնց այդ էր պատճառը, որ ինչպէս Արբաս Էր, այնպէս էլ նրա ժառանգորդները գերադասում էին հում մետաքսը արտահանել ու վաճառել անմիջականօրէն հայ վաճառականների միջոցով: [203, էջ 88]

Ենթադրութիւններ կան նաեւ, որ հայ վաճառականների օգտին եւ ի վնաս անգլիական Օստ-Հնդկական ընկերութեան, եռանդուն կերպով գործում էին օսմանեան թուրքերի դէմ շահ Արբաս Էի տարած յաղթանակներում փառաբանած զօրավարներ (ծագումով հայ), բանակի զլիաւոր հրամանատար Ալլահվերդի խանը եւ Կարճկա խանը: [44, էջ 21-22]

Գլխաւորապէս այս հանգամանքները ստիպեցին ամենագոր Օստ-Հնդկական ընկերութեանը ժամանակաւորապէս հրաժարել իրանական մետաքսը Պարսից ծոցով արտահանելու իրենց ծրագրերից:

Այսպիսով, շահ Արբաս Էի ծրագրերը, իրանական մետաքսի արտահանումը թուրքական ճանապարհներից դէպի Պարսից ծոց փոխադրելու ուղղութեամբ դրական արդիւնք չտուեցին: Անյաջողութեամբ աւարտուեցին նաեւ անգլիացիների առաջին փորձերը՝ հիմնաւորելու իրանական շուկայում: Պաշտպանելով իր առեւտրական շահերը, հայ վաճառականութիւնը օրեկտիւօրէն հանդէս էր գալիս օտարերկրեայ կապիտալի իրան ներխուժման դէմ:

XVII դարի 20-ական թւականների սկզբներին բրիտանական կառավարութիւնը նոր աւելի հուժկու պայքար ծաւալեց Պարսից

ծոցում իր միանձնեայ տիրապետութիւնը սահմանելու համար: 1620 թ. դեկտեմբերի 28-ին անգլիական նաւատորմը Զասկի մօտ նոր ջախջախիչ հարւած հասցրեց պորտուգալական նաւատորմին: Օրակարգում Հորմուզի նւաճումն էր, որը փակում էր Պարսից ծոցից ելքը դէպի ուկիւստոս:

Հորմուզը XV դարից սկսած հանդիսանում էր Պարսից ծոցի առեւտրի խոշորագոյն կենտրոնը, որտեղ ժամանակակիցների արտայայտութեամբ հանդիպում էին «եօթ տարբեր կլիմաների վաճառականները»: Հորմուզի հարստութեան մասին տեղեակ էր դեռեւս XIII դարում վենետիկցի Մարկո Պոլոն: [294, էջ 65, 184, 194]

Պորտուգալացիներին է պատկանում Հորմուզի մասին հետեւեալ բանաւոր խօսքը. «եթէ աշխարհը լինէր մի ոսկէ մատանի, ապա Հորմուզը կհանդիսանար նրա աղամանդը»:

Հորմուզի գրաւման հարցում Անգլիայի եւ Իրանի շահերը միանգամայն համընկնում էին: Շահ Աբրասը տենչում էր դառնալ Հորմուզի մաքսային հասոյթների տէրը: Մի առիթով նա ասել էր, որ «եթէ նոյնիսկ պէտք լինէր զոհելու իր թագաւորութեան կէսը՝ պիտի գրաւէր Հորմուզը»: [106, էջ 120] 1622 թ. յունւարի 8-ին բրիտանական Օստ-Հնդկական ընկերութեան եւ Իրանի միջեւ կնքեց համաձայնագիր պորտուգալացիների դէմ համատեղ ռազմական գործողութիւններ ծաւալելու վերաբերեալ: [295, էջ 312] 1622 թ. ապրիլի 22-ին Ֆարսի նահանգի կառավարիչ Իմամ Կուլի Քանի գօրքերը Օստ-Հնդկական ընկերութեան ռազմանաւերի օգնութեամբ գրաւեցին Հորմուզը: [296, էջ 82] Շահ Աբրասը քանդեց Հորմուզի ամրոցը, իսկ առեւտրական նաւահանգիստը տեղափոխեց Գոմբրուն, որը հետագայում ի պատիւ շահի վերանւանեց «Բենդեր-Աբրաս» (Աբրասի նաւահանգիստ):

Այսպիսով Պարսից ծոցը բացեց բոլոր ժողովուրդների վաճառականների համար: Անգլիացի Թոմաս Հերբերտի վկայութեամբ Գոմբրուն նաւահանգիստը կարճ ժամանակամիջոցի ընթացքում վերածւեց խոշոր առեւտրական քաղաքի՝ շնորհիւ անգլիացի, հոլանդացի, պորտուգալացի, հայ, հնդիկ, արաբ, հրեա, թուրք եւ այլ ժողովուրդների վաճառականների առեւտրի: [297, էջ 43] Պարսից ծոցի բացելը նոր զարկ հաղորդեց Հնդկաստանի հետ հայ վաճառականների ծովային առեւտրին: [298, էջ 312-313] Մինչ այդ նրանց կապերը այդ երկրի հետ ծովային ճանապարհով իրականացւում էր դիպլոմատարաբ: Այսուհետեւ ցամաքային կարաւանային ճանապարհներն օգտագործելու հետ մէկտեղ իրանահայ

վաճառականները եռանդուն փորձեր էին կատարում նաև ծովային ճանապարհը իւրացնելու ուղղութեամբ: [283, էջ 310] Հնդկաստանից բացի նրանք սկսեցին նաև ուղարկել նաև Մասկաթ, աֆրիկեան եւ եւրոպական երկրներ եւ այլն: Հայ վաճառականներին մեծապէս հետաքրքրում էր նաև հէնց Պարսից ծոցի աւազանի երկրների հարստութիւնները եւ առեւտրական հնարաւորութիւնները: Այդ կողմերում կար մեծ քանակութեամբ մարգարիտ, գորշ համպար, Հնդկաստանի սահմանամերձ վայրերում՝ գմբուխտ, կարմիր հակինթ, շափուղայ եւ այլ թանկարժէք քարեր: Տեղեկութիւններ կան, որ այդ հանքերը կապալով շահագործողների թւում կային նաև մեծ թւով իրանահայեր: [38, էջ 187-189, 118, էջ 97, 80, V, էջ 308]

Պարսից ծոցի աւազանից հայ վաճառականները դէպի Լեւանտ եւ եւրոպական երկրներ էին արտահանում նաև զանազան համեմուռներ, գորշ համպար, մուշկ, ինչպէս նաև տեղական արտադրութեան զանազան ապրանքներ:

Ծոցի շուկաներում Բասրայում, Քիշում, Հորմուզում, Մասքաթում եւ այլն վաճառում էին ոչ միայն իրանական ու արաբական ապրանքներ, այլև Եւրոպայի, Աֆրիկայի եւ Հեռաւոր Արևելքի երկրների արտադրութիւններ: Մասնաւորապէս Եւրոպայից ստացւում էր ապակի, կապար, պղինձ, երկաթ եւ այդ մետաղներից պատրաստած բազմապիսի ապրանքներ, բրդեայ եւ բամբակեայ կտորեղէն, Աֆրիկայից, Հնդկաստանից եւ Զինաստանից մետաքս, համեմուռներ, փղոսկր, սել փայտ, ընկոյզ, բամբակ, թանկարժէք քարեր եւ այլն:

Պարսից ծոցի վրայով հայ վաճառականութիւնը գործօն մասնակցութիւն ունէր նաև ոսկեայ եւ արծաթեայ դրամի համաշխարհային փոխանակութեան մէջ: Ֆրանսուա Բերնիէն նկարագրում է առեւտուրը արգասաւորող դրամի համաշխարհային շրջանառութեան ուղիները: Ամերիկայից Եւրոպա մտնող ոսկու մի մասն անցնում էր Թուրքիա՝ այնտեղից ստացւող ապրանքների դիմաց, միւս մասն ուղարկւում էր Իրան մետաքսի դիմաց, քանի որ Թուրքիան կարիք ունէր Եմենից ստացւող սուրճի, իսկ Եմենը, Իրանը եւ Թուրքիան՝ հնդկական ապրանքների, ուստի դրանց դիմաց ստիպւած էին կարմիր ծովի եւ Պարսից ծոցի վրայով Հնդկաստան ուղարկել իրենց մօտ զոյացող ոսկու զգալի մասը: [208, էջ 183]

Իրանական առեւտրի համար Պարսից ծոցը բացւելու կապակցութեամբ բանուկ առեւտրական ուղի դարձաւ Սպահան -

Մահեար - Եզդիսաս - Շիրազ - Լառ - Բանդար - Արբաս կարաւանային ճանապարհը, որի վրայով երկրի կենտրոնական շրջանները կապեցին Պարսից ծոցի հետ: Սպահանը եւ նրա արւարձան հայքադաք Նոր Զուղան վեր էին ածուում Իրանում միջազգային առեւտրի էլ աւելի աչքի ընկնող կենտրոնների: Հնդկահայ վաճառականների գործարար կապերը իրանահայ խոջաների հետ Նոր Զուղայի հիմնադրումից յետոյ ընդունեցին առանձնակի լայն թափ: Ընդորում ջուղահայ վաճառականները ծովային ճանապարհի հետ համահաւասար օգտուում էին նաեւ Հնդկաստան տանող ցամաքային ճանապարհներից: Նրանք կասպից ծովով դնում էին դէպի խորասան, այնտեղից կարաւաններով մեկնում էին Ղանդահար եւ Քարուլ, իսկ այնուհետեւ Դելի:

Սակայն այնուամենայնիւ աւելի բանուկ էր ջուղայեցիների ցամաքային առեւտրի ճանապարհը դէպի Լեւանտի առեւտրական կենտրոնները: Նրանց կարաւանները Սպահանից մեկնում էին Թաւրիզ, որտեղից այնուհետեւ անցնում էին Հալէպ, Բրուսա, Չմիւռնիա եւ այլն:

Այսպիսով հայ վաճառականները հանդիսանում էին կապող օղակ Պարսից ծոցից դէպի Հնդկական ովկիանոս տանող առեւտրական կենտրոնների ու Լեւանտեան առեւտրական հանգոյցների միջեւ:

Իրանա-Հնդկական ծովային առեւտրի հիմնական կենտրոններն էին Պարսից ծոցի Բենդեր - Արբաս, Բենդեր - Բուշիր, Բասրա, Հնդկաստանի արեւմտեան ծովափին գտնւող Մուրաթ նաւահանգիստները, որոնց միջեւ կանոնաւոր երթեւեկում էին ջուղայեցի վաճառականների առեւտրական նաւերը: [200, էջ 221: 276, էջ 200, 203] Առաւել խոշոր խոջաների տրամադրութեան տակ կային նաեւ ովկիանոսային նաւեր, որոնցից մի քանիսի անունը հասել է մեզ՝ «Մ. Միքայէլ», «Սողուէլ» եւ այլն:

Տեղեկութիւններ կան, որ մեծահարուստ խոջաների մէջ կային մարդիկ, որոնք հանդիսանում էին իրենց սեփական նաւերի նաւավարները: Դրանցից էին, օրինակ, Հնդկաստանում խոշոր վաճառականի համրաւ ձեռք բերած Յովհան եւ Յովսէփ Մարգարեանները: [276, էջ 304-306, 321]

Մովային բեռնափոխադրումներ կատարելիս հայ վաճառականները յաճախ օգտուում էին նաեւ Պարսից ծոցի եւ Հնդկաստանի միջեւ երթեւեկող արարական, մասամբ նաեւ հոլանդական նաւերից: [303, էջ 162]

Հնդկաստանից եկող նաւերը սովորաբար առափնեայ նաւարկութեան միջոցով հասնում էին Օմանի ծով: Այնուհետեւ նրանք Պարսից ծոցով մօտ 2500 կիլոմետր թափանցում էին ասիական մայրցամաքի խորքերը: Շաթթ-էլ-Արար գետի սկզբնաւորման մասից մինչեւ Միջագետքի հիւսիսային սահմանները ապրանքները տեղափոխում էին Եփրատ գետով: Հնդկաստանից Եւրոպա ճանապարհին միակ ցամաքային հատւածը կազմում էր 200 կիլոմետր: Դա Եփրատի եւ Միջերկրական ծովի սիրիական ափերի միջեւ ընկած հատւածն էր: Կարաւանային ճանապարհը էլ աւելի էր կրճատւում, երբ ապրանքները տեղափոխում էին Միջերկրական ծովը թափուող Որոնտես գետով: [300, էջ 31]

Հնդկական ուղկիւնն ստւում վիստացող ծովահեններից պաշտպանելու համար նաւերը զինւած էին նաեւ թնդանօթներով: Այդ նաւերը կանոնաւոր կերպով երթեւեկում էին ոչ միայն Պարսից ծոցի ու Հնդկաստանի միջեւ, այլեւ բեռներ էին տեղափոխում Հեռաւոր Արեւելքի, Հարաւ-Արեւելիան Ասիայի եւ եւրոպական երկրների նաւահանգիստները: Սակայն հայ վաճառականների առեւտրական նաւատորմը բաղկացած էր մեծ մասամբ ոչ մեծ առաջաստանաւերից, որոնք վերին աստիճանի շարժունակ էին, արագընթաց եւ ունէին բաւարար բեռնատարողութիւն: Նկատի ունենալով նման նաւերի շահահետաժողութիւնը, բրիտանական Օստ-Հնդկական ընկերութեան ղեկավարները յանձնարարում էին վաճառել այդ ընկերութեան տրամադրութեան տակ եղած խոշոր նաւերը եւ մօտիկ տարածութիւններում բեռնափոխադրումներն իրականացնել հայերին պատկանող նաւերով: [301, էջ 140-141]

Ի դէպ, պետականութեան բացակայութեան պայմաններում զուրկ լինելով ազգային զրօշից, հայ նաւատէրերը ստեղծել էին իրենց կարմիր - դեղին - կարմիր գոյնի զբօշը, որի վրայ պատկերւած էր գառնուկ: [302, էջ 52]

Հայ վաճառականները չէին սահմանափակւում լոկ Հնդկաստանի ծովափնեայ քաղաքների առեւտրով: Գանգէս գետի վրայով նաւերով նրանք թափանցում էին երկրի խորքերը: [170, էջ 33] Ա. Ալպոյաճեանը իրաւացի է, երբ նկատում է, որ «Եւրոպացիք հայ վաճառականի ոտքին հետքերուն հետեւելով է որ միայն կրցած են յառաջանալ»: [149, էջ 304]

Հնդկաստանի հայ վաճառականների ծովային առեւտուրը գժւարանում էր նրանով, որ շուտով անգլիացիների կողքին յայտնւեցին նաեւ նոր առեւտրական մրցակիցներ՝ հոլանդացիները,

որոնք օգտւելով ովկիանոսային ճանապարհների վրայ Պորտուգալիայի հզորութեան թուլացումից, նետել էին պայքարի ասպարէզ արեւելեան առեւտրի մենաշնորհը ձեռք բերելու համար: 1602 թ. կազմակերպւած հոլանդական Օստ-Հնդկական ընկերութիւնը փորձում էր թափանցել Պարսից ծոց եւ նրա կղզիները վերածել Հնդկաստանի եւ Եւրոպայի միջեւ առեւտրի միջանկեալ կէտերի: 1623 թ. նոյեմբերի 21-ին հոլանդացիները ստացան շահական ֆիրման, որով նրանք Իրանում ձեռք էին բերում անգլիացիներին հաւասար իրաւունքներ ու արտօնութիւններ, [191, էջ 74] մասնաւորապէս Պարսից ծոցում հոլանդական նաւերի ազատ նաւարկութեան իրաւունք: Այս պայմանագիրը կնքւեց հակառակ անգլիացիների կատաղի դիմադրութեան: Հոլանդացիներին հակադրելով անգլիացիներին, շահը ցանկանում էր սահմանափակել առաջինների ազդեցութիւնը իրանական առեւտրի վրայ: Իսկ 1626 թ. հոլանդական Օստ-Հնդկական ընկերութեան եւ շահական կառավարութեան միջեւ ստորագրւեց կարճժամկէտ առեւտրական մի պայմանագիր (ընդամենը երեք տարով), որը նախատեսում էր աննախընթաց կերպով զարկ տալ իրանա-հոլանդական առեւտրին (նրա տարեկան շրջանառութիւնը կազմելու էր 40.000 թուման): [73, էջ 380] Այս պայմանագիրը որոշակի առաւելութիւններ էր ստեղծում նաեւ Նոր Զուղայի խոջաների համար, որոնք աշխուժացրին իրենց առեւտուրը Հոլանդիայի հետ, շատերը որոշեցին մշտական բնակութիւն հաստատել Ամստերդամում, որպէսզի առանց հոլանդացի, հրեայ կամ այլ միջնորդների օգտւեն հոլանդական շուկաներից թէ՛ ապրանքներ ներմուծելու եւ թէ՛ արտահանելու համար: [138, էջ 36-37]

1626 թ. իրանա-հոլանդական պայմանագրին հետեւեց 1631 թ. կնքւած նոր պայմանագիրը, որը մի շարք լրացուցիչ առեւտրական արտօնութիւններ էր յատկացնում Նիդերլանդներին: Վերջինս 1638 թ. ստացաւ նաեւ Իրան համեմունքներ ներմուծելու մենաշնորհը: 1642 թ. հոլանդական Օստ-Հնդկական ընկերութիւնը շահ Սէֆիից ձեռք բերեց նոր ֆիրման՝ լրացուցիչ արտօնութիւններով: Դա ըստ էութեան կապիտուլյացիոն բնոյթի մի պայմանագիր էր: Նրանում մասնաւորապէս ասուում էր, որ իրանական պետական ծառայողները իրաւունք չունեն միջամտելու հոլանդացիների առեւտրական գործերին, որ Իրանում բնակւող հոլանդական հպատակները, ինչպէս եւ հոլանդացիների մօտ ծառայող պարսիկները, հայերը, թուրքերը, բենգալացիները եւ այլն օգտւելու են արտաերկ-

րայնութեան իրաւունքից, այսինքն նրանք ենթակայ չեն Իրանի պետական կամ կրօնական դատարանի կողմից դատուելու, ինչպէս նաեւ օգտուելու են անձի անձեռնմխելիութեան իրաւունքից: Որ հոլանդական հպատակներին տրամադրուում է դաւանանքի ազատութեան իրաւունք եւ այլն:

Վերոյիշեալ պայմանագրերի հիման վրայ հոլանդացիները կարողացան կայուն կերպով հիմնաւորել իրանական շուկայում եւ ըստ էութեան իրենց բացարձակ տիրապետութիւնը հաստատել ողջ Պարսից ծոցի աւազանի առեւտրի վրայ:

Սակայն չնայած այդ բոլորին, ո՛չ հոլանդացիներին եւ ո՛չ էլ անգլիացիներին, այնուամենայնիւ չյաջողեց հայ առեւտրական կապիտալը դուրս մղել Իրանի արտաքին առեւտրի մէջ ունեցած առաջատար դիրքերից: Նրանց մրցակցութեան պատճառով տուժում էր միայն հայերի ծովային առեւտուրը:

Տաւերնիէն գրում էր, որ «Առեւտուրը Պարսկաստանում միանգամայն բաժանւած է, ընդ որում երկրի ներսում այն վարում են քրիստոնեաներն ու հրեաները, իսկ արտաքին առեւտուրը ամբողջապէս գտնւում է հայերի ձեռքին»: [69, էջ 610] Այդ նոյնը վկայում են նաեւ Փրանսիացի Փարրիէլ Շինոնը, [74, էջ 225] գերմանացի Ադամ Օլեարիուսը [76, էջ 791] եւ այլն:

XVII դարի երկրորդ կէսին Պարսից ծոցով ծովային առեւտրի բնագաւառում հոլանդացիները համարեայ դադարեցին մրցակից լինել հայ վաճառականներին:

XVII դարի կէսերին բրիտանական Օստ-Հնդկական ընկերութիւնը վերածւեց Եւրոպայի առաւել հարուստ ու հզօր առեւտրական կազմակերպութեան: Միաժամանակ նա դարձաւ Արեւելքում գաղութային տիրապետութեան համար պայքարում քաղաքական գործիք բրիտանական կառավարութեան ձեռքերում:

Անգլիացիները խոշոր վնասներ հասցրեցին նաեւ Իրանում հոլանդացիների ձեռք բերած դիրքերին: XVII դարի 80-ական թւականներին հոլանդական Օստ-Հնդկական ընկերութեան փորձերը, վերականգնելու Իրանում իրենց կորցրած դիրքերը, ցանկալի արդիւնքներ չուեցին: [118, էջ 168-180]

Նիդերլանդների նկատմամբ ձեռք բերած ռազմական եւ տնտեսական յաջմանակներից յետոյ Մեծ Բրիտանիան հետեւողականօրէն փորձում էր արեւելեան առեւտրի մենաշնորհը վերցնել իր ձեռքը: Լոնդոնում դրա իրականացման ուղի էին համարում Լեւանտեան առեւտրի տեղափոխումը դէպի Մեծ

Բրիտանիայի Հսկողութեան տակ գտնուող ծովային ճանապարհները: Դժւար չէ նկատել, որ Հեռայար նպատակներով մշակած այդ ծրագիրը առաջին հերթին ուղղւած էր Անգլիայի առեւտրական մրցակիցներ Հոլանդիայի եւ Ֆրանսիայի դէմ:

Հնդկաստանի Հեռ Հայ վաճառականների առևտրի աշխուժացմանը մեծապէս նպաստում էր այն հանգամանքը, որ շահ Արրաս Բի կառավարման շրջանում խտրու արգելւած էր Սէֆեան պետութեան սահմաններում հնդկական վաճառականների առևտուրը, որը կարող էր հանգեցնել տեղական խոջանների սնանկացմանը: Այդ արգելքը դրւած էր նաեւ այն պատճառով, որ հնդիկ վաճառականները յայնօրէն գրադուում էին վաշխառուական գործառնութիւններով, իսկ շահ Արրաս Բի ժամանակ վաշխառութիւնը դաժանօրէն Հետապնդուում էր որպէս մահմեդական կրօնին ու շարիաթի սկզբունքներին հակասող երեւոյթ:

Պարսից ծոցի վրայով ծովային ճանապարհը բացելուց յետոյ, ինչպէս նշւեց, Նոր Զուղայի վաճառականների մի մասը բացառապէս մասնագիտացաւ հնդկական առևտրի մէջ: Նրանք Հընդկաստանի բազմաթիւ քաղաքներում բաց արեցին առևտրական գրասենեակներ:

Ընդ որում խոջանները չէին սահմանափակուում լոկ Հընդկաստանի ծովափնեայ քաղաքների Հետ առևտրով: Գանգէս գետի վրայով նաևերով նրանք թափանցում էին այդ հսկայ երկրի խորքերը, ակնառու դեր խաղալով նրա ներքին առևտրում եւս:

Մանրակշիռ էր նաեւ նրանց դերը Հնդկաստանի արտաքին առևտրի մէջ: Հայ վաճառականները Հնդկաստանից արտահանում էին տեղական արտադրութեան բազմապիսի ապրանքներ՝ բամբակեայ եւ բրդեայ կտորեղէն, թանկարժէք քարեր, համեմունքներ, բուսական ներկեր, որոնք մեծ պահանջարկ ունէին Եւրոպայում:

Հայերից շատերը մասնագիտացել էին բամբակի առևտրի մէջ: Նրանք ձեռք էին բերում հումք, այն տալիս էին մանելու, յետոյ գործելու, իսկ այնուհետեւ պատրաստի կտաւը արտահանում էին:

Հնդկական առևտուրը վերին աստիճանի եկամտաբեր էր Հայ վաճառականների համար: Այդ մասին կան բազմաթիւ վկայութիւններ: Այսպէս, 1666 թ. նորջուղայեցի վաճառականներ, եղբայրներ Յովհան եւ Յովսէփ Մարգարեանները (սրանք արեւմտեան աշխարհում յայտնի էին Զոն եւ Զոզէֆ Դա-Մարկ կամ Դեմարկորա անունով) կազմելով ընկերակցութիւն, Միլափորում կամ Սան-Թոմում գործ են ձեռնարկում ունենալով 27.600 ուռփի

կապիտալ, իսկ 1897 թ., երբ Յովհաննի մահան պատճառով ընկերակցութիւնը քայքայեց եւ կատարեցին վերջնական հաշարկներ՝ պարզեց, որ 30 տարւայ ընթացքում ստացել է երկու միլիոն ուսկի մաքուր եկամուտ: [276, էջ 304-305, 321]

Ակադեմիկոս Լ. Ս. Խաչիկեանը ենթադրում է, որ XVII դարի վերջին Հնդկաստանում առեւտուր անող հայ վաճառականները շահոյթներ էին ստանում 100-120 տոկոսի չափով:

Հնդկահայ վաճառականների մէջ կային մարդիկ, որոնց կարողութիւնը հաշուում էր միլիոններով: Դրանցից մէկն էր, օրինակ, խոջա Պետրոս Տէր Նիկողոսեանը, որը հանդիսանում էր Մադրասում Օստ-Հնդկական ընկերութեան խորհրդի անդամ: Նրա մասին վկայութիւն կայ, որ երբ Քարնատիկի իշխանութեան կառավարիչն այցելում է Մադրաս, Տէր Նիկողոսեանը մետաքս է փոել տալիս այն բոլոր փողոցներում, որոնցով անցնելու էր նաւարը: [276, էջ 581-582] Իսկ XVIII դարի 90-ական թւականներին մահացած Շահամիր Շահամիրեանը իր ժառանգորդներին թողնում է 52 միլիոն Ֆրանկ, չհաշած զանազան «գործարանները», ծխախոտի պլանտացիաները եւ այլ անշարժ գոյք: [277, էջ 11]

Ի դէպ, տեղեկութիւններ կան, որ Հնդկաստանում հայ վաճառականները զբաղւում էին նաեւ ձեռնարկատիրական գործունէութեամբ: Այդ առթիւ Ֆրանսիացի Աբբա Ռէյնալը վկայում է. «Հայերը գալիս էին Հնդկաստան եւ բամբակ գնելով, այն տրամադրում էին մանածագործներին: Կտորները արտադրւում էին իրենց հսկողութեան ներքոյ: Պատրաստի կտորները Բենդեր-Աբբասի վրայով ուղարկւում էին Սպահան, որտեղից այն առաքում էին Իրանի բոլոր նահանգները, Օսմանեան կայսրութիւն եւ Եւրոպա, որտեղ այդ կտորները անւանում էին «պարսկական», թէեւ արտադրւած էին Կորմանդէլեան ծովափում:

Ձեռնարկատիրական գործունէութեամբ զբաղելու համար հայ միջին կարողութեան վաճառականները 6-12 %-ով փոխ էին վերցնում աւելի խոշոր վաճառականներից:

Սկզբնական շրջանում բրիտանական Օստ-Հնդկական ընկերութիւնը, որը 17-րդ դարի առաջին կէսին դեռեւս հեռու էր Արեւելքում, այդ թւում նաեւ հնդկական շուկայում մենաշնորհային դիրք ունենալուց, ստիպւած էր հաշւի նստել Հնդկաստանի տեղական վաճառականների, այդ թւում նաեւ հայերի հետ:

Ծանօթ չլինելով տեղական լեզուներին, բարբերին ու սովորութիւններին, ինչպէս նաեւ առեւտրի մեթոդներին, որոնք

այնքան տարբերում էին եւրոպականից, անգլիացիները ըսկզբնական շրջանում ստիպւած էին առեւտուր անել տեղական միջնորդների միջոցով՝ վարկաւորելով նրանց առեւտրական գործառնութիւնները: Օստ-Հնդկական ընկերութիւնն աշխատում էր Հայ վաճառականների միջոցով տեղեկանալ ոչ միայն Հնդկաստանի, այլեւ նրա հարեւան երկրների առեւտրական իրադրութեանը: Իզուր չէ, որ ընկերութիւնը իր ծառայողներին խորհուրդ էր տալիս ուսումնասիրել պարսկերէն եւ հայերէն լեզուները հայերի առեւտրի մեթոդների հետ ծանօթանալու համար: [276, էջ 288]

Հնդկաստանում առեւտուր անող իրանահայ վաճառականների միջոցով անգլիացիներն աշխատում էին տեղեկութիւններ հաւաքել նաեւ Իրանի ներքին եւ արտաքին առեւտրի մասին: 1616 թ., օրինակ, ընկերութեան ղեկավարներից մէկը՝ Թովմաս Ռոյը յանձնարարում էր իր ծառայողներին Նոր Զուղայի վաճառականների միջոցով օգտակար տեղեկութիւններ հաւաքել Իրանի առեւտրի, հում մետաքսի արտադրութեան շրջանների, այն նաւահանգիստների մասին, ուր կարող են մուտք գործել անգլիական նաւերը եւ այլն: [116, էջ 108]

Օստ-Հնդկական ընկերութեան ղեկավարութիւնը օգտուում էր նաեւ հայերի ծառայութիւններից տեղական իշխանութիւնների հետ կապեր հաստատելու համար: Այսպէս, 1651 թ. ընկերութիւնը մի դեսպանութիւն ուղարկեց շահ Ջահանիր մօտ Բենգալիայում առեւտրական արտօնութիւններ ձեռք բերելու համար: Այդ դեսպանութեան ղեկավարն էր Հայ վաճառական աղա Սարհադը: Բանակցութիւնների հետեւանքով շահը անգլիացիներին իրաւունք տւեց հաստատել այն վայրում, ուր հետագայում հիմնադրւեց Կալկաթա քաղաքը: [84, էջ 514]

Սակայն այս բոլորը չէր բացառում, որ Հայ վաճառականները միաժամանակ Հանդէս գալին որպէս Օստ-Հնդկական ընկերութեան առեւտրական մրցակիցներ: Յիրաւի, դէպի Հնդկաստան Անգլիայի գաղութային ներթափանցման առաջին էտապում հայերը Հնդկական շուկայում ի թիւս տեղական Հնդիկ եւ այլազգի վաճառականների, նոյնպէս Հանդիսանում էին անգլիացիների համար անցանկանալի մրցակիցներ: Նրանք մեծապէս խանգարում էին Օստ-Հնդկական ընկերութեան առեւտրական, հետեւաբար նաեւ քաղաքական ներթափանցմանը Հնդկաստան: Այդ պատճառով XVII դարի սկզբից անգլիացիները եռանդուն պայքար ծաւալեցին Հայ վաճառականների դէմ, նպատակ ունենալով կամ դուրս մղել նրանց

Հնդկական շուկայից, կամ ծայրահեղ դէպքում խարխլել նրանց դիրքերը: Այդ նպատակին հասնելու համար անգլիացիները միջոցների մէջ խորուժիւն չէին դնում: Այսպէս, նրանք փորձում էին ստիպել Հնդկաստանի տեղական կառավարիչներին, որպէսզի վերջիններս սահմանափակեն հայ վաճառականներին յատկացրած իրաւունքներն ու արտօնութիւնները: Սակայն քանի դեռ Մեծ Բրիտանիայի քաղաքական ազդեցութիւնը Հնդկաստանում մեծ չէր, ճնշման այդ ձեւը, որպէս կանոն, ցանկալի արդիւնքներ չէր տալիս: Այդ պատճառով անգլիացիները գերադասում էին պայքարի բռնի ձեւերը:

Յայտնի է, որ իրենց մրցակիցներին դուրս մղելու համար Հնդկական ովկիանոսում անգլիացիները անողոք կերպով բռնազրաւում էին նրանց նաւերը: Հայերի ծովային առեւտուրը ընկճելու համար եւս անգլիացիները ոչ միայն լայնօրէն օգտագործում էին ծովահնութիւնը, այլեւ իրենց ռազմական նաւատորմը եւ նոյնիսկ պետական ապարատը: [304, էջ 35] Հայ վաճառականների դէմ ծովային աւազակութեան նպատակով անգլիացիները յատկապէս լայնօրէն օգտագործում էին Ջոն Բարնարթի եւ Սէմուէլ Ոււայտի ծովահնային կազմակերպութիւնը:

Յայտնի է, օրինակ, որ Սիամի դէմ բրիտանական Օստ-Հնդկական ընկերութեան մղած պատերազմի ժամանակ («Քոլլոնդեան պատերազմ») 1885 թ. նոյեմբերի 21-ին անգլիացիները Մադագալլամում գաւթեցին Նոր Զուղայեցի ազդեցիկ վաճառական Յովհան Մարգարեանին պատկանող «Նոր Երուսաղէմ» նաւը, որը բեռնաւորւած էր թանկարժէք քարերով: Այդ նաւը իր բեռով զնահատուում էր 665 հազար ֆունտ ստերլինգ:

Չնայած այն հանգամանքին, որ Մադագալլամի իշխանութիւնները ուժգին ճնշում գործադրեցին Օստ-Հնդկական ընկերութեան վրայ ի պաշտպանութիւն հայ առեւտրականներին, սակայն այդ արարքի համար բրիտանական կառավարութիւնը ոչ միայն չպատժեց ծովահն կոռւթսին, այլեւ նրան շնորհեց ծովակալի կոչում: «Քործի նման ելքը համապատասխանում էր Անգլիայի ծովային քաղաքականութեան Հիմնական ուղղութեանը, - իրաւացիօրէն նշում է Յով. Բարսեղովը, - որը ձգտում էր բոլոր հնարաւոր միջոցներով, այդ թւում նաեւ ծովահնների օգնութեամբ, ծովերի վրայ ազատել մրցակիցներից, խափանել նրանց բնականոն միջազգային առեւտուրը, գրկել նրանց ծովային տրանսպորտի սեփական միջոցներից»:

Համարեայ այդ նոյն ժամանակ անգլիական ծովահէնները գաւթում են նաև Յովսէփ Մարգարեանին պատկանող «Մամտա կրուզ» առաջնակարգ առեւտրական նաւը: Ի պատասխան բրիտանական վերոյիշեալ քաղաքականութեան, Հայ վաճառականները հակում էին դրսեւորում մերձենալ Հնդկաստանում Անգլիայի մրցակից ու քաղաքական ախոյեան Ֆրանսիայի հետ: XVII դարի երկրորդ կէսին ինչպէս աշխարհի միւս շրջաններում, այնպէս էլ Հնդկաստանում, Մեծ Բրիտանիայի եւ Ֆրանսիայի միջև ծաւալել էր սուր պայքար: 1687 թ. Ֆրանսիական Օստ-Հնդկական ընկերութիւնը իր առաջին Ֆակտորիան հիմնեց Սուրաթ քաղաքում: [306, էջ 31-32] Այդ նոյն թւականին Կոլրերի նախաձեռնութեամբ Մաղազասկարից Հնդկաստան է ուղարկւում մի փոքրիկ նաւախումբ Արեւելքում յայտնի նաւավար Մ. Քառոնի գլխաւորութեամբ: Նրա պատգամաւորութեան մէջ պատասխանատու անձերից մէկն էր հայազգի Մարգար Աւանչենցը, որն ունէր կարեւոր յանձնարարականներ: Մասնաւորապէս Ֆրանսիական Օստ-Հնդկական ընկերութիւնը այս վաճառականից ակնկալում էր մեծ գործեր յանուն Ֆրանսիական առեւտրական շահերի: Իսկապէս, շուտով Աւանչենցը Գոլկոնդայի թագաւոր Արդուլլա Քութուր շահից ձեռք է բերում մի հրամանագիր, որով Ֆրանսիական Օստ-Հնդկական ընկերութիւնը արտօնութիւն է ձեռք բերում անմաքս առեւտուր անելու թագաւորի տիրապետութեանը ենթակայ բոլոր հողերում: Սա մի այնպիսի արտօնութիւն էր, որի նմանը դրանից քիչ առաջ անգլիացիները կորզել էին մեծ փանքերի գնով, իսկ հոլանդացիները բնաւ չէին կարողացել ստանալ: Այնուհետև Աւանչենցը մեկնում է Մասուլիպատամ եւ այնտեղ, Կորոմանդէլիան ծովափին, հիմնում է Ֆրանսիական Ֆակտորիա եւ որպէս նրա նախագահ Հնդկաստանի այդ մասում սկսում է ղեկավարել Ֆրանսիական առեւտուրը: [275, էջ 318-320, 311, էջ 31-32]

Նկատի առնելով, որ Հայ վաճառականների հետ համազոր-ծակցութիւնը մեծապէս կարող է ուժեղացնել Ֆրանսիական Օստ-Հնդկական ընկերութեան դիրքերը, անգլիացիները որոշեցին մեղմել Հայ վաճառականների հետ ուժի դիրքերից ելնող քաղաքականութիւնը եւ ընդհակառակն, օգտագործել նրանց սիրաշահելու եւ իրենց կողմը ներգրաւելու աւելի հեռանկարային քաղաքական գիծը: Միւս կողմից Հնդկաստանում անգլիացիների դիրքերի աստիճանական ամրապնդումը խնդիր էր առաջադրում վերանայել Հայ վաճառականների նկատմամբ Օստ-Հնդկական ընկերութեան

բունած դիրքորոշումը: Կային նաև այլ հանգամանքներ: Այսպէս, 1652-1674 թ.թ. տեղի ունեցած անգլո-հոլանդական երեք պատերազմների հետեւանքով Հոլանդիայի ռազմական հզօրութիւնը խորտակեց, որին հետեւեց նաև այդ պետութեան առեւտրական հզօրութեան անկումը: [300, էջ 97-98] Անգլիան դուրս եկաւ առաջին տեղը որպէս արդիւնաբերական եւ առեւտրական տեսակէտից առաւել հզօր գաղութային տէրութիւն:

Բրիտանական առեւտրական ընկերութիւնները (Մոսկովեան, Մարոկկոյական, Օստգէյական եւ մի շարք ուրիշներ) գործում էին իրանից մինչեւ Հիւսիսային Ամերիկա, Շեւոյից մինչեւ Հընդկաստան ու Յէյլոն ընկած հսկայական տարածութիւնների վրայ:

Անգլիացիների հսկողութեան տակ անցաւ նաև Հնդկաստան տանող ովկիանոսային ճանապարհը: Դա իր հերթին որոշակի ուղղումներ մտցրեց Մեծ Բրիտանիայի անդրծովեան քաղաքականութեան մէջ: Վերջինս, որ երազում էր արեւելեան առեւտրի մենաշորհը վերցնել իր ձեռքը, այժմ մեծագոյն շահագրգռուածութիւն էր դրսեւորում այն ուղղել դէպի իր հսկողութեան տակ գտնուող ովկիանոսային ճանապարհները: Դրա պատճառը նաև այն էր, որ Լեւանտում անգլիացիների առեւտրական դիրքերը իրենց մրցակիցների՝ Ֆրանսիացիների եւ հոլանդացիների համեմատ թույլ էին:

Բազմաթիւ փաստեր վկայում են այն մասին, որ անգլիացիները յստակօրէն գիտակցում էին, որ իր մասշտաբներով այդպիսի վիթխարի ծրագրի իրականացումը մեծապէս կախած է նաև նրանից, թէ արդեօք իրենց կյաջողել իրանահայ վաճառականութեանը ներգրաւել իր կողմը, նրա առեւտուրը շեղել փոքրասիական ցամաքային ճանապարհներից, Վոլգա-Կասպեան ռուսական ուղուց եւ այլն, դէպի ովկիանոսային ճանապարհները: Ընդորում, անգլիացիները հաշի էին առնում այն հանգամանքը, որ հում մետաքսի գծով իրանի ողջ արտաքին առեւտուրը գտնուում է հայ վաճառականների ձեռքում, որ նրանք, արեւմուտքի երկրների օրինակով, միաւորել են իրենց կապիտալները եւ ստեղծել հզօր առեւտրական ընկերութիւններ, որոնք առեւտրական պայմանագրեր էին կնքում եւրոպական մեծ տէրութիւնների հետ: Լոնդոնի գործարար չրջաններին գայթակղեցնում էր նաև այն կարեւոր հանգամանքը, որ հայ վաճառականները առեւտուր էին անում հիմնականում իրենց սեփական կապիտալների հաշիւին, կարիք չունենալով վերցնել վարկեր ու փոխառութիւններ: [301, էջ 140-141]

վերջապէս անգլիացիներին վստահութիւն էր ներշնչում նաև միջազգային շուկաներում հայ վաճառականների վայելած բարձր վարկը:

Այնուհետև անհրաժեշտ է նշել, որ XVII դարի 80-ական թւականներին անգլիացիների վիճակը Հնդկաստանում ծայր աստիճանի բարդացել էր: Մեծ մողոլների գահը ստանձնած Աուրանգզեբը, որը վճռական միջոցառումներով աշխատում էր կանխել պետութեան թուլացումը եւ այդ նպատակով ամենադաժան ձեւերով պատժում էր անհնազանդ աւատատէրերին, երկաթեայ կամքով փորձում էր միաւորել երկիրը եւ միաժամանակ ընդարձակել մեծ մողոլների տիրոջթները, սկսել էր պայքարել անգլիացիների աճող ազդեցութեան դէմ: 1686 թ. Աուրանգզեբի հրամանով Բենգալիայում սկսեցին հայածանքներ կազմակերպել անգլիացիների դէմ, կասեցնել նրանց առևտուրը եւ այլն: Անգլիացիները փորձեցին զէնքի ուժով դիմադրել, բայց դա ունեցաւ այն հետեւանքը, որ նրանց դէմ ուղարկեց մի բանակ, որը ջարդեց ու վռնդեց անգլիացիներին Բենգալիայից: Միաժամանակ կողոպուտի մատնեցին անգլիական բոլոր ֆակտորիաներն ու առևտրական տները թէ՛ արեւելեան եւ թէ՛ արեւմտեան ծովափում: Անգլիացիներին մնում էր միայն խոնարհել և հարկու թագաւորի առաջ եւ իրենց հնազանդութիւնը յայտնել: Այդպէս միայն նրանք կարողացան մնալ Հնդկաստանում: Այս բոլորը մի ապացոյց է, որ անգլիացիները շատ կարօտ էին հայերի աջակցութեանը: [84, էջ 510]

Այս բոլորը պայմանաւորեցին հայ առևտրական բուրժուազիայի նկատմամբ Օստ-Հնդկական ընկերութեան դիրքորոշման կտրուկ փոփոխութիւնը: Թշնամական առճակատումից այդ ընկերութիւնը անցում կատարեց դէպի առևտրատնտեսական համագործակցութեան դիրքերը:

Քանի որ անգլիացիների համար դժւար էր ողջ իրանահայ խոջայութեանը լծել իրենց ծրագրին, որոշեց որպէս առաջին քայլ իրենց կողմը ներգրաւել Հնդկական շուկայի հետ կապւած Նոր Զուղայի վաճառականութեան մի մասին:

1688 թ. յունիսի 22-ին Սուրաթ քաղաքում բրիտանական Օստ-Հնդկական ընկերութեան եւ Հնդկաստանում առևտուր անող ջուղայեցի վաճառականների միջեւ ստորագրեց պայմանագիր: [307, 276, էջ 48-50]

Անգլիացիների կողմից այն ստորագրեցին Օստ-Հնդկական ընկերութեան նախագահներ Բենջամին Բաթրրսթը եւ Զոչուա

Չայդը, ինչպէս նաեւ ընկերութեան բարձրագոյն վարչութեան անդամները, իսկ Հայ վաճառականների կողմից՝ նրանց ներկայացուցիչ խոջա Փանոս Քալանթարը: Ի նշան երախտագրիտութեան, նոյն օրը ընկերութիւնը խոջա Փանոս Քալանթարին յատկացրեց թանկարժէք քարերի առեւտրի մենաշնորհը: Այդ առթիւ հրապարակած շնորհագրի մէջ ասոււմ էր, որ այսուհետեւ ընկերութիւնը չի գրադելու նշած ապրանքների առ ու ծախքով եւ ուրիշներին եւս թոյլ չի տալու գրադել գրանով, լինեն նրանք անգլիացիներ թէ այլ օտարերկրացիներ: [307, No 38, էջ 140]

Պայմանագրին կից հրապարակած Օստ-Հնդկական ընկերութեան խարտիայում Հայ վաճառականներին տրամադրոււմ էին չափազանց լայն իրաւունքներ եւ արտօնութիւններ: Նախ նրանք ստանոււմ էին բրիտանական Հպատակներին Համահաւասար իրաւունքներ, այդ թւում նաեւ քաղաքացիական պաշտօններ գրադեցնելու բնագաւառում: Նրանց վրայ էին տարածոււմ նաեւ այն բոլոր արտօնութիւնները, որոնցից օգտոււմ էին եւրոպական վաճառականները:

Հայերին ազատ իրաւունք էր տրոււմ բնակել Օստ-Հնդկական ընկերութեան իրաւասութեան տակ գտնւող ցանկացած քաղաքում, աւանում, բերդում, ձեռք բերել կալածներ եւ տներ, առեւտրական շարժական ու անշարժ գոյք, վայելել Հաւատի ու դաւանանքի կատարեալ ազատութիւն, ընտրել քաղաքական պաշտօններում եւ այլն: Հարկերն ու տուրքերը Հայերի Համար սահմանոււմ էին նոյնքան, որքան անգլիացիների Համար: Պայմանագրում նշոււմ էր, որ եթէ ընկերութեան որեւէ պաշտօնատար անձ, այդ թւում նաեւ նահանգապետը, խախտի պայմանագրի վերոյիշեալ կէտերը կամ խանգարի Հայերին տրւած արտօնութիւնների եւ իրաւունքների իրականացմանը, նա պէտք է պատժել ընդհուպ մինչեւ պաշտօնից հեռացումը:

Օստ-Հնդկական ընկերութիւնը պարտականութիւն էր վերցնում իր վրայ Հնդկաստանում ծառայութեան մէջ չպահել այնպիսի նահանգապետների, որոնք կփորձէին խախտել կամ հաշիւ չնստել այն արտօնութիւնների հետ, որոնք ընկերութեան կողմից շնորհուլ էին Հայերին:

Օստ-Հնդկական ընկերութիւնը Հայ-լուսաւորչականներին երաշխաւորոււմ էր դաւանանքի ազատութիւն եւ պատրաստակամութիւն էր յայտնում իրեն պատկանող հողամասերից մի կտոր յատկացնել Հայկական եկեղեցի կառուցելու Համար: Նշոււմ էր

նաեւ, որ ընկերութիւնը պատրաստ է իր միջոցներով հայկական եկեղեցիներ կառուցել այն բոլոր վայրերում, որտեղ ապրում են քառասունից աւել հայեր: [307, էջ 140, 308, էջ 174]

Ընկերութիւնը պարտաւորուած էր նաեւ իր հաշիւին հայերի համար կառուցել փայտեայ եկեղեցիներ, իրաւունք տալով նրանց ապագայում ցանկութեան դէպքում նոյն տեղում կառուցելու քարէ եկեղեցիներ:

Պայմանագրում յատուկ նշուած էին ապրանքների այն բոլոր տեսակները, որոնցով առեւտուր կարող էին անել հայ վաճառականները: Դրանք էին. արծաթ, թանկարժէք քարեր, ներկեր, սնդիկ, գէնք, մշակած եւ չմշակած երկաթ, թուղթ, գրքեր, սուրճ, հայեիներ, յախճապակի եւ ճենապակի, նիւրնրերգեան զանազան ապրանքներ, մորթիներ, վենետիկեան արտադրութեան սպասք, բրդեա կտորեղէն, կապար, խմիչքներ, չինական եւ բնագալական արտադրութեան զանազան ապրանքներ, մուշկ, իրանական հում մետաքսի տարբեր տեսակներ, Գերմանի բուրդ եւ այլն: [307, No 37, էջ 132-133] Հանգամանօրէն որոշած էին նաեւ այդ ապրանքների համար գանձելիք մաքսատուրքերի չափերն ու Օստ-Հնդկական ընկերութեան նաւերով դրանց փոխադրավարձերը: Մաքսատուրքի առաւելագոյն չափ էր սահմանուած 10 %:

Անգլիացիների համար ամենակարեւորը պայմանագրի վերջին յօդւածն էր, որտեղ ասուած էր հետեւեալը. «... Նախկինում հայերը հնդկական ապրանքների հիմնական մասը արտահանում էին ցամաքային տարանցիկ ճանապարհով Իրանից եւ Արարիայից Թուրքիա: Այսուհետեւ նրանք համաձայնութիւն են տալիս իրենց բոլոր ապրանքները արտահանել անգլիական ճանապարհով» [307, No 37, էջ 132-133] (այսինքն Աֆրիկայի շուրջը ծովային ճանապարհով Վ.Բ.): Ընդ որում, հայ վաճառականները պարտաւորուած էին իրենց ապրանքները արտահանել բացառապէս անգլիական նաւերով եւ ոչ մի դէպքում չօգտւել հոլանդական եւ արաբական նաւերից:

Տարակոյս չի կարող լինել նրանում, որ 1688 թ. պայմանագիրը կնքելու հարցում մեծագոյն շահագրգռւածութիւն էին դրսեւորում նաեւ հայ վաճառականները: Պայմանագիրը այսուհետեւ նրանց հնարաւորութիւն էր տալիս ոչ միայն օգտուել բրիտանական իշխանութիւնների հօր հովանաւորութիւնից, այլեւ իրենց առեւտրի իրականացման համար օգտագործել անգլիացիներին պատկանող նաւահանգիստները, պահեստային կառոյցները, բնուսափոխադրումներն իրականացնել անգլիական նաւերով, հետեւաբար նաեւ

ապահովագրել իրենց ծովահններին յարձակումներից: Վերջապէս հայ վաճառականները ազատ իրաւունք էին ստանում անկաշկանդ ու անարգել ուղղակի առեւտրական յարաբերութիւններ հաստատելու Անգլիայի հետ:

Դժւար չէ նկատել, որ 1688 թ. պայմանագիրը կազմւած էր 1651 թ. «Ծովագնացութեան ակտի» ոգով եւ ուղղւած էր ինչպէս Հոլանդիայի առեւտրական հզօրութեան, այնպէս էլ Անգլիայի առեւտրական մրցակից ու ախոյեան Ֆրանսիայի դէմ: Այդ առթիւ Ֆրանսիացի Ռաֆայէլ Դյու Մանը գրում էր, որ եթէ Իրանի առեւտուրը եւս ամբողջովին ուղղւէր դէպի Հնդկական ովկիանոս եւ իրանական ապրանքները Եւրոպա ուղարկէին ովկիանոսային ճանապարհներով, ապա Մարտէյլը կարող էր լրիւ կորցնել իր նշանակութիւնը: [36, էջ 361] Հետեւաբար Լիւդովիկոս XIV-ի համար շատ կարեւոր էր, որ հայ խոջան Հիր նախկին ճանապարհով գնայ իր առեւտրին, այսինքն Ֆրանսիայի վրայով: [26, էջ 106]

Անհրաժեշտ է նշել, որ Հնդկաստանի հետ ծովային առեւտուրը մեծապէս փնասեց նաեւ Հնդկական ապրանքները ցամաքային կարաւանային ճանապարհներով Միջերկրականի նաւահանգիստները եւ այլուր փոխադրող վաճառականներին, որոնց մէջ կարեւոր տեղ ունէին Նոր Զուղայեցի հայերը: Յամաքային փոխադրութիւններին ոչ պակաս չափով փնասեցին նաեւ Իրանի ներքին խռովութիւնները եւ զանազան արշաւանքները, որոնք անապահով դարձրին ցամաքային կարաւանների ճանապարհները: Հայերը հետզհետէ յուսահատւելով ցամաքային ճանապարհները շահագործելուց, իրենք եւս հետամուտ եղան ծովային ուղիներից օգտւելուն:

Ինչ վերաբերում է Հոլանդիային, ապա ովկիանոսային ճանապարհների վրայ բեռնափոխադրումներին բնագաւառում նա դեռեւս զբաւում էր առաջատար տեղ եւ հետեւաբար հանդիսանում էր Մեծ Բրիտանիայի համար լուրջ խոչընդոտ ծովային առեւտրի մենաշնորհը իր ձեռքը վերցնելու եւ առհասարակ ովկիանոսային ճանապարհների վրայ հսկողութիւն սահմանելու գործում:

Հոլանդացիները, ինչպէս եւ պորտուգալացիները, որպէս կանոն հաստատել էին Հնդկաստանի ծովեզերքներում եւ հայերի հետ պահպանում էին սերտ առեւտրական յարաբերութիւններ: 1636 թ. Բենգալիայում հոլանդացիները հիմնեցին իրենց առաջին առեւտրական կայանը՝ Չինսուրան կամ Չիչրան: Այստեղ յատկապէս աչքի էր ընկնում մեծահարուստ եւ անւանի Մարգար ընտանիքը, որի

ամենանշանաւոր դէմքն էր խոջա Յովհաննէս Մարգար Զուղայեցի Ղարիբը, որը մահւանից յետոյ (1697) թաղւել է Զինսուրայի հայոց եկեղեցու բակում: [276, էջ 37]

Հայերի ծաւալուն առեւտրական յարաբերութիւնները Հոլանդացիներին հետ հնարաւորութիւն էր տալիս նրանց ազատ ելեւմուտք ունենալու նաեւ Հոլանդական տիրապետութեանը ենթակայ բոլոր վայրերում՝ Մալաքքայում, Սումատրայում, Ճաւայում, Յաղաղականի կղզիներում եւ այլն:

1688 թ. պայմանագիրը խիստ ձեռնտու էր անգլիական Օստ-Հնդկական ընկերութեանը: Պատահական չէ, որ մինչեւ XVII դարի վերջը անգլիացիները շարունակում էին հայ վաճառականներին իրենց կողմը ներգրաւելու քաղաքականութիւնը: 1691 թ. Օստ-Հնդկական ընկերութեան Լոնդոնի կենտրոնը հրահանգում էր Հնդկաստանում իր ներկայացուցիչներին ընկերութեան կողմը ճնշման տակ հայերին, այդ փորձառու վաճառականներին, որոնք այնքան շատ են նպաստել Հնդկաստանում, իրանում եւ ողջ Ասիայում Առեւտրի զարգացմանը, Մադրասում նրանց տրամադրել յատուկ թաղամաս, որոնք այնտեղ կարողանային ապրել ինչպէս իրենք են ցանկանում եւ կառուցէին եկեղեցի: Այդ թաղամասը կարելի էր անւանել Զուղա, շահ Աբրասի օրինակով, որը նրանց գաղթեցրեց Սպահան: Այդ հայերը հարուստ ժողովուրդ են եւ հանդիսանում են երկրագնդի վրայ ամենափորձառու վաճառականները»: [301, էջ 617]

Անգլիական Օստ-Հնդկական ընկերութեան Դիրեկտորների խորհրդի 1695 թ. սեպտեմբերի 13-ի հաղորդագրութեան մէջ նշւում էր, որ ընկերութիւնը խոշոր վնասներ է կրել միայն այն պատճառով, որ նրա գործակալները փորձել են Մուլթանում եւ Սինդում հաստատել առեւտրական կապեր՝ չըջանցելով հայ վաճառականներին: [276, էջ 242]

XVII դարում անգլիացիները ձգտում էին օգտագործել ոչ միայն հայերի առեւտրական տաղանդը, այլեւ յոյս ունէին օգտուել նրանց ծառայութիւններից յանուն իրենց գաղութակալական նպատակների: Այդ առթիւ առկայ է հետեւեալ ուշադրաւ փաստը: 1661 թ. բրիտանական կառավարութեան յատուկ խարտիան Օստ-Հնդկական ընկերութեանը իրաւունք էր տւել հաւաքագրել զօրքեր: [300, էջ 206] Ընկերութիւնն աշխատում էր իր զինւած ուժերը հաւաքագրել հիմնականում եկւոր տարրերից, որպէսզի տեղական ապստամբութիւնների դէպքում ունենայ իր զօրքերի հաւատար-

մութեան երաշխիքներ: 1602 թ. Օստ-Հնդկական ընկերութեան տնօրէնները դիմեցին խոջա Փանոս Քալանթարին, խնդրելով կազմակերպել Հնկաստանում եւ Իրանում բնակւող հայերի հաւաքագրումը բանակի շարքերը, խոստանալով նրանց տալ բարձր աշխատավարձ եւ անգլիական հպատակների իրաւունքներ: [275, էջ 31, 51-53] Սակայն այդ առաջարկը հայերի շրջանում արձագանք չգտաւ եւ անգլիացիների մտայղացումները կատարեալ ձախողման մատնւեցին: Փաստերը վկայում են, որ չնայած անգլիացիների գործադրած բազում ջանքերին, այնուամենայնիւ, նրանց չյաջողեց հայ վաճառականների առեւտուրը ամբողջապէս ուղղել ովկիանոսային ճանապարհների կողմը: Նրանք չցանկացան կտրւել Լեւանտեան եւ Միջերկրածովեան առեւտրական ուղիներից, որոնք ողջ XVII դարի ընթացքում մնացին որպէս միջմայրցամաքային առեւտրի կարեւորագոյն հանգույցներ:

XVIII դարի կէսերից, երբ անգլիացիների առեւտրատնտեսական եւ քաղաքական տիրապետութիւնը Հնդկաստանում վերջնականապէս ամրապնդւեց եւ իրողութիւն դարձաւ, Օստ-Հնդկական ընկերութեան վերաբերմունքը հայ վաճառականների նկատմամբ, ինչպէս եւ պէտք էր սպասել, ենթարկւեց կտրուկ փոփոխութեան: Անգլիացիներն այլեւս չէին ցանկանում հայերի հետ բաժանել գաղութային առեւտրից ստացւած բարձր եկամուտները:

Իսկ հայ վաճառականները, որքան էլ որ կայուն լինէին նրանց դիրքերը Հնդկական շուկաներում, եւրոպական աւելի բարձր կազմակերպւած կապիտալի ուժգին նւաճողականութեան պայմաններում, զուրկ պետական հովանաւորութիւնից եւ յոյսը դրած միայն իրենց սեփական ուժի եւ անձնական նախաձեռնութեան վրայ, օգտագործելով գործավարութեան հնացած ձեւերը, չէին կարող մնալ որպէս ինքնուրոյն գործող վաճառականներ:

Բացի այդ Հնդկաստանում հայ վաճառականները գործում էին առանձին-առանձին ցրւած ուժերով, լաւագոյն դէպքում շատ փոքր ընկերակցութիւններով, որը նւազեցնում էր նրանց մրցողունակութիւնը: Առաւել եւս, որ նրանք ի վիճակի չէին դիմանալ անգլիական մրցակցութեանը, որովհետեւ նախ ժամանակի ընթացքում նրանց առեւտրի ձեւերը զարգացում չապրեցին եւ նոյնիսկ XVIII դարում շարունակում էին առեւտուր անել նահապետական եղանակներով: Այնուհետեւ հայ վաճառականները հնարաւորութիւն չունէին օգտւելու բանկային կապիտալից, ինչ անում էին եւրոպական վաճառականները: Եւ վերջապէս Օստ-

Հնդկական վիթխարի ընկերութիւնը օգտոււմ էր բանակի ու պետական հօր ապարատի աջակցութիւնից ու հովանաւորութիւնից: Նրա կողմից ստեղծւած առեւտրական մոնոպոլիաների, ինչպէս նաեւ գաղութային տնտեսական քաղաքականութեան այլ ձեւերի իրականացման պատճառով (զանազան կամայականութիւններ, տուգանքներ, բռնութիւններ եւ այլն), հայերի վաճառականութիւնը Հնդկաստանում մատնեց անկման, բազմաթիւ խոջաներ քայքայեցին, ունեզրկեցին եւ դադարեցին գործելուց: [303, էջ 153]

Անգլիացիները նոյնիսկ չէին խորշում կաշառելու տեղական հնդիկ կառավարիչներին ու Ֆէոդալներին, որպէսզի նրանք հալածանքների ենթարկեն հայ վաճառականներին: Այդ քաղաքականութեան հետեւանքով, օրինակ, բազմաթիւ հայ վաճառականներ ստիպւած եղան արտագաղթել Լահորից: Մարեցին նաեւ Հնդկաստանի բազմաթիւ քաղաքներում եղած ծաղկուն հայ գաղթօջախները: Սկսեց հայերի զանգւածային արտագաղթ այդ առասպելական հարստութեան երկրից այլեւայլ երկրներ:

Այդ նոյն ժամանակ համարեայ նոյնանման պատճառներով փոխել էր նաեւ Փրանսիական իշխանութիւնների վերաբերմունքը հնդկահայ վաճառականների նկատմամբ: Այսպէս, երբ 1740 թ. Մադրասը գրաւեց Փրանսիացիների կողմից, վերջիններս աւերեցին եւ հողին հաւասարեցրին խոջա Պետրոս Տէր Նիկողոսեանի քառասունից աւելի տները (չհաշւած նրանք, որոնք գտնոււմ էին ամրոցում), իսկ նրա շարժական գոյքն ու զանձերը բռնագրաւեցին եւ ուղարկեցին Պոնդիչերի: [275, էջ 682] Հայ վաճառականների հախուռն դուրս մղումը ասիական շուկաներից մի կողմից ստիպում էր նրանց որոնել եւ իւրացնել նոր շուկաներ, եւրոպացիներին դիմագրաւելու համար փորձել համախմբել ու կազմակերպել նրանց ձեւով, սակայն միւս կողմից հայ առեւտրական կապիտալի ներկայացուցիչների մօտ բռն ու անկասելի ձգտում նկատեց սեփական շուկայ ձեռք բերել մայր հայրենիքում: Պատահական չէ, որ XVIII դարի երկրորդ կէսին սկսւած հայ ազատագրական շարժման առաջամարտիկ է դառնում առեւտրական բուրժուազիան, որը երազում էր մայր հայրենիքում ստեղծել այնպիսի քաղաքական վարչակարգ, որն ի վիճակի լինէր ապահովել հայ առեւտրական կապիտալի շահերը: [303, էջ 155]

Շահամիր Շահամիրեանը հնդկահայ գաղթօջախում առաջինն էր, որ ձեռնամուխ եղաւ քաղաքական ազատութեան եւ քա-

դաքական վերակենդանութեան քարոզչութեան: Նա կոչ էր անում ցիրուցան հայութեանը համաշխարհային պանդխտութիւնից վերադառնալ տուն եւ իր ստացւածքի տէրը դառնալ: [84, էջ 520]

17-րդ դարում Հնդկաստանը մի հսկայական յենակէտ էր, որի վրայով հայ վաճառականները առեւտուր էին անում նաեւ Չինաստանի, Հարաւ-Արեւելեան Ասիայի, Կենտրոնական Ասիայի, Հեռաւոր Արեւելքի երկրների, Սադադ եւ Հնդկական ովկիանոսների կղզիների հետ եւ այլն: Նրանք յատկապէս աշխոյժ առեւտրափոխանակութիւն ունէին Բիրմայի, Սիամի, Տիրեթի (հայ եւ եւրոպական մի շարք աղբիւրներում Տիրեթը յիշատակում է Բութանդ անւանումով), Ինդոնեզիայի, Նեպալի, Ֆիլիպինների, Մալայեան արշիպելագի եւ բազմաթիւ այլ երկրների հետ:

Նշւած եւ այլ վայրերում հաստատուած հայ վաճառականները սերտ յարաբերութիւնների մէջ էին գտնուում Հնդկաստանում գործող հայ առեւտրական մեծ տների հետ: Նրանցից շատերը ընդարձակ գործառնութիւններ ունեցող այդ հաստատութիւնների գործակալներ եւ մասնաճիւղերի պաշտօնեաներ էին:

Չին ժողովրդի հետ հայերի ունեցած պատմական շփումների ու առնչութիւնների հարցը քննութեան յատուկ առարկայ չի հանդիսացել: Գոյութիւն ունի հաւաստի դիտական տեսակէտ այն մասին, որ Չինաստանը վաղնջական ժամանակներից ծանօթ է եղել հայ վաճառականներին: Հայերը Չինաստան են այցելել դեռեւս վաղ միջնադարում, Թան դինաստիայի տիրապետութեան շրջանում (818-907 թ.թ.): [170, էջ 27-28, 316] Աւելի ուշ այդ կապերը դառնում են աւելի ընդարձակ: Ֆրանցիսկեան միաբանութեան անդամ Անդրեաս Պերուջացին 1320 թ. Չինաստանից գրած մի նամակում յայտնում է, որ Թալանի նեղուցի Յուանջոու կոչւած ծովածոցի նոյնանուն քաղաքում «մեծահարուստ մի հայ տիկին կառուցել է մեծ ու գեղեցիկ մի եկեղեցի, որը արքեպիսկոպոս Ջովաննի Մոնտեկորեինոյի հրահանգով դարձել է կաթողիկէ տաճար»: «Այդ վկայում է, որ 14-րդ դարի սկզբներին հարաւ-արեւելեան Չինաստանի ծովափնեայ վաճառաշահ քաղաքներում այնքան յաճախակի է եղել հայերի երթեւեկը, որը եկեղեցի ունենալու անհրաժեշտութիւն է առաջացել»: [170, էջ 28]

Յիսուսեան կրօնաւորների վկայութեամբ 16-րդ դարում հայերը վաճառականութեան եւ քրիստոնէութեան ռաւիիրաներն են եղել Չինաստանում: [149, էջ 202] Յիշատակութիւն կայ այն մասին, որ 1603 թ. Յիսուսեան կրօնաւորները ապահովութեան համար հայի

անւան տակ եւ Հայկական տարագրով մուտք էին գործում Չինաստան: [37, էջ 407]

Որպէս կանոն Հայ վաճառականները Չինաստան էին հասնում ծովային երթուղիներով: Սակայն Չինաստանի հետ տնտեսական կապեր էին հաստատուած նաեւ կարաւանային այն ճանապարհներով, որոնք անցնում էին Միջին Ասիայով եւ Կաշգարից մտնում Չինաստան: [170, էջ 20]

Այդ մասին վկայող խօսուն փաստերից մէկը Բայխաշ լճի աւազանում, Սեմիրեչիե կոչւող երկրամասի Փիչըէզ գիւղում յայտնարեւած քրիստոնէական գերեզմանատան այն տապանաքարն է, որի վրայ հայերէն եւ ասորերէն փորագրուած է հետեւեալ արձանագրութիւնը. «Տէր Յովհան Հայոց եպիսկոպոս ի թւ. Հայոց էՃԻԲ (1323) գրեցաւ յիշատակարան»: [311, էջ 344-349, 312, էջ 40, 313, էջ 243-244]

Բրիտանական Օստ-Հնդկական ընկերութեան եւ Հնդկահայ վաճառական խոջա Փանոս Քալանթարի միջեւ 1888 թ. կնքուած պայմանագրի չորրորդ կէտով իրաւունք էր տրւում Հայերին՝ անգլիացիներին հաւասար մաքսեր վճարելով առեւտուր անել Չինաստանում: [276, էջ 271]

Հայ վաճառականները Չինաստանի հետ առեւտուր էին անում նաեւ Տիրեթի վրայով: Յովհաննէս Տէր Դաւթեան Զուղայեցին իր «Հաշուտումարում» վկայում է, որ մի շարք Հայ վաճառականներ՝ Մատուրը, Մելիջանը, Նիկողոսն ու Դաւութը յաղթահարելով բազմաթիւ խոչընդոտներ, կտրելով լեռնային դժարանց ճանապարհներ ու անմարդաբնակ տարածութիւններ, Տիրեթից ուղեւորել են Չինաստանի Սինին վաճառաչաճ քաղաքը եւ այնտեղից լհասա առաքել մեծ քանակութեամբ ձոյլ ոսկի, մուշկ, թէյ, «Ալնկի շալ» եւ այլ ապրանքներ: [170, էջ 26-27] Որոշ փաստեր հնարաւորութիւն են տալիս ենթադրելու, որ մի քանի Հայ վաճառականներ տեւական բնակութիւն են հաստատած եղել Սինին քաղաքում: [170, էջ 27]

Դէպի կենտրոնական Ասիա եւ Չինաստան հայերի ձեռնարկած ուղեւորութիւնների, նրանց գաղթապայքերի եւ Հայ-չինական առընչութիւնների վերաբերեալ փաստական հարուստ նիւթեր են պարունակում Փրանսիացի հեղինակ Ժ. Դովիէի գրքում: [314, էջ 1-17]

1675-1678 թ. Չինաստան մեկնած ռուսական դեսպանութեան ղեկավար Նիկողայոս Սպաթարիոս Միլեսկու հազորդած տեղեկութեան համաձայն, մետաքսի արտադրութիւնը, թնդանօթ ձուլելու գաղտնիքը, կողմնացոյցի օգտագործումը նաւագնացութեան մէջ եւ

այլ նորոյթներ, չինացիներից սովորելով Եւրոպայում տարածել են Հայր Օղորիկոսը (Պորդինոնցին), Անտոն Հայր եւ Մարկո Պոլոն: [315, էջ 24-25, 28, էջ 71-173]

Անտոն Հայր մասին աղբիւրները հաղորդում են, որ նա եղել է նաւապետ եւ ծառայել Վենետիկի հասարակապետութեանը: Պահպանել է նաեւ նրա կտակը գրւած XIV դարի վերջին:

Մաւայուն է եղել նաեւ Հայ վաճառականների առեւտուրը Բիրմայի հետ: Կոստանդ Ջուղայեցին այդ երկրում յիշատակում է երկու քաղաքներ՝ Աւան եւ Ռանգունը, որտեղ հաստատւած են եղել Հայ վաճառականներ: Անգլիական աղբիւրների վկայութեամբ Բիրմայում եւ նրա հարեւան երկրներում առկայ են եղել Հայկական առեւտրական գրասենեակներ (Փակտորիաներ), որոնք լուրջ մրցակիցներ են եղել եւրոպացիների համար: [318, էջ 264]

Վկայելով այդ մասին, մի ճանապարհորդ, որը 17-րդ դարում այցելել է Բիրմա գրում է. «Հայերը, որոնք հաստատւած են Աւայում եւ ունեն իրենց ինքնուրոյն իշխանութիւնը, բաւականին դժւարացրել են եւրոպական վաճառականների գործը»: [318, էջ 16]

17-րդ դարի սկզբներին Բիրմայում գոյութիւն ունեցած Հայկական գաղթօջախների մասին ուշագրաւ տեղեկութիւններ է բերում նաեւ Հ.Գ.Ազոնցը: [319, էջ 152] Մի շարք տեղեկութիւններից կարելի է եզրակացնել, որ Հայերը Բիրմայում ունեցել են որոշակի հեղինակութիւն ու կշիռ: Այսպէս, 1602 թ. Մադրասի անգլիական առեւտրական Փակտորիաների կառավարիչը բիրմայական իշխանութիւնների հետ բանակցելու համար դիմել է Բիրմայի Հայերի միջնորդութեանը: [320, էջ 158] 1676-1680 թ.թ. Բիրմա այցելած անգլիական ճանապարհորդ Ստեռլինգամ Մասթերը Լոնդոն ուղարկած զեկուցագրում վկայում է, որ «Պեզուի Հայերը... ամբողջ Բրմատանի սուտակի վաճառականութիւնը վերցրել են իրենց ձեռքը»: [320, էջ 169] Բնականաբար միայն թանկագին քարերի առեւտրով չէ, որ զբաղւում էին Հայ վաճառականները:

Ամենայն հաւանականութեամբ Բիրմայի Հայ գաղթականութեան կղզեակները հիմնականում բաղկացած էին հին եւ նոր ջուղայեցիներից, որոնք կամ ուղղակի եկել էին Հայրենիքից, կամ էլ Հնդկաստանի Հայ գաղթավայրերից՝ Մադրասից, Դաքքայից եւ յատկապէս Բիրմային գրեթէ սահմանակից Բենգալիայից: [168, հտ. Բ, էջ 284]

18-րդ դարի 50-60ական թ.թ. Բիրմայի Հայ գաղթօջախները որոշակի աշխուժացում ապրեցին շնորհիւ այն բանի, որ նոր

Ջուղայից այստեղ եկաւ գաղթականութեան մի թարմ հոսանք: Այդ նոյն ժամանակ, երբ անգլիացիները Հնդկաստանում հալածանքներ սկսեցին հայերի նկատմամբ, նրանց մի զգալի մասը եւս տեղափոխուեց Բիրմա, որը այն ժամանակ դեռ չէր գաղութացուել անգլիացիներէ կողմից:

Տիրեթի հետ հայ վաճառականների առևտրի մասին մենք ուշագրաւ տեղեկութիւններ ենք գտնում Նոր Ջուղայեցի վաճառական Տէր Դաւթի որդի Յովհաննէսի «Հաշւետումարում»: Ի դէպ, Տիրեթը Արեւելքի այն երկրներից է, որը երկար դարեր (մինչեւ 1904 թ.) փակ է եղել արտաքին աշխարհի համար: Ուստի այդ երկրի միջնադարեան շրջանի տնտեսական կեանքի պատմութեան մասին շատ քիչ նիւթեր են պահպանուել: Յովհաննէս Ջուղայեցու «Հաշւետումարի» տիրեթեան գրառումները իրենց հնութեամբ, հաւաստիութեամբ եւ մանաւանդ հարուստ բովանդակութեամբ յատուկ տեղ են գրաւում Տիրեթի մասին օտարազգի այցելուների ուղեգրութիւնների շարքում: Յովհաննէս Ջուղայեցին համարում է Տիրեթ այցելած չորրորդ անձնաւորութիւնը, որը գրաւոր յիշատակ է թողել այդ մասին: [ՏՆ՝ 170]: Նա առևտրական գործերով այդ երկիրն է այցելել 1686 թ: Նրանից առաջ այդ երկիրը այցելել էին միայն Ֆրանցիսկեան քարոզիչ Օդորիկոս Ծրիուլացին կամ Պորդենոնցին (14-րդ դարում), պորտուգալացի Անտոնիո Անդրադարցին (1624 թ.), աւստրիացի Ճիզլիթ Իոհան Գրիւբերը (17-րդ դարի 80-ական թվականներին): [ՏՆ՝ 170, առաջարկով]:

Սակայն հաւաստի տեղեկութիւններ կան այն մասին, որ Յովհաննէս Ջուղայեցուց առաջ եւս այդ երկիրը այցելել են հայ վաճառականներ: Այդ մասին է վկայում թէկուզ այն փաստը, որ կոստանդ Ջուղայեցին իր «Աշխարհաժողովում» տեղեկութիւններ է հաղորդում Տիրեթում (Բութանդ) կիրառուող չափ ու կշռի միաւորների մասին: [ՏՆ1]

Ինքը Յովհաննէս Տէր Դաւթեան Ջուղայեցին իր «Հաշւետումարում» վկայում է, որ երբ 1686 թ. հասել է Լհասա, այստեղ ի թիւս բազմաթիւ տիրեթցի, նեպալցի, քաշմիրցի եւ այլն վաճառականների հանդիպել է հայ խոջաների: Նա նոյնիսկ թւարկում է նրանց անունները. Ղուկասի որդի Մատուր, Պօղոսի որդի Մելիզան, Գազկցի Կարապետի որդի Աբրահամ, Մելիջանենց Մաթոս, Մարտիրոսի որդի Նեկղոս (Նիկողոս), Յակոբ, Խումցի աղան, Դաւութ, Մուրադ, Սարգսի որդի Յովհան, Ակնցի Ասլան, Պետրոս եւ այլն: [170, էջ 28]

Յովհաննէս Զուղայեցիին Տիրեթում մնացել է անընդմէջ հինգ տարի, իւրացնելով տիրեթերէն լեզուն եւ մօտիկից ծանօթանալով այդ երկրի ժողովրդի բարքերի ու սովորութիւններին հետ: Նրա «Հաշւետումարը» մեծարժէք սկզբնաղբիւր է Իրան, Հնդկաստան, Նեպալ եւ Տիրեթ ներմուծւող ու արտածւող ապրանքներից գանձըւող մաքսերի չափը պարզելու, ապրանքների փոխադրման եղանակները որոշելու եւ յարակից այլ հարցեր լուսաբանելու առումով:

Ինչպէս նշւեց վերեւում, հայ վաճառականները աչքի ընկնող առեւտուր են ունեցել նաեւ Ինդոնեզիայի հետ: Որոշ տեղեկութիւնների համաձայն Նիդերլանդական Հնդկաստանի հայկական գաղութը հիմնադրւել է 1653 թ. խոշա Սոլիմա անունով մի վաճառականի կողմից, որը հաստատւել էր Մագասար քաղաքում: Դա հիմք է տալիս ենթադրելու, որ Ճաւայում եւ Ինդոնեզական միւս կղզիներում եւս հաստատւել էին հայ վաճառականներ: 1747 թ. մարտի 31-ին «Նիդերլանդական Օստ-Հնդկական ընկերութիւնը արձակում է յատուկ հրովարտակ, որով հայերին շնորհւում էր «Ազատ քաղաքացի» իրաւունքը, [322, էջ 6] որով նրանց իրաւունքները հաւասարեցւում էին եւրոպացիների իրաւունքներին»: [323, էջ 15]

Մեզ հասած տեղեկութիւններից պարզւում է, որ Նիդերլանդական Հնդկաստանում եւս ոչ նւազ քանակութեամբ հայեր, քան Բրիտանական Հնդկաստանում, վաճառականութեան ճանապարհով տիրացած են եղել մեծ հարստութեան: Դրանցից մէկն էր, օրինակ, Նոր Զուղայեցի վաճառական Յարութիւն Չաքարիան, որը ապրել ու գործել է Բատաւիայում: [323, էջ 16]

Կոստանդ Զուղայեցիին Հեռաւոր Արեւելեան Մալակայի, Տիմորի, Մակաոյի, Ինդոնեզական կղզիների կողքին յիշատակւում է Ֆիլիպինների կենտրոն Մանիլան որպէս առեւտրաշատ մի քաղաք, որտեղ լինում են հայ վաճառականներ: [324]

Առեւտրի համար Ֆիլիպիններ եկող հայերը գլխաւորապէս Զուղահայեր էին՝ Հնդկաստանի, Զինաստանի ու արեւելեան այլ երկրների առեւտրականներ: Գ. Ազոնցը Մանիլայի հին գաղթականութեան մասին գրում է, - «...Ոչ ոք, յազգաց, եւ ոչ յեւրոպացւոց կարող է անդ վաճառականութիւն առնել, բայց ի չինաց, Հնդկաց եւ հայոց»: Ղ. Ալիշանը գրում է, որ «ոմանք յօտար ազգաց կամեցեալ առեւտրութիւն առնել անդանօր, յանուն հայոց առնեն»: [37, էջ 468]

Մանիլայի Հայ փոքրիկ գաղթօջախը այս շրջանում հանդիսանում էր իւրօրինակ մի յենակէտ կամրջակ, կապող օղակ՝ Հեռաւոր Արեւելքի, Չինաստանի Հայ գաղթօջախների եւ Հնդկահայոց ու Նոր Զուղայի միջեւ: [166, հատ. ք., էջ 323]

18-րդ դարի վերջերին եւ 19-րդ դարի սկզբներին ասիական երկրներում տեղի ունեցած քաղաքական եւ սոցիալական ընդլիճի տեղաշարժերը բացասական ազդեցութիւն ունեցան Հայ գաղթօջախների ճակատագրի վրայ, որի հետեւանքով անկում ապրեց նաեւ Հայ վաճառականութիւնը, փակելով խոջայական կապիտալի պատմութեան երբեմնի փառաւոր էջերը:

ՎԵՐՋ

ԳՐԱԿԱՆՈՒԹԻՒՆ

- 1- Я.Манандян, О торговле и городах Армении в связи с торговлей древних времен, Ереван, 1954.
- 2- Տես Վ.Միքայելեան, Ղրիմի հայկական գաղութի պատմութիւն, Երեւան, 1964թ.:
- 3- Տես՝ Վ. Միքայելեան, Հայ-իտալական առնչութիւններ, Երեւան, 1974.:
- 4- Հ. Յակոբեան, Ուղեգրութիւններ, Հ.Ա.Ժգ-Ժգ դար, Երեւան 1932.:
- 5- Karl Jahn, Täbris ein mittelalterliches kulturzentrum zwischen Ost and West, Wien-Köln, 1968.
- 6- F. Pegolotti, La pratica della mercatura. Ed. by Evance, Mass. 1936.
- 7- Yule'. M.Gathay and the way thither, vol, II, London, 1866.
- 8- «ԺԵ դարերի հայերէն ձեռագրերի յիշատակարաններ: Մասն երկրորդ (1451 - 1480թ.թ.): Կազմեց Լ.Խաչիկեան, Երեւան, 1958:
- 9- Всемирная история, т.3.
- 10- W. Heyd, Histoire du Commerce du Levant au Moyen-Age, Amsterdam, 1967, т.II
- 11- Ф.Я. Полянский, Экономическая история зарубежных стран (эпоха феодализма), Москва, 1954.
- 12- Լեւո, Երկերի ժողովածու, 3-րդ հատրդ, Երեւան, 1969:
- 13- В.А. Байбуртян, Армянская колония Новой Джульфы в 17 веке. (Роль Новой Джульфы в ирано-европейских политических и экономических связях), Ереван, 1969.
- 14- Н. Inalcik, The Ottoman Economic Mind and Aspects of the Ottoman Economy,- " Studies in the Economic History of the Middle East, " London, 1970.
- 15- Иммануил Кант. Сочинения, т.6, Москва, 1966.
- 16- А.Д. Папазян, Аграрные отношения в Восточной Армении в 16-17 веках, Ереван, 1972.
- 17- Ա. Յովհաննիսեան, Դրագներ հայ ազատագրական մտքի պատմութեան, գիրք երկրորդ, Երեւան, 1959:
- 18- Մ.Մաշտոցի անւան Մատենադարան, ձեռագիր № 781, էջ 2-3:
- 19- P. Bedik, Cehil Sutun, Viennae, 1678.
- 20- Մ. Մաշտոցի անւան մատենադարան, ձեռագիր № 201, էջ 612 ք:
- 21- С.В.Тер-Аветисян, Город Джуга, Тифлис, 1937.

- 22- Hakluytus Posthumus or Purchas his Pilgrimes. Glasgow, 1906, MCMV, VIII.
- 23- Ա. Դավրիժեցի, պատմութիւն, Վաղարշապատ, 1896:
- 24- Herbert Busse, Untersuchungen zum Islamischen kanzleiwesen, kairo, 1959, urk. 1
- 25- Լեօ, Խոջայական կապիտալ, հ.1, Երեւան, 1934:
- 26- Woods, John E., The Ag-quyunlu. Clan, Confederation, Empire.
- 27- Վահան Բայրուրդեան, Իրանահայերի մասնակցութիւնը իրանա-եւրոպական հակաթուրքական դաշինք ստեղծելու փորձերում (16- 17-դ.դ) Գ-Ա «Լրաբեր հասարակական գիտութիւնների» ամսագիր, 1984, № 9:
- 28- Ղ. Ալիշան, Չայ- Վենետ, Վենետիկ, 1896:
- 29- G. Berchet, La Republica di Venezia e la Persia, Torino, 1865.
- 30- Халил Инальджик.Международные торговые пути и Османская империя. (Доклад на 5-ом международном конгрессе экономической истории в Ленинграде).Москва, 1970.
- 31- Բ. Սարգիսեան, Մայր ցուցակ հայերէն ձեռագրաց Մատենադարանի Մխիթարեանց ի Վենետիկ, հատ, II Վենետիկ, 1924:
- 32- "Chéref-Nameh", par Chéref-Ouddine, S. Petersbourg, 1873, t.II, partie I.
- 33- Չաքարեայ Սարկաւազի Պատմագրութիւն, Վաղարշապատ, 1870:
- 34- Արտավազդ արք. Միւրմէյեան, պատմութիւն Չալտփի հայոց՝ հ.3, Փարիզ, 1950:
- 35- Վահան Բայրուրդեան, Չայաստանի ազատագրութեան խնդիրը եւ ջողահայ առեւտրական բուրժուազիան 16-17 դարերում:
- 36- R. du Mans, Estat de la Perse en 1660, Paris, 1890.
- 37- Ղ. Ալիշան, Սիսական, Վենետիկ, 1893:
- 38- И.П.Петрушевский, Очерки по истории феодальных отношений в Азербайджане и Армении в 16-начале 19 в.в., Ленинград, 1949.
- 39- Richard Hakluyt. The principal Navigations, voyages, Traffics and discoveries of the English Nation, vol II , London, 1913, vol III Glasgow, 1903-1905.
- 40- John Cartwright, Voyage from Aleppo in Hispahana and back again. «Hakluytus posthumus or Purchase his Pilgrimes, " vol. 8 Glasgow, 1905.
- 41- اسکندر بیک ترکمان (منشی)، تاریخ عالم آرای عباسی، به سعی و اهتمام میرزا محمود خوانساری، تهران، ۱۳۱۳
- 42- И.П.Петрушевский, Очерки по истории феодальных отношений в Азербайджане и Армении в 16- начале 19 в.в., Ленинград, 1949.

- 43- V. Minorsky, Tadhkirat al-muluk, a manual of Safavid administration, London, 1943
- 44- H.F. Farmayan. The beginnings of modernization in Iran. The Policies and reforms of Shah Abbas I (1587-1629). Salt Lake City, Utah, 1969.
- 45- Ժ դարի Գայեթն ձեռագրերի յիշատակարաններ, հատ. Ա, № 321
- 46- В.А.Гордлевский, внутреннее состояние Турции во второй половине 16 в., „Труды Института Востоковедения АН СССР,, , сб. 2, 1940.
- 47- Hekmat [Mohammad Ali], Essai sur l'histoire des relations politiques Irano-Ottomanes de 1722-1747, Paris, 1937.
- 48- نصراثة فلسفی، زندگانی شاه عباس اول، جلد ۱، تهران، ۱۹۷۲-۱۹۵۲
- 49- کاظم صدر، تاریخ سیاست خارجی ایران، تهران، ۱۹۴۳
- 50- A. Gouvea, Histoire orientale des grands progres de L'Eglise catholique, Bruxelles, 1609.
- 51- Յարութիւն Տր-Յովհաննէանց, Պատմութիւն Նոր Ջուղայու, նոր Ջուղա, 1880:
- 52- A Chronicle of the Carmelites in Persia and the Papal Mission of the 17 and 18 centuries, vol. I London, 1939, vol II London, 1939.
- 53- Մ. Մաշտոցի անան Մատենադարան, ձեռ. № 2381, ք.թ. 252ք- 253ք:
- 54- R.W. Ferrier, The Armenians and the East India Company in Persia in the Seventeenth and Early Eighteenth Century. - Economic History Rewiew, 2nd Series, XXVI, 1973.
- 55- Дневник осады Испагани афганцами, веденный Петросом ди Саргис Гилянцем в 1722 и 1723г.г., СПб, 1870.
- 56- John Carswell, New Julfa, Armenian Churches and other buildings, Oxford, 1968.
- 57- Thomas Herbert, Travels in Persia, New York, 1929.
- ✓ 58- باستانی یاریزی، سیاست و اقتصاد در عصر سفاری
- 59- J.B. Tavernier, Les six voyages de Jean-Baptiste Tavernier en Turquie, en Perse et aux Indes, Paris, 1692.
- 60- Գ. Քիւրդեան, Ջուղայեցի խոջա նազար եւ իւր գերդաստանը, առանձնատիպ:
- 61- Voyages and Travels of the Ambassadors, London, 1662,
- 62- Tournefort, Pitton de, Relation d'un Voyage du Levant, Paris, 1718, t. II.
- 63- Roger Savori, Iran under the Safavids, Cambridge, 1980.
- 64- Pietro Della Valle, Reiss-Beschrei bung in unterchiedlichen Theilen der Welt, II, Cenf, 1674.
- 65- Bells travels in Asia. A General collection of the Best and Most interesting voyages and travels by John Pincerton, London, 1811.
- 66- رشید یاسمی، تاریخ ایران، تهران، ۱۳۲۲

- 67- Edward Denison Ross, Sir Anthony Sherley and His Persian Adventure, London, 1933.
- 68- Percy Sykes, A History of Persia, London, 1930, vol. II.
- 69- Sir Anthony Shirley, His relation of his travels into Persia, London, 1613.
- 70- L.L. Bellan, Chah Abbas I, Sa Vie, Son Histoire, Paris, 1932.
- 71- Thomas Herbert, Relation du voyage de Perse et des Indes Orientales, Paris, 1663.
- 72- Pietro della Valle, Voyages dans la Turquie, L'Égypte, La Palestine, La Perse, les Indes Orientales et autres lieux, t. IV, Rouen, 1745.
- 73- Niels Steensgaard, The Asian Trade Revolution of the Seventeenth Century. Chicago, 1973.
- 74- Gabriel Chicon, Relation nouvelle du Levant, Lyon, 1671.
- 75- Զ. Զիւրդեան, նիւբեր Վաճառականութեան պատմութեան (Դում մետաքսի առետուրը եւ հայերը) , առանձնատիպ:
- 76- Подробное описание путешествия Голштинского посольства в Московию и Персию в 1633, 1636 и 1639 г.г., составленное секретарем посольства Адамом Олеарием, Москва, 1870.
- 77- اسکندر بیگ ترکمان (منشی) و محمد یوسف مورخ، ذیل تاریخ عالم ارای عباسی بتصحیح سهیلی خوانساری، تهران، ۱۳۱۷
- 78- И.П.Петрушевский, Народное восстание в Гиляне в 1629г., „Ученые записки Института востоковедения,, , т.3, Москва 1951.
- 79- Գր. Դարանաղզի (Վամախեցի), Ժամանակագրութիւն, Երուսաղէմ, 1915:
- 80- Մ. Մաշտոցի անւան Սատենադարան, ձեռ. № 5994, էջ 3ա - 3բ.
- 81- Դուկաս Վանանդեցի, Բանալի համատարածի աշխարհացուցին մերոյ նորածնի, Ամստերդամ, 1696:
- 82- Դ.Ա. Սկրոդեր, Արամեան լեզուին գանձ, Ամստերդամ, 1711
- 83- «Արարատ» ամսագիր, էջմիածին, 1871թ.
- 84- Լեռ. Հայկական տպագրութիւն, Երկերի ժողովածու, հ.5, Երեւան, 1986:
- 85- Կարապետ Եպս. Ամատունի, Ոսկան Վարդապետ եւ իւր ժամանակը, Վենետիկ, Ս. Ղազար, 1975:
- 86- Chardin, Jean de, Voyage en Perse, Paris, 1811, t. II.
- 87- Գ. Վ. Գալեմբարեան, Կենսագրութիւններ, Վիեննա, 1915:
- 88- Մ.Վ. Ուղուլեան, Պատմութիւն հայոց գաղթականութեան եւ շինութեան եկեղեցւոյ նոցա ի Լիւոռնոյ քաղաքի, Վենետիկ, 1891:
- 89- P. Harris, An Aleppo Merchant Letter Book, - The British Museum Quarterly, 1960, v.22.
- 90- K.S. Papazian, Merchants from Ararat, New York, 1979.
- 91- Early voyages and travels in the Levant, London, 1893.

- 92- Արտաազդ արքեպիսկ. Սիրմեյեան, պատմութիւն Չալտաի հայոց, հատ. Բ., 1946:
- 93- A.K. Sanjian, *The Armenian Communities in Syria under Ottoman dominion*, Cambridge, 1965.
- 94- Ժե դարի հայերէն ձեռագրերի յիշատակարաններ: Մասն II (1451-1480թ.թ), կազմեց Լ.Ս. Խաչիկեան, Երեւան, 1958:
- 95- Ա. Սիրմեյեան, պատմութիւն Չալտաի ազգային գերեզմանատանց եւ արձանագիր հայերէն տապանաքարերու, Չալտա, 1935:
- 96- Սիմէոն դարի լեհացոյ Ուղեգրութիւն, Վիեննա, 1936:
- 97- *The Travels of Pedro Teixeira*, London, 1902:
- 98- S. Purchas, *His Piligrimes*, Glasgow, v,8, 1906.
- 99- *Estat de la Perse en 1660 par le P. Raphael du Mans, Superieur de la Mission des Capucins d'Ispahan, publié avec notes et Appendice, par Ch. Schefer*, Paris, 1890.
- 100- Չաքարիա Սարկաւազի պատմագրութիւն, Վաղարշապատ, 1870:
- 101- Վ. Փափազեան, Թաւրիզ-Զմիւռնիա առեւտրական մայրուղու Թաւրիզ-Էրզրում հատւածն ըստ Չաքարիա Ազուլեցու «Օրագրութեան»: ԳԱ «Լրաբեր հասարակական գիտութիւնների», 1983, № 8:
- 102- Չաքարիա Ազուլեցու օրագրութիւնը, Երեւան, 1938:
- 103- Ա. Ալպոյաճեան, պատմութիւն հայ գաղթականութեան (Քրիստոս առջ Զ դարէն մինչեւ ժԱ դարը Քրիստոսի), Գահիրէ, 1961:
- 104- «Բազմավէպ», 1928, № 7-8:
- 105- R. Mantran, *Foreign Merchants and Minorities in Istanbul during the sixteenth and Seventeenth Centuries.*- "Christians and Jews in the Ottoman Empire," New York - London, 1982.
- 106- George Sandys, *A Relation of a Journey began A.D. 1610*, London, 1627, vol.I.
- 107- Ա.Ա. Խառատեան, Զմիւռնիայի հայ վաճառականութիւնը միջազգային առեւտրում (17-18-րդ դդ), «պատմա-բանասիրական հանդէս», 1989, № 3 (126):
- 108- P. Masson, *Histoire du Commerce Français dans le Levant au XVII-è siècle*, Paris, 1896.
- 109- Մանր ժամանակագրութիւններ, 13-18-րդ, դդ. հ. 1, Երեւան, 1951:
- 110- K. Knorr, *British Colonial Theories 1570-1850*, Toronto, 1944.
- 111- *Calendar of state Papers. Colonial ser.*, 1601-1617, London, 1860-1930, № 590, 1622-1624.
- 112- G. Noradounghian, *Recueil d'actes Internationaux de l'Empire Ottoman*, T.I. Paris, 1897.
- 113- *Early English Tracts on Commerce*. Cambridge, 1954.
- 114- W. Scott, *The Constitution and Finance of English, Scottish and Irish Joint-Stock Companies up to 1720*, vol,2, Cambridge, 1912.

- 115- M. Epstein, The English Levant Company, London, 1908.
- 116- احمد تاج بخش، ایران در زمان صفویه، تبریز، ۱۹۷۱
- 117- Pouillet, Nouvelles relations du Levant, partie, I, II , Paris 1668.
- 118- Sanson, Voyage ou Relation de l'état present de Royaume de Perse, Paris, 1694.
- 119- Figueroa, Don Garcia, Ambassade en Perse, Paris, 1667.
- 120- Ricaut, Histoire de l'État present de l'Empire Ottoman, Paris, 1670.
- 121- Э. Бааш, История экономического развития Голландии в 16-18в.в., Москва, 1949.
- 122- Մ. Մաշտոցի անւան մատենադարան, ձեռ. № 8443:
- 123- «Հանդէս ամսօրեայ» 1934:
- 124- Մ. Մաշտոցի անւան մատենադարան, ձեռ. № 3280:
- 125- Մ. Մաշտոցի անւան մատենադարան, ձեռ. № 1149:
- 126- Մ. Մաշտոցի անւան մատենադարան, ձեռ. № 2229:
- 127- Յովհ. Արքիմեան, Նոր Ջուղայեցի հայերուն առևտուրը ժ դարուն, «Անահիտ», 1908:
- 128- Scharer, Histoire du Commerce de tous les Nations, Paris, 1857, t.2.
- 129- Lto, Երկերի ժողովածու, 5-րդ հատոր, Երևան, 1986:
- 130- H. Inalcik, The Ottoman Economic Mind and Aspects of the Ottoman Economy.- Studies in the Economic History of the Middle East, London, 1970.
- 131- Türk sanayi ve ticaret tarihinde Bursada ipekçilik Fahri Dalsar, Calisma vecaleti Kurulunda, Istanbul, 1960.
- 132- M. Herbetie, Une Ambassade Persane sous Louis XIV, d'après des documents inédites, Paris, 1907.
- 133- Очерки истории Италии, Москва, 1959.
- 134- Н.А. Смирнов, Россия и Турция в 16-17в.в., т.1 „Ученые записки,, , вып.94, Москва, 1946.
- 135- H. Castries, Les sources inedites de l'histoire du Maroc, T.3, Paris, 1912.
- 136- J. de Hammer, Histoire de l'Empire Ottoman depuis son origine jusqu'à nos jours, V2, Paris, 1844.
- 137- P. Pringle, Jolly Roger, New York, 1953.
- 138- Ա. Սարգսյան, Հոլանդիան եւ հայերը ժ-ժ դարերում , Վիեննա, 1926:
- 139- Fr. Macler, Quatre Conferénces sur l'Arménie et les Arméniens Faites en Hollande, Paris, 1932.
- 140- H. Watjen, die Niederländer im Mittelmeergebiet zur Zeit ihrer höchsten Machtstellung Abhande Z. Verkehrs und Seegeschichte, Bd. II, Berlin, 1909.
- 141- H. Dunlop, Source pour servir á l'histoire de la compagnie des Indes

Orientales et La Hay, 1930.

- 142- Н.Г. Куканова, Очерки по истории русско-иранских торговых отношений в 17- первой половине 19 в., Саранск, 1977.
- 143- Gay de Montanella R. Valoracion hispanica en el Mediterraneo, Marscile, 1952.
- 144- Ch. Périgot, Histoire du Commerce Français, Paris.
- 145- G. Tongas, les relations de la France avec l'Empire Ottoman durant la première moitié du XVII siècle, Toulouse, 1942.
- 146- J. W. Zinkeisen, Geschichte des Osmanischen Reiches in Europa, B, V. Gotha, 1856.
- 147- Théophil Lavallée, Histoire de L'Empire Ottoman, Paris, 1855.
- 148- Comte de Saint-Priest, Mémoire sur l'Ambassade de France en Turquie, Paris, 1877.
- 149- Ա. Ալպոյաճեան, պատմութիւն հայ զաղթականութեան, հատ.գ. Գահիրէ, 1961
- 150- Fr. Macler, Notes de manuscrits arméniens ou relatifs aux Arméniens, vus dans quelques bibliothèques de la péninsule iberique et du sud-est de la France. "Revue des Etudes Arméniennes", t. II, Paris, 1922.
- 151- P. Pacifique, Relation du voyage in Perse, Lille, 1632, t. II.
- 152- H. Samuelian, Les Arméniens, en France depuis les origines, jusqu'à nos jours. Le Foyer, III-ème année, No 35, Paris, 1 er Avril, 1930
- 153- V. Langlois, Le trésor des chartes d' Arménie, Venise, 1863.
- 154- R. S. Lopez, Medieval Trade in the Mediteranean World, New York, 1955.
- 155- П.М. Монтавес, Ислам и христианство в экономике Средиземноморья позднего средневековья. Доклад на 13 международном конгрессе исторических наук, Москва, 1970.
- 156- Ա. Սարուխան, Բելգիան եւ հայերը:
- 157- Ա. Ալպոյաճեան, պատմութիւն հայ զաղթականութեան, հատ, Բ., Կահիրէ, 1955:
- 158- Հրանտ Արմէն, ֆրանսահայ տարեգիրք, 1927:
- 159- Գ. Յովսէփեան, Յիշատակարանք:
- 160- G. Clark, The Barbary Corsair in the 17 century, - Cambridge Historical Journal, v, 8, 1944, no, 1
- 161- G. Fischer, Barbary Legend. War, Trade and Piracy in North Africa 1415 - 1830, Oxford, 1957.
- 162- Ю.Н.Барсегов, Дело королевского пирата Кидда , Историко-филологический журнал, 1986, No.3.
- 163- Н.Адонц, Из истории армянского вопроса, Научно-информационный бюллетень сектора Научной информации

- АН Армении, серия 3, Ереван, 1984.
- 164- R. Gulbenkian, Philippe et Zagly, Marchand Arménien de Julfa et l'établissement du commerce Persan en Courlande en 1696, Extrait de la "Revue des Etudes Arméniennes," Nouvelle série, tome VII, Paris, 1970.
- 165- Ը. Խաչիկեան, Նոր Ջուղայի հայ վաճառականութիւնը եւ նրա առեւտրատնտեսական կապերը Ռուսաստանի հետ 17-18-րդ դարերում, Երեւան, 1988:
- 166- Ա. Գ. Արրահամեան, Համառօտ ուրուագիծ հայ գաղթավայրերի պատմութեան, Ա. հատ. Երեւան, 1964:
- 167- Սիմոն դարի Լեհացոյ Ուղեգրութիւն.-« Հանդէս ամսօրեայ», 1934, № 3-4: Սիմոն Լեհացի, Ուղեգրութիւն, Վիեննա, 1936:
- 168- «Հանդէս ամսօրեայ» 1887:
- 169- Armenag Sarkisian, Pages d' Art Arménien, Paris, 1940
- 170- Յովհաննէս Տր-Դաւթեան Ջուղայեցոյ հաշիւտումարը: Կազմեցին Լ. Խաչիկեան եւ Յ. Փափազեան, Երեւան:
- 171- «Բազմալէպ», 1937:
- 172- Ch.D. Tékéian, Marseille, La Provence et les Arménien, Marseille, 1929.
- 173- Missac, Le Père Ottoman (1644-1676).- "Revue d' Histoire Diplomatique", Paris, 17-e année, 1903.
- 174- P. Pacifique, Relation du Voyage en Perse, Lille, 1632, T. II.
- 175- Н.Н.Розенталь, История Европы в эпоху торгового капитала, Ленинград, 1927.
- 176- Ա.Գ.Մ. Մասնակի պատմութիւն հայ մեծատուններու, Ստամբուլ, 1909:
- 177- A. Aubery, Histoire du Cardinal Mazarin, T. 3, Amsterdam, 1718.
- 178- E. Lavisse, Histoire de France depuis les origines jusqu'à la Révolution, V.5, Paris, 1911, 1^{er} part.
- 179- Р.Ю. Виппер, Четыре века европейской истории, Москва, 1924.
- 180- N. Rocca, La France en Orient depuis les Rois Francs jusqu'à nos jours: "Aperçu historique," Paris, Chalamel, 1876.
- 181- P. Clement, Histoire de la vie et de l'administration de Colbert, Paris, 1846.
- 182- Recueil des réglemens généraux et particulires concernant les manufactures, et fabriques du Royaume, T. 1, Paris, 1730
- 183- Հայկ Տր-Աստուածատրեանց, Հայ վաճառականութիւնը Ռուսիայում, Պարիս, 1906:
- 184- Percy Sykes, A history of Persia, vol, II London, 1951,
- 185- Fr. Macler, Mosaïques Orientales, Paris, 1907
- 186- Հայկական տպարան ի Մարտէլ,- «Բազմալէպ», 1891, հ. խթ, յունիս:
- 187- Դ. Անասեան, 17-րդ դարի ազատագրական շարժումները Արեւմտեան

- Հայաստանում, Երեւան, 1961:
- 188- S. Van Emdre, Historisch Berigt van alle de Gezindheden, Utrech, 1784.
- 189- S. Van Rooy, Armenian merchant habits as mirrored in 17-18-th century Amsterdam documents. «Revue des Etudes Arméniennes», N.S.P.t. III, 1966
- 190- R.A. Bekius, The Armenian community in Amsterdam in the 17-th and 18-th centuries. Integration and disintegration. Paper presented at the 1st conference of the Association Internationale d'Études arméniennes "Amsterdam", 1983.
- 191- H. Dunlop, Source pour servir á l'histoire de la compagnie des Indes Orientales et La Hay, 1930.
- 192- H. Castries, Les sources inedites de l'histoire du Maroc, T 3, Paris, 1912.
- 193- W. Monson, The Naval Tracts, London, 1902-1914, v.3.
- 194- Kr. Glamann, Dutsh-Asiatic trade. 1620-1770, Copenhagen- The Hague, 1958
- 195- Ռ.Վ. Կիւլպէնկեան, Հայ-պորտուգալական յարաբերութիւններ, Երեւան, 1986:
- 196- R. Gulbenkian, Les relations entre l'Arménie et le Portugal du Moyen Age au 16 siècle.- "Revue des études arméniennes", Paris, 1980. t 14.
- 197- A History of Oriental Rugs before 1800, London, 1896.
- 198- K. Bayani, Les relations de l'Iran avec l'Europe occidentale á l'époque Safavide, Portugal, Espagne, Angleterre, Holland et France [avec le document inédit], Paris 1937.
- 199- Հ. Քիւրտեան, Գորզը հայոց սէջ, Վենետիկ, Ս.Ղազար, 1947.
- 200- К.Патканов, Драгоценные камни, их названия и свойства по понятиям армян в 17 в., СПб, 1873.
- 201- Жаклин Пирен, Открытие Аравии, Пять веков путешествий и исследований, Москва 1970.
- 202- Մ. Մաշտոցի անան մտւենադարան, ձեռ № 5994
- 203- Н.К.Кривонос, Армянская колония во Львове в первой половине 17в., Львов, 1965.
- 204- K. Porter, Travels in Georgia, Persia, Armenia, ancient Babylonia, t.I, London, 1821.
- 205- Бернье Франсуа, История последних политических событий и переворотов в государстве Великого Могола, Москва-Ленинград, 1936.
- 206- Գ. Ազնից, Աշխարհագրութիւն չորից մասանց աշխարհի, Վենետիկ, 1802:
- 207- Б.А.Тураев, Из истории армяно-абиссинских отношений, СПб, 1912.

- 208- P. Rocco da Cesinale, Storia delle Missioni del Cappuccini, tomo III, Roma, 1873.
- 209- Աւետիք Բաղդասարեան Տիգրանակերտցոյ ուղեգրութիւնը, «Բազմալէս», 1897, քիւ 10:
- 210- Ա. Ալպոյանեան, Հայ եպիսկոպոսի մը առաքելութիւնը ի Հապէշխատան ժէ դարուն, Կահիրէ, 1946:
- 211- Լեօ, Երկերի ժողովածու, 5-րդ հատոր, Երեւան, 1986:
- 212- П.П.Бушев, Посольство Артемия Волынского, Москва, 1973.
- 213- П.П.Бушев, История посольств и дипломатических отношений русского и иранского государств в 1586-1612гг., Москва, 1976.
- 214- В.В.Бартольд, Арабские известия о русах. „Советское востоковедение., , 1, Москва-Ленинград, 1940.
- 215- Казанская история, Москва, 1957.
- 216- Լ. Ս. Խաչիկեան, Հայերը հին Մոսկւայում եւ Մոսկւա տանող ճանապարհների վրայ, «Բանբեր Մատենադարանի», հ. 13, Երեւան, 1980:
- 217- Историческое описание древнего Российского музея, Москва, 1807.
- 218- Библиотека иностранных писателей о России, т.1, СПб, 1836.
- 219- М.В.Фехнер, Торговля русского государства со странами Востока в 16 веке, Москва, 1952.
- 220- Н.Костомаров, Очерк торговли Московского государства в 16-17 столетиях, СПб, 1889.
- 221- "Rerum Moscoviticarum commentarii", sowie "Moskowiter Wunderbare Historien", Basel, 1967.
- 222- T. S. Willan, The early History of the Russia Company 1553-1603, Manchester, 1968.
- 223- Б.Г.Курц, Сочинение Кильбургера о русской торговле в царствование Алексея Михайловича, Киев, 1915.
- 224- С.И.Архангельский, Англо-голландская торговля с Москвой в 17 в. „Исторический сборник., , Москва-Ленинград, 1936, No.5.
- 225- Донесения посланников республики Соединенных Нидерландов при русском дворе. „Сборник Императорского общества., , т.116, СПб, 1902.
- 226- Хождение купца Федота Котова в Персию, Москва, 1958.
- 227- Байбуртян В.А., Посредническая роль новоджувльфинских купцов в дипломатических отношениях Ирана с западноевропейскими странами в начале 17 в.- „Краткие

- сообщения Института Народов Азии АН СССР., , 1964, No. 77.
- 228- L.L. Bellan, Chah Abbas, Sa vie, Son histoire, Paris, 1932.
- 229- Армяно-русские отношения в 17 в., сборник документов, т.1, Ереван, 1953.
- 230- И.А.Смирнов, Россия и Турция в 16 и 18 вв., Москва, 1946.
- 231- Е.С. Зевакин, Конфликт России в середине 17 столетия. „ Азербайджан в начале 18в., , Баку, 1929.
- 232- Վ. Սւկանեան, Հայ-ռուսական յարաբերութիւնները XVIII դարում, «Տեղեկագիր» Հ Ս Ս Հ Գ Ա հասարակական գիտութիւնների, 1948, No 1:
- 233- П.П. Смирнов, Экономическая политика Московского государства в 17 в., Киев, 1912.
- 234- Собрание актов, относящихся к обозрению истории армянского народа, ч.2, 1938.
- 235- В.К.Восканян, Армяно-русские экономические отношения в 17 в. (Роль армянского купечества в персидской торговле России). Кандидатская диссертация, Ереван, 1948.
- 236- Շ. Խաչիկեան, 1667թ. հայ-ռուսական առևտրական պայմանագիրը եւ Նոր Ջուղայի ինքնավար մարմինները: Առանձնատիպ «Հայկազեան հայագիտական հանդեսի» 8 հատորից, Պեյրուս, 1980:
- 237- М.Чулков, Историческое описание российской коммерции, Москва, 1786, т.2, кн.2.
- 238- Н.Г. Куканова, Роль армянского купечества в развитии русско-иранской торговли в последней трети 17 в. „Краткие сообщения Института Народов Азии., ,30, 1961.
- 239- Е.С. Зевакин, Персидский вопрос в русско-европейских отношениях в 17 в., „ Исторические записки., , 1940, т.8.
- 240- Г.А.Зедгинидзе, Из истории польско-русских дипломатических отношений с Ираном. (Деятельность Богдана Гурджицкого). Автореферат кандидатской диссертации, Тбилиси, 1971.
- 241- Центральный государственный архив древних актов(ЦГАДА) ф.79, 1669г., стб.No.23.
- 242- ЦГАДА, ф.100/1, кн. No.2,1666-1667.
- 243- ЦГАДА, ф.77/1, кн. 15.
- 244- ЦГАДА, ф.77/1, кн.1.
- 245- История дипломатии, т.1.
- 246- ЦГАДА, ф.77/1,1697, л.6; ф 77/2, 1673, грамота No. 54; ф. 77/1, кн.16, л.л. 92-93.
- 247- ЦГАДА, ф.77/1, кн. No.2,1675, л.283.
- 248- Полное описание законов Российской империи, т.1, No.539.

- 249- Посольство Кунраада Фан-Кленка к царям Алексею Михайловичу и Феодору Алексеевичу, СПб, 1900.
- 250- ЦГАДА, ф.100/1, кн. No.2, л.л.418-419.
- 251- ЦГАДА, ф.100, дело за 1676г.
- 252- ЦГАДА, ф.100,1686, дело No.5.
- 253- ЦГАДА, ф.1684, д.3, л.5; д.5, л.л. 1,6.
- 254- ЦГАДА, ф.77, оп.1,1690-1692, ед.хр.1, л.л. 58-59.
- 255- Մ. Մաշտոցի անւան մատենադարան, ծեռ, No 7383:
- 256- Л.А.Никифоров, Русско-английские отношения при Петре 1, Москва, 1950.
- 257- Армяно-русские отношения в первой трети 18в., том 2, ч.1, Ереван, 1964.
- 258- Գ. Քիրտեան, Գան էլղընի եւ Սընկոյ Կրահենի ուղեւորութիւնը Պարսկաստան 1739թ., արանձնատիպ:
- 259- ЦГАДА, Сношения России с Персией, 1716-1718г.г., No.2, л.208,233: No.3, л.л. 309-310.
- 260- ЦГАДА, Сношения России с Персией, 1716-1718г.г., No.3, л.л.318-319.
- 261- (Ф.И.Соймонов), Описание Каспийского моря и чиненных на оном российских завоеваний, яко часть истории государя императора Петра Великого, трудами тайного советника, губернатора Сибири Ф.И.Соймонова., СПб,1763.
- 262- И.А.Линниченко, Черты из истории сословий в Юго-западной Галицкой (Руси) 14-15в.в., „Ученые записки Императорского Московского университета,“, вып.20, Москва, 1894.
- 263- Zakvzewska - Dubasova Miroslava, Ormianie W dawney polsce, Wydawnictwo Lubelskie, 1982.
- 264- Ի. Ա. Լիննիչենկո, Լեհաստանի եւ արեւմտեան-հարավային Ռուսիայի հայերը, Մոսկւայ, 1894:
- 265- Մ. Լ. Յովհաննիսեան, Ուրւագօժեր Լեհաստանի եւ Արեւմտեան Ուկրանիայի հայկական գաղթավայրերի պատմութեան, Երեւան, 1977:
- 266- F. Bischoff, Urkunde Zur Geschichte der Armenier in Lemberg, Wien, 1864.
- 267- Г.Келленбенц, Континентальная торговля между восточной и западной Европой в 15в. до начала эпохи железных дорог. „ 5 международный конгресс экономической истории,“ Ленинград, 10-14 августа, 1970г., Москва,1970.
- 268- Պրոնիսլովա Քեորրիվեան, Լեհաստանի հայերը, «Սիոն», 1934, Յուլիս:
- 269- W. Lozinski, Patrycyeti Mieszczanstwo, "Airenik", 7, No 10.

- 270- Ե. Անջելեսկու, Ռուսներու տնտեսական պատմութիւնը (ցիւտած է ըստ Ա.Գ. Արրահամեանի Համառօտ ուրագիծ հայ գաղթավայրերի պատմութեան աշխատութեան, հ.Ա.)
- 271- Ռ. Արրահամեան, Անւանք քաղաքաց Հնդկաց եւ պարսից: «Քանթեր Մատենադարանի», Երեւան, 1958, № 4:
- 272- Տէյնս Ռասսէլ, Հայերն երկու արձանագրութիւն Պակիստանի Զիարաք քաղաքից, « Պատմա-բանասիրական հանդէս», 1989, No 3 (126):
- 273- M. Seth, History of the Armenians in India, Calcutta, 1895.
- 274- Թ. Գուշակեան, Հնդկահայք, Երուսաղէմ, 1941:
- 275- M. J. Seth, Armenians in india from the Earlies times to the Present day, Calcutta, 1937.
- 276- C. Martin, The Armenian Community in India, (ա.ս.) 1958.
- 277- С.В.Тер-Аветисян, Материалы по истории армянской колонии Индии. „Научные труды Ереванского госуд. университета„, , т.13, Ереван,1949.
- 278- Новая история Индии, Москва,1961.
- 279- Riazul Islam, Indo-Persian Relations, A Study of the Political and diplomatic relations between the Mughul Empire and Iran, Lahore, 1970.
- 280- فرهنگ جغرافی ایران, جلد ۳, تهران, ۱۳۲۵
- 281- Arnold T. Wilson, The Persian Gulf, London, 1954.
- 282- R. Vadala, Le Golfe Persique, Paris, 1920.
- 283- ابرالقاسم سحاب, تاريخ زندگانی شاه عباس کبير, بخش اول تهران, ۱۳۲۵
- 284- G. N. Curzon, Persia and the Persian Question, Vol. 2, London, 1892.
- 285- Պ. Լ. Ձեքիեան, Խոջա Սաֆար՝ Հահ Աբբասի դեսպան Վենետիկի մէջ: «Պատմա-բանասիրական հանդէս», 1983, №1:
- 286- G. Birdwood and W. Foster, The Register of Letters, of the Governor and Company of Merchants of London trading into the East Indies (1600-1619), London, 1893.
- 287- مقدمت غلام حسن, کلید خلیج فارس, تهران, ۱۳۲۲
- 288- بایستور, خلیج فارس, تهران ۱۳۱۷
- 289- نصرالله فلسفی, تاریخ روابط ایران و اروپا در دوره صفویه, قسمت اول, تهران, ۱۹۴۷
- 290- Гиббинс, Очерк истории английской торговли и колонии, СПб,1899.
- 291- L. Lockart, The Fall of the Safavi Dynasty and the Afghan Occupation of Persia, Cambridge, 1958.
- 292- John Fryer, „A New Account of East India and Persia, 1672-1681, vol. II, Nendeln, Liechtenstein, 1967- vol. II
- 293- Новая история стран зарубежного востока, т.1.
- 294- М.Поло, книги Марко Поло, Москва, 1955.

- 295- W. Foster, England's Quest of Eastern Trade, London, 1933.
- 296- «The Cambridge Hlstory of India», vol, 5, Cambridge, 1932.
- 297- Thomas Herbert., Travels in Persia, New York, 1929.
- 298- Франсуа Бернье, „История последних политических событий и переворотов в государстве Великого Могола., , Москва-Ленинград, 1936.
- 299- W. H. Moreland, India at the Death of Akbar, An Economic Study, London, 1920.
- 300- Н.Н.Туманович, „Европейские державы в Персидском заливе в 16-19в.в., , Москва, 1982.
- 301- Bruce, Annales of the Honorable East-India Company, Vol 2-3, London, 1810.
- 302- «Երոսի», Վիեննա, 1858:
- 303- К.З.Ашрафян, К вопросу о просветительском течении среди представителей армянского купечества в Индии в 70-80-х годах 18 в. „Проблемы истории Индии и стран Среднего Востока., ,Москва, 1972.
- 304- P. Gosse, The Pirates. London, 1877.
- 305- Ս. Տէր Ս.Գրիգորեան, Հայր ի հարաւային Հնդկաստան, Վենետիկ, Ս. Ղազար, 1922:
- 306- „Всемирная история., , т.5, Москва, 1958.
- 307- «Ազգատէր», հ.2, № 37,38, 39, Վալկարա, 1846.
- 308- H. B. Morse, The chronicles of the East India company trading to China, Oxford, 1926, V.1
- 309- К.Н.Татаринаова, „Очерки по истории Англии., ,Москва,1958.
- 310- "The westerners among the figurines of the Tang dynasty of the China", by Jane Gaston Mahler, Roma, XX, 1959.
- 311- Н.Я.Март, „Надгробный камень из Семиречия с армянско-сирийской надписью 1373г., , „ЗВОАО., , том 8.
- 312- В.В. Бартольд, „Очерк истории Семиречия., , Фрунзе, 1949.
- 313- Լ. Խաչիկեան, Հայոց պատմագրութեան անյայտ էջերից: «Պատմա-րաբանասիրական հանդես», 1972, № 4:
- 314- "Les Arméniens en Chine et en Asie Centrale au Moyen Age". (Mélanges de sinologie offerts à M. Paul Demieville), II, Paris, 1974.
- 315- Н. Спафарий, „Описание первая части вселенныя, именуемой Азии, в ней же состоит китайское государство с прочими его городаы и провинции., , Казань,1910.
- 316- Дж.Е.Холл, „История Юго-Восточный Азии., , Москва, 1958.
- 317- А.Х.Тер-Мкртчян и А.К.Мкртчян, „Из истории армянской

- общины в Бирме, „Народы Азии и Африки,, , No.3, 1961.
- 318- Մ. Գասպարեան, Բիրմայի հայ գաղութը, «Նոր ազդարար», Չայկարան, 1950, No 1
- 319- Յ.Գ. Ազոնց, Աշխարհագրութիւն չորից մասանց աշխարհի, մասն I, հ. IV, Վենետիկ, 1805.
- 320- «Սիոն», Երուսաղեմ, 1959:
- 321- Մ. Մաշտոցի անւան Մատենադարան, ծեռ, No 10704, էջ 36 ա:
- 322- G. Paulus, Short history of the Armenian community in Netherlands India, Calcutta.
- 323- Գորղ. Տէր-Յորդանանեան, Նետրլանդական Արեւելեան Դնդկաստանայ հայ գաղութի պատմութիւնը սկզբէն մինչ մեր օրերը, Երուսաղեմ, 1937:
- 324- Մ. Մաշտոցի անւան Մատենադարան, ծեռ. No 5684, ք. 2բ:
- 325- Վ. Բայրուրդեան, Գայերը եւ Լեւանտեան առեւտուրը 17-րդ դարում, ԳՍՄԳ ԳԱ «Պատմա-բանասիրական համդէս», 1985, No 2 (109), էջ 103-117



Հեղինակը իր երախտագիտութիւնն է յայտնում պրն. Էդիկ Բաղդասարեանին (Գերմանիկ) սոյն գիրքը հայերէնից պարսկերէն թարգմանելու առթիւ:

Նմանապէս իր խորին շնորհակալութիւնն է յայտնում «Ջադիդ» (նախկին «մողեուն») տպարանի պաշտօնէութեանը գրքի հայերէն եւ պարսկերէն զուգընթաց տպագրութեան կապակցութեամբ:

Գրքի հայերէն կամ պարսկերէն տարբերակները ձեռք բերելու, կամ հեղինակի հետ կապւելու համար դիմել հետեւեալ հասցէով՝

C/O JADID (Ex. Modern) Printing House
Keshavarz Blvd., 47, North Felestin St.,
P.C. 14158 Tehran - Iran
Tel: 899607 - 898027 Fax: 892897

[Illegible text]



[Illegible text]

ՀԱՆՐԱՊԵՏԱՆԻ ԳԻՏ. ԳՐԱԴ. ԿԵՆՏՐՈՆ



FL0066173

18007

18007m.

~~A 11~~
86905

7